

Namo tassa bhagavato arahato sammāsambuddhassa

# Saṃyuttanikāye

## Nidānavaggaṭikā

### 1. Nidānasamṃyuttam

#### 1. Buddhavaggo

#### 1. Paṭiccasamuppādasuttavaṇṇanā

1. Dutiyasuttādīnipi paṭiccasamuppādavaseneva desitānīti āha “**paṭhamam paṭiccasamuppādasutta**”nti. **Tatrāti** padaṃ ye desakālā idha viharāṇakiriyāya viśesanabhāvena vuttā, tesam paridīpananti dassento “**yaṃ samayaṃ...pe... dīpeti**”ti āha. Tam-saddo hi vuttassa atthassa paṭiniddeso, tasmā idha desassa kālassa vā paṭiniddeso bhavitum arahati, na aññassa. Ayaṃ tāva tatraśaddassa paṭiniddesabhāve atthavibhāvanā. Yasmā pana īdisesu ṭhānesu tatraśaddo dhammadesanāvīṭṭham deśam kālañca vibhāveti, tasmā vuttam “**bhāsītabbayutte vā desakāle**”ti. Tena **tatrāti** yattha bhagavā dhammadesanattam bhikkhū ālapi abhāsi, tādise dese, kāle vāti attho. **Na hīti**ādīnā tamevattham samattheti.

Nanu ca yattha ṭhito bhagavā “akālo kho tāvā”tiādīnā bāhiyassa dhammadesanam paṭikkhipi, tattheva antaravīthiyam ṭhitova tassa dhammam desesīti? Saccametaṃ. Adesetabbakāle adesanāya hi idaṃ udāharaṇam. Tenāha “**akālo kho tāvā**”ti. Yam pana tattha vuttam “antaragharam pavīṭṭhamhā”ti, tampi tassa akālabhāvasseva pariyāyena dassanattam vuttam. Tassa hi tadā addhānaparissamena rūpakāye akammaññatā ahoṣi, balavapītivegena nāmakāye. Tadubhayassa vūpasamam āgamento papañcaparihārattham bhagavā “akālo kho”ti pariyāyena paṭikkhipi. Adesetabbadese adesanāya pana udāharaṇam “atha kho bhagavā maggā okkamma aññatarasmim rukkhāmūle nisīdi, viharato nikkhamitvā viharapacchāyāyam paññatte āsane nisīdi”ti evamādikaṃ idha **ādisaddena** saṅgahitaṃ. “Sa kho so bhikkhave bālo idha pāpāni kammāni karitvā”ti evamādīsu (ma. ni. 3.248) padapūraṇamatte **kho**-saddo, “dukkham kho agāravo viharati appatisso”tiādīsu (a. ni. 4.21) avadhāraṇe, “kittāvātā nu kho, āvuso, satthu pavivittassa viharato sāvakā vivekam nānusikkhanti”tiādīsu (ma. ni. 1.31) ādikālatthe, vākyārambheti attho. Tattha padapūraṇena vacanālaṅkāramattam kataṃ hoti, ādikālatthena vākyassa upaññāsamattam, avadhāraṇatthena pana niyamadassanam. “Tasmā āmantesi evā”ti āmantane niyamo dassito hotīti.

“**Bhagavāti lokagarudīpana**”nti kasmā vuttam, nanu pubbe “bhagavā”ti padaṃ vuttanti? Yādipi pubbe vuttam, tam pana yathāvuttaṭṭhāne viharāṇakiriyāya kattuvīśesadassanaparam, na āmantanakiriyāya, idha pana āmantanakiriyāya, tasmā tadattam puna bhagavāti pāliyam vuttanti. Tassattam dassetuṃ “**bhagavāti lokagarudīpana**”nti āha. **Kathāsavanayuttapuggalavacananti** vakkhamānāya paṭiccasamuppādadesanāya savanayogyapuggalavacanam. Catūsipi parisāsu bhikkhū eva edisānam desanānam viśesena bhājanabhūtāti sātīsayena sāsanasampañiggāhakabhāvadassanattam idha bhikkhugahaṇanti dassetvā idāni saddattam dassetuṃ “**apicā**”ti āha. Tattha **bhikkhakoti bhikkhūti** bhikkhanasīlattā bhikkhanadhammattā bhikkhūti attho. **Bhikkhācariyam ajjhupagatoti** buddhādīhipi ajjhupagatam bhikkhācariyam uñchācariyam ajjhupagatattā anuṭṭhitattā bhikkhu. Yo hi koci appam vā mahantam vā bhogakkhandham pahāya agārasmā anagāriyam pabbajito, so kasigorakkhādīhi jīvikakappanam hitvā līngasampañicchaneneva bhikkhācariyam ajjhupagatattā bhikkhu. Parapaṭibaddhajīvikattā vā viharāmajjhe kājabhattam bhujjāmanopi bhikkhācariyam

ajjhupagatoti bhikkhu piṇḍiyālopabhojanam nissāya pabbajjāya ussāhajātattā vā bhikkhācariyam ajjhupagatoti bhikkhūti evamettha attho daṭṭhabbo.

**Ādinā nayanāti** “bhinnapaṭadharoti bhikkhu, bhindati pāpake akusale dhammeti bhikkhu, bhinnattā pāpakānam akusalānam dhammānam bhikkhū”tiādīnā **vibhaṅge** (vibha. 509) āgatanayena. **Ōpaneti** avabodhane, paṭivedaneti attho. **Bhikkhanasīlatā**, na kasivāṇijjādīhi jīvanasīlatā. **Bhikkhanadhammatā** “uddissa ariyā tiṭṭhantī”ti (jā. 1.7.59) evam vuttabhikkhanasabhāvātā, na yācanākoḥaṇṇasabhāvātā. **Bhikkhane sādhuḁarītā** “uttitṭhe nappamajjeyyā”ti (dha. pa. 168) vacanam anussaritvā tattha appamajjatā. Atha vā **sīlam** nāma pakatisabhāvo. Idha pana tathādhiṭṭhānam. **Dhammoti** vatam. Apare pana “**sīlam** nāma vatavasena samādānam. **Dhammo** nāma pavēni-āgatam cārittam. **Sādhuḁarītā** sakkaccakāritā ādarakiriya”ti vaṇṇenti.

**Hīnādhikajanasevitavuttinti** ye bhikkhubhāve ṭhitāpi jātimadādivasena uddhatā unnaḁā, ye ca gihibhāve paresu atthikabhāvampi anupagatatāya bhikkhācariyam paramakāpaṇṇam maṇṇanti, tesam ubhayesampi yathākkamam “bhikkhavo”ti vacanena hīnajanehi daliddehi paramakāpaṇṇatam pattehi parakulesu bhikkhācariyāya jīvikam kappentehi sevitam vuttim pakāsento uddhatabhāvaniggaham karoti, adhikajanehi ulārabhogakhattiyakulādito pabbajitehi buddhādīhi ājīvasodhanattham sevitam vuttim pakāsento dīnabhāvaniggaham karotīti yojetabbam. Yasmā “bhikkhavo”ti vacanam āmantanabhāvato abhimukhīkaraṇam, pakaraṇato sāmattiyato ca sussūsājananam, sakkaccasavanamanasikāranīyojanaṇca hoti, tasmā tamattham dassento “**bhikkhavoti iminā**”tiādīmāha.

Tattha **sādhukam manasikārepīti** sādhukam savane sādhukam manasikāre ca. Katham pavattitā savanādayo sādhukam pavattitā hontīti? “Addhā imāya paṭipattiyā sakalasāsanasampatti hatthagatā bhavissati”ti ādaragāravayogena kathādīsū aparibhavādīnā ca. Vuttaṇhi “paṇcahi, bhikkhave, dhammehi samannāgato suṇanto saddhammam bhabbo niyāmam okkamitum kusalesu dhammesu sammattam. Katamehi paṇcahi? Na katham paribhoti, na kathikam paribhoti, na attānam paribhoti, avikkhattacitto dhammam suṇāti ekaggacitto, yoniso ca manasi karoti. Imehi kho, bhikkhave, paṇcahi dhammehi samannāgato suṇanto saddhammam bhabbo niyāmam okkamitum kusalesu dhammesu sammatta”nti (a. ni. 5.151). Tenāha “**sādhukam manasikārayattā hi sāsanasampatti**”ti. **Sāsanasampatti** nāma sīlādīnipphatti. **Paṭhamam uppannattā** adhigamavasena. **Satthucariyānuvidhāyakattā** sīlādiguṇānuṭṭhānena. Tiṇṇam yānānam vasena anudhammapaṭipattisambhavato **sakalasāsanapaṭiggāhakattā**.

**Santikattāti** samīpabhāvato. **Santikāvacarattāti** sabbakālam saṃvuttibhāvato. **Yathānusiṭṭhanti** anusāsaniyānurūpaṃ, anusāsaniṃ anavasesato paṭiggahetvāti attho. **Ekacce bhikkhūti** ye paṭiccasamuppādadhamme desanāpasutā, te. Pubbe “sabbaparīsasādhāraṇā hi bhagavato dhammadesanā”tiādīnā bhikkhūnam eva āmantanakāraṇam dassetvā idāni bhikkhū āmantetvā dhammadesanāya payojanam dassetum **kimattham pana bhagavāti** codanam samuṭṭhāpeti. Tattha **aṇṇam cintentāti** aṇṇavihitā. **Vikkhattacittāti** asamāhitacittā. **Dhammam paccavekkhantāti** hiyyo tato parādīvesesu vā sutadhammam paṭi manasā avekkhantā. Bhikkhū āmantetvā dhamme desiyamāne ādito paṭṭhāya desanam sallakkhetum sakkotīti imamevattham byatirekamukhena dassetum “**te anāmantetvā**”tiādi vuttam.

**Bhikkhavoti** ca sandhivasena i-kāralopo daṭṭhabbo “bhikkhavo itī”ti, ayaṇhi itisaddo hetuparisamāpanādīpadatthavipariyāyapakāravadhāraṇanidassanādīnekatthapabhedo. Tathā hesa “ruppatīti kho, bhikkhave, tasmā ‘rūpa’nti vuccatī”tiādīsū (saṃ. ni. 3.79) hetumhi dissati, “tasmātiha me, bhikkhave, dhammadāyādā bhavatha, mā āmisadāyādā”tiādīsū (ma. ni. 1.29) parisamāpane, “iti vā evarūpā visūkadassanā paṭivirato”tiādīsū (dī. ni. 1.13) ādiatthe “māgaṇḍiyoti tassa brāhmaṇassa saṅkhā samaṇṇā paṇṇatī vohāro nāmam nāmakammam nāmadheyyam nirutti byaṇṇanam abhilāpo”tiādīsū (mahāni. 73, 75) padatthavipariyāye, “iti kho, bhikkhave, sappātibhayo bālo, appaṭibhayo paṇḍito.

Saupaddavo bālo, anupaddavo paṇḍito”tiādīsu (ma. ni. 3.124) pakāre, “atthi idappaccayā jarāmarañanti iti puṭṭhena satā, ānanda, atthītissa vacanīyaṃ. Kiṃ paccayā jarāmarañanti iti ce vadeyya, jātipaccayā jarāmarañanti iccassa vacanīya”ntiādīsu (dī. ni. 2.96) avadhāraṇe, “sabbamatthīti kho, kaccāna, ayameko anto, sabbam natthīti ayam dutiyo anto”tiādīsu (saṃ. ni. 2.15; 3.90) nidassane. Idhāpi nidassane eva daṭṭhabbo. **Bhikkhavoti** āmantanākāro tamesa iti-saddo nidasseti “bhikkhavoti āmantesī”ti. Iminā nayena **bhaddanteti**tiādīsupi yathārahaṃ itisaddassa attho veditabbo.

Pubbe “bhagavā āmantesī”ti vuttattā bhagavato paccassosunti idha bhagavatoti sāmivacanaṃ āmantanameva sambandhīantaraṃ apekkhatīti iminā adhippāyena “**bhagavato āmantanaṃ paṭiassosu**”nti vuttaṃ. **Bhagavatoti** idaṃ pana paṭissavasambandhena sampadānavacanaṃ. Ettāvātā yaṃ kāladesadesakaparisāpadesaṭiṃaṇḍitaṃ nidānaṃ bhāsītanti sambandho. Etthāha – kimatthaṃ pana dhammavinayaśaṅgahe kariyamāne nidānavacanaṃ, nanu bhagavatā bhāsītavacanasseva śaṅgaho kātabboti? Vuccate – desanāya ṭhitiasammosasaddheyyabhāvasampādanatthaṃ. Kāladesadesakanimittaparisāpadesehi upanibandhitvā ṭhapitā hi desanā ciraṭṭhitikā hoti asammosadhammā saddheyyā ca, desakālakattusotunimittehi upanibandho viya vohāraviniṅchayo. Teneva cāyasmātā mahākassapena “paṭiccasamuppādasuttaṃ, āvuso ānanda, kattha bhāsita”ntiādīnā desāḍipucchāsu katāsu tāsam vissajjanaṃ karontena dhammabhaṇḍāgārikena “evaṃ me suta”nti āyasmātā ānandena imassa suttassa nidānaṃ bhāsitaṃ.

Apica satthu sampattipakāsanatthaṃ nidānavacanaṃ. Tathāgatassa hi bhagavato pubbaracanānumānāgamatakkābhāvato sammāsambuddhabhāvasiddhi. Na hi sammāsambuddhassa pubbaracanādīhi attho atthi, sabbattha appaṭihatañānacāratāya ekappamañattā ca ñeyyadhammesu. Tathā ācariyamuṭṭhidhammacchariyasatthusāvakanurodhābhāvato khīṇāsavattasiddhi. Na hi sabbaso khīṇāsavassa te sambhavantīti suvisuddhā cassa parānuggahappavatti, evaṃ desakasamkilesabhūtānaṃ diṭṭhisīlasampadādūsakānaṃ avijjātaṇhānaṃ accantābhāvasaṃsūcakehi ñāṇasampadāpahānasampadābhibyañjanakehi ca sambuddhavisuddhabhāvehi purimavesārajjadvayasiddhi, tato eva ca antarāyikanīyānikadhammesu sammohābhāvasiddhito pacchimavesārajjadvayasiddhīti bhagavato catuvesārajjasamannāgamo attahitaparahitapaṭipatti ca nidānavacaneṃa pakāsītā hoti, tattha tattha sampattaparīsāya ajjhāsayanurūpaṃ ṭhānuppattikapaṭiḥhāneṃa dhammadesanādīpanato, idha pana mūladvayavasena antadvayarahitassa tisandhikālabandhassa catubbidhanayasaṅkhepagambhīrabhāvayuttassa paṭiccasamuppādassa bodhiyā nidassanato cāti yojetabbaṃ. Tena vuttaṃ “satthu sampattipakāsanatthaṃ nidānavacana”nti.

Tathā sāsanasampattipakāsanatthaṃ nidānavacanaṃ. Ñāṇakarūṇāpariggahitasabbakiriyassa hi bhagavato natthi niratthikā pavatti, attahitatthā vā, tasmā paresaṃ eva atthāya pavattasabbakiriyassa sammāsambuddhassa sakalampi kāyavacīmanokammaṃ yathāpavattaṃ vuccamānaṃ diṭṭhadhammikasamparāyikaparamatthehi yathārahaṃ sattānaṃ anusāsanaṭṭhena sāsanam, na kabbaracānā. Tayidaṃ sathucaritaṃ kāladesadesakaparisāpadesehi saddhiṃ tattha tattha nidānavacanehi yathārahaṃ pakāsīyati, idha pana dvādasapadikapaccayākāravibhāvanena tena. Tena vuttaṃ “sāsanasampattipakāsanatthaṃ nidānavacana”nti.

Apica satthu pamāṇabhāvappakāsanena sāsanassa pamāṇabhāvadassanatthaṃ nidānavacanaṃ, tañcassa pamāṇabhāvadassanaṃ heṭṭhā vuttanayānusāreṃa “bhagavā”ti ca iminā padena vibhāvītanti veditabbaṃ. “Bhagavā”ti ca iminā tathāgatassa rāgadosamohādi-sabbasaṃkilesamaladuccaritādidosaṃpāhānadīpanena vacaneṃa anaññasādhāraṇasuparisuddhañāṇakarūṇādiguṇavisesayogaparidīpanena tato eva sabbasattuttamabhāvādīpanena ayamattho sabbathā pakāsīto hotīti. Idamettha nidānavacane payojananidassanaṃ.

**Nikkhittassāti** desitassa. Desanāpi hi desetabbassa sīlādīatthassa vineyyasantānesu nikkhipanato “nikkhepo”ti vuccatīti “suttanikkhepaṃ tāva vicāretvā vuccamānā pākāṭā hoti”ti sāmāññato bhagavato

desanāya samuṭṭhānassa vibhāgaṃ dassetvā “*etthāyaṃ desanā evaṃsamuṭṭhānā*”ti desanāya samuṭṭhāne dassite suttassa sammadeva nidānaparijānanena vaṇṇanāya suviññeyyattā vuttaṃ. Tato heṭṭhā “*kasmā bhagavatā paṭiccasamuppādaseneva desanā āradhā*”ti kenaci codanāya katāya “*parajjhāsayoyaṃ suttanikkhepo*”ti parihāro sukathito hoti. Tattha yathā anekasataanekasahassabhedānīpi suttantāni saṃkilesabhāgiyādīpadhānanayena soḷasavidhatam nātivattanti, evaṃ attajjhāsayādisuttanikkhepavasena catubbidhabhāvanti āha “**cattāro hi suttanikkhepā**”ti. Ettha ca yathā attajjhāsayassa aṭṭhuppattiyā ca parajjhāsayapucchāhi saddhiṃ saṃsaggabhedo sambhavati “*attajjhāsayo ca parajjhāsayo ca, attajjhāsayo ca pucchāvasiko ca, attajjhāsayo ca parajjhāsayo ca pucchāvasiko ca, aṭṭhuppattiko ca parajjhāsayo ca, aṭṭhuppattiko ca pucchāvasiko ca, aṭṭhuppattiko ca parajjhāsayo ca pucchāvasiko ca*”ti ajjhāsayapucchānusandhisambhavato, evaṃ yadīpi aṭṭhuppattiyā ajjhāsayenapi saṃsaggabhedo sambhavati, attajjhāsayādīhi pana purato ṭhitehi aṭṭhuppattiyā saṃsaggo natthīti. Nayidha niravaseso vitthāranayo sambhavatīti “*cattāro hi suttanikkhepā*”ti vuttaṃ. Tadantogadhattā vā sambhavantānaṃ sesanikkhepānaṃ mūlanikkhepavasena cattārova dassitā, tathādassanañcetta ayaṃ saṃsaggabhedo gahettabboti.

Tatrāyaṃ vacanatto – nikkhipīyatīti nikkhepo, suttam eva nikkhepo **suttanikkhepo**. Atha vā nikkhipānaṃ nikkhepo, suttassa nikkhepo **suttanikkhepo**, suttadesanāti attho. Attano ajjhāsayo attajjhāsayo, so assa atthi kāraṇabhūtoti **attajjhāsayo**. Attano ajjhāsayo etassāti vā **attajjhāsayo**. **Parajjhāsayepi** eseva nayo. Pucchāya vasena pavattadhammo etassa atthīti, **pucchāvasiko**. Suttadesanāya vatthubhūtaṃ atthassa uppatti atthuppatti, atthuppattiyeva aṭṭhuppatti, sā etassa atthīti **aṭṭhuppattiko**. Atha vā nikkhipīyati suttam etenāti suttanikkhepo, attajjhāsayādi eva. Etasmiṃ pana atthavikappe attano ajjhāsayo attajjhāsayo. Paresaṃ ajjhāsayo parajjhāsayo. Pucchīyatīti pucchā, pucchitvā nātabbo attho. Tassa pucchāvasena pavattaṃ dhammapaṭiggāhakānaṃ vacanaṃ pucchāvasikaṃ, tadeva nikkhepasaddāpekkhāya pulliṅgavasena “*pucchāvasiko*”ti vuttaṃ. Tathā aṭṭhuppatti eva aṭṭhuppattikoti evampettha attho veditabbo.

Apicetta paresaṃ indriyaparipākādikāraṇanirapekkhattā attajjhāsayassa viṣuṃ suttanikkhepabhāvo yutto kevalaṃ attano ajjhāsayeneva dhammatantiṭhapanatthaṃ pavattitadesanattā. Parajjhāsayapucchāvasikānaṃ pana paresaṃ ajjhāsayapucchānaṃ desanāpavattihetubhūtaṃ uppattiyam pavattitānaṃ kathaṃ aṭṭhuppattiyam anavarodho, pucchāvasikaatthuppattikānaṃ vā parajjhāsayānurodhena pavattitānaṃ kathaṃ parajjhāsaye anavarodhoti? Na codetabbametam. Paresāhi abhinīhāraparipucchādivinimuttasseva suttadesanākāraṇuppādassa aṭṭhuppattibhāvena gahitattā parajjhāsayapucchāvasikānaṃ viṣuṃ gahaṇam. Tathā hi brahmajālādhammadāyādasuttādīnaṃ vaṇṇavaṇṇaāmisuppādādīdesanānimittaṃ “*aṭṭhuppattī*”ti vuccati. Paresaṃ puccham vinā ajjhāsayam eva nimittaṃ katvā desito parajjhāsayo, pucchāvasena eva desito pucchāvasikoti pākaṭovāyamatthoti. **Attano ajjhāsayeneva katheti** dhammatantiṭhapanatthanti daṭṭhabbam. **Dasabalasuttantahāra**koti dasabalavagge anupubbena nikkhittānaṃ suttānaṃ āvali, tathā **candopamahāra**kādayo.

**Vimuttiparipācanīyā dhammā** saddhindriyādayo. **Ajjhāsayanti** adhimuttiṃ. **Khantinti** diṭṭhinījjhānakkhantiṃ. **Mananti** cittaṃ. **Abhinīhāra**nti paṇidhānaṃ. **Bujjhanabhāvanti** bujjanasabhāvaṃ, paṭivījjhanākāraṃ vā.

**Ugghaṭitaññūti ugghaṭanaṃ** nāma ñāṇugghaṭanaṃ, ñāṇena ugghaṭitamatte eva dhammaṃ jānātīti attho. Vipāñcitaṃ vitthāritameva atthaṃ jānātīti **vipañcitaññū**. Uddesādīhi netabboti **neyyo**. Byañjanapadaṃ paramaṃ assāti **padaparamo**. **Saha udāhaṭavelāyā**ti udāhāradhammassa uddese udāhaṭamate eva. **Dhammābhisamayoti** catusaccadhammassa ñāṇena saddhiṃ abhisamayogo. **Ayam vuccatīti** ayam “*cattāro satipaṭṭhānā*”tiādīnā nayena saṃkhittena mātikāya ṭhapiyamānāya desanānusārena ñāṇaṃ pesetvā arahattaṃ gaṇhituṃ samattho puggalo “*ugghaṭitaññū*”ti vuccati. **Ayam vuccatīti** ayam saṃkhittena mātikaṃ ṭhapatvā vitthārena atthe vibhajiyamāne arahattaṃ pāpuṇituṃ samattho puggalo “*vipañcitaññū*”ti vuccati. **Uddesatoti** uddesahetu, uddisantassa uddisāpentassa vāti

attho, “uddisato” tipi pāṭho, ayamevattho. **Paripucchatoti** paripucchantassa. **Anupubbena dhammābhisamayo hotīti** anukkamena arahattappatti hoti. **Na tāya jātiyā dhammābhisamayo hotīti** tena attabhāvena maggaṃ vā phalaṃ vā antamaso jhānaṃ vā vipassanaṃ vā nibbattetuṃ na sakkoti. **Ayaṃ vuccatīti** ayaṃ puggalo byañjanapadameva paramaṃ katvā t̥hitattā “padaparamo” ti vuccati.

**Ekacarāti** vivekābhīratiyā ekavīhārino. **Dvicarāti** dve ekajjhāsaya hutvā nānacariyādivasena vicarantā. Esa nayo sesesu. Sattasuññatāpakāsanena **suññataṃ**. Tato eva **saṅhaṃ sukhamaṃ**. “Paresaṃ ajjhāsaya vasena bhagavā idaṃ suttaṃ ārabhī” ti vatvā te pana “pare” ti vuttapuggalā aparikkammikā supārisodhitapubbabhāgapaṭipadā cāti duvidhā, tadubhayesu satthu paṭipattim upamāmukhena pakāsentō **yathā hīti**ādīmāha. **Rūpaṃ na samuṭṭhāpeti** likhanavasena na uppādeti. **Akatābhīnivesanti** vipassanābhāvanāya akatānuyogaṃ. **Sīla...pe... sampadāyāti** asamādinnaṣīlaṃ sīlasampadāya, supārisuddhasīlaṃ samādhīsampadāya, anujukatadiṭṭhijukammaṃ diṭṭhisampadāya yojentoti yojanā.

**Yanti** yaṃ pubbabhāgapaṭipadaṃ sandhāya. **Sīlanti** catupārisuddhisīlaṃ. **Diṭṭhi** cāti kammassakatādiṭṭhi ceva kamma pathasammādiṭṭhi ca. **Tividhenāti** ajjhataṃ bahiddhā ajjhatabhiddhāti evaṃ visayabhāvato tippakārena. Yathāvuttadiṭṭhivissuddhiyā visesapaccayaṃ sīlānyeva bhāvanāya adhiṭṭhānanti vuttaṃ “**sīlaṃ nissāya sīle paṭiṭṭhāyā**” ti.

**Sudhantasuvannaṃ** apagatasabbakālakamaṃ. Caturassādidhoto **suparimajjitamaṇikkhandho**. Paccayadhammānaṃ avijjādīnaṃ tassa tassa paccayuppannaṃ hetupaccayādivhāvo paccayākāro. So pana atthato avijjā evāti āha “**paṭiccasamuppādanti paccayākāra**” nti. Tenāha “**paccayākāro hī**” tiādi.

Kāmaṃ vo-saddo padaparaṭṭhito paṭiyogītatthavisesavācako, nāmaparabhūto pana taṃ taṃ kattukammakaraṇādisādhanavisiṭṭhameva pabodheti, hi-nipātaparabhūto pana vacanālanākāramattamevāti āha “**voti...pe... dissati**” ti. **Taṃdesananti** tassa paṭiccasamuppādassa desanaṃ. Sā hi idha ta-saddena paccāmasīyati. “Suṇāthā” ti sotaviññeyyatāvacaṇato na kevalaṃ paṭiccasamuppādo.

**Ekattametamaṃ** padaṃ ka-saddena padavaḍḍhanamattassa katattā, tasmā sādhusaddassa kato atthuddhāro sādhu kasaddassa kato eva hotīti adhippāyo. **Sādhu bhanteti** yācāmaṃ bhanteti ayamettha atthoti āha “**āyācane**” ti. Puna **sādhu bhanteti** evaṃ bhanteti ayamettha atthoti āha “**sampaṭicchane**” ti. **Sādhu sādhu**ti aho aho ti ayamettha atthoti vuttaṃ “**sampahaṃsane**” ti. **Sādhu dhammarucīti** puññakāmo sundaroti attho. **Paññānavāti** paññāvā. **Addubbhoti** adūsako. **Daḷhīkammeti** thirīkaraṇe sakkaccakiriyaṃ. **Āṇattiyanti** āṇāpane. “Suṇātha sādhu kaṃ manasi karothā” ti hi vutte sādhu kasaddena savanamanasikāraṇaṃ sakkaccakiriyaṃ viya tadāṇāpanampi vuttaṃ hoti. Āyācānatthātā viya cassa āṇāpanatthātā veditabbā.

Idānettha evaṃ yojanā veditabbāti sambandho. **Sotindriyavikkhepanivāraṇaṃ** savane niyojanavasena kiriyantarapaṭisedhanabhāvato, sotaṃ odahathāti hi attho. **Manindriyavikkhepanivāraṇaṃ** aññacintāpaṭisedhanato. **Purimanti** “suṇāthā” ti padaṃ. **Etthāti** “suṇātha, manasi karothā” ti padadvaye, etasmim vā adhi kāre. **Byañjanavipallāsaggāhanivāraṇaṃ** sotadvāre vikkhepaṭipābhakattā. Na hi yāthāvato suṇantassa saddato vipallāsaggāho hoti. **Atthavipallāsaggāhanivāraṇaṃ** manindriyavikkhepaṭipābhakattā. Na hi sakkaccaṃ dhammaṃ upadhārentassa atthavipallāsaggāho hoti. **Dhammassavane niyojeti** “suṇāthā” ti vidahanato. **Dhāraṇūpaparikkhāsūti** ettha upaparikkhaggahaṇeneva tulanatīraṇādike diṭṭhiyā ca suppaṭivedhaṃ saṅgaṇhāti. **Sabyañjanoti** ettha yathādhīppetamatthaṃ byañjayatīti byañjanaṃ, sabhāvanirutti. Saha byañjanehīti sabyañjano, byañjanasampannoti attho. Araṇīyato upagantabbato attho, catupārisuddhisīlādiko. Saha atthenāti **sāttho**, atthasampannoti attho. **Dhammagambhīroti** ādīsū **dhammo** nāma tanti. **Desanā** nāma tassā manasā vavatthapitāya tantiyā desanā kathanāṃ. **Attho** nāma tantiyā attho. **Paṭivedho** nāma tantiyā tantiatthassa ca yathābhūtāvabodho. Yasmā cete

dhammadesanāatthapaṭivedhā sasādīhi viya mahāsamuddo mandabuddhīhi dukkhogāḷhā alabbhaneyyapaṭiṭṭhā ca, tasmā gambhīrā. Tena vuttaṃ “**yasmā ayaṃ dhammo...pe... sādhukaṃ manasi karoṭhā**”ti.

Ettha ca paṭivedhassa dukkarabhāvato dhammatthānaṃ desanāññāssa dukkarabhāvato desanāya dukkhogāhatā, paṭivedhassa pana uppādetuṃ asakkuṇeyyattā tabbisayaññāsuppattiyā ca dukkarabhāvato dukkhogāhatā veditabbā. **Desanaṃ** nāma uddisanaṃ saṅkhepadassanasadisamaṃ. Tathā hi **vibhaṅgasutte** “desessāmī”ti vatvā puna “bhāsissāmī”ti vuttaṃ. Tassa niddisanaṃ bhāsananti idhādhippetanti āha “**vitthāratopi naṃ bhāsissāmīti vuttaṃ hotī**”ti. Paribyaṭṭaṃ kathanāṃ vā **bhāsanāṃ**.

**Sālikāyiva nigghosoti** sālikāya ālāpo viya madhuro kaṇṇasukho pemaṇīyo. **Paṭibhānaṃ** saddo. **Udīrayīti** uccāriyati, vuccatīti attho. **Evaṃ vutte ussāhajātāti** evaṃ “suṇātha sādhukaṃ manasi karoṭha, bhāsissāmī”ti vutte “na kira satthā saṅkhepeneva desessati, vitthārenapi bhāsissati”ti sañjātussāhā haṭṭhatuṭṭhā hutvā.

**Katamoti** tassa padassa sāmāññato pucchābhāvo ñāyati, na visesatoti tassa pucchāvisesabhāvaṃ kathento “**kathetukamyatāpucchā**”ti vatvā teneva pasaṅgena mahāniddese āgatā sabbāpi pucchā atthuddhāranayena dasseti “**pañcavidhā hi pucchā**”tiādīnā. Tattha adīṭṭhaṃ joteti etāyāti **adīṭṭhajotanaṃ**. Dīṭṭhaṃ saṃsandīyati etāyāti **dīṭṭhasaṃsandanaṃ**. Saṃsandanañcetta sākacchāvasena vinicchayakaraṇaṃ. Vimatiṃ chindati etāyāti **vimaticchedanaṃ**. Anumatiyā pucchanaṃ **anumatipucchā**. “Taṃ kiṃ maññatha bhikkhave”tiādīpucchāya hi “kā tumhākaṃ anumati”ti anumati pucchitā hoti. **Kathetukamyatā** kathetukamyatāya.

**Lakkhaṇanti** ñātuṃ pucchito yo koci sabhāvo. **Aññātanti** yena kenaci ñāṇena aññātabhāvamāha. **Adīṭṭhanti** dassanabhūtena ñāṇena cakkhunā viya na dīṭṭhataṃ. **Atulitanti** “ettakaṃ ida”nti tulanabhūtena ñāṇena na tulitataṃ. **Atīritanti** tīraṇabhūtena ñāṇena akataññakiriyāsamāpanataṃ. **Avibhūṭanti** ñāṇassa apākaṭabhāvaṃ. **Avibhāvitanti** ñāṇena apākaṭakatabhāvaṃ.

Pañcasu pucchāsu yā buddhānaṃ sabbato na santi, tā dassetvā idhādhippetapucchāṃ nigametuṃ “**tathā**”tiādī vuttaṃ. Taṃ suviññeyyameva. Yadi paṭiccasamuppādo paccayākāro, atha kasmā bhagavatā paṭiccasamuppādadesanāya saṅkhārādayo paccayuppannā kathitāti āha “**ettha cā**”tiādī. **Paccayuppannampi katheti** paccayuppannadassanena paccayadhammānaṃ paccayabhāvassa kathitabhāvato. **Āhāravaggassāti**ādī “paccayākāro paṭiccasamuppādo”ti dassanattaṃ vuttaṃ. “Sambhavanti”ti pāliyaṃ parato vuttaṃ kiriyāpadaṃ ānetvā yojeti, aññathā saṅkhārā kiṃ katāti vā karontīti vā na ñāyeyya. Pavattiyā anulomato “avijjāpaccayā”tiādīkā **anulomapaṭiccasamuppādakathā**.

“Avijjāya tvevā”tiādīkā pana tassa vilomato **paṭilomakathā**. Accantameva saṅkhāre virajjati etenāti **virāgo**, maggo. **Asesanirodhāti** asesetvā nirodhā samucchindanā. **Evaṃ nirodhānanti** evaṃ anuppādanirodhena niruddhānaṃ saṅkhārānaṃ nirodhā. Iti avijjādīnaṃ nirodhavacanena arahattaṃ vadati. **Sakalassāti** anavasesassa. **Sattavirahitassāti** paraparikkappitajīvarahitassa. **Vinivattetvāti** anuppādanirodhadassanavasena viparivattetvā.

**Attamanāti** pītisomanassena gahitacittā. Tathābhūtā ca haṭṭhacittā nāma hontīti āha “**tuṭṭhacittā**”ti. “Tassa vacanaṃ abhinanditabba”nti ettha abhinandanasaddo anumodanatto. “Abhinanditvā”ti ettha sampaṭicchanatto. Idha pana ubhayatthopi vaṭṭatīti āha “**anumodimsu ceva sampaṭicchimsu cā**”ti.

Paṭiccasamuppādasuttavaṇṇanā niṭṭhitā.

## 2. Vibhaṅgasuttavaṇṇanā

2. **Dutiyepīti** dutiyasuttepi. **Pi-saddena** tadaññesu suttesupīti attho. “**Visuddhimagge vuttā evā**”ti vatvāpi tadekadesaṃ idha viniyogakkhamaṃ dassetuṃ “**yathā hī**”tiādi vuttaṃ. **Tanti** mūlaṃ. **Vitthāradesananti** “vibhajissāmi”ti padassa atthassa dassanavasena pavattaṃ vibhaṅgadesanaṃ. Uddesadesanā paṭhamasutte anulomadesanāsadisāva. **Puna vaṭṭavivaṭṭaṃ dassentoti** “iti kho, bhikkhave”tiādinā pavattiṃ nivattiṃca dassento. Paṭhamaṃ uddesavasena vibhajanavasena vivaṭṭaṃ dassitaṃ, tato eva byatirekanayena vivaṭṭampi dassitameva hotīti punaggahaṇaṃ.

**Tesaṃ tesaṃ sattānanti** idaṃ kiñci pakāro anāmasitvā sabbepi satte sāmāññato byāpetvā gahaṇanti āha “**saṅkhepato...pe... niddeso**”ti. **Gatijātivasenāti** pañcagativasena, tatthāpi ekekāya gatiyā khattiyādi bhummadevādi hatthiādi jātivasena ca. “Cittaṃ mano”tiādisu viya kiccavisesaṃ, “mānasa”ntiādisu viya samāne atthe saddavisesaṃ, “paṇḍara”ntiādisu viya guṇavisesaṃ, “cetasikaṃ hadaya”ntiādisu viya nissayavisesaṃ, “cittassa ṭhiti”tiādisu viya aññassa avatthābhāvavisesaṃ, “alubbhanā”ntiādisu viya aññassa kiriyābhāvavisesaṃ, “alubbhitatta”ntiādisu viya aññassa abhāvātāvisesanti evamādikāṃ anapekkhitvā dhammamattaṃ vā dīpanā sabhāvaniddeso. Jiṇṇassa jīraṇavasena pavattanākāro **jīraṇatāti** āha “**ākāraniddeso**”ti.

**Kālātikame kiccaniddesāti** kalalakālato pabhuti purimarūpānaṃ jarāpattakkhaṇe uppajjamānāni pacchimarūpāni paripakkarūpānurūpāni pariṇataparīṇatāni uppajjantīti anukkamena supariṇatarūpānaṃ paripākakāle uppajjamānāni khaṇḍiccādisabhāvāni uppajjantīti “khaṇḍicca”ntiādayo kālātikame jarāya kiccaniddesā. **Pakatiniddesāti** phalavipaccanapakatiyā niddesā, jarāya vā pāpuṇitabbaphalameva pakati, tassā niddesā, **na ca khaṇḍiccādīneva jarāti** udakādigatamaggesu tiṇarukkhasaṃbhagatādayo viya paripākagatamaggaśākhātesu paripuṇṇarūpesu labbhamānā khaṇḍiccādayo jarāya gatamaggāicceva veditabbā, na jarāti.

Yasmā jaraṃ pattassa āyu hāyati, indriyāni jajjarāni hontīti āyuhānādayo pakatiniddesā, tasmā vuttaṃ “**pacchimā dve pakatiniddesā**”ti. Tenāha “**imehi panā**”tiādi.

Aviññāyamānantarattā **avīcijarā** mañiādisu mandadasakādīsū ekekadasakesu ca khaṇe khaṇe jiṇṇavikārādīnaṃ **duviññeyyattā**. **Tato aññesūti** mañiādito aññesu ahicchattakādīsū, pāṇīnaṃ ekabhavapariyāpanne sakalāyusmiṃ gahitataruṇayuvājarākālesu, ekadvittidivasātikamesu pupphādīsū vāti attho. Tattha hi jarāvisesassa suviññeyyattā **savīcijarā nāma**.

**Cavanakavasenāti** cavanakānaṃ khandhānaṃ vasena. Ekacatupañcakkhandhāya cutiyā cavanameva cavanatāti āha “**bhāvavacana lakkhaṇanidassana**”nti, pāḷiyā “cutī”ti vuttassa maraṇassa sabhāvadassananti attho. **Bhaṅguppatti** bhijjamānatā. Tena “bhedo”ti iminā khandhānaṃ bhijjamānatā bhedasamaṅgitā vuttāti dasseti. **Thānābhāvaparidīpananti** kenacipi ākārena avatthānābhāvādīpanaṃ. **Ghaṭassevāti** hi visadisūdāharaṇaṃ. Yathā ghaṭe bhinne kapālādiavayavaseso labbhati, na evaṃ cutikkhandhesu bhaṅgesu, na koci viseso tiṭṭhatīti dassetuṃ “**antaradhāna**”nti vuttaṃ. **Maccusaṅkhātaṃ maraṇanti** maccusaññitaṃ maraṇaṃ. “Kālamaraṇa”nti vadanti. Santānassa accantasamucchedabhūtaṃ khīṇāsavānaṃ maraṇaṃ **samucchedamaraṇaṃ**. **Ādi-saddena** khaṇikamaraṇaṃ saṅgaṇhāti. **Tassa kiriyāti** antakassa kiriyā, yā loke vuccati “maccū”ti, maraṇanti attho. Cavanakālo eva vā anatikkamanīyattā visesena kālōti vuttoti tassa kiriyā atthato cutikkhandhānaṃ bheda pavattiyeva. “Maccu maraṇa”nti vā ettha samāsaṃ akatvā yo “maccū”ti vuccati bhedo, tameva maraṇaṃ “pāṇacāgo”ti evamettha attho daṭṭhabbo.

**Catuvokāravasenāti** catuvokārabhavavasena. Tattha hi rūpakāyasaññito kaḷevaro natthi, yaṃ nikkhipeyya. Kiñcāpi ekavokārabhavepi kaḷevaranikkhepo natthi, rūpakāyassa pana tattha atthitāmatthaṃ gahetvā “**ekavokāravasena kaḷevarassa nikkhepo**”ti vutto. **Catuvokāravasena cāti ca-saddena** “sesadvayavasena khandhānaṃ bhedo”ti imamatthaṃ dasseti sabbattheva khandhabhedasabbhāvato. **Sesadvayavasenāti** sesabhavadvayavaseneva kaḷevarassa nikkhepo. Yāpi ekavokārabhave rūpakāyo vijjati, kaḷevaranikkhepo pana natthīti “**kaḷevarassa sabbhāvato**”icceva vuttaṃ. Yasmā manussādīsū

kaḷevaranikkhepo atthi, tasmā manussādāsu kaḷevarassa nikkhepoti yojanā. Kaḷevaraṃ nikkhipiyati etenāti maraṇaṃ **kaḷevarassa nikkhepo. Ekato katvāti** ekajjhaṃ katvā, ekajjhaṃ gahaṇamattena.

**Jāyanatthenāti** āyatanavasena yonivasena ca dvīhi padehi sabbasatte pariyādiyitvā pariyādiyitvā jātiṃ dassetuṃ vuttaṃ. Keci pana “kattubhāvavasena padadvayaṃ vutta”nti vadanti. “**Tesaṃ tesaṃ sattānaṃ jāti sañjāti**”ti pana kattari sāminiddesassa katattā ubhayatthāpi bhāvaniddeso. Sampuṇṇā jāti **sañjāti**. Pākaṭā nibbatti **abhinibbatti. Tesaṃ tesaṃ sattānaṃ...pe... abhinibbattī**ti sattavasena pavattattā vohāradesanā.

**Tatra tatrāti** ekacatuvoḷābhavesu dvinnāṃ sesarūpadhātuyāṃ paṭisandhikkhaṇe uppajjamānānaṃ pañcannaṃ, kāmadhātuyāṃ vikalāvikalindriyānaṃ vasena sattannaṃ navannaṃ dasannaṃ puna dasannaṃ ekādasannaṃ āyatanānaṃ vasena saṅgaho veditabbo. **Santatiyanti** yena kammunā khandhānaṃ pātubhāvo, tena abhisankhatasantatiyaṃ. Tañca kho paṭisandhikkhaṇavasena veditabbaṃ.

Kammaṃyeva **kammabhavo** “bhavati etasmā upapattibhavo”ti katvā. Kammena niyyāditaattabhāvupapattivasena bhavatīti bhavo, tathā tathā nibbattavipāko kaṭattārūpañca. Aṭṭhakathāyaṃ pana “bhavatīti katvā bhavo”ti upapattibhavassa vakkhamānattā “**kammaṃ phalavohārena bhavoti vutta**”nti kathitaṃ.

**Upādiyanti** sattā daḷhaggāhaṃ gaṇhanti **etena** kilesakāmena. Na kevalaṃ idha karaṇasādhanameva, atha kho katusādhanampi labbhatīti vuttaṃ “**sayāṃ vā**”ti. **Tanti** vatthukāmaṃ. Kāmo ca so kāmanatthena, upādānañca bhusamādānatthenāti **kāmupādānaṃ. Etanti** kāmupādānapadaṃ. Puna **etanti** kāmupādānasankhātāṃ.

**Sassato attāti** idāṃ purimadiṭṭhiṃ upādiyamānaṃ uttaradiṭṭhiṃ dassetuṃ vuttaṃ. Yathā esā diṭṭhi daḷhīkaraṇavasena purimaṃ uttarā upādiyati, evaṃ “natthi dinna”ntiādikāpīti. Attaggahaṇaṃ pana “attavādupādāna”nti idāṃ na diṭṭhupādānadassananti daṭṭhabbaṃ. **Loko cāti** attaggahaṇavinimuttaggahaṇaṃ diṭṭhupādānabhūtaṃ idha purimadiṭṭhiuttaradiṭṭhivacanehi vuttanti daṭṭhabbaṃ.

Yena micchābhinivesena gosīlagovatādiṃ samādiyati ceva anutiṭṭhati ca, so gosīlagovatādīnīti adhippetāni. Tenāha “**gosīla...pe... sayameva upādānāni**”ti. **Abhinivesatoti** abhinivesanato.

**Attavādupādānanti** “attā”ti vādassa paññāpanassa gahaṇassa kāraṇabhūtā diṭṭhīti attho. **Attavādāmatamevāti** attassa abhāvā “attā”ti idāṃ vacanamattameva. **Upādiyanti** daḷhaṃ gaṇhanti.

**Cakkhudvārādāsu pavattāyāti** idāṃ taṇhāya rūpataṇhādibhāvassa kāraṇavacanaṃ chadvārārammaṇīkadhammānaṃ paṭiniyatārammaṇattā. **Javanavīthiyā pavattāyāti** idāṃ tassā pavattiṭṭhānadassanaṃ. Sabhāveneva uṭṭhātuṃ asakkontassa veḷu viya nissayo ahutvā olumbhakabhāvena bhāvo upādānassa paccayabhāvato ārammaṇampi taṃsadisaṃ vuttaṃ. **Rūpeti** visaye bhumbaṃ. Sā tividhā hotīti sambandho. **Kāmatāṇhā** kāmassādabhāvena pavattiyā. **Evaṃ assādentīti** sassatadiṭṭhiyā sahaṅgānissayasampayuttaatthiavigatādipaccayabhūtāya saṃsaṭṭhattā nīccadhuvasassatābhinivesamukhena assādentī. Bhavasahagatā taṇhā **bhavataṇhā**. Bhavati tiṭṭhati sabbakālanti hi bhavadiṭṭhi bhavo uttarapadalopena, bhavassādasena pavattiyā ca. Iminā nayena **vibhavataṇhāti** ettha attho veditabbo. Vibhavati ucchijjati vinassatīti evaṃ pavattā diṭṭhi vibhavo uttarapadalopena. **Evaṃ tāni aṭṭhārasāti** yā cha kāmatāṇhā, cha bhavataṇhā, cha vibhavataṇhā vuttā, etāni aṭṭhārasa taṇhāvicarītāni taṇhāpaccayo. **Ajjhattanti** sakasantatiyaṃ. **Bahiddhāti** tato bahiddhā. Atītārammaṇāni vā hontu itarārammaṇāni vā, sayāṃ pana **atītāni chattiṃsa taṇhāvicarītāni**. Sesapadvayepi eseva nayo. “Aṭṭhasataṃ taṇhāvicarītāni”tiādinā sambandho. Idāni aparenapi pakārena aṭṭhasataṃ taṇhāvicarītāni dassetuṃ “**ajjhakkassā**”tiādimāha. Tattha **ajjhakkassāti**



ajjhattikakhandhapañcakaṃ. Upayogatthe hi idaṃ sāmivacanaṃ. **Upādāyāti** gahetvā. **Asmīti hotīti** yadetam ajjhattikaṃ khandhapañcakaṃ upādāya tañhāmānadiṭṭhivasena samudāyaggāhato asmīti gāho hoti, tasmim saṭṭi attho. Idha pana rūpādīraṃmaṇavasena attho veditabbo. **Itthamasmīti hotīti** khattiyādīsu “idaṃpakāro aha”nti evaṃ tañhāmānadiṭṭhivasena hotīti attho. Idaṃ tāva anupanidhāya gahaṇaṃ.

**Evamādīnīti ādi-**saddena “evamasmi, aññathāsmi, ahaṃ bhavissaṃ, itthaṃ bhavissaṃ, evaṃ bhavissaṃ, aññathā bhavissaṃ, asasmī, satasmi, ahaṃ siyaṃ, itthaṃ siyaṃ, evaṃ siyaṃ, aññathā siyaṃ, apāhaṃ siyaṃ, apāhaṃ itthaṃ siyaṃ, apāhaṃ evaṃ siyaṃ, apāhaṃ aññathā siya”nti etesaṃ saṅgaho. Upanidhāya gahaṇampi duvidhaṃ samato asamato vāti taṃ dassetuṃ “evamasmi, aññathāsmī”ti ca vuttaṃ. Tattha **evamasmīti** idaṃ samato upanidhāya gahaṇaṃ, yathā ayaṃ khattiyō, evaṃ ahamasmīti attho. **Aññathāsmīti** idaṃ pana asamato gahaṇaṃ, yathāyaṃ khattiyō tato aññathā ahaṃ hīno vā adhiko vāti attho. Imāni tāva paccuppannavasena cattāri tañhāvīcaritāni. **Bhavissantiādīni** pana cattāri anāgatavasena vuttāni, tesam purimacatukka vuttanayeneva attho veditabbo. **Asasmīti** sassato asmi, niccassetam adhivacanaṃ. **Satasmi**ti asassato asmi, aniccassetam adhivacanaṃ. Iti imāni dve sassatucchedavasena vuttāni. Ito parāni **siyantiādīni** cattāri saṃsayaparivittakkavasena vuttāni, tāni purimacatukka vuttanayena atthato veditabbāni. **Apāhaṃ siyantiādīni** pana cattāri “api nāmāhaṃ bhaveyya”nti evaṃ patthanākappanavasena vuttāni, tānīpi purimacatukka vuttanayeneva veditabbāni. Evametesu –

Dve diṭṭhisīsā cattāro, suddhasīsā sīsamūlakā;  
Tayo tayoti etāni, aṭṭhārasa vibhāvaye.

Ete hi sassatucchedavasena vuttā dve **diṭṭhisīsā** nāma, “asmi, bhavissaṃ siyaṃ, apāhaṃ siya”nti ete cattāro **suddhasīsā** nāma, “itthamasmī”tiādāyo tayo tayoti dvādasa **sīsamūlakā** nāmāti veditabbaṃ. Idha pāliyaṃ rūpāraṃmaṇādivasena tañhā āgatāti āha “**ajjhattikarūpādīnissitāni**”ti. Aṭṭhārasa tañhāvīcaritānīti ānetvā sambandho. **Iminā asmīti** iminā abhisekasenāpaccādinā “khattiyō aha”nti mūlabhāvato “asmī”ti hoti. Sesam pubbe vuttanayeneva veditabbaṃ. **Saṅgaheti** tañhāya yathāvuttavibhāgassa saṃkhipanavasena saṅgaṇhane kariyamāne. “Chayime, bhikkhave, tañhākāyā”tiādi **niddeso**. “Rūpe tañhā rūpatañhā”tiādi **niddesattho**. “Kāmarāgabhāvenā”tiādiko, “ajjhattikassupādāyā”tiādiko ca **niddesavittāro**. “Rūpādīsu āraṃmaṇesu chaḷevā”tiādiko **saṅgaho**.

Yasmā cakkhudvārādīsu ekekasmim dvāre uppajjanakaviññāṇāni viya anekā eva vedanā, tasmā tā rāsivasena ekajjhaṃ gahetvā “cha vedanākāyā”ti vuttanti āha “**vedanāsamūhā**”ti. Nissayabhāvena uppattidvārabhāvena nānāpaccayā hontī cakkhudhātuādāyo, tā kucchinā dhārentiyo viya posentiyo viya ca hontīti tāsam mātusadisatā vuttā. **Cakkhusamphassahetūti** nissayādicakkhusamphassapaccayā. **Ayanti** ayaṃ vedanā “cakkhusamphassajā vedanā”tiādīnā sādharāṇato vuttā. **Etthāti** etasmim vedanāpade. **Sabbasaṅgāhikāti** kusalākusalavipākakiriyaṇaṃ vasena sabbasaṅgāhikā. Evaṃ vibhaṅge āgatanayena sādharāṇato vatvāpi idhādhippetavedanameva dassetuṃ “**vipākavasena panā**”tiādīmāha. **Cakkhumhi samphassoti** cakkhumhi nissayabhūte uppannaphasso. Esa nayo sesesu. Yasmā cakkhādīni visuddhimagge khandhaniddese lakkhaṇādivibhāgato, āyatananiddese visesato, sāmāññato ca saddatthadassanādivasena vibhāvītāni, tasmā “**yaṃ vattabbaṃ...pe... vuttamevā**”ti āha.

**Namanalakkhaṇanti** āraṃmaṇābhimukhaṃ hutvā namanasabhāvaṃ tena vinā appavattanato. **Ruppanalakkhaṇaṃ** heṭṭhā vuttameva. **Vedanākkhandho** pana ekāva vedanā. **Sabbadubbhalacittāni** nāma pañcaviññāṇāni. Nanu tattha jīvitacittaṭṭhitiyo ca santīti? Saccam, tāsam pana kiccaṃ na tathā pākataṃ, yathā cetanādīnanti te evettha pāliyaṃ uddhaṭā. **Yena** mahantapātubhāvādīnā **kāraṇena**. **Etthāti** etasmim mahābhūtaniddese. **Añño vinicchayanayoti** “vacanattathato kalāpato”tiādīnā lakkhaṇādinicchayato añño vinicchayanayo. Nanu so catudhātuvavattāne vutto, na rūpakkhandhaniddeseti? Tattha vuttepi “catudhātuvavattāne vuttāni”ti atidesavasena vuttattā “**rūpakkhandhaniddese vutto**”ti vuttaṃ. **Upādāyāti** paṭicca. Bhūtāni hi paṭicca uppajjamānaṃ

upādārūpaṃ “tāni gahetvā”ti vuttaṃ avissajjanato. **Nissāyātipi eke** tesam nissayapaccayabhāvato. Pubbakālakiriya nāma ekamsato aparakālakiriyapekkhāti pāṭhasesena atthaṃ vadati. Vibhattivipallāsena vinā eva atthaṃ dassetuṃ “**samūhatthe vā**”tiādi vuttaṃ. Samūhasambandhe sāmīniddesena samūhattho dīpitoti taṃ dassento āha “**samūhaṃ upādāyā**”ti. Dhammasaṅgaṇiyam (dha. sa. 584) āgatanayena “**tevīsatividha**”nti vuttaṃ. Tattha hi hadayavatthu na niddiṭṭhaṃ, “yaṃ rūpaṃ nissāyā”ti vā paṭṭhāne (paṭṭhāna. 1.1.8) āgatattā hadayavatthumpi gahetvā jātirūpabhāvena upacayasantatiyo ekato katvā “**tevīsatividha**”nti vuttaṃ.

Cakkhussa viññānanti vā **cakkhuviññānaṃ**. Asādhāraṇakāraṇena cāyaṃ niddeso. “Saṅkhārapaccayā viññāna”nti ettha sabbalokiyavipākaviññānaṃ gahetabbattā “**tebhūmakavipākacittassetam adhivacana**”nti vuttaṃ.

**Abhisāṅkharāṇalakkhaṇoti** āyūhanasabhāvo. **Copanavasenāti** viññattisaṃcopanavasena, kāyaviññattiyā samuṭṭhāpanavasenāti attho. **Vacanabhedavasenāti** vacībheduppādavasena, vacīviññattiyā samuṭṭhāpanavasenāti attho. Evaṃ copanaṃ na bhaveyyāti dassetuṃ “**raho nisīditvā cintentassā**”ti vuttaṃ. **Ekūnatimsāti** ettha abhiññācetanāvinimuttā eva ekūnatimsa cetanā veditabbā tassā vipākaviññānaṃ paccayattābhāvato.

**Dukkheti** ekampi idaṃ bhummavacanaṃ saṃsilesananissayavisayabyāpanavasena attānaṃ bhinditvā viniyogaṃ gacchatīti “**catūhi kāraṇehi**”tiādi vuttaṃ. Ekopi hi vibhattiniddeso anekadhā viniyogaṃ gacchati yathā taddhitatthe uttarapadasamāhāreti. **Tanti** aññānaṃ. **Dukkhasaccanti** hadayavatthulakkhaṇaṃ dukkhasaccaṃ. **Assāti** aññānaṃ. **Nissayapaccayabhāvenāti** purejātanissayabhāvena. Sahajātanissayapaccayabhāvena pana taṃsahajātā phassādayo vattabbā. Ārammaṇapaccayabhāvena dukkhasaccaṃ assa ārammaṇanti yojanā. **Dukkhasaccanti** upayogaekavacanaṃ. **Etanti** aññānaṃ. **Tassāti** dukkhasaccassa. “**Paṭicchādeti**”ti ettha vuttaṃ paṭicchādanākāraṃ dassetuṃ “**yāthāvā**”tiādi vuttaṃ. Nāṇavippayuttacittenapi ekadesena yāthāvato lakkhaṇapaṭivedho hotiyevāti “**yāthāvalakkhaṇapaṭivedhanivāraṇenā**”ti vatvā “**ñāṇapavattiyā cettha appadānenā**”ti vuttanti vadanti. Purimaṃ pana paṭivedhaññāṇuppattiyā nisedhakathādassanaṃ, pacchimaṃ anubodhaññāṇuppattiyā. Evamettha attho veditabbo. **Etthāti** dukkhasacce.

Sahajātassa aññānaṃ samudayasaccaṃ vatthu hoti nissayapaccayabhāvato vuttaṃ “**vatthuto**”ti. **Ārammaṇatoti** ārammaṇapaccayabhāvena. Yasmā samudayasaccaṃ aññānaṃ ārammaṇaṃ hoti, tasmā “**dukkhasamudaye aññāna**”nti vuttanti attho. Paṭicchādanaṃ dukkhasacce vuttanayameva ekeneva kāraṇena itaresaṃ tiṇṇaṃ asambhavato, kiṃ pana etaṃ ekaṃ kāraṇanti āha “**paṭicchādanato**”ti. Idaṃ vitthārato vibhāvetuṃ “**nirodhapaṭipadānaṃ hī**”tiādi vuttaṃ. **Tadārabbhāti** taṃ ārabha taṃ ārammaṇaṃ katvā. **Pacchimañhi saccadvayanti** nirodho maggo. Tañhi nayagambhīrattā. **Duddasanti** saṅhasukhumadhammattā sabhāveneva gambhīrattāya duddasaṃ duviññeyyaṃ duravaggāhaṃ. **Tatthāti** purime saccadvaye. **Andhabhūtanti** andhakārabhūtaṃ. **Na pavattati** ārammaṇaṃ kātuṃ na visahati. **Vacaniyattenāti** vācakabhāvena tathā upaṭṭhānato. **Sabhāvalakkhaṇassa duddasattāti** pīḷanādiāyūhanādivasena “idaṃ dukkhaṃ, ayaṃ samudayo”ti (ma. ni. 484; 3.104) yāthāvato sabhāvalakkhaṇassa duddasattā duviññeyyattā purimadvayaṃ **gambhīraṃ**. **Tatthāti** purimasmiṃ saccadvaye. **Vipallāsaggāhavasena pavattati**ti subhādiviparītaggāhānaṃ paccayabhāvavasena aññānaṃ pavattati.

Idāni “dukkhe aññāna”ntiādīsu pakārantarenapi atthaṃ dassetuṃ “**apicā**”tiādi vuttaṃ. Tattha **dukkheti ettāvātāti** “aññānanti vuccamānāya avijjāya dukkhe”ti ettakena. **Saṅgahatoti** samodhānato. **Kiccatoti** asampaṭivedhakiccato. **Aññānamivāti** visayasabhāvaṃ yāthāvato paṭivijjhitaṃ appadānakiccamaiva. “Dukkhe”tiādinā tattha avijjā pavattati, visesato niddiṭṭhaṃ hotīti katvā sabbattheva tathā avisiṭṭhasabhāvadassanaṃ idanti dassetuṃ “**avisesato panā**”tiādi vuttaṃ.

Khaṇikanirodhassa idha anadhippetattā ayujjāmānattā virāgaggahaṇato ca avijjādīnaṃ

paṭipakkhavasena paṭibāhanam idha “nirodho”ti adhippeto, so ca nesam sabbaso anuppajjanamevāti āha “**nirodho hotīti anuppādo hotī**”ti. “Avijjā nirujjhati etthāti avijjānirodho, saṅkhārā nirujjhanti etthāti saṅkhāranirodho”ti evam sabbhehi etehi nirodhapadehi nibbānassa desitattā daṭṭhabbā. Tenāha “**nibbānam hī**”tiādi. **Vaṭṭavivaṭṭanti** vaṭṭaṅca vivaṭṭaṅca. “**Dvādasahi**”ti idam paccekam yojetabbam “anulomato dvādasahi padehi vaṭṭam, paṭilomato dvādasahi vivaṭṭam idha dassita”nti.

Vibhaṅgasuttavaṇṇanā niṭṭhitā.

### 3. Paṭipadāsuttavaṇṇanā

3. Micchā paṭipajjati etāyāti micchāpaṭipadā, vaṭṭagāmimaggo dukkhāvahattā. Tam **micchāpaṭipadam**. Tenāha “**aniyyānikapaṭipadā**”ti. **So** puññābhisaṅkhāro **katham micchāpaṭipadā hotīti?** Sampattibhave sukhāvahova hotīti adhippāyo. **Vaṭṭasīsattāti** vaṭṭapakkhiyānam uttamaṅgabhāvato. **Antamasoti** ukkaṃsapariyantam sandhāya vadati avakaṃsapariyantato. “Idam me puññam nibbānādhiḡamāya paccayo hotū”ti evam **nibbānam patthetvā pavattitam**. **Paṇṇamuṭṭhidānamattanti** sākapaṇṇamuṭṭhidānamattam. **Appatvāti** antogadhahetu esa niddeso, apāpetvāti attho. Yadaggena vā paṭipajjanato arahattam pattoti vuccati, tadaggena tadāvahā paṭipadāpi pattāti vuccatīti “**appatvā**”ti vuttam. **Anulomavasenāti** anulomapaṭiccasamuppādavasena. **Paṭilomavasenāti** etthāpi eseva nayo. **Paṭipadā pucchitāti** etena paṭipadā desetum āradhāti ayampi attho saṅgahito yathāradhassa atthassa kathetukamyatāpucchāya idhāgatattā. Anulomapaṭiccasamuppādadesanāyampettha byatirekamukhena avijjānirodhā pana vijjāya sati hoti saṅkhārānam asambhavoti vuttam “**nibbānam bhājita**”nti. Sarūpena pana tāya vaṭṭameva pakāsitam. Vakkhati hi pariyoṣāne “vaṭṭavivaṭṭameva kathita”nti. **Niyyātaneti** nigamane. **Phalenāti** pattabbaphalena **paṭipadāya** sampāpakahetuno **dassitattā**. Yathā hi tividho hetu nāpako, nibbattako, sampāpakoti, evam tividham phalam nāpetabbam, nibbattetabbam, sampāpetabbanti. Tasmā pattabbaphalena nibbānena taṃsampāpakahetubhūtāya paṭipadāya dassitattāti attho. Tenāha “**phalena hetthā**”tiādi. **Ayam vuccatīti** evam nibbānaphalā ayam “sammāpaṭipadā”ti vuccati. **Asesavirāgā asesanirodhāti** samucchadappahānavasena avijjāya asesavirajjanato asesanirujjanato ca. Padadvayenapi anuppādanirodhameva vadati. Tañhi nibbānam. Dutiyavikappe ayam ettha adhippāyo – yena maggena karaṇabhūtena asesanirodho hoti, avijjāya asesanirodho yaṃ āgamma hoti, taṃ maggam dassetunti. **Evañhi satīti** evam padabhājanassa nibbānassa padatthe sati. **Sānubhāvā paṭipadā vibhattā hotīti** avijjāya asesanirodhahetupaṭipadā tattha sātisayasāmatthiyasamāyogato sānubhāvā vibhattā hoti. Micchāpaṭipadāgahaṇenettha vaṭṭassapi vibhattattā vuttam “**vaṭṭavivaṭṭameva kathita**”nti.

Paṭipadāsuttavaṇṇanā niṭṭhitā.

### 4. Vipassīsuttavaṇṇanā

4. **Vipphandantīti** nimisanavasena. **Animisehīti** vīgatanimisehi ummīlanteheva. **Tena vuttam** mahāpadāne. **Etthāti** etasmim “vipassī”ti pade, etasmim vā “animisehī”tiādike yathāgate suttante.

Mahāpurisassa animisalocanato “vipassī”ti samaññāpaṭilābhassa kāraṇam vuttam, taṃ akāraṇam aññesampi mahāsattānam carimabhava animisalocanattāti codanam sandhāya “**ettha cā**”tiādiṃ vatvā tato pana aññameva kāraṇam dassetum “**apicā**”tiādi vuttam. **Palālayamānassāti** tosentassa. Anādare cetam sāmivacanam. **Aṭṭassāti** atthassa.

Puññussayasāṅkhāto bhago assa atisayena atthīti bhagavāti “**bhāgyasampannassā**”ti vuttam. **Sammāti** sammadeva yāthāvato, nāyena kāraṇenāti vuttam hotīti āha “**nayena hetunā**”ti. Sam-saddo “sāma”nti iminā samānatthoti āha “**sāmam paccattapurisakārenā**”ti, sayambhuññānenāti attho. Sammā, sāmam bujjihi etenāti **sambodho** vuccati maggañānam, “bujjhati etenā”ti katvā idha

sabbaññutaññāssapi saṅgaho. **Bodhimā satto bodhisatto**, purimapade uttarapadalopo yathā “sākapatthavo”ti. **Bujjhanakasattoti** ettha mahābodhiyānaṭṭipadāya bujhatīti bodhi ca so sattavisesayogato satto cāti **bodhisatto**. **Patthayamāno pavattatīti** “kudāssu nāma mahantaṃ bodhiṃ pāpuṇissāmī”ti sañjātacchando ṭṭipajjati. **Dukkanti** jātiādīmūlakam dukkham. Kāmaṃ cutupapātāpi maraṇajātiyo, “jāyati mīyati”ti pana vatvā “cavati upapajjati”ti vacanaṃ na ekabhavapariyāpannānaṃ tesam gahaṇam, atha kho nānābhavapariyāpannānaṃ ekajjham gahaṇanti dassento āha “**idaṃ...pe...vutta**”nti. **Tassa nissaraṇanti** tassa jarāmarāṇassa nissaraṇanti vuccati. Yasmā mahāsatto jīṇṇabyādhimate disvā pabbajito, tasmāssa jarāmarāṇameva ādito upaṭṭhāsi.

**Upāyamanasikārenāti** upāyena vidhinā ñāyena manasikārena pathena manasikārassa pavattanato. **Samāyogo ahoṣīti** yāthāvato ṭṭipivijjhanavasena samāgamo ahoṣi. **Yoniso manasikārāti** hetumhi nissakkavacananti tassa “yoniso manasikārenā”ti hetumhi karaṇavacanena āha. **Jātiyā kho sati jarāmarāṇanti** “kimhi nu kho sati jarāmarāṇam hoti, kiṃ paccayā jarāmarāṇa”nti jarāmarāṇe kāraṇam pariggaṇhantassa bodhisattassa “yasmim sati yaṃ hoti, asati ca na hoti, taṃ tassa kāraṇa”nti evaṃ abyabhicārājātikāraṇapariggaṇhanena “jātiyā kho sati jarāmarāṇam hoti, jātipaccayā jarāmarāṇa”nti yā jarāmarāṇassa kāraṇapariggāhikā paññā uppajji, tāya uppajjantiyā cassa abhisamayo ṭṭivedho ahoṣīti attho.

**Itīti** vuttappakāraparāmasanaṃ. **Hīti** nipātamattaṃ. **Idanti** yathāvuttassa vaṭṭassa paccakkhato gahaṇam. Tenāha “**evamida**”nti. Idha avijjāya samudayassa āgatattā “**ekādasasu thānesū**”ti vuttaṃ. **Samudayaṃ sampiṇḍetvāti** saṅkhārādīnaṃ samudayaṃ ekajjham gahetvā. Anekavāraṇhi samudayadassanavasena ñāṇassa pavattattā “samudayo samudayo”ti āmeḍitavacanam. Atha vā “evaṃ samudayo hoti”ti idaṃ na kevalam nibbattidassanaparam, atha kho ṭṭiccasamuppādasaddo viya ṭṭiccasamuppādamukhena idha samudayasaddo nibbattimukhena paccayattaṃ vadati. Viññāṇādayo ca yāvanto idha paccayadhammā niddiṭṭhā, te sāmāññarūpena byāpanicchāvasena gaṇhanto “samudayo samudayo”ti avoca. Tenāha “**avijjāpaccayā saṅkhārānaṃ samudayo hoti**”ti. **Dassanaṭṭhena cakkhūti** samudayassa paccakkhato dassanabhāvo cakkhu. **Ñātaṭṭhenāti** ñātabhāvena. **Pajānanaṭṭhenāti** “avijjāsaṅkhārāditaṃtaṃpaccayadhammapavattiyā etassa dukkhakkhandhassa samudayo”ti pakārato vā jānanaṭṭhena. **Ṭṭivedhanaṭṭhenāti** “ayaṃ avijjādi paccayadhammo imassa saṅkhārādikassa paccayabhāvato samudayo”ti ṭṭivijjanaṭṭhena. **Obhāsaṅgaṭṭhenāti** samudayabhāvapaṭicchādakassa mohandhakārassa kilesandhakārassa vidhamanavasena avabhāsanavasena. **Taṃ panetaṃ** “cakkhu”ntiādīnā vuttaṃ ñāṇam. **Nirodhavāreti** ṭṭilomavāre. So hi “kissa nirodhā jarāmarāṇanirodho”ti nirodhakittanavasena āgato.

Vipassīsuttavaṇṇanā niṭṭhitā.

## 5-10. Sikhīsuttādivaṇṇanā

**5-10. Na evaṃ yojetvāti** “sikhissapī”tiādīnā samuccayavasena evaṃ na yojetvā. **Kasmātiādīnā** tattha kāraṇam vadati. **Ekāsane adesitattāti** vuttamevatthaṃ pākaṭam kātuṃ “**nānāthānesu hī**”tiādi vuttaṃ. Yadiṭṭi tāni visuṃ visuṃ vuttabhāvena desitāni, atthavaṇṇanā pana ekasadisā tadatthassa abhinattā. “Buddhā jātā”ti na añño ācikkhatīti yojanā. Na hi mahābodhisattānaṃ pacchimabhāve paropadesena payojanaṃ atthi. **Gatamaggenevāti** ṭṭipattigamanena gatamaggeneva pacchimamahābodhisattā gacchanti, ayamettha dhammatā. **Gacchantīti** catūsu satipaṭṭhānesu patiṭṭhitacittā satta bojjhaṅge yāthāvato bhāvetvā sammāsambodhiyā abhisambujjhanavasena pavattantīti attho. Yathā pana tesam ṭṭhamavipassanābhiniveso hoti, taṃ dassetuṃ “**sabbabodhisattā hī**”tiādi vuttaṃ. Buddhabhāvanānaṃ vipassanā, buddhatthāya vā vipassanā **buddhavipassanā**.

Sikhīsuttādivaṇṇanā niṭṭhitā.

Buddhavaggavaṇṇanā niṭṭhitā.

## 2. Āhāravaggo

### 1. Āhārasuttavaṇṇanā

**11. Āharantīti** ānenti uppādentī, upatthambhenti attho. **Nibbattāti** pasutā. **Bhūtā nāma** yasmā tato paṭṭhāya loke jātavohāro paṭisandhiggahaṇato pana paṭṭhāya yāva mātukucchito nikkhanto, tāva sambhavesino, esa tāva gabbhaseyyakesu bhūtasambhavesivibhāgo, itaresu pana paṭhamacittādivasena vutto. **Sambhava**-saddo cettha gabbhaseyyakānaṃ vasena pasūtipariyāyo, itaresaṃ vasena uppattipariyāyo. Paṭhamacittapaṭhamairiyāpathakkhaṇesu hi te sambhavaṃ uppattiṃ esanti upagacchanti nāma, na tāva bhūtā upapattiyā na suppatiṭṭhitattā, bhūtā eva sabbaso bhavesanāya samucchinnattā. **Na puna bhavissantīti** avadhāraṇena nivattitamattaṃ dasseti. Yo ca “kālaghaso bhūto” tiādīsu bhūta-saddassa khīṇāsavavācītā daṭṭhabbā. **Vā-saddo cettha sampiṇḍanatto** “agginā vā udakena vā” tiādīsu viya.

Yathāsakaṃ paccayabhāvena attabhāvassa paṭhapanamevettha āhārehi kātabbaanuggaho hotīti adhippāyenāha “**vacanabhedo...pe... eko yevā**” ti. **Sattassa uppannadhammānanti** sattassa santāne uppannadhammānaṃ. Yathā “vassasataṃ tiṭṭhatī” ti vutte anuppabandhavasena pavattatīti vuttaṃ hoti, evaṃ ṭhitiyāti anuppabandhavasena pavattiyāti attho, sā pana avicchedoti āha “**avicchedāyā**” ti. Anuppabandhadhammuppattiyā sattasantāno anuggahito nāma hotīti āha “**anuppannānaṃ uppādāyā**” ti. **Etānīti** ṭhitianuggahapadāni. **Ubhayattha daṭṭhabbāni** na yathāsambandhato.

Vatthugatā oḷā vatthu viya tena saddhiṃ ajjhoharitamattaṃ gacchatīti vuttaṃ “**ajjhoharitamattaṃ āhāro**” ti, nibbattitaomaṃ pana sandhāya “kabaḷīkāro āhāro ojaṭṭhamakarūpāni āharatī” ti vakkhati. **Oḷārikatā** appojatāya na vatthuno thūlatāya kathinatāya vā, tasmā yasmim vatthusmim parittā oḷā hoti, taṃ oḷārikam. Sappādayo dukkhuppādatatāya **oḷārikā** veditabbā. Visāṇādīnaṃ tīvassachadditānaṃ pūtibhūtattā mudukatāti vadanti. Taracchakheḷatemitatāya pana tathābhūtānaṃ tesam mudukatā. Dhammasabhāvo hesa. **Sasānaṃ āhāro sukhumo** taruṇaṭṭhaṇasassakhādanato. **Sakuṇānaṃ āhāro sukhumo** tiṇabājādikhādanato. **Paccantavāsīnaṃ āhāro sukhumo** māsamuggakurādibhojanattā. **Tesanti** paranimittasavattīnaṃ. **Sukhumotvevāti** na kiñci upādāya, atha kho sukhumoicceva niṭṭhaṃ patto tato paramasukhumassa abhāvato.

Vatthuvassena panettha āhārassa oḷārikasukhumatā vuttā, sā cassa appojamāhojatāhi veditabbāti dassetuṃ “**ettha cā**” tiādīmāha. **Parissayanti** khudāvasena uppannaṃ vihiṃsaṃ sarīradarathaṃ. **Vinodetīti** vatthu tassa vinodanamattaṃ karoti. **Na pana sakkoti pāletunti** sarīraṃ yāpetuṃ nappahoti nirojattā. **Na sakkoti parissayaṃ vinodetuṃ** āmāsayaṃ apūraṇato.

**Chabbidhopīti** iminā kassaci phassassa anavasesitamattaṃ. Desanakkamenevettha phassādīnaṃ dutiyādītā, na aññena kāraṇenāti āha “**desanānayo eva cesā**” tiādī. Manaso sañcetanā na sattassāti dassanattaṃ manogahaṇaṃ yathā “cittassa ṭhiti, cetovimutti cā” ti āha “**manosañcetanāti cetanāvā**” ti. **Cittanti** yaṃ kiñci cittameva. **Ekarāsiṃ katvāti** ekajjhaṃ gahetvā vibhāgaṃ akatvā, sāmāññena gahitāti attho. Tattha labbhamānaṃ upādiṇṇakādivibhāgaṃ dassetuṃ “**kabaḷīkāro āhāro**” tiādī vuttaṃ. **Āhāratthaṃ na sādhetīti** tādīsassa āhārassa anāharaṇato. **Tadāpīti** bhijjitvā vigatakālepi. **Upādiṇṇakāhāroti vuccantīti** keci. **Idaṃ pana ācariyānaṃ na ruccati** tadā upādiṇṇakarūpasseva abhāvato. **Paṭisandhicitteneva sahaḷāṭṭhāti** lakkhaṇavacanametam, sabbāyapi kammajārūpapariyāpannāya oḷāya atthibhāvassa avicchedappavattisambhavadassanatto. **Sattamāti** uppannadivasato paṭṭhāya yāva sattamadivasāpi. Rūpasantatiṃ **pāleti** paveniḡhaṭṭhanavasena. **Ayamevāti** kammajaojā. Kammajaojaṃ pana paṭicca uppannaojā akammajattā anupādiṇṇaāhārotveva veditabbo. Anupādiṇṇakā phassādayo veditabbāti ānetvā sambandho. Lokuttarā phassādayo kathanti āha “**lokuttarā pana ruḷhīvasena kathitā**” ti. Yasmā tesam kusalaṇaṃ upetapariyāyo natthi, tasmā vipākānaṃ upādiṇṇapariyāyo natthevāti anupādiṇṇapariyāyopi ruḷhīvasena vuttoti veditabbo.

Pubbe “āhārāti paccayā”ti vuttattā yadi paccayaṭṭho āhāraṭṭhotiādinā codeti, **atha kasmā ime eva cattāro vuttāti** atha kasmā cattārova vuttā. Ime eva ca vuttāti yojanā. **Visesappaccayattāti** etena yathā aññe paccayadhammā attano paccayuppanassa paccayāva hontī, ime pana tathā ca hoti aññathā cāti samānepi paccayatte atirekapaccayā hontī, tasmā “āhārāti vuttā”ti imamatthaṃ dasseti. Idāni taṃ atirekapaccayatam dassetuṃ “**visesapaccayo hī**”tiādi vuttam. Visesappaccayo rūpakāyassa kabalīkāro āhāro upathambhakabhāvato. Tenāha aṭṭhakathāyaṃ “rūpārūpānaṃ upathambhakattena upakārakā cattāro āhārā āhārapaccayo”ti (visuddhi. 2.608; paṭṭhā. aṭṭha. paccayuddesavaṇṇanā). Upathambhakattañhi satīpi janakatte arūpīnaṃ āhārānaṃ āhārajarūpasamuṭṭhānakarūpāhārassa ca hoti, asatī pana upathambhakatte āhārānaṃ janakattam natthīti upathambhakattam padhānaṃ. Janayamānopi hi āhāro avicchedavasena upathambhayamāno eva janetiṭi upathambhakabhāvo eva āhārabhāvo. **Vedanāya phasso** visesapaccayo. “Phassapaccayā vedanā”ti hi vuttam. “Sāṅkhārapaccayā viññāṇa”nti vacanato **viññāṇassa manosañcetanā**. “Cetanā tividham bhavaṃ janeti”ti hi vuttam. “Viññāṇapaccayā nāmarūpa”nti pana vacanato **nāmarūpassa viññāṇam** visesapaccayo. Na hi okkantaviññāṇābhāve nāmarūpassa atthi sambhavo. Yathāha “viññāṇaṇca hī, ānanda, mātukucchimiṃ na okkamissatha, api nu kho nāmarūpaṃ mātukucchimiṃ samuccissathā”tiādi (dī. ni. 2.115). Vuttamevattham suttana sādhetuṃ “**yathāhā**”tiādi vuttam.

Evam yadipi paccayaṭṭho āhārattho, visesapaccayattā pana imeva āhārāti vuttāti taṃ nesam visesapaccayatam avibhāgato dassetvā idāni vibhāgato dassetuṃ “**ko panetthā**”tiādi āraddham. **Mukhe ṭhapitamatto eva** asaṅkhādito, tattakenāpi abhantarassa āhārassa paccayo hoti eva. Tenāha “**aṭṭha rūpāni samuṭṭhāpeti**”ti. Sukhavedanāya hito **sukhavedanīyo**. **Sabbathāpīti** cakkhusamphassādivasena. Yattakā phassassa pakārabhedā, tesam vasena sabbappakāropi **phassāhāro** yathārahaṃ **tisso vedanā āharati**, anāhārako natthi.

**Sabbathāpīti** idhāpi phassāhāre vuttanayānusārena attho veditabbo. **Tisantativasenāti** kāyadasakam bhāvadasakam vatthudasakanti tividhasantativasena. **Sahajātādipaccayanāyēnāti** sahajātādipaccayavidhinā. Paṭisandhiviññāṇaṇhi attanā sahajātanāmassa sahajātāaññamaññāvipākīndriyasampayuttaatthiavigatapaccayehi paccayo hontoyeva āhārapaccayatāya taṃ āhāreti vuttam, sahajātarūpesu pana vatthuno sampayuttapaccayam ṭhapetvā vippayuttapaccayena, sesarūpānaṃ aññamaññapaccayaṇca ṭhapetvā itaresam paccayānaṃ vasena yojanā kātabbā. **Tānīti** napuṃsakaniddeso anapuṃsakānampi napuṃsakehi saha vacanato. **Sāsavakusalākusalacetanāva vuttā** visesapaccayabhāvadassanaṃ hetanti, tenāha “**avisesena panā**”tiādi. **Paṭisandhiviññāṇameva vuttanti** etthāpi eseva nayo. Yathā tassa tassa phalassa visesato paccayatāya etesam āhārattho, evam avisesatopīti dassetuṃ “**avisesenā**”tiādi vuttam. Tattha **taṃsamyuttatāṃsamuṭṭhānadhammānanti** tehi phassādīhi sampayuttadhammānaṇceva taṃsamuṭṭhānarūpadhammānaṇca. Tattha **sampayutta**ggahaṇam yathārahato daṭṭhabbam, **samuṭṭhānaggahaṇam** pana avisesato.

**Upatthambhento āhāraḱiccaṃ sādhetīti** upatthambhento eva rūpaṃ samuṭṭhāpeti, ojaṭṭhamakasaṃmuṭṭhāpaneneva panassa upathambhanakiccasiddhi. **Phusantoyevāti** phusanakiccaṃ karonto eva. **Āyūhamānāvāti** cetayamānā eva abhisandahantī eva. **Vijānantamevāti** upapattiparikappanavasena vijānantameva āhāraḱiccaṃ sādhetīti yojanā. Sabbattha āhāraḱiccaṃsādhanaṇca tesam vedanādiuppattihetutāya attabhāvassa pavattanameva. **Kāyaṭṭhapanenāti** kasmā vuttam, nanu kammajādirūpaṃ kammādināva pavattatīti codanaṃ sandhāyāha “**kammajanitopi**”tiādi.

Upādiṇṇarūpasantatiyā upatthambhaneneva utucittajarūpasantatīnampi upatthambhanasiddhi hotīti “**dvinnam rūpasantatīna**”nti vuttam. Upatthambhanameva sandhāya “**anupālako hutvā**”ti ca vuttam. Rūpakāyassa ṭhitihetutā hi yāpanā anupālanā. **Sukhādivatthubhūtanti** sukhādīnaṃ pavattiṭṭhānabhūtam. Ārammaṇampi hi vasati ettha ārammaṇakaraṇavasena tadārammaṇā dhammāti vatthūti vuccati. **Phusantoyevāti** idam phassassa phusanasabhāvattā vuttam. Na hi dhammānaṃ sabhāvena vinā pavatti atthi, vedanāpavattiyā vinā sattānaṃ sandhāvanatā natthīti āha “**sukhādi...pe...**”

**hoti**’ti. Na cettha saññībhavakathāyaṃ asaññībhavo dassetabbo, tassāpi vā kāraṇabhūtavedanāpavattivaseneva ʒhitiyā hetuno abyāpitattā, tathā hi “**manosañcetanā...pe... bhavamūlanipphādanato sattānaṃ ʒhitiyā hoti**”’ti vuttā. Tato eva **viññāṇaṃ vijānantamevāti** upapattiparikappanavasena vijānantamevāti vuttovāyamatto.

**Cattāri bhayāni daṭṭhabbāni** ādīnavavibhāvanato. **Nikantīti** nikāmanā, rasataṇhaṃ sandhāya vadati. Sā hi kabaḷikāre āhāre balavatī, tenevettha avadhāraṇaṃ kataṃ. Bhāyati etasmāti bhayaṃ, **nikantiyeva bhayaṃ** mahānatthahetuto. Upagamaṇaṃ visayindriyaviññāṇesu visayaviññāṇesu ca saṅgativasena pavatti, taṃ vedanādiuppattihetutāya “bhaya”’nti vuttaṃ. Avadhāraṇe payoṇaṃ vuttanayameva. Sesadvayepi eseva nayo. **Āyūhanaṃ** abhisandahanāṃ, saṃvidhānantipi vadanti. Taṃ bhavūpapattihetutāya “**bhaya**”’nti vuttaṃ. **Abhinipāto** tattha tattha bhava paṭisandhiggahaṇavasena viññāṇassa nibbatti. So bhavūpapattihetukānaṃ sabbesaṃ anattānaṃ mūlakāraṇatāya “**bhaya**”’nti vuttaṃ. Idāni nikantiādīnaṃ sappaṭibhayataṃ vitthārato dassetuṃ “**kiṃ kāraṇā**”’tiādi āraddhaṃ. Tattha **nikantiṃ katvāti** ālayaṃ janetvā, taṇhaṃ uppādetvāti attho. **Sītādīnaṃ purakkhatāti** sītādīnaṃ purato ʒhitā, sītādīhi bādhiyamānāti attho.

**Phassaṃ upagacchantāti** cakkhusamphassādibhedāṃ phassaṃ pavattentā. **Phassassādinoti** kāyasamphassavasena phoṭṭhabbasāṅkhātassa assādanasīlā. Kāyasamphassavasena hi sattānaṃ phoṭṭhabbataṇhā pavattatīti dassetuṃ phassāhārādīnavadassane phoṭṭhabbārammaṇaṃ uddhaṭaṃ “**paresaṃ rakkhitagopitesū**”’tiādīnā. **Phassassādinoti** vā phassāhārassādinoti attho. Sati hi phassāhāre sattānaṃ phassārammaṇe assādo, nāsati, tenāha “**phassassādamūlaka**”’ntiādi.

Jātinimittassa bhayassa abhinipātasabhāvena gahitattā “**tammūlaka**”’nti vuttaṃ. Kammāyūhananimittanti attho. **Bhayaṃ sabbanti** pañcavīsati, tividhamahābhayaṃ, aññañca sabbabhayaṃ **āgatameva hoti** bhayādhiṭṭhānassa attabhāvassa nipphādanato.

**Abhinipatātīti** abhinibbattati. Paṭhamābhinibbatti hi sattānaṃ tattha tattha aṅgārakāsusadise bhava abhinipātasadisī. **Tammūlakattāti** nāmarūpanibbattimūlakattā. Sabbabhayaṇaṃ **abhinipātoyeva bhayaṃ** bhāyati etasmāti katvā.

**Appeti viyāti** phalassa attalābhahetubhāvato kāraṇaṃ, taṃ niyyādeti viya. **Tanti** phalaṃ. **Tatoti** kāraṇato. **Etesanti** āhārānaṃ. **Yathāvuttenāti** “phalaṃ nideti”’tiādīnā vuttappakārena **atthena**. **Sabbapadesūti** “vedanānirodhenā”’tiādīsū sabbesu padesu.

**Paṭisandhiṃ ādiṃ katvāti** paṭisandhikkhaṇaṃ ādiṃ katvā. Upādiṇṇakaāhāre sandhāya “**attabhāvasāṅkhātānaṃ āhārāna**”’nti vuttaṃ. Te hi nippariyāyato taṇhānidānā. **Paripuṇṇāyatanānaṃ sattānaṃ sattasantativasenāti** paripuṇṇāyatanānaṃ sabhāvakānaṃ cakkhu sotaṃ ghānaṃ jivhā kāyo bhāvo vatthūti imesaṃ sattanaṃ santatīnaṃ vasena. **Sesānaṃ** aparipuṇṇāyatanānaṃ andhabadhiraabhāvakānaṃ. **Ūnaūnasantativasenāti** cakkhunā, soteṇa, tadubhayena, bhāvena ca ūnaūnasantativasena. Paṭisandhiyaṃ jātā **paṭisandhikā**. **Paṭhamabhavaṅgacittakkhaṇādīti ādi**-saddena tadārammaṇacittassa saṅgaho daṭṭhabbo.

Taṇhāyapi nidānaṃ jānātīti yojanā. Taṇhānidānantipi pāṭho. **Vaṭṭaṃ dassetvāti** sarūpato nayato ca sakalameva vaṭṭaṃ dassetvā. Idāni tamatthaṃ vitthārato vibhāvetuṃ “**imasmiṅca pana ʒhāne**”’tiādīmāha. **Atītābhimukhaṃ desanaṃ katvāti** paccuppannabhavato paṭṭhāya atītadhammābhimukhaṃ tabbisayaṃ desanaṃ katvā tathākāraṇena. **Atītena vaṭṭaṃ dassetīti** atītābhavena kammakilesavipākavaṭṭaṃ dasseti. **Attabhāvoti** paccuppanno attabhāvo. Yadi evaṃ kasmā “atītena vaṭṭaṃ dasseti”’ti vuttanti? Nāyaṃ doso “atītenevā”’ti anavadhāraṇato, evaṅca katvā atītābhimukhaggahaṇaṃ janakakammaṃ gahitaṃ, taṇhāsīsena nānantariyabhāvato. Na hi kammunā vinā taṇhā bhavanetti yujjati.

**Taṃ kammanti** taṇhāsīsenā vuttakammaṃ. **Dassetunti** taṃ atītaṃ attabhāvaṃ dassetuṃ. **Tassattabhāvassa janakaṃ kammanti** tassa yathāvuttassa attabhāvassa janakaṃ. Tato parampi attabhāvaṃ āyūhitaṃ kammaṃ dassetuṃ vuttaṃ. Avijjā ca nāma taṇhā viya kammattāti kammasseva gahaṇaṃ. **Dvīsu ṭhānesūti** āhāraggahaṇena vedanādiggahaṇenāti dvīsu ṭhānesu. **Attabhāvoti** paccuppannakāliko atītakāliko ca attabhāvo. Puna **dvīsūti** taṇhāggahaṇe avijjāsaṅkhāraggahaṇeti dvīsu ṭhānesu. **Tassa janakanti** paccuppannassa ceva atītassa ca attabhāvassa janakaṃ kammaṃ vuttanti yojanā. Kammaggahaṇena cettha yattha taṃ kammaṃ āyūhitaṃ, sā atītā jāti atthato dassitā hoti. Tena saṃsāravaṭṭassa anamataggaṭaṃ dīpeti. **Saṅkhepenāti** saṅkhepena hetupañcakaphalapañcakaggahaṇampi hi saṅkhepo eva hetuphalabhāvena saṅghetabbadhammānaṃ anekavidhattā.

Yadi atītena vaṭṭaṃ dassitaṃ, evaṃ sati sappadesā paṭiccasamuppādadhammadesanā hotīti dassento “**tatrāya**”ntiādīmāha. Tena hi yadipi sarūpato anāgatena vaṭṭaṃ idha na dassitaṃ, nayato pana tassapi dassitattā nippadesā eva paṭiccasamuppādadesanāti dasseti. Idāni tamatthaṃ upamāya vibhāvetuṃ “**yathā hi**”tiādi vuttaṃ. **Udakapiṭṭhe nipannanti** udakaṃ pariplavavasena nipannaṃ. **Parabhāganti** parauttamaṅgabhāgaṃ. **Oratoti** tato aparabhāgato olokeno. **Aparipuṇṇoti** vikalāvayavo. **Evamsampadanti**ādi upamāya saṃsandanaṃ.

Yathā hi gīvā sarīrasandhārakakaṇḍarānaṃ mūlaṭṭhānabhūtā, evaṃ attabhāvasandhārakānaṃ saṅkhārānaṃ mūlabhūtā taṇhāti vuttaṃ “**gīvāya diṭṭhakālo**”ti. Yathā vedanādiānekāvayavasamudāyabhūto attabhāvo, evaṃ phāsukapiṭṭhikaṇḍakādiānekāvayavasamudāyabhūtā piṭṭhīti “**piṭṭhiyā...pe... tassa diṭṭhakālo**”ti vuttaṃ. **Taṇhāsaṅkhātanti** taṇhāya kathitaṃ. Idha desanāya paccayā avijjāsaṅkhārā veditabbāti “**naṅguṭṭhamūlassa diṭṭhakālo viyā**”ti vuttaṃ. Tathā hi pariyosāne “**naṅguṭṭhamūlaṃ passeyyā**”ti upamādassanaṃ kataṃ. Nayato paripuṇṇabhāvaggahaṇaṃ veditabbam. Pāḷiyam anāgatassāpi paccayavaṭṭassa hetuvasena phalavasena vā paripuṇṇabhāvassa mukhamattadassanīyattā ādito phalāhetusandhi, majjhe hetuphalasandhi, antepi phalāhetusandhīti evaṃ tisandhikattā **catusaṅkhepameva vaṭṭaṃ dassitanti**.

Āhārasuttavaṇṇanā niṭṭhitā.

## 2. Moliyaphaggunasuttavaṇṇanā

**12. Imasmimyeva ṭhāneti** “cattārome bhikkhu...pe... āhārā”ti evaṃ cattāro āhāre sarūpato dassetvā “ime kho bhikkhave...pe... anuggahāyā”ti nigamanavasena dassite imasmimyeva ṭhāne. **Desanaṃ niṭṭhāpesi** catuāhāravibhāgadīpakam desanaṃ uddesavaseneva niṭṭhāpesi, upari āvajjetvā tuṇhī nisīdi. **Diṭṭhigatikoti** attadiṭṭhivasena diṭṭhigatiko. **Varagandhavāsītanti** sabhāvasiddhena candanagandhena ceva tadaññānānāgandhena ca paribhāvitattā varagandhavāsitaṃ. **Ratanacaṅkoṭavarenāti** ratanamayena uttamacaṅkoṭakena. **Desanānusandhiṃ ghaṭentoti** yathādesitāya desanāya anusandhiṃ ghaṭento, yathā uparidesanā vaddheyya, evaṃ ussāhaṃ karonto. **Viññāṇāhāraṃ āhāretīti** tassa āhāraṇakiriyāya vuttapucchāya taṃ diṭṭhigataṃ uppārento “**yo etaṃ... pe... bhuñjati vā**”ti āha.

Viññāṇāhāre nāma icchite tassa upabhuñjakenapi bhavitabbaṃ, so “ko nu kho”ti ayaṃ pucchāya adhippāyo. **Utusamayeti** gabbhavuṭṭhānasamaye. So hi utusamayassa mattakasamayattā tathā vutto. “Udakena aṇḍāni mā nassantu”ti **mahāsamuddato nikkhamivā**. Gijjhapotakā viya āhārasañcetanāya tāni kacchapaṇḍāni manosañcetanāhārena yāpentīti ayaṃ tassa therassa laddhi. **Kiñcāpi ayaṃ laddhīti** phassamanosañcetanāhāresu kiñcāpi therassa yuttā ayuttā vā ayaṃ laddhi. **Imaṃ pañhanti** “ko nu kho, bhante, viññāṇāhāraṃ āhāretī”ti imaṃ pañhaṃ etāya yathāvuttāya laddhiyā na pana pucchati, atha kho sattupaladdhiyā pucchati adhippāyo. **Soti diṭṭhigatiko**. **Na niggaḥetabbo** ummattakasadisattā adhippāyaṃ ajānitvā pucchāya katattā. Tenāha “āhāretīti nāhaṃ vadāmi”tiādi.



**Tasmiṃ mayā evaṃ vutteti** tasmiṃ vacane mayā “āhāretī”ti evaṃ vutte sati. **Ayaṃ pañhoti** “ko nu kho, bhante, viññāṇāhāraṃ āhāretī”ti ayaṃ pañho yutto bhaveyya. **Evaṃ pucchite pañheti** sattupaladdhiṃ anādāya “katamassa dhammassa paccayo”ti evaṃ dhammapavattavaseneva pañhe pucchite. **Teneva viññāṇenāti** teneva paṭisandhiviññāṇena saha uppannaṃ nāmañca rūpañca atītabhave diṭṭhigatikassa vasena āyatim punabbhavābhiniḃbattīti idhādhippetam. **Nāmarūpe jāte satīti** nāmarūpe nibbatte tappaccayabhūtam bhinditvā saḷāyatanam hoti.

Tatrāyam paccayavibhāgo – nāmantī vedanādikhandhattayam idhādhippetam, rūpam pana sattasantatipariyāpannam, niyamato cattāri bhūtāni cha vatthūni jīvitindriyam āhāro ca. Tattha vipākanāmam paṭisandhikkhaṇe hadayavatthuno sahāyo hutvā chaṭṭhassa manāyatanassa saha jātaaññamaññanissayasampayuttavipākaatthiavigatapaccayehi sattadhā paccayo hoti. Kiñci panettha hetupaccayena kiñci āhārapaccayenāti evaṃ ukkaṃsāvakaṃso veditabbo. Itaresam pana pañcāyatanānam catunnam mahābhūtānam sahāyo hutvā saha jātanissayavipākavippayuttaatthiavigatavasena chadhā paccayo hoti. Kiñci panettha hetupaccayena kiñci āhārapaccayenāti sabbam purimasadisam. Pavatte vipākanāmam vipākassa chaṭṭhāyatanassa vuttanayena sattadhā paccayo hoti, avipākam pana avipākassa chaṭṭhassa tato vipākapaccayam apanetvā paccayo hoti. Cakkhāyatanādīnam pana paccuppannam cakkhupasādādivatthukampi itarampi vipākanāmam pacchājātavippayuttaatthiavigatapaccayehi catudhā paccayo hoti, tathā avipākampi veditabbam. Rūpato pana vatthurūpam paṭisandhiyam chaṭṭhassa saha jātaaññamaññanissayavippayuttaatthiavigatapaccayehi chadhā paccayo hoti. Cattāri pana bhūtāni cakkhāyatanādīnam pañcannaṃ saha jātanissayaatthiavigatapaccayehi catudhā paccayo hoti. Rūpajīvitam atthiavigatindriyavasena tidhā paccayo hotīti ayañhettha saṅkhepo, vitthāro pana visuddhimaggato (visuddhi. 2.594) gahetabbo.

**Pañhassa okāsam dentoti** “ko nu kho, bhante, phusatī”ti imassa diṭṭhigatikapañhassa okāsam dento. Tato vivecetukāmoti adhippāyo. **Sabbapadesūti** diṭṭhigatikena bhagavatā ca vuttapadesu. **Sattoti** attā. So pana ucchedavādinopi yāva na ucchijjati, tāva atthevāti laddhi, pageva sassatavādino. **Bhūtoti** vijjamāno. **Nipphattoti** nipphanno. Na tassa dāni nipphādetabbam kiñci atthīti laddhi. **Idappaccayā idanti** imasmā viññāṇāhārapaccayā idam nāmarūpam. Puna **idappaccayā idanti** imasmā nāmarūpapaccayā idam saḷāyatananti evaṃ bahūsu ṭhānesu bhagavatā kathitattā yathā paccayato nibbatam saṅkhāramattamidanti saññattim upagato. **Tenāpīti** saññattupagatenāpi. **Ekābaddham katvāti** yathā pucchāya avasaro na hoti, tathā ekābaddham katvā. **Desanāruḷhanti** yato saḷāyatanapadato paṭṭhāya “saḷāyatanapaccayā phasso”tiādīnā desanā paṭiccasamuppādavīthim āruḷhameva. **Tamevāti** saḷāyatanapadameva gahetvā. **Vivajjentoti** vivaṭṭento. **Evaṃāhāti** “channaṃtvevā”tiādiākārena evaṃ desite, “vineyyajano paṭivijjhatī”ti evamāha. Viññāṇāhāro āyatim punabbhavābhiniḃbattiyāti evaṃ purimabhavato āyatibhavassa paccayavasena mūlakāraṇavasena ca desitattā “**viññāṇanāmarūpanam antare eko sandhī**”ti vuttam. Tadaminā viññāṇaggahaṇena abhisāṅkhāraviññāṇassāpi gahaṇam katanti daṭṭhabbam.

Moḷiyaphaggunasuttavaṇṇanā niṭṭhitā.

### 3. Samaṇabrāhmaṇasuttavaṇṇanā

13. Ye paccayasamavāye tenattabhāvena saccāni paṭivijjhitum samatthā, te bāhirakalinge ṭhitāpi teneva tattha samatthatāyogena bhāvīnam samitabāhitapāpatam apekkhitvā samaṇasammatāyeva brāhmaṇasammatāyevāti te nivattetum “**saccāni paṭivijjhitum asamatthā**”ti vuttam. **Dukkhasaccavasenāti** dukkhaariyasaccavasena. Aññathā katham bāhirakāpi jarāmarāṇam dukkhanti na jānanti. Saccadesanābhāvato “saha taṇhāyā”ti vuttanti keci. Tam na suṭṭhu. Yasmā tattha tattha bhava paṭhamābhiniḃbatti, idha jāṭīti adhippetā, sā ca taṇhā eva santānena, taṇheva sā jāti. Jarāmarāṇaṅcetta pākāṃameva adhippetam, na khaṇikam, tasmā sataṇhā eva jātijarāmarāṇassa samudayoti bhūtakathanametam daṭṭhabbam. Samudayasaccavasena na jānantīti yojanā. Esa nayo sesapadesupi.

**Sabbapadesūti** yattha taṇhā viśesanabhāvena vattabbā, tesu sabbapadesu. Yena samannāgatattā puggalo paramatthato samaṇo brāhmaṇoti vuccati, taṃ sāmāññaṃ brahmaññañcāti āha “**ariya...pe... brahmaññañcā**”ti. Yena hi pavattinimittena samaṇa-saddo brāhmaṇa-saddo ca sake atthe niruḷho, tassa vasena abhinnopi veneyyajjhāsayato dvidhā katvā vattum arahatīti vuttaṃ “**ubhayatthāpī**”ti. **Ekādasasu thānesu cattāri saccāni kathesi** avijjāsamudayassa anuddhaṭattā.

Samaṇabrāhmaṇasuttavaṇṇanā niṭṭhitā.

#### 4. Dutiyasamaṇabrāhmaṇasuttavaṇṇanā

**14. Ime dhamme katame dhammeti** ca ettha **iti**-saddo ādiattho. Tena “imesaṃ dhammānaṃ katamesaṃ dhammāna”nti imesaṃ padānaṃ saṅgaho. Etāni hi padāni jarāmaraṇādīnaṃ sādharmaṇabhāvena vuttāni imissā desanāya papañcabhūtānīti āha “**ettakaṃ papañcaṃ katvā kathitaṃ, desanaṃ...pe... ajjhāsayenā**”ti. Iminā tāneva jarāmaraṇādīni gahetvā puggalajjhāsayavasena ādito “ime dhamme”tiādīnā sabbapadasādhāraṇato desanā āraddhā. Yathānulomasāsanañhi suttantadesanā, na yathādhammasāsananti.

Dutiyasamaṇabrāhmaṇasuttavaṇṇanā niṭṭhitā.

#### 5. Kaccānagottasuttavaṇṇanā

**15.** Yasmā idha jānantāpi “sammādiṭṭhī”ti vadanti ajānantāpi bāhirakāpi sāsanikāpi anussavādivasenapi attapaccakkhenapi, tasmā taṃ bahūnaṃ vacanaṃ upādāya āmedītavasena “**sammādiṭṭhi sammādiṭṭhīti, bhante, vuccati**”ti āha. Tathānididiṭṭhatādassanattaṃ hissa ayaṃ āmedītapayogo. Ayañhettha adhippāyo – “aparehipi sammādiṭṭhīti vuccati, sā panāyaṃ evaṃ vuccamānā atthañca lakkhaṇaṇca upādāya kittāvataṃ nu kho, bhante, sammādiṭṭhi hotī”ti. Atthakathāyaṃ pana “sammādiṭṭhī”ti vacane yasmā viññū eva pamāṇaṃ, na aviññū, tasmā “**yaṃ paṇḍitā**”tiādi vuttaṃ. Dve avayavā assāti dvayaṃ, duvidhaṃ diṭṭhigāhavatthu, dvayaṃ diṭṭhigāhavasena nissito apassitoti **dvayanissito**. Tenāha “**dve koṭṭhāse nissito**”ti. Yāya diṭṭhiyā “sabboyam loko atthi vijjati sabbakālam upalabbhati”ti diṭṭhigatiko gaṇhāti, sā diṭṭhi atthitā, sā eva sadā sabbakālam loko atthīti pavattagāhatāya sassato, taṃ **sassataṃ**. Yāya diṭṭhiyā “sabboyam loko natthi na hoti ucchijjatī”ti diṭṭhigatiko gaṇhāti, sā diṭṭhi natthitā, sā eva ucchijjatīti uppannagāhatāya ucchedo, taṃ **ucchedaṃ**. **Loko nāma saṅkhāraloko** tamhi gahetabbato. **Sammappaññāyāti** aviparītapaññāya yathābhūtapaññāya. Tenāha “**savipassanā maggapaññā**”ti. **Nibbattesu dhammesūti** yathā paccayuppannesu rūpārūpadhammesu. **Paññāyante ssevāti** santānanibandhanavasena paññāyamānesu eva. **Yā natthīti** yā ucchedadiṭṭhi tattha tattheva sattānaṃ ucchijjanato vinassanato koci thito nāma satto dhammo vā natthīti saṅkhāraloke uppajjeyya. “Natthi sattā opapātikā”ti pavattamānāpi micchādiṭṭhi tathāpavattasaṅkhārārammaṇāva. **Sā na hotīti** kammāvijjātantaṇhādibhedaṃ paccayaṃ paṭicca saṅkhāralokassa samudayanibbattiṃ sammappaññāya passato, sā ucchedadiṭṭhi, na hoti, nappavattati avicchedena saṅkhārānaṃ nibbattidassanato. **Lokanirodhanti** saṅkhāralokassa khaṇikanirodhaṃ. Tenāha “**saṅkhārānaṃ bhaṅga**”nti. **Yā atthīti** hetuphalasambandhena pavattamānassa santānanupacchedassa ekattaggahaṇena saṅkhāraloke yā sassatadiṭṭhi sabbakālam loko atthīti uppajjeyya. **Sā na hotīti** uppannuppannānaṃ nirodhassa navanavānañca uppādassa dassanato, sā sassatadiṭṭhi na hoti.

Loko samudeti etasmāti lokasamudayoti āha “**anulomapaccayākāra**”nti. Paccayadhammānañhi attano phalassa paccayabhāvo anulomapaccayākāro. Paṭilomaṃ paccayākāranti ānetvā sambandho. Taṃtaṃhetunirodhato taṃtaṃphalanirodho hi paṭilomapaccayākāro. Yo hi avijjādīnaṃ paccayadhammānaṃ hetuādiṭṭhābhāvo, so nippariyāyato lokasamudayo. **Paccayuppannassa** saṅkhārādikassa. **Anucchedaṃ passatoti** anucchedadassanassa hetu. **Ayampīti** na kevalaṃ khaṇato udayavayanīharaṇanayo, atha kho paccayato udayavayanīharaṇanayopi.

Upagamanatthēna taṅhāva **upayo**. Tathā **diṭṭhupayo**. **Eseva nayoti** iminā upayehi upādānādīnam anattantaratam atidisati. Tathā ca pana tesu duvidhatā upādīyati. Nanu ca cattāri upādānāni aññattha vuttānīti? Saccam vuttāni, tāni ca kho atthato dve evāti idha evam vuttam. Kāmam “**ahaṃ mama**”nti ayathānukkamena vuttam, yathānukkamaṃyeva pana attho veditabbo. **Ādi**-saddena paroparassa subham asubhantiādīnaṃ saṅgaho veditabbo. **Te dhammeti** tebhūmakadhamme. **Vinivisanti** virūpaṃ nivisanti, abhinivisanti attho. **Tāhīti** taṅhādīṭṭhīhi. **Vinibaddhoti** virūpaṃ vimuccitum vā appadānavasena niyametvā baddho.

“Abhiniveso”ti upayupādānānam pavattiākāraviseso vuttoti āha “**tañcāyanti tañca upayupādāna**”nti. **Cittassāti** akusalacittassa. **Paṭiṭṭhānabhūtaṃ** ādhārabhūtam. Dosamohavasenapi akusalacittappavatti taṅhādīṭṭhābhinivesūpanissayā evāti taṅhādīṭṭhiyo akusalassa cittassa adhiṭṭhānanti vuttā. **Tasminti** akusalacitte. **Abhinivisanti** “etaṃ mama, eso me attā”tiādīnā abhinivesanam pavattenti. **Anusenti** thāmagatā hutvā appahānabhāvena anusenti. **Tadubhayanti** taṅhādīṭṭhidvayam. **Na upagacchatīti** “etaṃ mamā”tiādīnā taṅhādīṭṭhigatiyā na upasankamati na allīyati. **Na upādiyati** na daḥhaggāham gaṇhāti. **Na adhiṭṭhāti** na taṅhādīṭṭhigāhena adhiṭṭhāya pavattati. Attaniyagāho nāma sati attagāhe hotīti vuttam “**attā me**”ti. Idam dukkhaggahaṇam upādānakkhandhāpassayam tabbinimuttassa dukkhassa abhāvāti vuttam “**dukkhamevāti pañcupādānakkhandhamattamevā**”ti. “Saṃkhittena pañcupādānakkhandhā dukkhā”ti (dī. ni. 2.387; ma. ni. 1.120; 3.373; vibha. 190) hi vuttam. **Kaṅkham na karotīti** saṃsayam na uppādeti sabbaso vicikicchāya samucchindanato.

**Na parappaccayenāti** parassa asaddahanena. **Missakasammādiṭṭhiṃ āhāti** nāmarūpaparicchedato paṭṭhāya sammādiṭṭhiyā vuttatā lokiyalokuttaramissakam sammādiṭṭhiṃ avoca. **Nikūṭantoti** nihīnanto. Nihīnapariyāyo hi ayam nikūṭa-saddo. Tenāha “**lāmakanto**”ti. **Paṭhamakanti** ca garahāyam ka-saddo. **Sabbam natthīti** yathāsaṅkhatam bhaṅgupattiyā natthi eva, sabbam natthi ucchijjati vinassatīti adhippāyo. Sabbamatthīti ca yathā saṅkhatam atthi vijjati, sabbakālam upalabbhatīti adhippāyo. **Sabbanti** cettha sakkāyasabham veditabham “sabbadhammamūlapariyāya”ntiādīsu (ma. ni. 1.1) viya. Tañhi pariññāṇānam paccayabhūtam. **Iti-saddo** nidassane. Kiṃ nidasseti? Atthi-saddena vuttam. “Atthita”nti niccatam. Sassataggāho hi idha paṭhamo antoti adhippeto. Uchedaggāho dutiyoti tadubhayavinimuttā ca idappaccayatā. Ettha ca uppannanirodhakathanato sassatatam, nirujjhantānam asati nibbānappattiyam yathāpaccayam punūpagamanakathanato ucchedataṅca anupagamma majjhimena bhagavā dhammam deseti idappaccayatāyena. Tena vuttam “ete...pe... ante”tiādī.

Kaccānagottasuttavaṇṇanā niṭṭhitā.

## 6. Dhammakathikasuttavaṇṇanā

**16. Nibbindanattahāyāti** nibbidānupassanāpaṭilābhāya. Sā hi jarāmarasāsena vuttesu saṅkhatadhammesu nibbindanākārena pavattati. **Virajjanattahāyāti** virāgānupassanāpaṭilābhāya. **Silato paṭṭhāyāti** vivaṭṭasannissitasīlasamādānato paṭṭhāya. Sotāpattiyāṅgehi samannāgato vivaṭṭasannissitasīle paṭiṭṭhito upāsakopi pageva catupārisuddhisīle paṭiṭṭhito bhikkhu sammāpaṭipanno nāma. Tenāha “**yāva arahattamaggā paṭipannoti veditabbo**”ti. **Nibbānadhammassāti** nibbānāvahassa ariyassa maggassa. **Anurūpasabhāvabhūtaṃ** nibbānādhigamassa anucchavikasabhāvabhūtam. **Nibbidāti** iminā vuttānagāminipariyosānam vipassanam vadati. **Virāgā nirodhāti** padadvayena ariyamaggam, itarena phalam. **Etthāti** imasmim sutte. **Ekena nāyēnāti** paṭhamena nāyena. Tattha hi bhagavā tena bhikkhunā dhammakathikalakkhaṇam pucchito tam matthakam pāpetvā vissajjesi. Yo hi vipassanam maggam anupādāvimuttim pāpetvā kathetum sakkoti, so ekantadhammakathiko. Tenāha “**dhammakathikassa pucchā kathitā**”ti. **Dvīhīti** dutiyatatiyanayehi. **Tanti** puccham. **Visesetvāti** visiṭṭham katvā. Yathāpucchitamattameva akathetvā apucchitampi attham dassento dhammānudhammapaṭipattim anupādāya vimuttisaṅkhātam visesam pāpetvā. Bhagavā hi appam yācīto bahum dento ulārapuriso viya dhammakathikalakkhaṇam pucchito paṭiccasamuppādamukhena tañceva tato ca uttarim dhammānudhammapaṭipattim anupādāvimuttaṅca vissajjesi. Tattha “nibbidāya...pe... dhammam

deseti’’ti iminā dhammadesanaṃ vāsanābhāgiyaṃ katvā dassesi. ‘‘Nirodhāya paṭipanno hoti’’ti iminā nibbedhabhāgiyaṃ, ‘‘anupādāvimutto hoti’’ti iminā desanaṃ asekkhabhāgiyaṃ katvā dassesi. Tenāha ‘‘**sekkhāsekkhabhūmiyo niddiṭṭhā**’’ti.

Dhammakathikasuttavaṇṇanā niṭṭhitā.

## 7. Acelakassapasuttavaṇṇanā

**17. Liṅgena acelakoti** pabbajitaliṅgena acelako. Tena acelakacaraṇena acelo, na niccelatāmattenāti dasseti. **Nāmenāti** gottanāmena **kassapoti**. Deseti pavedeti saṃsayavigamaṇaṃ etenāti deso, nicchayaḥetūti āha ‘‘**kiñcīdeva desa**’’ntiādi. So hi saṃsayavigamaṇaṃ karotīti **kāraṇaṃ**. **Okāsanti** avasaṃsandanaḥpadesaṃ. Tenāha ‘‘**khaṇaṃ kāla**’’nti. **Antaragharaṃ** antonivesanaṃ. Antare gharāni etassāti **antaragharaṃ**, antogāmo. **Yadākaṅkhasīti** yaṃ ākaṅkhasi. Iti bhagavā sabbaññūpavāraṇāya pavāreti. Tenāha ‘‘**yaṃ icchasi**’’ti. **Yadākaṅkhasīti** yaṃ ākaṅkhasi, kassapa, tikkhattuṃ paṭikkhipantopi pucchasi, yaṃ ākaṅkhasi, tameva pucchāti attho.

‘‘Yāvatiyaṃ paṭikkhipī’’ti vuttattā ‘‘tatiyampi kho’’tiādinā pāṭhena bhavitabbaṃ. So pana nayavasena saṃkhittoti daṭṭhabbo. Yena kāraṇena bhagavā acelakassa tikkhattuṃ yācāpetvā cassa pañhaṃ kathesi, taṃ dassetuṃ ‘‘**kasmā panā**’’tiādimāha. **Gāravajananatthaṃ yāvatiyaṃ paṭikkhipi** tañca dhammassa sussūsāya. Dhammagarukā hi buddhā bhagavanto. Sattānaṃ ñāṇaparipākaṃ āgamayamāno yāvatiyaṃ yācāpetīti vibhattivipariṇāmaḥvasena sādḥāraṇato padaṃ yojetvā puna ‘‘ettakena kālenā’’ti kassapassa vasena yojetabbaṃ.

**Māti** paṭisedhe nipāto. **Bhaṇīti** punavacanaḥvasena kiriyāpadaṃ vadati. **Mā evaṃ bhaṇi**, kathesiṭi attho. ‘‘Iti bhagavā avocā’’ti pana saṅgītikāravacanaṃ. **Sayaṃkataṃ dukkhanti** purisassa uppajjamānadukkhāṃ, tena kataṃ nāma tassa kāraṇassa pubbe teneva kammaṃ upacittatīti ayaṃ nayo anavajjo. Diṭṭhigatiko pana pañcakkhandhavinimuttaṃ niccaṃ kārakavedakalakkhaṇaṃ attānaṃ parikkappetvā tassa vasena ‘‘sayaṃkataṃ dukkha’’nti pucchati bhagavā ‘‘mā heva’’nti avoca, tenāha ‘‘**sayaṃkataṃ dukkhanti vattuṃ na vaṭṭati**’’tiādi. Ettha ca yaḍi bāhirakehi parikkappito attā nāma koci atthi, so ca nicco, tassa nibbikāratāya, purimarūpāvijahanato kassaci viṣesādhānaṃ kātuṃ asakkupēyyatāya ahitato nivattanatthaṃ, hite ca vattanatthaṃ upadeso ca nippayojano siyā attavādino. Kathaṃ vā so upadeso pavattiyati? Vikārābhāvato. Evañca attano ajaṭākāsassa viya dānādikiriyaṃ hiṃsādikiriyaṃ ca na sambhavati, tathā sukhassa dukkhassa ca anubhavanabandho eva attavādino na yujjati kammabandhābhāvato. Jātiādīnañca asambhavato kuto vimokkho. Atha pana ‘‘dhammamattaṃ tassa uppajjati ceva vinassati ca. Yassa vasaṇāyaṃ kiriyāvohāro’’ti vadeyya, evampi purimarūpāvijahanena avatṭhitassa attano dhammamattanti na sakkā sambhāvetuṃ. Te vā panassa dhammā avatṭhābhūtā, tato aññe vā siyuṃ anaññe vā. Yaḍi aññe, na tāhi tassa uppannāhipi koci viṣeso atthi. Yo hi karoti paṭisaṃvedeti cavati upapajjati cāti icchitaṃ, tasmā tadattho eva yathāvuttadoso. Kiñca dhammakappanāpi niratthikā siyā. Atha anaññe, uppādavināsavantiṭhi avatṭhāhi anaññassa attano tāsāṃ viya uppādavināsasambhavato kuto niccatāvakaṃso. Tāsampi vā attano viya niccatāpatīti bandhavimokkhānaṃ asambhavo evāti na yujjatevāyaṃ attavādo. Tenāha ‘‘**attā nāma koci dukkhassa kārako natthīti dīpeti**’’ti. **Paratoti** ‘‘paraṃkataṃ dukkha’’ntiādike parasmiṃ tividhepi naye. **Adhiccasaṃuppannanti** adhicca yadicchāya kiñci kāraṇaṃ kassaci vā pubbaṃ vinā saṃuppannaṃ. Tenāha ‘‘**akāraṇena yadicchāya uppanna**’’nti. **Kasmā evamāhāti** evaṃ vakkhamānoti adhippāyo. **Assāti** acelassa. **Ayanti** bhagavantaṃ sandhāya vadati. **Sodhentoti** sayaṃ viṣuddhaṃ katvā pucchitamattaṃ eva attano pucchāya suddhiṃ dassento. Laddhiyā ‘‘sayaṃkataṃ dukkha’’nti micchāgahaṇassa paṭisedhanatthāya.

**So karotīti** so kammaṃ karoti. **So paṭisaṃvedayatīti** kārakavedakānaṃ anaññattadassanaparaṃ etaṃ, na pana kammakiriyāphalānaṃ paṭisaṃvedanānaṃ samānakālatādassanaparaṃ. **Itīti** nidassanatthe nipāto. **Khoti** avadhāraṇe. ‘‘So evā’’ti dassito. Aniyatādesā hi ete nipātā. **Āditoti** bhummatthe

nissakkavacananti āha “**ādimhiyevā**”ti. “Sayamkatam dukkha”nti laddhiyā pageva “so karoti, so paṭisaṃvedayatī”ti saññācittavipallāsā bhavanti. Saññāvīpallāsato hi cittavipallāso, cittavipallāsato diṭṭhivipallāso, tenāha “**evaṃ sati pacchā sayamkatam dukkhanti ayam laddhi hoti**”ti. Evaṃ sati saññācittavipallāsānaṃ brūhito micchābhīniveso, yadidaṃ “sayamkatam dukkha”nti laddhi. Tasmā paṭinissajjetuṃ pāpakam diṭṭhigatanti dasseti. Tenāha bhagavā “sayamkatam...pe... etam pareti”ti. **Vaṭṭadukkham adhippetam** avisesato atthīti ca vuttatā. **Sassatam** sassatagāham **dīpeti** paresam pakāseti, tathābhūto ca **sassatam** daḥaggāham **gaṇhātīti**. **Tassāti** diṭṭhigatikassa. **Tam** “sayamkatam dukkha”nti evaṃ pavattam viparītadassanaṃ. **Etam** sassataggahaṇam. **Pareti** upeti. Tenāha “**kārakaṇca...pe... attho**”ti. **Ekameva gaṇhantanti** satipi vatthubhede ayoniso uppajjanena ekameva katvā gaṇhantam.

**Idha** “ādimhiyevā”ti pade. “Paramkatam dukkha”nti laddhiyā pagevātiadinā hettha vuttanayānusārena attho veditabbo. Ayañhettha yojanā – “paramkatam dukkha”nti laddhiyā pageva añño karoti, añño paṭisaṃvedayatīti saññācittavipallāsā bhavanti sabbam heṭṭhā vuttanayeneva yojetabbam. **Evaṃ satīti** evaṃ muduke ucchedavipallāse paṭhamuppanne sati pacchā “paramkatam dukkha”nti ayam laddhi hotīti sambandho. **Kārakoti** kammassa kārako. **Tena katanti** kammakārakena katam. Kammunā hi phalassa vohāro abhedopacārakattā. **Evanti** diṭṭhisahagatā vedanā sātasabhāvā kilesapariḷhādīnā saporissayā saupāyāsā, evaṃ. “Pageva itare”ti vuttavedanāya **abhitunnassa viddhassa**. “Vuttanayena yojetabba”nti vatvā tam yojanam dassento “**tatrāya**”ntiadinā. **Ucchedanti** sato sattassa ucchedam vināsam, vibhavanti attho. Asato hi vināsāsambhavato atthibhāvanibandhano ucchedo. Yathā hetuphalabhāvena pavattamānānam sabhāvadhammānam satipi ekasantānapariyāpannānam bhinnasantatipatitehi visese hetuphalānam paramatthato avinābhāvattā bhinnasantānapatitānam viya accantabhedasanniṭṭhānena nānattanayassa micchāgahaṇam ucchedābhīnivesassa kāraṇam. Evaṃ hetuphalabhūtānam dhammānam vijjamānēpi sabhāvabhede ekasantatipariyāpannatāya ekattanayena accantābhedagahaṇampi kāraṇamevāti dassetuṃ “sattassā”ti vuttam pāḷiyam. Santānavasena hi vattamānesu khandhesu ghanavinibbhogābhāvena ekattagahaṇanibandhano sattaggāho, sattassa ca atthibhāvaggāhanibandhano ucchedaggāho, yāvāyam attā na ucchijjati, tāvāyam vijjatiyevāti gahaṇato nirudayavināso idha ucchedoti adhippetoti “uccheda”nti vuttam. Visesena nāso vināso, abhāvo. So pana maṃsacakkhupaññācakkhūnam dassanapathātikkamoyeva hotīti vuttam “adassana”nti. Adassane hi nāsasaddo loke niruḷhoti. Sabhāvavigamo sabhāvāpagamo vibhavo. Yo hi nirudayavināsenā ucchijjati, na so attano sabhāvena tiṭṭhati.

**Ete teti** vā ye ime tayā “sayamkatam dukkha”nti ca puṭṭhena mayā “so karoti, so paṭisaṃvedayatī”tiadinā, “añño karoti, añño paṭisaṃvedayatī”tiadinā ca paṭikkhittā sassatucchedasankhātā antā, te ubho anteti yojanā. Atha vā **ete teti** yattha puthū aññatitthiyā anupacitaññasambhāratāya paramagambhīram saṇham sukhumaṃ suññatam appajānantā sassatucchede nimuggā sīsam ukkhipitum na visahanti, ete te ubho ante anupagammāti yojanā. **Desetīti** paṭhamam tāva anaññasādhāraṇe paṭipattidhamme ñāṇānubhāvena majjhīmāya paṭipadāya ṭhito, karuṇānubhāvena desanādhāmmē majjhīmāya paṭipadāya ṭhito dhammam deseti. **Ettha hīti hi**-saddo hetuattho. Yasmā kāraṇato...pe... niddiṭṭho, tasmā majjhīmāya paṭipadāya ṭhito dhammam desetīti yojanā. Kāraṇato phalam dīpitanti yojanā, abhidheyyānurūpañhi līngavacanāni honti. **Assāti** phalassa. **Na koci kārako vā vedako vā niddiṭṭho**, aññadatthu paṭikkhitto hetuphalamattatādassanato kevalam dukkhakkhandhagahaṇatoti. **Ettāvātāti** “ete te, kassapa...pe... dukkhakkhandhassa nirodho hoti”ti ettakena tāva padena. **Sesapañhāti** “sayamkataṇca paramkataṇca dukkha”ntiadinā sesā cattāro pañhā. Aṭṭhakathāyam pana “kiṃ nu kho, bho gotama, natthi dukkha”nti pañho pāḷiyam sarūpenēva paṭikkhittoti na uddhato. **Paṭisedhitā hontīti** tatiyapañho, tāva paṭhamadutiyaapañhapāṭikkhepenēva paṭikkhitto, so hi pañho visum visum paṭikkhepena ekajjham paṭikkhepena ca. Tenāha “**ubho...pe... paṭikkhitto**”ti. Ettha ca yassa attā kārako vedako vā icchito, tena vipariṇāmadhammo attā anuññato hoti. Tathā ca sati anupubbadhammappavattiyā rūpādidhammānam viya, sukhādidhammānam viya cassa paccayāyattavuttitāya uppādavantatā āpajjati. Uppāde ca sati avassambhāvī nirodhoti anavakāsā

niccatāti. Tassa “sayamkata”nti paṭhamapañhapaṭikkhepo pacchā ce attano niruḷhassa samudayo hotīti pubbe viya anena bhavitabbaṃ, pubbe viya vā pacchāpi. **Sesapañhāti** tatiyapañhādayo. **Tatiyapañho paṭikkhittoti** evañca tatiyapañho paṭikkhitto veditabbo – “avijjāpaccayā sankhārā”tiādīnā satataṃ samitaṃ paccayāyattassa dīpanena dukkhassa adhiccāsammuppannā paṭikkhittā, tato eva tassa ajānanañca paṭikkhittaṃ. Tenāha bhagavā “evametassa kevalassa dukkhakkhandhassa samudayo hotī”ti (ma. ni. 3.126; saṃ. ni. 2.39-40; mahāva. 1; udā. 1).

Yaṃ parivāsaṃ samādiyivā parivasatīti yojanā. **Vacanasiliṭṭhatāvasenāti** “bhagavato santike pabbajjaṃ labheyyaṃ upasampada”nti yācanta tena vuttavacanasiliṭṭhatāvasena. **Gāmappavesanādīnīti ādi-**saddena nātidivāpaṭikkamaṇaṃ, navesiyādigocarātā, sabrahmacārīnaṃ kiccesu dakkhatādi, uddesādīsu tibbacchandatā, titthiyānaṃ avaṇṇabhaṇane attamanatā, buddhādīnaṃ avaṇṇabhaṇane anattamanatā, titthiyānaṃ vaṇṇabhaṇane anattamanatā, buddhādīnaṃ vaṇṇabhaṇane attamanatāti (mahāva. 87) imesaṃ saṅgaho. **Aṭṭha vattānīti** imāni aṭṭha titthiyavattāni pūrentena. Ettha ca nātikālena gāmappavesanā tattha visuddhakāyavacīsamācārena piṇḍāya caritvā nātidivāpaṭikkamananti idamekaṃ vattaṃ.

**Ayamettha pāḥhoti** etasmim kassapasutte ayam pāḥho. **Aññatthāti** sīhanādasuttādīsu (dī. ni. 1.402-403). **Ghaṃsitvā koṭṭetvāti** yathā suvaṇṇaṃ nighaṃsitvā adhikaraṇiyā koṭṭetvā niddosameva gayhati, evaṃ parivāsavattacaraṇena ghaṃsitvā suddhabhāvavīmaṃsanena koṭṭetvā suddho eva aññatitthiyapubbo idha gayhati. **Tibbacchandatanti** sāsanaṃ anupavisitvā brahmacariyavāse tibbacchandataṃ daḷhatarābhīrucitaṃ. **Aññataraṃ bhikkhuṃ āmantesi**ti nāmagottena apākaṭaṃ ekaṃ bhikkhuṃ āṇāpesi ehibhikkhuupasampadāya upanissayābhāvato. **Gaṇe nisīditvāti** bhikkhū attano santike pattāsanavasena gaṇe nisīditvā.

Acelakassapasuttavaṇṇanā niṭṭhitā.

## 8. Timbarukasuttavaṇṇanā

18. Yasmā timbaruko “vedanā attā. Attāva vedayati”ti evaṃladdhiko, tasmā tāya laddhiyā “sayamkataṃ sukhadukkhā”nti vadati, taṃ paṭisaṃharitum bhagavā “sā vedanā”tiādīṃ avoca. Tenāha “sā vedanātiādi sayamkataṃ sukhadukkhanti laddhiyā nisedhanatthaṃ vutta”nti. **Etthāpīti** imasmimpi sutte. **Tatrāti** yaṃ vuttaṃ “sā vedanā...pe... sukhadukkhā”nti, tasmim pāṭhe. **Ādimhiyevāti** ettha bhummavacanaena “ādito”ti to-saddo na nissakkavacane. **Eva-**kārena kho-saddo avadhāraṇeti dasseti. Yaṃ panettha vattabbaṃ, taṃ anantarasutte vuttameva. Tattha pana “vedanāto añño attā, vedanāya kārako”ti laddhikassa diṭṭhigatikassa vādo paṭikkhitto, idha “vedanā attā”ti evaṃladdhikassāti ayameva viseso. Tenāha “**evañhi sati vedanāya eva vedanā katā hotī**”tiādi. **Imissāti** yāya vedanāya sukhadukkhāṃ kataṃ, imissā. **Pubbepīti** sassatākārato pubbepi. **Purimañhi atthanti** anantarasutte vuttaṃ atthaṃ. **Aṭṭhakathāyanti** porāṇaṭṭhakathāyaṃ. **Tanti** purimasutte vuttamatthaṃ. **Assāti** imassa suttassa. Yasmā timbaruko “vedanāva attā”ti gaṇhāti, tasmā vuttaṃ “**ahaṃ sā vedanā...pe... na vadāmi**”ti.

**Aññā vedanāti**ādīsipi yaṃ vattabbaṃ, taṃ anantarasutte vuttanayameva. **Kāravavedanāti** kattubhūtavedanā. **Vedanāsukhadukkhanti** vedanābhūtasukhadukkhāṃ kathitaṃ, na vaṭṭasukhadukkhāṃ. “**Vipākasukhadukkhameva vaṭṭati**”ti vuttaṃ “sayamkataṃ sukhaṃ dukkhā”ntiādivacanaato.

Timbarukasuttavaṇṇanā niṭṭhitā.

## 9. Bālapaṇḍitasuttavaṇṇanā

19. Avijjā nīvaraṇā bhavādi-ādīnavassa nivāritapaṭicchādikā etassāti **avijjānīvaraṇo**, avijjāya

nivutoti āha “**avijjāya nivāritassā**”ti. **Ayaṃ kāyoti** bālassa appahīnakilesassa paccuppannam attabhāvaṃ rakkhaṃ katvā avijjāya paṭicchādītādinave ayāthāvadassanavasena taṇhāya paṭiladdhacittassa taṃtaṃbhavūpagā saṅkhārā saṅkharīyanti. Tehi ca attabhāvassa abhinibbatti, tasmā ayaṅca avijjāya kāyo nibbattoti. **Assāti** bālassa. **Ayaṃ atthoti** “ayaṃ kāyo nāmarūpanti ca vutto”ti attho dīpetabbo upādānakkhandhasaḷāyatanasaṅgahato tesam dhammānaṃ. **Evametam dvayanti** evaṃ avijjāya nivāritattā, taṇhāya ca saṃyuttattā evaṃ sapaṇasantānagatasaviññānakakāyasaṅkhātā dvayaṃ hoti. **Aññatthāti** suttantaresu. “Cakkhuṅca paṭicca rūpe ca uppajjati cakkhuviññānaṃ, tiṇṇaṃ saṅgati phasso”tiādīnā (ma. ni. 1.204, 400; 3.421, 425-426; saṃ. ni. 2.43-45; 4.60-61; kathā. 465, 467) ajjhattikabāhirāyatanāni bhinditvā cakkhurūpādīdvayāni paṭicca cakkhusamphassādayo vuttā, idha pana abhinditvā cha ajjhattikabāhirāyatanāni paṭicca cakkhusamphassādayo vuttā “**dvayaṃ paṭicca phasso**”ti, tasmā **mahādvayaṃ nāma kiretaṃ** anavasesato ajjhattikabāhirāyatanānaṃ gahitattā. **Ajjhattikabāhirāni āyatanāni**ti etthāpi hi saḷāyatanāni saṅgahitāneva. **Phassakāraṇāni**ti phassapavattiyā paccayāni. **Yehīti** hetudassanamattanti āha “**yehi kāraṇabhūtehi**”ti. Phasso eva phusanakicco, na phassāyatanāni vuttaṃ “**phassena phuṭṭho**”ti. **Paripuṇṇavasenāti** avekallavasena. Aparipuṇṇāyatanānaṃ hīnāni phassassa kāraṇāni honti, tesam viyāti “etesam vā aññatarenā”ti vuttaṃ. **Kāyanibbattanādīmhi**ti saviññānakassa kāyassa nibbattanaṃ kāyanibbattanaṃ, kāyo vā nibbattati etenāti kāyanibbattanaṃ, kilesābhisaṅkhārā. **Ādisaddena** phassasaḷāyatanādisaṅgaho. Adhikaṃ payasati payuñjati etenāti adhippayāso, visesakāraṇanti āha “**adhikapayogo**”ti.

Bhagavā amhākaṃ uppādakabhāvena mūlabhāvena **bhagavaṃmūlakā**. **Ime dhammāti** ime kāraṇadhammā. Yehi mayaṃ bālapaṇḍitānaṃ samānepi kāyanibbattanādīmhi visesaṃ jāneyyāma, tenāha “**pubbe kassapasammāsambuddhena uppādītā**”tiādi. **Ājānāmāti** abhimukhaṃ paccakkhato jānāma. **Paṭivijjhāmāti** tasseva vevacanaṃ, adhigacchāmāti attho. **Netāti** amhākaṃ santāne pāpetā. **Vinetāti** yathā alamariyaññadassanaviseso hoti, evaṃ visesato netā, tadaṅgavinayādivasena vā vinetā. **Anunetāti** anurūpaṃ netā. Antarantarā yathādhammapaññattiyā paññāpitānaṃ dhammānaṃ anurūpato dassanaṃ hotīti āha “**yathāsabhāvato ...pe... dassetā**”ti. Āpāthaṃ upagacchantānaṃ bhagavā paṭisaraṇaṃ samosaraṇaṭṭhānanti **bhagavaṃpaṭisaraṇā** dhammā. Tenāha “**catubhūmakadhammā**”tiādi. Paṭisarati paṭivijjhātīti paṭisaraṇaṃ, tasmā paṭivijjhanavasena bhagavā paṭisaraṇaṃ etesanti **bhagavaṃpaṭisaraṇā**. Tenāha “**api cā**”tiādi. **Phasso āgacchatīti** paṭivijjhanakavasena phasso ñāṇassa āpāthaṃ āgacchati, āpāthaṃ āgacchantoyeva so atthato “ahaṃ kinnāmo”ti nāmaṃ pucchanto viya, bhagavā cassa nāmaṃ karonto viya hotīti vuttaṃ “**ahaṃ bhagavā**”tiādi. **Upaṭṭhātūti** ñāṇassa paccupaṭṭhātu. **Bhagavantamyeva paṭibhātūti** bhagavato eva bhāgo hotu, bhagavāva naṃ attano bhāgaṃ katvā vissajjetūti attho, bhagavato bhāgo yadidaṃ dhammassa akkhānaṃ, amhākaṃ pana savanaṃ bhāgoti ayamettha adhippāyo. Evañhi saddalakkhaṇena sameti. Keci pana paṭibhātūti atthaṃ vadanti ñāṇena dissatu desīyatūti vā attho. Tenāha “**tumheveva no kathetvā dethāti attho**”ti.

Bālassa paṇḍitassa ca kāyassa nibbattiyā paccayabhūtā **avijjā ca taṇhā ca**. Tenāha “**kammaṃ... pe... niruddhā**”ti. **Javāpetvāti** gahitajavanaṃ katvā, yathā paṭisandhiṃ ākaḍḍhituṃ samatthaṃ hoti, evaṃ katvā. Yadi niruddhā, kathaṃ appahīnāti vuttanti āha “**yathā panā**”tiādi. Bhavati hi taṃsadisepi tabbohāro yathā “sā eva tittirī, tāneva osadhāni, tasseva kammaṃ vipākāvasesenā”ti ca. **Dukkakkhayāyāti** tadatthavisesanattanti āha “**khayatthāyā**”ti. **Paṭisandhikāyanti** paṭisandhigahaṇapubbakaṃ kāyaṃ. Pāḷiyaṃ “bālenā”ti karaṇavacanaṃ nissakketi āha “**bālato**”ti. Bhāvinā saha paṭisandhinā **sappaṭisandhiko**. Yo pana ekantato tenatthābhāvena arahattaṃ pattuṃ bhabbo, so bhāvinā paṭisandhinā “appaṭisandhiko”ti, tato visesanatthaṃ “**sappaṭisandhiko**”ti vuttaṃ. Kiñcāpi vuttaṃ, so ca yāva ariyabhūmiṃ na okkamati, tāva bāladhammasamaṅgī evāti katvā “**sabbopi puthujjano bālo**”ti vuttaṃ. Tathā hi “appaṭisandhiko khīṇāsavo paṇḍito”ti khīṇāsava-saddena appaṭisandhiko visesito. Yadi evaṃ sekkhā kathanti āha “**sotāpannā**”tiādi. Te hi sikhāpattapaṇḍiccabhāvalakkhaṇābhāvato paṇḍitāti na vattabbā khīṇāsavā viya, balavatarānaṃ pana bāladhammānaṃ pahīnattā bālātipi na vattabbā puthujjanā viya. Bhajiyamānā pana catusaccasappaṭivedhaṃ upādāya **paṇḍitapakkaṃ bhajanti**, na bālapakkaṃ vuttakāraṇenāti.

Bālapaṇḍitasuttavaṇṇanā niṭṭhitā.

## 10. Paccayasuttavaṇṇanā

20. Sabbampi saṅkhatam appaṭicca uppannam nāma natthīti paccayadhammopi attano paccayadhammam upādāya paccayuppanno, tathā paccayuppannadhammopi attano paccayuppannam upādāya paccayadhammoti yathārahaṃ dhammānaṃ paccayapaccayuppannatā. Yesam vineyyānaṃ paṭiccasamuppādadesaṇāyeva subodhato upaṭṭhāti, tesam vasena suṭṭhu vibhāgaṃ katvā paṭiccasamuppādo desito. Yesam pana vineyyānaṃ tadubhayasmiṃ vibhajja sute eva dhammābhisamayo hoti, te sandhāya bhagavā tadubhayaṃ vibhajja dassento “paṭiccasamuppādaṇca vo, bhikkhave, desessāmi paṭiccasamuppanne ca dhamme”ti imam desanaṃ ārabhīti imamattam vibhāvento “**satthā imasmim sutte**”tiādimāha. Paccayassa bhāvo paccayattam, paccayanibbattatā. Asabhāvadhamme na labbhatīti “**sabhāvadhamme**”ti vuttam. Nanu ca jāti jarā maraṇaṇca sabhāvadhammo na hoti, yesam pana khandhānaṃ jāti jarā maraṇaṇca, te eva sabhāvadhammā, atha kasmā desanāya te gahitāti? Nāyam doso, jāti jarā maraṇaṇhi paccayanibbattānaṃ sabhāvadhammānaṃ vikāramattam, naññesaṃ, tasmā te gahitāti. **Uppādā vā tathāgatānanti** na vineyyapuggalānaṃ maggaphaluppatti viya jātipaccayā jarāmarānuppatti tathāgatuppādāyattā, atha kho sā tathāgatānaṃ uppādepī anuppādepī hotiyeva. Tasmā sā kāmam asaṅkhatā viya dhātu na niccā, tathāpi “sabbakālikā”ti etena jātipaccayato jarāmarānuppattīti dasseti. Tenāha “**jātiyeva jarāmarāṇassa paccayo**”ti. **Jātipaccayāti** ca jātisāṅkhātapaccayā. Hetumhi nissakkavacanaṃ. Ṭhitāva sā dhātu, yāyam idappaccayatā jātiyā jarāmarāṇassa paccayatā tassa byabhicārābhāvato. Idāni **na kadāci jāti jarāmarāṇassa paccayo na hoti** hotiyevāti jarāmarāṇassa paccayabhāve niyāmeti. Ubhayenāpi yathāvuttassa paccayabhāvo yattha hoti, tattha avassambhāvitam dasseti. Tenāha bhagavā “ṭhitāva sā dhātū”ti. **Dvīhi** padehi. **Tiṭṭhantīti** yassa vasena dhammānaṃ ṭhiti, sā idappaccayatā **dhammaṭṭhitatā**. **Dhammeti** paccayuppanne dhamme. **Niyāmeti** viseseti. Hetugatavisesasamāyogo hi hetuphalassa evam dhammatāniyāmo evāti.

Aparo nayo – **ṭhitāva sā dhātūti** yāyam jarāmarāṇassa idappaccayatā “jātipaccayā jarāmarāṇa”nti, esā dhātu esa sabhāvo. Tathāgatānaṃ uppādato pubbe uddhaṇca appaṭivijjhiyamāno, majjhe ca paṭivijjhiyamāno na tathāgatehi uppādito, atha kho sambhavantassa jarāmarāṇassa sabbakālam jātipaccayato sambhavoti ṭhitāva sā dhātu, kevalam pana sayambhuññaṇena abhisambujjhanato “ayaṃ dhammo tathāgatena abhisambuddho”ti pvedanato ca tathāgato “dhammasāmi”ti vuccati, na apubbassa uppādanato. Tena vuttam “ṭhitāva sā dhātū”ti. Sā eva “jātipaccayā jarāmarāṇa”nti ettha vipallāsābhāvato evam avabujjhamānassa etassa sabhāvassa, hetuno vā tatheva bhāvato ṭhitatāti **dhammaṭṭhitatā**, jāti vā jarāmarāṇassa uppādattṭhiti pavattaāyūhana-saṃyoga-palibodha-samudaya-hetupaccayatṭhitiṭi taduppādādibhāvenassā ṭhitatā “dhammaṭṭhitatā”ti phalam pati sāmattṭhiyato hetumeva vadati. Dhārīyati paccayehīti vā dhammo, tiṭṭhati tattha tadāyattavuttitāya phalanti ṭhiti, dhammassa ṭhiti **dhammaṭṭhiti**. Dhammoti vā kāraṇam paccayabhāvena phalassa dhāraṇato, tassa ṭhiti sabhāvo, dhammato ca añño sabhāvo natthīti dhammaṭṭhiti, paccayo. Tenāha “paccayapariggahe paññā dhammaṭṭhitiññaṇa”nti (paṭi. ma. mātikā 4). Dhammaṭṭhiti eva **dhammaṭṭhitatā**. Sā eva dhātu “jātipaccayā jarāmarāṇa”nti imassa sabhāvassa, hetuno vā aññathattābhāvato, “na jātipaccayā jarāmarāṇa”nti viññāyamānassa ca tabbhāvābhāvato niyāmatā vavatthitabhāvoti **dhammaniyāmatā**. Phalassa vā jarāmarāṇassa jātiyā sati sambhavo dhamme hetumhi ṭhitatāti **dhammaṭṭhitatā**, asati asambhavo **dhammaniyāmatāti** evam phalena hetum vibhāveti, tam “ṭhitāva sā dhātū”tiādinā vuttam. Imesam jarāmarāṇādīnaṃ paccayatāsāṅkhātam idappaccayatam **abhisambujjhati** paccakkhakarāṇena abhimukham bujjhati yāthāvato paṭivijjhati, tato eva **abhisāmeti** abhimukham samāgacchati, ādito kathento ācikkhati, uddisatīti attho. Tameva uddesaṃ pariyosāpento **deseti**. Yathāuddiṭṭhamattam niddisanavasena pakārehi ñāpento **paññāpeti**. Pakārehi eva patiṭṭhapento **paṭṭhapeti**. Yathāniddiṭṭham paṭiniddesavasena **vivarati vibhajati**. Vivaṭaṇhi vibhattaṇca attham hetūdāharaṇadassanehi pakātam karonto **uttānīkaroti**. Uttānīkaronto tathā paccakkhabhūtam katvā nigamanavasena **passathāti cāha**.



**Jātipaccayā jarāmarañantiādīsūti** jātiādīnaṃ jarāmarāṇapaccayabhāvesu. **Tehi tehi paccayehīti** yāvatakehi paccayehi yaṃ phalaṃ uppajjamānārahaṃ, avikalehi teheva tassa uppatti, na ūnādhikehīti. Tenāha “**anūnādhikehevā**”ti. Yathā taṃ cakkhurūpālokamanasikārehi cakkhuvīññāssa sambhavoti. Tena taṃtaṃphalanipphādane tassā paccayasāmaggiyā tappakāratā **tathatāti** vuttāti dasseti. **Sāmaggiṃti** samodhānaṃ, samavāyanti attho. **Asambhavābhāvatoti** anuppajjanassa abhāvato. Tathāvidhapaccayasāmaggiyañhi satipi phalassa anuppajjane tassāvitathatā siyā. **Aññadhammapaccayehīti** aññassa phaladhammassa paccayehi. **Aññadhammānuppattitoti** tato aññassa phaladhammassa anuppajjanato. Na hi kadāci cakkhurūpālokamanasikārehi sotaviññāssa sambhavo atthi. Yadi siyā, tassā sāmaggiyā aññathatā nāma siyā, na cetam atthīti “**anaññathatā**”ti vuttam. **Paccayatoti** paccayabhāvato. **Paccayasamūhatoti** etthāpi eseva nayo. Idappaccayā eva **idappaccayatāti tā-saddena** padaṃ vaḍḍhitam yathā “devoyeva devatā”ti, idappaccayānaṃ samūho **idappaccayatāti samūhattho tāsaddo** yathā “janānaṃ samūho janatā”ti imamattham sandhāyāha “**lakkhaṇaṃ panettha saddasatthato veditabba**”nti.

Na niccaṃ sassatanti **aniccaṃ**. **Jarāmarāṇaṃ na aniccaṃ** saṅkhārānaṃ vikārabhāvato anipphannattā, tathāpi “anicca”nti pariyāyena vuttam. Esa nayo saṅkhatādīsūpi. **Samāgantvā kataṃ** sahteheva paccayehi nibbattetabbato yathāsabhāvaṃ samecca sambhuyya paccayehi katanti **saṅkhatam**. Paccayārahaṃ paccayaṃ paṭicca na vinā tena sahitasametameva uppannanti **paṭiccasamuppannam**. Tenāha “**paccaye nissāya uppanna**”nti. **Khayasabhāvanti** bhijjanasabhāvaṃ. **Vigacchanakasabhāvanti** sakabhāvato apagacchanakasabhāvaṃ. **Virajjanakasabhāvanti** palujjanakasabhāvaṃ. **Nirujjhanakasabhāvanti** khaṇabhaṅgavasena pabhaṅgusabhāvaṃ. **Vuttanayenāti** jarāya vuttanayena. **Janakappaccayānaṃ** kammādīnaṃ. **Kiccānubhāvakkhaṇeti** ettha **kiccānubhāvo** nāma yathā pavattamāne paccaye tassa phalaṃ uppajjati, tathā pavatti, evaṃ santassa pavattanakkhaṇe. Idaṃ vuttam hoti – yasmiṃ khaṇe paccayo attano phaluppādanam pati byāvaṇo nāma hoti, imasmiṃ khaṇe ye dhammā rūpādayo upalabbhanti tato pubbe, pacchā ca anupalabbhamānā, tesam tato uppatti niddhāriyati, evaṃ jātiyāpi sā niddhāretabbā taṃkhaṇūpaladdhatoti. Yadi evaṃ nippariyāyatova jātiyā kutoci uppatti siddhi, atha kasmā “ekena pariyāyena”ti vuttanti? Jāyamānadhammānaṃ vikārabhāvena upaladdhabbattā. Yadi nipphannadhammā viya jāti upalabbheyya, nippariyāyatova tassā kutoci uppatti siyā, na cevaṃ upalabbhati, atha kho anipphannattā vikārabhāvena upalabbhati. Tasmā “**ekena pariyāyenettha aniccātiādīni yujjanti**”ti vuttam. Na pana jarāmarāṇe, janakappaccayānaṃ kiccānubhāvakkhaṇe tassa alabbhanato. Teneva “ettha ca aniccanti...pe... aniccaṃ nāma jāta”nti vuttam.

**Savipassanāyāti** ettha **saha-saddo** appadhānabhāvadīpano “samakkhikaṃ, samakasa”ntiādīsū viya. Appadhānabhūtā hi vipassanā, yathābhūtadassanamaggapaññā pajānāti. “Purimaṃ anta”nti vuccamāne paccuppannabhāvassapi gahaṇam siyāti “**purimaṃ antaṃ atīta**”nti vuttam. **Vijjamānatañca avijjamānatañcāti** sassatāsaṅkaṃ nissāya “ahosiṃ nu kho ahamatītamaddhāna”nti atīte attano vijjamānataṃ, adhiccāsammupattiāsaṅkaṃ nissāya “yato pabhuti aham, tato pubbe na nu kho ahosi”nti atīte attano avijjamānatañca kaṅkhati. Kasmā? Vicikicchāya ākāradvayāvalambanato. Tassā pana atītavatthutāya gahitattā sassatādhiccāsammupattiākāranissitatā dassitā eva. Āsappanaparisappanapavattikaṃ katthacipi appaṭivattihetubhūtaṃ vicikiccham kasmā uppādetīti na vicāretabbametanti dassento āha “**kimkāraṇanti na vattabba**”nti. **Kāraṇam** vā vicikicchāya ayonisomanasikāro, tassa andhabālaputhujjanabhāvo, ariyānaṃ adassāvitā cāti daṭṭhabbam. **Jātiliṅgupapattiyoti** khattiyabrāhmaṇādijātim, gahaṭṭhapabbajitādiliṅgam, devamanussādiupapattiñca. **Nissāyāti** upādāya. Tasmīṃ kāle yaṃ santānaṃ majjhimam pamāṇam, tena yutto pamāṇiko, tadabhāvato adhikabhāvato vā “appamāṇiko”ti veditabbo. **Kecīti** sārasamāsācariyā. Te hi “katham nu kho”ti issarena vā brahmunā vā pubbakatena vā ahetuto vā nibbattoti cintetīti vadanti. Ahetuto nibbattikaṅkhaṇi hi hetuparāmasanamevāti. **Paramparanti** pubbāparappavattim. **Addhānanti** kālādhivacanam, tañca bhummatthe upayogavacanam daṭṭhabbam. **Vijjamānatañca avijjamānatañcāti** sassatāsaṅkaṃ nissāya “bhavissāmi nu kho aham anāgatamaddhāna”nti anāgate attano vijjamānataṃ, ucchedāsaṅkaṃ nissāya “yasmiñca attabhāve ucchedanakaṅkhā, tato param nu kho bhavissāmi”ti

anāgate attano avijjamānatañca kaṅkhatī heṭṭhā vuttanayena yojetabbaṃ.

**Paccuppannaṃ addhānanti** addhāpaccuppannaassa idhāhippetattā “**paṭisandhimādiṃ katvā**”tiādi vuttaṃ. “Idaṃ kathaṃ, idaṃ katha”nti pavattanato kathaṃkathā, vicikicchā, sā assa atthīti **kathaṃkathī**. Tenāha “**vicikicchī**”ti. Kā ettha cintā? Ummattako viya bālaputhujjanoti paṭikacceva vuttanti adhippāyo. **Taṃ** mahāmātāya puttamaṃ. **Muṇḍesunti** muṇḍena anicchantamaṃ jāgaraṇakāle na sakkāti suttamaṃ muṇḍesumaṃ kuladhammavasena yathā ekacce kulatāpasā. Rājabhayenāti ca vadanti. **Sītibhūtaṃ** idaṃ madhurakabhāvappattiyā kāraṇavacanamaṃ. “Setabhūta”ntipi pāṭho, uduke ciratṭhānena setabhāvamaṃ pattanti attho.

**Attano khattiyabhāvaṃ kaṅkhati** kaṅṅo viya sūtaputtasaññī, sūtaputtasaññīti sūriyadevaputtassa puttasaññī. Jātiyā vibhāviyamānāya “aha”nti tassa attano parāmasanaṃ sandhāyāha “evampi siyā kaṅkhā”ti. **Manussāpi ca rājāno viyāti** manussāpi ca keci ekacce rājāno viyāti adhippāyo. **Vuttanayameva** “saṅṭhānākāraṃ nissāyā”tiādinā. **Etthāti** “kathaṃ nu khosmī”ti pade. **Abbhantare jīvoti** paraparikkappaṃ antarattānaṃ vadati. **Soḷasaṃsādīnanti ādi-**saddena sarīraparimāṇaṅguṭṭhaya vaparamāṇuparimāṇatādike saṅgaṇhāti. Sattapaññatti jīvavisayāti diṭṭhigatikānaṃ matimattamaṃ, paramatthato pana sā attabhāvavisayāvāti āha “**attabhāvassa āgatigatiṭṭhāna**”nti. Yatāyamaṃ āgato, yattha ca gamissati, taṃ ṭhānanti attho. **Sotāpanno adhippeto** vicikicchāpahānassa diṭṭhattā. **Itarepi tayoti** sakadāgāmīdayo avāritā eva. “Ayañca...pe... suditṭhā”ti nippadesato saccasaṃpaṭivedhassa jotitattā.

Paccayasuttavaṇṇanā niṭṭhitā.

Āhāravaggavaṇṇanā niṭṭhitā.

### 3. Dasabalavaggo

#### 1. Dasabalasuttavaṇṇanā

**21. Paṭhamaṃ dutiyasseva saṅkhepo** paṭhamasutte saṅkhepavuttassa atthassa vitthāravasena dutiyasuttassa desitattā, tañca pana bhagavā paṭhamasuttaṃ saṅkhepato desesi, dutiyamaṃ tato vitthārato. Paṭhamaṃ vā saṃkhittarucīnaṃ puggalānaṃ ajjhāsayena saṅkhepato desesi, dutiyamaṃ pana attano ruciyā tato vitthārato. Sīhasamānavuttikā hi buddhā bhagavanto, te attano ruciyā kathentā attano thāmaṃ dassentāva kathenti, tasmā dutiyasuttavasena cettha atthavaṇṇanaṃ karissāma, tasmīṃ saṃvaṇṇite paṭhamaṃ saṃvaṇṇitameva hotīti adhippāyo.

Dasabalasuttavaṇṇanā niṭṭhitā.

#### 2. Dutiyadasabalasuttavaṇṇanā

**22. Tatthāti** dutiyasutte. **Dasahi balehīti** dasahi anaññasādhāraṇehi nāṇabalehi, tāni tathāgatasseva balānīti tathāgatabalānīti vuccanti. Kāmañca tāni ekaccānaṃ sāvakanāmpī uppajjanti, yādisāni pana buddhānaṃ ṭhānāṭṭhānaññādīni uppajjanti, na tādisāni tadaññesaṃ kadācīpi uppajjantīti. **Hatthikulānusārenāti** vakkhamānahatthikulānusārena. **Kāḷāvakanti** kulasaddāpekkhāya napuṃsakaniddeso. Esa nayo sesesupī. **Pakatihatthikulanti** giricaranadicaravanacarādippabhedā gocariyakāḷāvakanāmā sabbāpi balena pākatikā hatthijāti. **Dasannaṃ purisānanti** thāmamajjhimānaṃ dasannaṃ purisānaṃ. Ekassa tathāgataassa kāyabalanti ānetvā sambandho. **Ekassāti** ca tathā heṭṭhākathāyamaṃ āgatattā desanāsotena vuttaṃ. **Nārāyanasaṅghātabalanti** ettha nārā vuccanti rasmiyo, tā bahū nānāvīdhā ito uppajjantīti **nārāyanaṃ**, vajjiraṃ, tasmā nārāyanasaṅghātabalanti vajjiraṃsaṅghātabalanti attho. **Tathāgataassa kāyabalanti** tathāgataassa pākatikakāyabalaṃ. **Saṅghamaṃ na gacchati** attano balābhāvato, tato evassa **bāhirakatā lāmakatā ca**. Tadubhayaṃ panassa kāraṇena

dassetuṃ “**etañhi nissāyā**”tiādi vuttaṃ. **Aññanti** kāyabalato aññaṃ tato visumyeva. **Dasasu ṭhānesu** dasasu ñātabbaṭṭhānesu. Yāthāvapaṭivedhato sayañca akampayaṃ, puggalañca taṃsamaṅgiṃ neyyesu adhibalaṃ karotīti āha “**akampanaṭṭhena upatthambhanaṭṭhena cā**”ti.

**Ṭhānañca ṭhānatoti** kāraṇaṅca kāraṇato. Kāraṇaṅhi yasmā phalaṃ tiṭṭhati tadāyattavuttitāya uppajjati ceva pavattati ca, tasmā “ṭhāna”nti vuccati. Vipariyāyena **aṭṭhānanti** akāraṇaṃ veditabbaṃ. Tadubhayaṃ bhagavā yena ñāṇena ye ye dhammā yesaṃ yesaṃ dhammānaṃ hetū paccayā uppādāya, taṃ taṃ ṭhānaṃ, ye ye dhammā yesaṃ yesaṃ dhammānaṃ na hetū na paccayā uppādāya, taṃ taṃ aṭṭhānanti pajānāti. Taṃ sandhāyāha “**ṭhānañca...pe... jānaṃ eka**”nti. **Kammasamādānānanti** kammaṃ samādiyivā katānaṃ kusalākusalakammānaṃ, kammaññeva vā kammasamādānaṃ. **Ṭhānaso hetusoti** paccayato ca hetuto ca. Tattha gatiupadhikālapayogā vipākassa ṭhānaṃ, kammaṃ hetu. **Sabbatthagāminīpaṭipadājānaṃ** sabbagatigāminiyā agatigāminiyā ca paṭipadāya maggassa jānaṃ, bahūsipi manussesu ekameva pāṇaṃ hanantesu “imassa cetanā nirayagāminī bhavissati, imassa tiracchānayanigāminī”ti iminā nayena ekavatthusmimpi kusalākusalacetanāsankhātānaṃ paṭipattīnaṃ aviparītato sabhāvajānaṃ. **Anekadhātunādhātulokajānaṃ** cakkhuhātuādīhi kāmadhātuādīhi vā bahudhātuno, tāsamyeva dhātūnaṃ viparītātāya nānappakāradhātuno khandhāyanadhātulokassa jānaṃ. **Parasattānanti** paresaṃ sattānaṃ. **Nānādhimuttikatājānaṃ** hīnādīhi adhimuttīhi nānādhimuttikabhāvassa jānaṃ. **Tesaṃyevāti** parasattānaṃyeva. **Indriyaparopariyattajānaṃ** saddhādīnaṃ indriyānaṃ parabhāvassa aparabhāvassa vuddhiyā ceva hāniyā ca jānaṃ. **Jhānavimokkhasamādhisamāpattīnanti** paṭhamādīnaṃ catunnaṃ jhānaṃ, “rūpī rūpāni passatī”tiādīnaṃ aṭṭhannaṃ vimokkhānaṃ, savitakkasavicārādīnaṃ tiṇṇaṃ samādhīnaṃ, paṭhamajjhānasamāpattīādīnaṃ navannaṃ anupubbasaṃpattīnaṃ. **Samkilesavodānavuṭṭhānajānaṃ** hānabhāgiyassa, viśesabhāgiyassa “vodānampi vuṭṭhānaṃ, tamhā tamhā samādhimhā vuṭṭhānampi vuṭṭhāna”nti (vibha. 828) evaṃ vuttapaguṇajjhānassa ceva bhavaṅgaphalasaṃpattīnaṃ jānaṃ. Heṭṭhimaṃ heṭṭhimaṅhi paguṇajjhānaṃ uparimassa uparimassa padaṭṭhānaṃ hoti, tasmā vodānampi “vuṭṭhāna”nti vuccati. Bhavaṅgena pana sabbajhānehi vuṭṭhānaṃ hoti. Phalasaṃpattiyā nirodhasaṃpattito vuṭṭhānameva sandhāya “tamhā tamhā samādhimhā vuṭṭhāna”nti vuttaṃ. **Pubbenivāsajānaṃ** pubbenivāsānussatiñāṇena nivuṭṭhakkhandhānaṃ jānaṃ. **Cutūpapātājānaṃ** sattānaṃ cutiyā upapattiyā ca yāthāvato jānaṃ. Ayamettha saṅkhepo, vitthāro pana **visuddhimagge** vuttanayeneva veditabbo. **Āsavakkhayajānaṃ** āsavakkhayañāṇaṃ, maggañāṇanti attho. Yattha panetāni vitthārato āgatāni saṃvaṇṇitāni, tāni dassento “**abhidhamme panā**”tiādīmāha.

Byāmoḥabhayaavasena saraṇapariyesanaṃ sārājjanaṃ sārado, byāmoḥabhayaṃ. Vigato sārado etassāti visārado, tassa bhāvo **vesārajjam**. Taṃ pana ñāṇasaṃpadaṃ pahāsaṃpadaṃ desanāvīsesasaṃpadaṃ khemaṃ nissāya pavattaṃ catubbidhaṃ paccavekkhaṇāñāṇaṃ. Tenāha “**catūsu ṭhānesū**”tiādi. **Catūsūti** paraparikkappitesu vatthūsu. Paraparikkappitesu vā vatthumattesu codanākāraṇesu. **Sammāsambuddhassa te paṭijānatoti** “ahaṃ sammāsambuddho”ti evaṃ paṭijānantena tayā. **Ime dhammāti** “idaṃ pañcamaṃ ariyasaccaṃ, ayaṃ chaṭṭho upādānakkhandho, idaṃ terasamaṃ āyatana”nti veditabbā ime dhammā. **Anabhisambuddhā** appaṭividdhattāti.

**Tatrāti** tasmīṃ anabhisambuddhadhammasaṅkhāte codanāvattusmiṃ. **Kocīti** samañādīhi añño vā yo koci. **Saha dhammenāti** saha hetunā. “Dhammapaṭisaṃbhida”tiādīsu viya hetupariyāyo idha **dhamma**-saddo. **Hetūti** ca uppattisādhanaṃ veditabbo, na kārako sampāpako vā. **Nimittanti** kāraṇaṃ, taṃ panettha codanāvattumeva. **Na samanupassāmi** sammāsambuddhabhāvato. **Khemappattoti** akhemappattarūpāya codanāya anupaddavaṃ patto niccalabhāvappatto. **Vesārajjappattoti** visāradabhāvappatto. Sesesupi eseva nayo. Ayaṃ pana viśeso – **ime āsavāti** kāmāsavādīsu ime nāma āsavā na parikkhīṇāti āsavakkhayaṃvacanenettha sabbakilesappahānaṃ vuttaṃ. Na hi so kilesa atthi, yo sabbaso āsavesu khīṇesu nappahiyeyya. **Antarāyikāti** antarāyakarā, saggavimokkhādhigamassa antarāyakarāti attho. Dhammo hi yo saṃkilesato niyyāti, so “niyyāniko”ti vutto. Dhamme niyyante taṃsamaṅgipuggalo niyyānikoti voharito hotīti tassa paṭikkhipanto “**so na**

**niyyāti**’ti āha. Kathaṃ pana desanādhhammo niyyātīti vuccati? Niyyānatthasamādhānato, so abhedopacārena “niyyāti”ti vutto. Atha vā “dhammo desito”ti ariyadhammassa adhippetattā na koci virodho.

Usabhassa idanti **āsabhaṃ**, asantasanatthēna āsabhaṃ viyāti **āsabhaṃ**, seṭṭhatṭhānaṃ sabbaññutaṃ. Āsabhatṭhānatṭhāyitāya **āsabhā** nāma **pubbabuddhā**. Sabbaññutapaṭijānavasena abhimukhaṃ gacchanti, catasso vā parisā upasaṅkamantīti **āsabhā**. Catassopi hi parisā buddhābhimukhā evaṃ tiṭṭhanti, na tiṭṭhanti parammukhā. **Idampīti** “usabho”ti idampi padaṃ. **Tassāti** nisabhassa. Yesaṃ baluppādāvatṭhānānaṃ vasena usabhassa āsabhaṅṭhānaṃ icchitaṃ, tato sātisayānaṃ eva tesāṃ vasena āsabhaṅṭhānaṃ hotīti daṭṭhabbaṃ. Yaṃ kiñci loke upamaṃ nāma buddhaguṇānaṃ nidassanabhāvena vuccati, sabbaṃ taṃ nihīnameva. **Tiṭṭhamāno cāti** atīṭṭhantopi tiṭṭhamāno eva paṭijānāti nāma. **Upagacchatīti** anujānāti.

**Aṭṭha kho imāti** idaṃ vesārajjañāṇassa baladassanaṃ. Yathā hi byattaṃ parisāṃ ajjhogāhetvā viññūnaṃ cittaṃ ārādhanasamatthāya kathāya dhammakathikassa chekabhāvo paññāyati, evaṃ imā aṭṭha parisā patvā satthu vesārajjañāṇassa balaṃ pākataṃ hoti. Tena vuttaṃ “**parisāsū**”ti. **Khattiyaparisāti** khattiyānaṃ sannipatitānaṃ samūho. Esa nayo sabbattha. **Māraparisāti** mārakāyikānaṃ sannipatitānaṃ samūho. Mārasadisānaṃ mārānaṃ parisāti māraparisā. Sabbā cetā parisā uggaṭṭhānadassanavasena gahitā. Manussā hi “ettha rājā nisinno”ti vutte pakativacanampi vattaṃ na sakkonti, kacchehi sedā muccanti, evaṃ uggā khattiyaparisā, brāhmaṇā tīsu vedesu kusalā honti, gahapatayo nānāvohāresu ca akkharacintāya ca kusalā, samaṇā sakavādaparavādesu kusalā, tesāṃ majjhe dhammakathākathanaṃ nāma ativiya bhāriyaṃ. Devānaṃ uggabhāve vattabbameva natthi. Amanussoti hi vuttamate manussānaṃ sakalasarīraṃ kampaṭi, tesāṃ rūpaṃ disvāpi saddaṃ sutvāpi sattaṃ visaññitāpi honti. Evaṃ amanussaparisā uggā. Iti cetā parisā uggaṭṭhānadassanavasena vuttā. Kasmā panettha yāmādi parisā na gahitāti? Bhusaṃ kāmābhigiddhatāya yonisomanasikāravirahato. Yāmādayo hi uḷārūḷāre kāme paṭisevantaṃ tatthābhigiddhatāya dhammassavanāya sabhāvena cittampi na uppādentī, mahābodhisattānaṃ pana buddhānañca ānubhāvena ākaḍḍhiyamānā kadāci nesāṃ payirupāsanaḍḍini karonti tādisse mahāsamaye. Teneva hi vimānavatthudesanāpi taṃnimittā bahulā nāhosi. **Seṭṭhanādanti** kenaci appaṭihatabhāvena uttamanādaṃ. **Abhītanādanti** vesārajjayogato kutoci nibbhayanādaṃ. **Sīhanādasuttenāti** khandhiyavagge āgatenā sīhanādasuttēna. **Sahanatoti** khamanato. **Hananatoti** vidhāmanato viddhamāsanato. **Yathā vāti**ādi “sīhanādasadisāṃ vā nādaṃ nadatī”ti saṅkhepato vuttassa atthassa viññāpanaṃ.

**Etanti** “brahmacakka”nti etaṃ padaṃ. **Paññāpabhāvitanti** cirakālaparibhāvitāya pāramitāpaññāya vipassanāpaññāya ca uppādiṭaṃ. **Karuṇāpabhāvitanti** “kicchaṃ vatāyaṃ loko āpanno”tiādinayappavattāya mahākaruṇāya uppādiṭaṃ. Yathā abhinikkhamanato pabhūti mahābodhisattānaṃ ariyamaggādhigamanavirodhiṇī paṭipattī natthi, evaṃ tusitabhavanato niyatabhāvāpattito ca paṭṭhāyāti dutiyatatiyanayā ca gahitā. **Phalakkhaṇeti** aggaphalakkhaṇe. Paṭivedhaniṭṭhattā arahattamaggañāṇaṃ vajirūpamatāyeva sātisayo paṭivedhoti “**phalakkhaṇe uppannaṃ nāmā**”ti vuttaṃ. Tena paṭiladdhassapi desanāñāṇassa kiccanipphatti parassa bujjanamattēna hotīti “**aññāsikoṇḍaññassa sotāpatti...pe... phalakkhaṇe pavattanaṃ nāmā**”ti vuttaṃ. Tato paraṃ pana yāva parinibbānā desanāñāṇappavattī, tasseva pavattitassa dhammacakkassa ṭhānanti veditabbaṃ pavattitacakkassa cakkavattino cakkaranassa ṭhānaṃ viya. **Ubhayampīti pi-**saddena lokiyadesanāñāṇassa itarena anaññasādhāraṇatāvasena samānataṃ sampiṇḍeti. Uraṣi jātatāya uraso sambhūtanti **orasāṃ** ñāṇaṃ.

**Iti rūpanti** ettha **iti**-saddo anavasesato rūpassa sarūpanidassanatthoti tassa “**idaṃ rūpa**”nti etena sādharmaṇato ca sarūpanidassanaṃ māha. **Ettakaṃ rūpanti** etena anavasesato “ito uddhaṃ rūpaṃ natthī”ti nimittassa aññassa abhāvaṃ. Idāni tamatthaṃ vitthārato dassetaṃ “ruppanasabhāvañcevā”tiādi vuttaṃ. Tattha **ruppanaṃ** sītādivirodhipaccayasamavāye visadisuppatti. **Ādi**-saddena ajjhātikabāhirādibhedāṃ saṅgaṇhāti. **Lakkhaṇa...pe... vasesāti** kakkhaḷattādīlakkhaṇavasena sandhāraṇādirasavasena

sampañcchanādipaccupaṭṭhānavasena bhūtattayādipadaṭṭhānavasena ca. **Evam pariggahitassāti** evam sādharmaṇato ca lakkhaṇādito ca pariggahitassa. **Avijjāsamudayāti** avijjāya uppādā, atthibhāvāti attho. Nirodhavirodhī hi atthibhāvo hoti, tasmā nirodhe asati atthibhāvo hoti, tasmā purimabhava siddhāya avijjāya sati imasmim bhava rūpassa samudayo rūpassa uppādo hotīti attho. **Tañhāsamudayā kammāsamudayāti** etthāpi eseva nayo. Avijjādīhi ca tīhi atītakālikattā tesam sahakārikāraṇabhūtam upādānampi gahitamevāti veditabbaṃ. Pavattipaccayesu kabaḷīkāraāhārassa balavatāya, so eva gahito, “āhārasamudayā”ti pana gahitena pavattipaccayatāmattena utucittānipi gahitāneva hotīti dvādasasamuṭṭhānikam rūpassa paccayato dassanampi bhavitabbamevāti daṭṭhabbaṃ. **Nibbattilakkhaṇanti**ādinā kālavasena udayadassanamāha. Tatha bhūtavasena magge udayam passivā ṭhito idha santativasena anukkamena khaṇavasena passati. **Avijjānirodhā rūpanirodhoti** aggamaggaññena avijjāya anuppādanirodhato anāgatassa anuppādanirodho hoti paccayābhāve abhāvato. **Paccayanirodhenāti** avijjāsankhātassa paccayassa nirodhabhāvena. **Tañhānirodhāti** etthāpi eseva nayo. **Āhāranirodhāti** pavattipaccayassa kabaḷīkārahārassa abhāvā. **Rūpanirodhāti** taṃsamuṭṭhānarūpassa abhāvo hoti. Sesam heṭṭhā vuttanayānusārena veditabbaṃ. **Vipariṇāmalakkhaṇanti** bhavakālavasena hetudvayadassanam. Tasmā taṃ padaṭṭhānavasena pageva passivā ṭhito idha santativasena disvā anukkamena khaṇavasena passati.

Iti **vedanā**tiādīsupi vuttanayena attho veditabbo. **Sukhādibhedanti** sukhadukkhādukkhamasukhādivibhāgam. **Rūpasaññādibhedanti** rūpasaññā, sadda... gandha... rasa... phoṭṭhabba ... dhammasaññādivibhāgam. **Phassādibhedanti** phassacetanāmanasikārādivibhāgam. **Lakkhaṇa...pe... vasenāti** iṭṭhānubhavanalakkhaṇādilakkhaṇavasena iṭṭhākārasambhogarasādirasavasena kāyikaassādādipaccupaṭṭhānavasena iṭṭhārammaṇādipadaṭṭhānavasena. “Phuṭṭho vedeti, phuṭṭho sañjānāti, phuṭṭho ceteti”ti (saṃ. nī. 4.93) vacanato tīsu vedanādīsu khandhesu **phassasamudayāti vattabbaṃ**. Viññāṇappaccayā nāmarūpa’nti vacanato **viññāṇakkhandhe nāmarūpasamudayāti** vattabbaṃ. **Tesamyeva vasenāti** “avijjānirodho vedanānirodho”tiādinā tesamyeva avijjādīnam vasena yojetabbaṃ.

Upādānakkhandhānam samudayatthaṅgamavasena titthiyānam avisayopi sappadeso sīhanādo dassito. Idāni nippadeso anulomapaṭilomavasena saṅkhepato vitthārato paccayākāraṇavisayo anaññasādhāraṇo dassiyatīti āha, “**ayampi aparo sīhanādo**”ti. **Tassāti** “imasmim sati”tiādinā saṅkhepato vuttapaṭiccasamuppādapāḷiyā. Ettha ca “imasmim sati idaṃ hoti, imassa nirodhā idaṃ nirujhīti”ti avijjādīnam bhāve saṅkhārādīnam bhāvassa, avijjādīnam nirodhe saṅkhārādīnam nirodhassa kathanena purimasmim paccayalakkhaṇe niyamo dassito “imasmim sati eva, nāsati, imassa uppādā eva, nānuppādā, nirodhā eva, nānirodhā”ti. Tenedaṃ lakkhaṇam antogadhaniyamaṃ idha paṭiccasamuppādassa vuttanti daṭṭhabbaṃ. Nirodhoti ca avijjādīnam virāgā vigamena āyatim anuppādo appavatti. Tathā hi vuttaṃ “avijjāya tveva asesavirāganirodhā”tiādi. Nirodhavirodhī ca uppādo, yena so uppādanirodhavibhāgena vutto “imassa nirodhā idaṃ nirujhīti”ti. Tenetaṃ dasseti “asati nirodhe uppādo nāma, so cettha atthibhāvoti vuccatī”ti. “Imasmim sati idaṃ hoti”ti idameva hi lakkhaṇam. Pariyāyantarena “imassa uppādā idaṃ uppajjati”ti vadantena parena purimaṃ visesitaṃ hoti. Tasmā na vattamānamyeva sandhāya “imasmim sati”ti vuttaṃ, atha kho maggena anirujjhanasabhāvañcāti viññāyati. Yasmā ca “imasmim asati idaṃ na hoti, imassa nirodhā idaṃ nirujhīti”ti dvidhāpi uddiṭṭhassa lakkhaṇassa niddesaṃ vadantena bhagavatā “avijjāya tveva asesavirāganirodhā saṅkhāranirodho”tiādinā nirodhova vutto, tasmā natthibhāvopi nirodho evāti natthibhāvaviruddho atthibhāvo anirodhoti dassitaṃ hoti. Tena anirodhasaṅkhātena atthibhāvena uppādaṃ viseseti. Tato idha na kevalaṃ atthibhāvamattaṃ uppādoti attho adhippeto, atha kho anirodhasaṅkhāto atthibhāvo cāti ayamatto vibhāvito hoti. Evametam lakkhaṇadvayavacanam aññamaññaṃ visesanavisesitabbabhāvena sātthakanti veditabbaṃ. Ko panāyam anirodho nāma, yo “atthibhāvo, uppādo”ti ca vuttoti? Appahīnabhāvo ca anibbattitaphalabhāvena phaluppādanārahatā cāti ayamettha saṅkhepo. Vitthāro pana paramatthadīpaniyam **udānaṭṭhakathāyam** (udā. aṭṭha. 1). Vuttanayena veditabbo.

**Pañcakkhandhavibhajanādivasenāti** pañcannaṃ upādānakkhandhānam dvādasapadikassa

paccayākārassa vibhajanavasena. Imasmiñhi dasabalasutte dhammassa desitākāro pañcakkhandhapaccayākāramatto. Tenāha “**pañcakkhandhapaccayākāradhammo**”ti. Ācariyamuttīhiyā akaraṇena vibhūto, so pana atthato ca saddato ca pihito heṭṭhāmukhajāto vā na hotīti āha “**anikujjito**”ti. **Vivaṭoti** vibhāvito. Tenāha “**vivaritvā ṭhapito**”ti. **Pakāsitoti** ñāṇobhāsena obhāsito ādīpitoti āha “**dīpito jotito**”ti. **Tattha tattha** chinnabhinnatṭhāne. **Sibbitagaṇṭhitanti** vākaṃ gahetvā sibbitaṃ, sibbituṃ asakkuṇeyyatṭhāne vākena gaṇṭhitañca. Chinnapilotikābhāvena vigatapilotiko dhammo, tassa chinnapilotikassa paṭilomatā chinnabhinnatābhāvenāti dassento “**na hetthā**”tiādimāha. Nivāsanaṇṇapāraṇaṃ **pariggahaṇaṃ**. Sayaṃ paṭibhānaṃ **kappetvā**. **Vaddhentā** attano samayaṃ. **Samaṇakacavaranti** samaṇavesadhāraṇavasena samaṇapaṭirūpatāya samaṇaṇaṃ kacavarabhūtaṃ. Attano rūpapavattiyā karaṇaṃ kucchitaṃ dhuttaṃ vāti pavattetīti karaṇaḍavo, dussīlo. Taṃ **kāraṇaḍavaṃ**. **Niddhamathāti** nīharatha. **Kasambunti** samaṇakasaṭaṃ. **Apakassathāti** apakaḍḍhatha nanti attho. **Palāpeti** palāpasadise. Tathā hi taṇḍulasārarahito dhañṇapaṭirūpako thusamattako palāpoti vuccati, evaṃ sīlādisārarahito samaṇapaṭirūpako palāpo viyāti palāpo, dussīlo. Te **palāpe**. **Vāhethāti** apanetha. **Patissatāti** bālhasatitāya patissatā hothāti.

**Saddhāya pabbajitenāti** rājūpaddavādīhi anupaddutena “evañhi taṃ otiṇṇaṃ jātiādisaṃsārabhayaṃ vijinissāmī”ti vaṭṭanissaraṇatthaṃ āgatāya saddhāya vasena pabbajitena. **Ācāraḍakulaputtoti** ācārena abhijāto. Tenāha “**yato kutoci**”tiādi. **Jātikulaputtoti** jātisampattiyā abhijāto. Viññuppasatthāni aṅgāni sammāpadhāniyaṅgabhāvena, kāye ca jīvite ca nirapekkhabhāvena vīriyaṃ ārabhantassa tathāpavattavīriyavasena “**taco ekaṃ aṅga**”nti vuttaṃ. Esa nayo sesesupi. **Navasu ṭhānesu samādhātābanti** “kālavasena pañcasu, iriyāpathavasena catūsū”ti evaṃ navasu ṭhānesu vīriyaṃ samādhātābbaṃ pavattetābbaṃ.

**So dukkhaṃ viharatīti** kusītapuggalo niyyānikasāsane vīriyārambhassa akaraṇena sāmāññatthassa anuppattiyā dukkhaṃ viharati. Sakaṃ vā atthaṃ **sadatthaṃ** ka-kārassa da-kāraṃ katvā. Kusītassa atthaparihāyanaṃ mūlato paṭṭhāya dassetuṃ “**cha dvārāni**”tiādi vuttaṃ. Nisajjāvasena pīṭhamaddanato **pīṭhamaddano**, nirassanavacanāṃ tassa, kassacipatthassa adhāraṇato kevalaṃ pīṭhabhārahūtōti adhippāyo. Aññattha pana “makhamaddano”ti vuccati, tattha dānamicchāya paresaṃ makhaṃ passantoti attho. **Laṇḍapūrakoti** kucchipūraṃ bhuñjitvā vaccakuṭipūrako.

“Āraddhavīriyo”tiādīsu “kusīto puggalo”ti ettha vuttavipariyāyena attho veditabbo, āsīsāya vasena thomito. **Āraddhavīriyeti** paggahitavīriye. **Pahitatteti** nibbānaṃ patipesitacitte. Etena sāvakānaṃ sammāpaṭipattiṃ satthuvandanānisamsaṇca dassesi.

**Hīnenāti** vaṭṭanissitena dhammena. Tenāha “**hīnāya saddhāyā**”tiādi. **Aggenāti** seṭṭhena vivaṭṭanissitena dhammena, isakampi katakālūsiyavigataṭṭhena maṇḍaṭṭhena ca pasannampi surādi na pātabbaṃ. **Sāsananti** pariyattipaṭipattiṃ vedhalakkhaṇaṃ sāsanaṃ. **Pasannaṃ** vigatadosamalattā pasādaniyattā ca. **Pātabbañca** pattena viya sukkena paribhuñjitābato duccharitasabbakilesakasāvamaḍapaṅkadosaṇhitattā ca.

Maṇḍabhūtā bodhipakkhiyadhammadesanāpi **desanāmaṇḍo**. Tassa ekasseva pana desanāmaṇḍassa paṭiggāhakā suppaṭipannā dosarahitā catasso parisā **paṭiggahaṇaṇḍo**. Maggabrahmacariyaṃ taggatikkattā sakalopi bodhipakkhiyadhammarāsi **brahmacariyaṇḍo**. Tenāha “**katamo desanāmaṇḍo**”tiādi. Tattha **viññātāroti** saccānaṃ abhisametāvino. Tathā hi ādīto “catunnaṃ ariyasaccānaṃ ācikkhaṇā”tiādi vuttaṃ. Pubbabhāge “atthi ayaṃ loko”tiādinā idhalokaparalokagatasammosavigamena pavatto adhimokkhoa **adhimokkhaṇḍo**. **Chaḍḍetvā** samucchavedavasena vijahitvā. Catubhūmakassa saddhindriyassa adhimokkhaṇḍena maṇḍabhūtaṃ adhimokkhaṃ. **Ādi**-saddena “paggahaṇaṇḍo vīriyindriyaṃ kosajjakasaṭa”ntiādiṃ pālisesaṃ saṅgaṇhāti. **Etthāti** etasmiṃ sāsane, “maṇḍasmi”nti vā vacane. **Kāraṇavacanāṃ**, tena “satthā sammukhībhūto”ti sammukhabhāvanāyogo nirāsaṅkaphalāvahoti dasseti. Tenāha “**asammukhā**”tiādi. **Pamāṇanti** anurūpaṃ bhesajjassa pamāṇaṃ. **Uggamananti** bhesajjassa vamaṇaṃ virecanaṃ, tassa vā

vasena dosadhātūnaṃ vamaṇaṃ virecanaṃ. **Evamevā**ti yathā bhesajjamaṇḍaṃ vejjasammukhā nirāsaṅkā pivanti, evameva “sathā sammukhībhūto”ti nirāsaṅkā vīriyaṃ katvā, maṇḍapeyya sāsanaṃ pivathāti yojanā. Abhiññāsamāpattiṇībhena **sānisamsā**. Maggaphalādhigamaṇa **savaḍḍhi**. **Paratthanti** attano diṭṭhānugatiāpattiyā, tathā sammāpaṭipajjantānaṃ paresaṃ atthanti evamettha attho daṭṭhabbo.

Dutiyadasabalasuttavaṇṇanā niṭṭhitā.

### 3. Upanisasuttavaṇṇanā

**23. Jānato passatoti** ettha dassanaṃ paññācakkhunāva dassanaṃ adhippetāṃ, na maṃsacakkhunāti āha “**dvepi padāni ekatthāni**”ti. **Evam santeṭṭi** padadvayassa ekatthattepi ñāṇalakkhaṇāñāṇappabhāvavisaṃyassa tathādassanabhāvāvirodhanāti attho. Tenāha “**jānanalakkhaṇāñhi ñāṇa**”ntiādi. **Ñāṇappabhāvanti** ñāṇānubhāvena ñāṇakiccavisaṃyobhāsanti attho. Tenāha “**ñāṇena vivaṭṭe dhamme passati**”ti. **Jānato passatoti** ca jānanadassanamukhena puggalādhīṭṭhānā desanā pavattāti āha – “**ñāṇalakkhaṇaṃ upādāyā**”tiādi. **Jānatoti** vā pubbhāgañāṇena jānato, aparabhāgena ñāṇena **passato**. **Jānatoti** vā vatvā na jānanaṃ anussavākāraparivitakkamattavasena idhādhippetāṃ, atha kho rūpāni viya cakkhuvīññāṇena rūpādīni tesaṇca samudayādiḷe paccakkhe katvā dassananti vibhāvetuṃ “**passato**”ti vuttanti evaṃ vā ettha attho.

**Āsavānaṃ khayanti** āsavānaṃ accantappahānaṃ. So pana tesāṃ anuppādanirodho sabbena sabbaṃ abhāvo evāti āha “**asamuppādo khīṇākāro natthibhāvo**”ti. Āsavakkhayaṃ saddassa khīṇākārādīsu āgataṭṭhānaṃ dassetuṃ “**āsavānaṃ khayā**”tiādi vuttaṃ. **Ujumaggānusārīnoti** kilesavaṅkakāyavaṅkādināṃ pahānaṃ ujubhūte savipassanāhetṭhimamaggadhamme anussarantassa. Yadeva hissa parikkhīṇaṃ. **Khayasmīṃ paṭhamaṃ ñāṇaṃ** “tato aññā anantarā”ti khayasaṅkhāte aggamaḷe tappariyāpannameva ñāṇaṃ paṭhamaṃ uppajjati, tadanantaraṃ pana aññā arahattanti. Yadiṇi gāthāya “khayasmīṃ”iceva vuttaṃ, samucchadavasena pana “āsave khīṇe maggo khayoti”ti vuccatīti āha “maggo āsavakkhayoti vutto”ti. **Samaṇoti** samitapāpo adhippeto, so pana khīṇāsavo hotīti. “**Āsavānaṃ khayā**”ti idha phalaṃ, pariyaṇena pana āsavakkhayo maggo, tena pattabato phalaṃ. Eteneva nibbānassapi āsavakkhayaḷbhāvo vuttoti veditabbo.

Jānato eva passato evāti evamettha niyamo icchito, na aññathā viṣesābhāvato aniṭṭhāpannovāti tassa niyamassa phalaṃ dassetuṃ “**no ajānato no apassato**”ti vuttanti āha “**yo pana na jānāti, na passati, tassa no vadāmīti attho**”ti. Iminā khandhānaṃ pariññā āsavakkhayaṃ ekantikakāraṇanti dasseti. **Etenāti** “no ajānato, no apassato”ti etena vacanena. **Te paṭikkhittāti** ke pana teti? “Bāle ca paṇḍite ca sandhāvītvā saṃsaritvā dukkhassantaṃ karissanti (dī. ni. 1.168; ma. ni. 2.228) ahetū appaccayā sattā visujjhantī”ti (dī. ni. 1.168; ma. ni. 2.101, 227) evamādivādā. Tesu keci abhijātisaṅkantimattena saṃsārasuddhiṃ paṭijānanti, aññe issarapaṇḍitakāraṇādivasena. Tayidaṃ sabbaṃ saṃsārādīhīti ettheva saṅgahitanti daṭṭhabbaṃ. **Purīmena padadvayenāti** “jānato passato”ti iminā padadvayena. **Upāyo vutto** “āsavakkhayā”ti adhikāro. **Imināti** “no ajānato, no apassato”ti iminā padadvayena. Anupāyo hoti esa āsavānaṃ khayassa, yadidaṃ pañcannaṃ khandhānaṃ aparīññāti “jānato passato”ti imināva aniyamavacanena anupāyapaṭisedhopi atthato bodhito hotīti. Tameva hi atthato bodhitabhāvaṃ vibhāvetuṃ evaṃ saṃvaṇṇanā katāti daṭṭhabbaṃ.

**Dabbajātikoti** dabbarūpo. So hi “**drabyo**”ti vuccati “drabyaṃ vinassati nādrabya”ntiādīsu. **Dabbajātiko** vā sārāsabhāvo, sārūppasīlācāroti attho. Yathāha “na kho dabbā dabbā evaṃ nibbeṭṭhenti”ti (pārā. 384). **Vattasīse ṭhatvāti** vattaṃ uttamaṃ dhuraṃ katvā. Yo hi parisuddhājīvo kātuṃ ajānantānaṃ sabrahmacārīnaṃ attano vā vassavātādīpaṭibāhanatthaṃ chattādīni karoti, so vattasīse ṭhatvā karoti nāma. **Paḍaṭṭhānaṃ na hotīti** na vattabbaṃ nāthakaraṇadhammabhāvena maggaphalādhigamaṃ upanissayaḷbhāvato. Vuttañhi “yāni tāni sabrahmacārīnaṃ uccāvacaṇi

kiccakaraṇīyāni, tattha dakkho hotī” tiādi (dī. ni. 3.345). **Evam jānatoti** evaṃ vejjakammādīnaṃ jānanahetu micchājīvapaccayā kāmāsavādayo āsavā vaḍḍhantiyeva, na pahīyanti. “Evaṃ kho...pe... āsavānaṃ khayō hotī” ti imāya pāḷiyā arahattasseva gahaṇaṃ yuttaṃ phalaggahaṇena hetuno avuttasiddhattā. Tenāha “**āsavānaṃ khayante jātattā**” ti.

Āgamaṇaṃ āgamo, taṃ āvahaṭṭi **āgamaṇīyā**, pubbabhāgapaṭipadā. **Khayasminti** bhāvenabhāvalakkhaṇe bhummaṃ, **khayeti** pana visaye. Tenāha “**āsavakkhayasaṅkhāte**” ti. Upanisīdati phalaṃ etthāti kāraṇaṃ **upanisā**. **Arahattaphalavimutti** ukkaṭṭhaniddesato. **Sāti** vimutti. **Assāti** paccavekkhaṇaṇāṇassa. Manasmiṃ vivatṭanissite pana anantarūpanissayāpi paccayā sambhavatīti “**labbhamaṇavasena paccayabhāvo veditabbo**” ti vuttaṃ.

Virajjati asesasaṅkhārato etenāti **virāgo**, maggo. Nibbindati etāyāti **nibbidā**, balavavipassanā. Tenāha “**etenā**” tiādi. Paṭisaṅkhānupassanāpi muccitukamyatāpakkhikā evāti adhippāyena “**catunnaṃ ṇāṇānaṃ adhivacana**” nti vuttaṃ. “Yāva maggāmaggañāṇadassanavisuddhi, tāva taruṇavipassanā” ti hi vacanato upakkilesavimuttaudayabbayañāṇato paraṃ balavavipassanā. Rūpārūpadhammaṇaṃ visesabhūto sāmāññabhūto ca yo yo sabhāvo yathāsabhāvo, tassa jānanaṃ **yathāsabhāvajānanaṃ**. Tadeva **dassanaṃ**. Paccakkhakarāṇatthena ñātapariññā tīraṇapariññā ca gahitā hoti. Tenāha “**taruṇavipassana**” ntiādi. **Saṅkhāraparicchedeñāṇanti** nāmarūpariggahaṇāṇaṃ vadati. **Kaṅkhāvitaraṇaṃ** paccayapariggaho dhammaṭṭhitiñāṇanti vuccati. Nayavipassanādikaṃ anupassanāñāṇaṃ **sammasanaṃ**. **Maggāmaggeñāṇanti** maggāmaggaṃ vavatthapetvā ṭhitaṃ ñāṇaṃ. So hi pādaḥkajjhānasamādhī taruṇavipassanāya paccayo hoti. “Samāhito yathābhūtaṃ pajānāti passatī” ti (saṃ. ni. 3.5.; 4.99; 5.1071) hi vuttaṃ.

**Pubbabhāgasukhanti** upacārajjhānasahitasukhaṃ. **Daratha paṭippassaddhīti** kāmaccchandādikilesadarathassa paṭippassambhanaṃ. “Sukhaṃpāhaṃ, bhikkhave, saupaniṣaṃ vadāmī” ti ettha adhippetasukhaṃ dassetuṃ “**appanāpubbabhāgassa sukhaṃ**” ti vuttaṃ. “Passaddhakāyo sukhaṃ vedetī” ti (dī. ni. 1.466;3.359; a.ni. 1.3.96) vuttaappanāsukhassa passaddhiyā paccayatte vattabbameva natthi. **Sukhanti** etthāpi eseva nayo. **Balavapīṭṭi** pharaṇalakkhaṇappattā pīṭi. Tādisā hi vitakkavicārasukhasamādhīhi laddhappaccayā nīvaraṇaṃ vikkhambhantī taṃnimittaṃ darathaṃ pariḷāhaṃ paṭippassambheti. Tenāha “**sā hi darathappassaddhiyā paccayo hotī**” ti. **Dubbalapīṭṭi** taruṇapīṭi. Tenāha “**sā hi balavapīṭiyā paccayo hotī**” ti. **Saddhāti** ratanattayaguṇānaṃ kammaphalassa ca saddahanavasena pavatto adhimokkko, sā pana yasmā attano visaye punappunaṃ uppajjati, na ekavārameva, tasmā āha “**aparāparaṃ uppajjanasaddhā**” ti. Yasmā saddahanto saddheyavatthusmiṃ pamudito hoti, tasmā āha “**sā hi dubbalapīṭiyā paccayo hotī**” ti. Dukkhadukkḥādibhedassa sabbassapi dukkhassa vaṭṭadukkḥantogadhattā tassa ca idhādhippetattā vuttaṃ “**dukkhanti vaṭṭadukkha**” nti. Jarāmarāṇadukkḥanti keci, sokādayo cāti apare. Tadubhayassapi saṅgaṇhanato paṭhamo evattho yutto. Yasmā dukkhappatto kammassa phalāni saddahati, ratanattaye ca pasādaṃ uppādeti, tasmā vuttaṃ “**tañhi aparāparasaddhāya paccayo hotī**” ti. Yasmā “ācariyānaṃ santike dhammaṃ sutvā pavattidukkha” nti cintayato “ekantato ayaṃ dhammo imassa dukkhassa samatikkamāya hotī” ti saddhā uppajjati. Tenāha “dhammaṃ sutvā tathāgate saddhaṃ paṭilabhatī” tiādi (dī. ni. 1.191). **Savikārāti** uppādavikārena savikārā **khandhajāti** jāyanaṭṭhena. Jātiyā pana asati tattha tattha bhava natthi dukkhassa sambhavoti āha “**sā hi vaṭṭadukkḥassa paccayo**” ti. **Kammabhavoti** kammabhavādiko tividhopi kammabhavo. So hi upapattibhavassa paccayo. Evamādiṃ sandhāyāha “**etenupāyenā**” ti. **Sesapadānti** upādānādipadāni. Anulomañāṇaṃ saṅkhārupekkhāpakkhikattā nibbānaggahaṇena gahitaṃ, gotrabhuñāṇaṃ paṭhamamaggassa āvajjanaṃ. So hi tena vipassanāya kiñci kiñci visesaṭṭhānaṃ kayiratīti taṃ anāmasitvā nibbidūpaniso virāgoti “virāgo” icceva vuttaṃ.

Kena udakena vidārayitvā gatapadesoti katvā **kandaro**. **Nitambotipi** udakassa. Yathā ninnam udakaṃ pavattati, tathā nivattanabhāvena **naḍikuñchotipi vuccati**. Hemantagimhautuvassena aṭṭha māse pavatto pathavīvivaroti katvā **padaro**. Khuddikā udakavāhiniyo sākḥā viyāti **sākḥā**, khuddakā sobbhā kusubbhā o-kārassa u-kāraṃ katvā. **Evameva khotiādi** “seyyathāpi, bhikkhave” tiādinā upanīṭāya



upamāya upameyyena saṃsandananti, taṃ yojetvā dassetuṃ “**avijjā pabbatoti daṭṭhabbā**”tiādi vuttaṃ. Tattha avijjā ca santānavasena ciraṃtanakālapavattanato pacurajanehi duppajahanato “pabbato”ti vuttā. Lokattayābhiyāpanato abhisandanato ca abhisāṅkhārā meghasadisā. Abhisāṅkhārā meghoti daṭṭhabbāti ānetvā sambandho. Tathā sesapadadvayepi. Viññāṇādivaṭṭaṃ anupavattito paramparapaccayato ca kandarādisadisā. Vimutti ekarasattā, hānivuddhiabhāvato ca sāgarasadisāti upamāsaṃsandanam.

Tattha yasmā purimasiddhāya avijjāya sati abhisāṅkhārā, nāsati, tasmā te uparipabbate pavattā viya hontīti vuttaṃ “**avijjā...pe... vassanaṃ veditabba**”nti. **Assutavā hītiādi** vuttasseva atthassa samatthanaṃ. **Taṇhāya abhilāsaṃ katvāti** etena sabbassapi abhisāṅkhāravuṭṭhitemanattaṃ dīpeti. Taṇhā hi “sneho”ti vuttā. Antimabhavikassa antabhavanibbattako abhisāṅkhāro nibbānaṃ na patto, tadantassa bhāgassa nibbānaṃ āhacca t̥hito viya hotīti “**mahāsamuddaṃ āhacca t̥hitakālo viyā**”ti upamānidassanaṃ kataṃ. **Viññāṇādivaṭṭaṃ pūretvāpi** imināpi hi antimabhavikasseva viññāṇappavatti dassitā. Sā hi pūritāti vattabbā tato paraṃ viññāṇādivaṭṭasseva abhāvato. Jātassa puggalassa jātipaccayavaṭṭadukkhavedanāya dhammassavanaṃ icchitabbaṃ, taṃ pana yadipi imasmiṃ sutte na āgataṃ, suttantaresu pana āgatamevāti tato āharitvā taṃ vattabbanti dassento “**buddhavacanaṃ panā**”tiādimāha. Tayidaṃ sāvaka bodhisattānaṃ vasaṇāyaṃ desanāti katvā vuttaṃ. Itaresaṃ pana vasena vuccamānaṃ suttantaraggahaṇattaṃ payojanaṃ natthīti “**yā hī**”tiādimāha. **Pāliya vasena gahitamevāti** saṅkhepato vuttaatthassa vitthārato dassanaṃ. **Nibbattīti** nibbattamānā khandhā gahitāti āha “**savikārā**”ti. Aniccatālakkhaṇādīpanato **lakkhaṇāhaṭṭaṃ. Kammākammanti** vinicchayaṃ. **Nijjaṭanti** nigumbāṃ, suddhanti attho. **Pathavīkasiṇādīsu kammaṃ ārabhatītiādi** pāliyaṃ samathapubbaṅgamā vipassanā dassitāti katvā vuttaṃ. Evañhi pāmojjādidassanaṃ sambhavatīti. **Devassāti** meghassa. Kasmā panettha “khīṇāsavassa...pe... t̥hitakālo veditabbo”ti vuttaṃ, nanu pubbe devaṭṭhāniyo abhisāṅkhāro vutto, na abhisāṅkhāro khīṇāsavoti? Nāyaṃ doso, kāraṇūpacārena phalassa vuttattā. Abhisāṅkhāramūlako hi khandhasantāno khandhasantāne ca ucchinnasamyoge khīṇāsavasamaññāti.

Upanisasuttavaṇṇanā niṭṭhitā.

#### 4. Aññatitthiyasuttavaṇṇanā

**24. Soti** sārīputtatthero. Yadi na tāva pavīṭṭho, kasmā “pāvisī”ti vuttanti āha “**pavisissāmī**”tiādi. Tena avassambhāvini bhūte viya upacāro hotīti dasseti. Idāni tamattaṃ upamāya vibhāvento “**yathā ki**”ntiādimāha. **Atippagoyeva nikkhantadivasoti** pakatiyā bhikkhācāraṇavelāya ativiya pāto eva vihārato nikkhantadivasabhāgo. **Etadahosīti** etaṃ “atippago kho”tiādikāṃ cintanaṃ ahoṣi. **Dakkhiṇadvārassāti** rājagahanagare dakkhiṇadvārassa veḷuvanassa ca antarā ahoṣi, tasmā “tenupasaṅkamissa”nti cintanā ahoṣī adhippāyo. **Kim vādīti** catūsu vādesu kataraṃ vādaṃ vadasi. **Kimakkhāyīti** tasseva vevacanaṃ. Kim vadatīti pana cattāro vāde sāmāññato gahetvā napuṃsakalīṅgena vadati yathā kim te jātalīṅgaṃ. Sabbanāmañhettaṃ, yadidaṃ napuṃsakalīṅgaṃ. Vadati etenāti **vādo**, dassanaṃ. Taṃ sandhāyāha “kim ettha...pe... dassananti pucchantī”ti. “Dhammapaṭisambhidā”tiādīsu viya **dhamma**-saddo hetuatthoti āha “**yaṃ vuttaṃ kāraṇaṃ, tassa anukāraṇa**”nti. Vādassa vacanassa anuppatti **vādappavatti**.

**Idaṃ vacananti** “ekamidāha”ntiādivacanaṃ. **Sāti** “eke samaṇabrāhmaṇā kammavādā”ti evaṃ pavattakathā. Accharaṃ aṅguliphoṭanaṃ arahatīti **acchariyaṃ. Abbhutanti** niruttinayena padasiddhi daṭṭhabbā. **Sabbavādānanti** sabbesaṃ catubbidhavādānaṃ. Paṭhamo hettha sassatavādo, dutiyo ucchedavādo, tatiyo ekaccasassatavādo, catuttho adhiccasamuppannavādo, tesāṃ sabbesaṃ paṭikkhepato paṭikkhepakāraṇaṃ vuttaṃ. Paṭiccasamuppādakittanaṃ vā pacurajanaññassa alabbhaneyyapatiṭṭhatāya **gambhīrañceva**, tathā avabhāsanato cetasi upaṭṭhānato **gambhīrāvabhāsañca karonto. Tadeva padanti** phassapadaṃyeva ādibhūtaṃ gahetvā.

Aññatitthiyasuttavaṇṇanā niṭṭhitā.

## 5. Bhūmijasuttavaṇṇanā

**25. Purimasutteti** anantare purime sutte. **Vuttanayeneva veditabbanti** padatthe tato visiṭṭham aniddisitvā itaraṃ atthato vibhāvetuṃ “**ayaṃ pana viseso**”tiādimāha. **Na kevalaṃ phassapaccayā uppajjati**, atha kho phassassa sahaṅkārikāraṇabhūtaaññapaccayā ca uppajjati. **Kāyenāti** copanakāyena, kāyaviññattiyāti attho. Sā hi kāmaṃ paṭṭhāne āgatesu catuvīsatiyā paccayesu kenaci paccayena cetanāya paccayo na hoti. Yasmā pana kāye sati eva kāyakammaṃ nāma hoti, nāsati, tasmā sā tassā sāmaggiyabhāvena icchitabbāti vuttaṃ “**kāyenapi kariyamānaṃ kariyati**”ti. Tenāha bhagavā “kāye vā, hānanda, sati kāyasañcetanāhetu uppajjati ajjhantaṃ sukhaṃ dukkha”nti. **Vācāyapīti** ethāpi eseva nayo. **Manasāti** pātubhūtena manasā, na manamattenāti. **Attanā** parehi anussāhitena. **Parenāti** parena anussāhena. **Sampajānenāti** ñāṇasampayuttacittavasena pajānantena. **Asampajānenāti** tathā na sampajānantena. **Tassāti** sukhadukkhasa. **Kāyasañcetanāhetūti** kāyakammanimittaṃ, kāyikassa kammaṃsa katattā upacittatīti attho. Esa nayo sesasañcetanāsupi. Uddhaccasahagatacetanā pavattiyā vipākaṃ detiyevāti “**vīsati cetanā labbhanti**”ti vuttaṃ. **Tathā vacīdvāreti** ettha “kāmaṃ vacarakuṣalākuṣalavasena vīsati cetanā labbhanti”ti idaṃ tathā-saddena upasaṃharati. **Rūpārūpacetanāhīti** rūpāvacarārūpāvacarakuṣalacetanāhi. **Tappaccayaṃ** yathārahanti adhippāyo. **Tāpi cetanāti** yathāvuttā ekūnavīsati cetanā avijjāpaccayā honti kuṣalānampi pageva itarādhiṭṭhahitāvijjasseva uppajjanato, aññathā anuppajjanato. **Yathāvuttacetanābhedanti** yathāvuttaṃ kāyacetanādivibhāgaṃ. **Parehi anussāhito** saraseneva pavattamāno. **Parehi kariyamānoti** parehi ussāhito hutvā kayiramāno. **Jānantopīti** anussavādivasena jānantopī. **Kammameva jānantoti** tadā attanā kariyamānakammameva jānanto.

**Catūsūti** “sāmaṃ vā pare vā sampajāno vā asampajāno vā”ti evaṃ vuttasu catūsu ṭhānesu. Yathāvutte ekūnavīsaticetanādhamme asaṅkhārikasasaṅkhārikabhāvena sampajānakatāsampajānakatabhāvena catuṅge katvā vuttaṃ “**chasattati dvesatā cetanādhammā**”ti. Yesaṃ sahaṅgatakoṭi labbhanti, tesampi upanissayakoṭi labbhatevāti “**upanissayakoṭiyā anupatitā**”tiiceva vuttā. **Teti** yathāvuttā sabbepe dhammā. **So kāyo na hotīti** ettha pasādakāyopi gaṇetabbo. Tenāha “**yasmim kāye sati**”tiādi. **So kāyo na hotīti** so kāyo paccayanirodhena na hoti. **Vācāti** saddavācā. **Manoti** yaṃ kiñci viññāṇaṃ. Idāni kammavaseneva yojetuṃ “**apicā**”tiādi vuttaṃ. **Eseva nayo** “vācāpi dvārabhūtā manopi dvārabhūto”ti. Khīṇāsavassa kathaṃ kāyo na hoti, na tassa kāyakammādhīṭṭhānanti adhippāyo. **Avipākattāti** avipākadhammatīti attho. Kāyo na hotīti vuttaṃ akammakaraṇabhāvato.

**Tanti** kammaṃ. **Khettaṃ na hotīti** tassa dukkhasa aviruhanaṭṭhānattā. Viruhanaṭṭhānādayo byatirekavasena vuttā. Tenāha “**na hotī**”ti. **Kāraṇaṭṭhēnāti** ādhārabhūtakāraṇabhāvena. **Sañcetanāmūlakanti** sañcetanānimittaṃ. **Viruhanādīnaṃ atthānanti** “viruhanaṭṭhēnā”tiādinā vuttānaṃ atthānaṃ. Iminā viruhanādibhāvena vedanā “sukhadukkhaveḍḍanā”ti kathitā, nayidha jeṭṭhalakkhaṇaṃ sukhadukkhaṃ nippayojakassa sukhasa dukkhasa ca adhippetattā. Upekkhāvedanāpetṭha sukhasaṅghasabhāvavipākabhūtā vedanāva.

Bhūmijasuttavaṇṇanā niṭṭhitā.

## 6. Upavāṇasuttavaṇṇanā

**26. Vaṭṭadukkameva kathitaṃ** itaradukkhasapi vipākassa saṅgaṇhanato.

Upavāṇasuttavaṇṇanā niṭṭhitā.

## 7. Paccayasuttavaṇṇanā

27. **Paṭipāṭiyāti** paṭipāṭiyā ṭhapanena. Catusaccayojanam dassetuṃ **pariyosāna...pe... ādi vuttaṃ. Dukkhasaccavasenāti** pariññeyyabhāvavasena. Jarāmarāṇāpadesena hi pañcupādānakkhandhā vuttā, te cassa attano phalassa paccayā na honti. Taṃ sandhāya vuttaṃ “**paccayaṃ jānāti**”ti. Vineyyajjhāsayasasena hettha desanā pavattā. **Sampannoti** samannāgato. **Āgatoti** upagato, adhigatoti attho. **Passatīti** paccavekkhaṇāññena paccakkhato passati, maggapaññāya evaṃ asammoḥapaṭivedhavasena passati. **Maggaññāneva**, na phalaññāneva. **Dhammasotaṃ samāpannoti** ariyadhammasotaṃ sammadeva āpanno patto. Anaye nairiyānato, aye ca iriyānato, sadevakena ca lokena “saraṇa”nti akaraṇīyato ariyapakkhaṃ bhajanto **puthujjanabhūmiṃ atikkanto**. **Nibbedhikapaññāyāti** catunnaṃ ariyasaccānaṃ nibbijjhanakapaññāya. **Āhacca tiṭṭhati** maggakkhaṇe, phalakkhaṇe pana āhacca ṭhito nāma.

Paccayasuttavaṇṇanā niṭṭhitā.

## 8. Bhikkhusuttavaṇṇanā

28. **Uttānameva** sabbasova sattame āgatanayattā, vineyyajjhāsayasasena hi idaṃ suttaṃ satthārā aññasmiṃ āsane desitaṃ, parisāya vivaṭṭena sātthikāti satthu desanā āgatāti ayaṃ paṭiggāhakādhīnā hotīti dhammagāravena saṅgahaṃ āropentiyeva.

Bhikkhusuttavaṇṇanā niṭṭhitā.

## 9. Samaṇabrāhmaṇasuttavaṇṇanā

29. **Akkharabhāṇakānanti** akkhararucīnaṃ. Upasaggena padavaḍḍhanampi ruccanti. Tenāha “**te hī**”tiādi.

Samaṇabrāhmaṇasuttavaṇṇanā niṭṭhitā.

## 10. Dutiyasamaṇabrāhmaṇasuttavaṇṇanā

30. **Dvīsu suttesūti** navamadasamasuttesu.

Dutiyasamaṇabrāhmaṇasuttavaṇṇanā niṭṭhitā.

Dasabalavaggavaṇṇanā niṭṭhitā.

## 4. Kaḷārakhattiyavaggo

### 1. Bhūtasuttavaṇṇanā

31. **Ajitamāṇavenāti** soḷasasu bāvāriyabrāhmaṇaparicārakesu “ajito”ti laddhanāmena māṇavena. Saṅkhā vuccati paññā, saṅkhātā pariññātā dhammā yesaṃ te **saṅkhātadhammā**, paṭividdhasaccā khīṇāsavā. Sekkhā pana vipākassa aperiññātattā “saṅkhātadhammā”ti na vuccanti. Sekkhadhammasamannāgamena te **sekkhā**. Te pana kāmaṃ puggalapaṭilābhavasena anekasahassāva honti, catumaggahetṭhimaphalattayassa pana vasena taṃsamaṅgitāsāmaññena na sattajanato uddhanti āha “**satta jane**”ti niyametvā viseseti. Saṃkilesavajjaṃ, tato vā attānaṃ viya vineyyalokaṃ nipāti rakkhatīti nipako, tassa bhāvo **nepakkaṃ**, ñāṇanti āha “**nepakkaṃ vuccati paññā, tāya samannāgatattā nipako**”ti.

“Ko nu kho imassa pañhassa attho”ti cintento pañhāya kaṅkhati nāma. “Kathaṃ byākaramāno nu

kho satthu ajjhāsayam na virodhemī”ti cinto ajjhāsayam kaṅkhati nāma. Sujānāyattaparicchedam katvā cintanā hettha “kaṅkhā”ti adhippetā, na vicikicchāti. Pahīnavicikicchho hi mahāthero āyasmato assajjimahātherassa santikeyeva, vicinanabhūtam kukkucasadisam panetaṃ vīmaṃsanamattanti daṭṭhabbam. **Pattam ādāya carantoti** pabbajitabhāvalakkhaṇam. Dhammasenāpatibhāvena vā mama pattadhammadesanāvāram ādāya carantoti evam vā ettha attho daṭṭhabbo.

**Jātanti** yathārahaṃ paccayato uppannam, saṅkhatanti attho. **Pañhabyākaraṇam upaṭṭhāsīti** pañhassa byākaraṇatā paṭibhāsi. “Sammappaññāya passatī”ti pāṭho, aṭṭhakathāyam pana “sammappaññāya passato”ti padaṃ uddharitvā “passantassā”ti attho vutto. Tam “bhūtanti...pe... paṭipanno hoti”ti imāya pāḷiyā na sameti, tasmā yathādassitapaṭho eva yutto. **Yāva arahattamaggā nibbidādīnam atthāyāti** samitāpekkhadhamavasā padaṃ vadanti. **Āhārasambhavanti** paccayahetukaṃ. **Sekkhapaṭipadā kathitā** “nibbidāya virāgāya nirodhāya paṭipanno hoti”ti vacanato. Esa nayo nirodhavārepi. **Nibbidāti** karaṇe paccattavacanam, **virāgā nirodhāti** karaṇe nissakkavacananti āha “**sabbāni kāraṇavacanāni**”ti. **Anupādāti** anupādāya. **Bhūtamidantiādīmāha** sabbasuttam āhaccabhāsitaṃ jinavacanameva karonto.

Bhūtasuttavaṇṇanā niṭṭhitā.

## 2. Kaḷārasuttavaṇṇanā

**32. Tassa therassa nāmaṃ** jātisamudāgataṃ. **Nivattoti** pubbe vaṭṭasotassa paṭisotaṃ gantum āradhho, tam avisahanto anusotameva gacchanto, tato nivatto pariklesavidhame asaṃsaṭṭho viyutto hoti. Ettha cetanāti vā assāso. Hīnāyavattanaṃ nāma kāmesu sāpekkhatāya, tattha ca nirapekkhatā tatiyamaggādhigamenāti dassento “**tayo magge**”tiādīmāha. **Sāvakaṃpāramiṇāṇam** therassa arahattādhigamena nipphannaṃ, tasmā tassa tam uparimakoṭiyā assāso vutto. **Ugghāṭitāti** vivaṭṭā, vūpasamitāti attho. **Tatthāti** arahattappattiyam. **Vicikicchābhāvanti** nibbematikataṃ.

**Na evam byākatāti** “khīṇā jāti”tiādīkā evam uttānakaṃ na byākatā, pariyaena pana byākatā. **Kenacīti** kenacipi kāraṇena. **Evam** uttānakaṃ **byākarissati**.

**Tassa paccayassa khayāti** tassa kammabhavasāṅkhātassa paccayassa avijjāya saḥkāritāyam saṅgahitassa khayā anuppādā nirodhā. **Khīṇasminti** khīṇe. Anuppādanirodhena niruddhe **jātiyā** yathāvutte **paccaye**. **Jātiṣaṅkhātam phalaṃ khīṇam** anuppattidhammataṃ āpāditanti. **Viditam** ñātam. Ājānāti catusaccaṃ heṭṭhimamaggehi ñātam anatikkamitvā paṭivijjhatīti **aññā** aggamaggo. Tadupacārena aggaphalaṃ idha “aññā” nāma. **Paccayoti** bhavūpapattiyā paccayo paṭiccasamuppādo.

**Meti** mayā. **Aññāsi** ākāraggahaṇena cittācāram jānāti. **Tenāti** bhagavatā. **Byākaraṇam anumoditam** pañhabyākaraṇassa visayakatabhāvato.

**Ayamassa visayoti** ayam vedanā assa sārīputtattherassa savisayo tattha visayabhāvena pavattatā. **Kiñcāpīti** kiñcāpi sukhā vedanā ṭhitisukhā dukkhā vedanā vipariṇāmasukhā, adukkhamasukhā vedanā ñānasukhā. **Vipariṇāmakoti**yāti aniccabhāvena **sabbāva** vedanā **dukkhā nāma**. Sukhapaṭikkhepatopi hi sukhapītiyā pharaṇatāya sukhāti tikkhamattena vipariṇāmadukkhāti vipariṇāmato abhāvādhigamena sukhanirodhakkhaṇamattena. Tathā hi vuttam **papañcasūdaniyam** “sukhāya vedanāya atthibhāvo sukha”nti. Sukhākāmo dukkham titikkhati. Apariññātavatthukānañhi sukhavedanuparamo dukkhato upaṭṭhāti, tasmāyattho viyogena dīpetabbo. “Dukkha vipariṇāmasukhā”ti etthāpi eseva nayo. Tathācāha **papañcasūdaniyam** “dukkhāya vedanāya natthibhāvo sukha”nti. Dukkhavedanuparamo hi vuttānam sukhato upaṭṭhāti evāti vadanti. Tassa yogassa vūpasamena “aho sukham jāta”nti majjhatavedanāya jānanabhāvo yāthāvato avabujjhanam sukham. Adukkhamasukhāpi vedanā vijānantassa sukham hoti tassa sukhumatāya viññeyyabhāvato. Yathā rūpārūpadhammānam

salakkhaṇato sāmāññalakkhaṇato ca sammadeva avabodho paramaṃ sukhaṃ. Tenāha –

“Yato yato sammasati, khandhānaṃ udayabbayaṃ;  
Labhatī pītipāmojjaṃ, amataṃ taṃ vijānata”nti. (dha. pa. 374);

**Aññānadukkha**tī ajānanabhāvo adukkhamasukhāvedanāya dukkhaṃ. Sammā vibhāgajānanasabhāvo ñāṇassa sambhavo. Ñāṇasampayuttā hi ñāṇūpanissayā adukkhamasukhā vedanā pasatthākārā, yato sā iṭṭhā ceva iṭṭhaphalā cāti. Ajānanabhāvoti ettha vuttavipariyāyena attho veditabbo. “Dukkhaṇti vidito”ti pāli, aṭṭhakathāyaṃ pana viditanti paduddhāro kato, taṃ atthadassanamattanti daṭṭhabbaṃ.

**Vedanāparicchedajānaneti** “tisso imā vedanā”ti evaṃ paricchedato jānane. **Aññāsī**tī kadā aññāsī? Imasmiṃ desanākāletī vadanti, paṭivedhakāletī pana yuttaṃ. Yathāpaṭividdhā hi vedanā idha therena desitāti. **Iminā kāraṇenā**tī “yadaniccaṃ taṃ dukkha”nti vedanānaṃ aniccatāya dukkhabhāvajānanasāṅkhātena kāraṇena. Taṃnimittaṃ hissa vedanāsu taṇhā na uppajjati. **Atippapañcoti** ativitthāro. **Dukkhasmiṃ** antogadhaṃ dukkhaṇariyāpannattā. **Dukkhaṇti** sabbaṃ vedayitaṃ dukkhaṃ saṅkhāradukkhabhāvato. **Nātamatteti** yāthāvato avabujjhanamate. **Taṇhā na tiṭṭhatī**tī na santiṭṭhati nappavattati.

**Kathaṃ vimokkhā**tī ajjhatabhiddhābhedesu vimuttā. Hetumhi cetaṃ nissakkavacananti hetuatthena karaṇavacanena atthamāha “**katarena vimokkhenā**”tī. Karaṇatthepi vā etaṃ nissakkavacananti tathā vuttaṃ. **Abhinivesoti** vipassanārambho. **Bahiddhādharmāpi daṭṭhabbāyeva** sabbassapi pariññeyyassa pari jānitabbato. **Ñāṇaṃ** pavattetvā. **Teti** ajjhattasaṅkhāre. **Vavatthapetvā**tī salakkhaṇato paricchindivā. **Bahiddhā otāretī**tī bahiddhāsaṅkhāresu ñāṇaṃ otāretī. **Ajjhattaṃ otāretī**tī ajjhattasaṅkhāre sammasati. **Tatra** tasmīṃ catukke. **Tesaṃ vavatthānakāletī** tesaṃ ajjhattasaṅkhāraṇaṃ vipassanākāle.

**Sabbupādānakkhayā**tī sabbaso upādānaṃ khayā. Kāmaṃ diṭṭhisīlabbataattavādupādānāni paṭhamamaggeneva khīyanti, kāmupādānaṃ pana aggamaggenāti tassa vasena “sabbupādānakkhayā”ti vadanto thero attano arahattapattīṃ byākaroti. Tenāha “**āsavā nānussavanti**”tī. **Satoti** iminā satīvepullappattīṃ dasseti. **Cakkhuto rūpe savanti**tī cakkhuviññānavīthiyaṃ tadanutgatanovīññānavīthiyaṃ rūpārammaṇā āsavā pavattantīti. Kiñcāpi tattha kusalādīnampi pavatti atthi, kāmāsavādayo eva vaṇato yūsaṃ viya paggharaṇakaasucibhāvena sandanti, tathā sesavāresu. Tenāha “**eva**”ntiādi, tasmā te eva “**āsavā**”ti vuccanti. Tattha hi paggharaṇakaasucimhi niruḷho āsavaṃ. “Attānaṃ nāvajānāmī”ti vuttattā “**omānapahānaṃ kathita**”nti āha. Tena āsavesu samudāyupalakkhaṇaṃ kathitanti daṭṭhabbaṃ. Na hi seyyamānādīppahānena vinā hīnamānaṃyeva pajahati. **Pajānanā**tī “nāparaṃ itthatāyā”ti vuttapajānanasampanno hotīti.

**Sarūpabhedatopī**tī “cattāro”ti evaṃ parimāṇaparicchedatopi. Idaṃ bhagavā dassento āhāti sambandho. **Idanti** ca “ayampi kho”tiādivacanāṃ sandhāyāha.

**Asambhinnāya evā**tī yathānisinnāya eva, avuṭṭhitāya evāti attho. **Puggalathomanatthanti** desanākusalānaṃ ānandattherādīnaṃ puggalānaṃ pasamsanattaṃ ukkaṃsanattaṃ. **Dhammathomanatthanti** paṭipattidhammassa pasamsanattaṃ. **Tepī**tī ānandattherādayo bhikkhūpi. **Dhammapaṭiggāhakā** bhikkhū. **Attheti** silādiatthe. **Dhammeti** pāḷidhamme.

**Assāti** bhagavato. **Ānubhāvaṃ karissati** “divasañcepi bhagavā”tiādinā. **Nanti** sārīputtattheraṃ. **Ahampi tatheva thomessāmi** “sā hi bhikkhū”tiādinā. **Evaṃ cintesī**tī evaṃ vakkhamānena dhammadāyādadesanāya cintitākārena cintesī. Tenāha “**yathā**”tiādi. **Ekajjhāsaya**yāti samānādhippāyāya. **Matiyā**tī paññāya. **Ayaṃ desanā aggāti** bhagavā dhammasenāpattīṃ guṇato evaṃ paggaṇhātīti katvā vuttaṃ.

**Pakāsetvāti** guṇato pākaṭaṃ paññātaṃ katvā sabbasāvakehi seṭṭhabhāve **ṭhapetukāmo**. **Cittagatiyā** cittavasena kāyassa pariṇāmanena “ayaṃ kāyo idaṃ cittaṃ viya hotū”ti kāyasamānagatikattādhīṭṭhānena. Kathaṃ pana kāyo dandhappavattiko lahuparivattena cittaṃ samānagatiko hotīti? Na sabbathā samānagatiko. Yatheva hi kāyavasena cittavipariṇāmane cittaṃ sabbathā kāyena samānagatikaṃ hoti. Na hi tadā cittaṃ sabhāvasiddhena attano khaṇena avattitvā dandhavuttikassa rūpadhammassa khaṇena vattituṃ sakkoti, “idaṃ cittaṃ ayaṃ kāyo viya hotū”ti panādhīṭṭhānena dandhagatikassa kāyassa anuvattanato yāva icchitaṭṭhānappatti hoti, tāva kāyagatīanulomeneva hutvā santānavasena pavattamānaṃ cittaṃ kāyagatiyā pariṇāmitaṃ nāma hoti, evaṃ “ayaṃ kāyo idaṃ cittaṃ viya hotū”ti adhiṭṭhānena pageva sukhalahusaññāya sampāditattā abhāvitiddhipādānaṃ viya dandhaṃ avattitvā yathā lahukatipayacittavāreheva icchitaṭṭhānappatti hoti, evaṃ pavattarūpatā viññāyatīti.

**Adhippāyānurūpameva** tassa bhagavato thomanāya katattā. **Idaṃ nāma** atthajātaṃ bhagavā **pucchissatīti** pubbe mayā **aviditaṃ** apassaṃ. **Āsayajānanatthanti** “evaṃ byākarontena satthu ajjhāsayo gahito hotī”ti evaṃ satthu ajjhāsayaajānanatthaṃ. **Dutiyam pañham pucchanto** bhagavā **paṭhamam pañham anumodi** dutiyam pañham pucchanteneva paṭhamapañhavissajjanassa sampaṭicchitabhāvato.

**Etaṃ ahoṣīti** etaṃ parivittakkaṇaṃ ahoṣi. **Assāti** kaḷārakhattiyassa bhikkhuno. Dhamme dahatīti **dhammadhātu**, sāvakaṃpāramiññaṇaṃ, sāvakaṃvisaye dhamme dahati yāthāvato ajite katvā ṭhapetīti attho. Tenāha “**dhammadhātu**”tiādi. **Sabbaññūtaññānagatikameva** visaye. **Gocaradhammeti** gocarabhūte ñeyyadhamme.

Kaḷārasuttavaṇṇanā niṭṭhitā.

### 3. Ñāṇavatthusuttavaṇṇanā

**33. Ñāṇameva ñāṇavatthu** sampattīnaṃ kāraṇabhāvato. **Catūsūti** catusaccassa bodhanavasena vuttasu catūsu ñāṇesu. **Paṭhamanti** “jarāmarāṇe ñāṇa”nti evaṃ vuttaṃ ñāṇaṃ, yena dhāraṇaparicayamanasikāravasena pavattaṃ sabbaṃ gaṇhi. Sannicayañāṇamayaṃ **savanamayaṃ** nāmatveva veditabbaṃ. Sabhāvato paccayato cassa pariggaṇhanañāṇaṃ **sammasanañāṇaṃ**veva veditabbaṃ. Jarāmarāṇasīsena cettha jarāmarāṇavantaṃ dhammā gahitā. **Paṭivedhañāṇanti** asammoḥato paṭivijjhanañāṇaṃ. **Iminā dhammenāti** hetumhi karaṇavacanaṃ. Imassa hi dhammassa adhiḡamaḡetu ayaṃ ariyo atītānāgate nayanapi catusaccadhamme abhisambujjhati. Maggañāṇameva pana atītānāgate nayanasadisaṃ katvā dassetuṃ “**maggañāṇadhammena vā**”ti dutiyavikkappo vutto. Evañhi “akālika”nti samatthitaṃ hoti.

**Ñāṇacakkhunā diṭṭhenāti** dhammacakkhubhūtena ñāṇacakkhunā asammoḡapaṭivedhavasena paccakkhato diṭṭhena. **Paññāya viditenāti** maggapaññāya tatheva viditena. Yasmā tathā diṭṭhaṃ viditaṃ sabbaso pattaṃ mahāupāyo hoti, tasmā vuttaṃ “**pariyogāḡhenā**”ti. **Diṭṭhenāti** vā dassanena, dhammaṃ passivā ṭhitenāti attho. **Viditenāti** cattāri saccāni viditvā pākaṭāni katvā ṭhitenā. **Akālīkenāti** na kālantaravipākādāyina. **Pattenāti** cattāri saccāni patvā ṭhitattā dhammaṃ pattenā. **Pariyogāḡhenāti** catusaccadhamme pariyogāhitvā ṭhitenā. **Atītānāgate nayaṃ netīti** atīte ca anāgate ca nayaṃ neti harati peseti. Idaṃ pana paccavekkhaṇaṇāṇassa kiccaṃ, satthārā pana maggañāṇaṃ atītānāgate nayanasadisaṃ kataṃ taṃmūlakattā. Atītāmaggassa hi paccavekkhaṇaṃ nāma hoti, tasmā maggañāṇaṃ nayanasadisaṃ kataṃ nāma hoti, paccavekkhaṇaṇāṇena pana nayaṃ neti. Tenāha “**ettha cā**”tiādi. Yathā pana tena nayaṃ neti. Taṃ ākāraṃ dassetuṃ “**ye kho keci**”tiādi vuttaṃ. Ettha ca nayanuppādanaṃ nayañāṇasseva pavattiviseso. Tena vuttaṃ “paccavekkhaṇaṇāṇassa kicca”nti. Kiñcāpi “imināti maggañāṇadhammena vā”ti vuttaṃ, duvidhaṃ pana maggaḡhalañāṇaṃ sammasanañāṇapaccavekkhaṇāya mūlakāraṇaṃ, na nayanassāti duvidhena ñāṇadhammenāti na na yujjati. Tathā catusaccadhammassa ñātattā maggaḡhalasaṅkhātassa vā dhammassa

saccapaṭivedhasampayogaṃ gatattā “nayanam hotū”ti tena “iminā dhammenā”ti ñāṇassa visayabhāvena ñāṇasampayogena tadañātenāti ca attho na na yujjati. **Anuayeti** dhammañāṇassa anurūpavasena aye bujjhanañāṇe diṭṭhānaṃ adiṭṭhānayanato adiṭṭhassa diṭṭhatāya ñāpanato ca. Tenāha “**dhammañāṇassa anugamane ñāṇa**”nti. **Khīṇāsavassa sekkhabhūmi** nāma aggamaggakkhaṇo. Kasmā panetaṃ evaṃ vuttanti ce? “Evaṃ jarāmaranaṃ pajānāti”tiādinā vattamānavasena desanāya pavattattā.

Ñāṇavatthusuttavaṇṇanā niṭṭhitā.

#### 4. Dutiyāñāṇavatthusuttavaṇṇanā

**34. Sattarīti** ta-kārassa ra-kārādesaṃ vuttaṃ. Sattatisaddena vā samānattho sattarisaddo. Byañjanarucivasena byañjanaṃ bhaṇantīti **byañjanabhāṇakā**. Tenāha “bahubyañjanaṃ katvā”tiādi. Tiṭṭhati tattha phalaṃ tadāyattavuttitāyāti ṭṭhiti, paccuppannalakkhaṇassa dhammassa ṭṭhiti dhammaṭṭhiti. Atha vā dhammoti kāraṇaṃ, paccayoti attho. Dhammassa yo ṭṭhisabhāvo, sova dhammato añño natthīti dhammaṭṭhiti, paccayo. Tattha ñāṇaṃ **dhammaṭṭhitiñāṇaṃ**. Tenāha āyasmā dhammasenāpati – “paccayapariggahe paññā dhammaṭṭhitiñāṇa”nti (paṭi. ma. mātikā 4). Tathā cāha “**paccayākāre ñāṇa**”ntiādi. Tattha **dhammānanti** paccayuppannadhammānaṃ. **Pavattiṭṭhitikāraṇattāti** pavattisaṅkhātāya ṭṭhiyā kāraṇattā. “Jātipaccayā jarāmarana”ntiādinā addhattaye anvayabyatirekavasena pavattiyā **chabbidhassa ñāṇassa**. **Khayo** nāma vināso, sova bhedoti. **Virajjanaṃ** palujjanaṃ. **Nirujjanaṃ** antaradhānaṃ. **Ekekasminti** jarāmaranādīsu ekekasmim. Pubbe “yathābhūtañāṇa”nti taruṇavipassanaṃ āha. Tasmā idhāpi dhammaṭṭhitiñāṇaṃ vipassanāti gahetvā “**vipassanāpaṭivipassanā kathitā**”ti vuttaṃ.

Dutiyāñāṇavatthusuttavaṇṇanā niṭṭhitā.

#### 5. Avijjāpaccayasuttavaṇṇanā

**35. Desanaṃ osāpesūti** yathāraddhakathaṃ ṭṭhesi. Tattha nisinnassa diṭṭhigatikassa laddhiyā bhindanavasena upari kathetukāmo. Buddhānañhi desanāvāraṃ pacchindāpetvā pucchitum samattho nāma koci natthi. Tenāha “**diṭṭhigatikassa okāsādānatha**”nti. **Duppañho eso** sattūpaladdhiyā pucchitattā. **Sattūpaladdhivādapadenāti** “satto jīvo upalabbhati”ti evaṃ pavattadiṭṭhidīpakapadavasena. Vadanti etenāti **vādo**. Diṭṭhi-saddo pana dvayasaṅgahito, brahmacariyavāso pana paramatthato ariyamaggabhāvanāti āha “**ariyamaggavāso**”ti. **Ayaṃ diṭṭhīti** anaññe sarīrajīvāti diṭṭhi. “Jīvo”ti ca jīvītameva vadanti. **Vatṭanti** duvidhaṃ vatṭaṃ. **Nirodhentoti** anuppattidhammataṃ āpādentoti. **Samucchindantoti** appavattiyam pāpanena upacchindantoti. Tadetaṃ maggena nirodhetabbaṃ vatṭaṃ nirujjhatīti yojanā. “Ayaṃ satto vināsaṃ abhāvaṃ patvā sabbaso ucchijjati”ti evaṃ ucchedadiṭṭhiyā gahitākārassa **sambhave** saccabhāve **sati**. **Na hotīti** sātthako na hoti.

**Gacchatīti** sarīrato nikkhamitvā gacchati. **Vivattentoti** appavattim karontoti attho. **Vivattetum na sakkoti** niccassa appavattim pāpetum asakkuṇeyyattā. Micchādiṭṭhi sammādiṭṭhim vijjhati asamāhitapuggalasevanavasena tathā pavattitum appadānavasena ca pajahitabbāpajahanavasena sammādiṭṭhim vijjhati. **Visūkamivāti** kaṇḍako viya. Na kevalaṃ ananuvattakova, atha kho virodhopi “nicca”ntiādinā pavattanadhammatāya viññāpanato. Virūpaṃ bībhaccaṃ phanditaṃ **vipphanditaṃ**. Paṇṇapupphaphalappallavānaṃ avatthubhūto tālo eva tālavatthu “asive sivā”ti vohāro viya. Keci pana “tālavatthukatāni”ti paṭhanti, avatthubhūtatāya tālo viya katānīti attho. Tenāha “**matthakacchinnatālo viyā**”ti. **Anuabhāvanti** vināsaṃ.

Avijjāpaccayasuttavaṇṇanā niṭṭhitā.

#### 6. Dutiyāavijjāpaccayasuttavaṇṇanā

36. **Iti vāti** evaṃ vā. Jarāmaṇassa ceva jarāmaṇasāmikassa ca khaṇavasena yo vadeyya. **Avisāradadhātuko** pucchituṃ acchekatāya maṅkubhāvena jāto. Tenāha “**pucchituṃ na sakkoti**”ti.

Dutiyaavijjāpaccayasuttavaṇṇanā niṭṭhitā.

### 7. Natumhasuttavaṇṇanā

37. Na **tumhākanti** kāyassa anattaniyabhāvadassanameva panetanti yā tassa anattaniyatā, taṃ dassetuṃ “**attani hī**”tiādi vuttaṃ. Yadi na attaniyaṃ, parakiyaṃ nāma siyāti, tampi natthīti dassento “**nāpi aññesa**”nti āha. **Nayidaṃ purāṇakammamevāti** “idaṃ kāyo”ti vuttasarīraṃ purāṇakammameva na hoti. Na hi kāyo vedanāsabhāvo. **Paccayavohārenāti** kāraṇopacārena. **Abhisāṅkhatanti**ādi napuṃsakaliṅgavacanaṃ. **Purimaliṅgasabhāgatāyāti** “purāṇamidaṃ kamma”nti evaṃ vuttapurimanapuṃsakaliṅgasabhāgatāya. Aññamaññābhimukhehi samecca paccayehi kato abhisāṅkhatoti āha “**paccayehi katoti daṭṭhabbo**”ti. **Abhisāṅceti**yanti tathā abhisāṅkhatattasaṅkhātena abhimukhabhāvena cetayitaṃ pakappitaṃ, pavattitanti attho. **Cetanāvattukoti** cetanāhetuko. **Vedaniyanti** vedanāya hitaṃ vatthārammaṇabhāvena vedanāya paccayabhāvato. Tenāha “**vedaniyavattū**”ti.

Natumhasuttavaṇṇanā niṭṭhitā.

### 8. Cetanāsuttavaṇṇanā

38. **Yañcāti** ettha **ca-saddo** aṭṭhāne. Tena cetanāya viya pakappānānusayānampi viññāṇassa ṭhitiyā vakkhamāṇeṃveva avisiṭṭhaṃ ārammaṇabhāvaṃ joteti. Kāmaṃ tīsupi padesu “pavatteti” icceva attho vutto, vattanattho pana cetanādīnaṃ yathākkamaṃ cetayanapakappanānusayanarūpo visiṭṭhattho daṭṭhabbo. **Tebhūmakakusalākusalacetanā gahitā** kammaviññāṇassa paccayaniddhāraṇametanti. **Tañhādiṭṭhikappā gahitā** yathārahanti adhippāyo. Aṭṭhasupi hi lobhasahagatacittesu taṇhākappo, tattha catūsveva diṭṭhikappoti. Kāmaṃ anusayā lokiyakusalacetanāsupi anusentiyeva, akusalesu pana pavatti pākātāti “**dvādasannaṃ cetanāna**”nti vuttaṃ. **Sahajāta**koṭiyāti idaṃ paccuppannāpi kāmarāgādayo anusayāva vuccanti taṃsadisatāyāti vuttaṃ. Na hi kālabhedena lakkhaṇappabhedo atthīti. Anāgatā eva hi kāmarāgādayo nippariyāyato “anusayā”ti vattabbataṃ arahanti. Paccayuppanno vaṭṭatīti āha “ārammaṇaṃ paccayo”ti. **Kammaviññāṇassa ṭhitatthanti** kammaviññāṇasseva pavattiyā. **Tasmim paccaye satīti** tasmim cetanāpakappanānusayasaññite paccaye sati **paṭiṭṭhā viññāṇassa hoti**. Santāne phaladānasamatthatāyeva hotīti “**paṭiṭṭhā hoti, tasmim paṭiṭṭhite**”ti vuttaṃ. Sanniṭṭhāpakacetanāvasena **viruḷheti**. Paṭiṭṭhiteti hi iminā kammassa katabhāvo vutto, “viruḷhe”ti iminā upacitabhāvo. Tenāha “**kammaṃ javāpetvā**”tiādi. Tattha puretaraṃ uppannāhi kammacetanāhi laddhapaccayattā balappattāya sanniṭṭhāpakacetanāya kammaviññāṇaṃ laddhapatiṭṭhaṃ viruḷhamūlaṅca hotīti vuttaṃ “**nibbattamūle jāte**”ti. Tathā hi sanniṭṭhāpakacetanā vipākaṃ dentaṃ anantare jātivāsena deti upapajjavedanīyakammanti.

**Tebhūmakacetanāyāti** tebhūmakakusalākusalacetanāya. **Appavattanakkhaṇoti** idha pavattanakkhaṇo jāyamānakkhaṇo. Na jāyamānakkhaṇo **appavattanakkhaṇo** na kevalaṃ bhaṅgakkhaṇo appahīnānusayassa adhippetattā. **Appahīnakoṭiyāti** asamucchinnabhāvena. Tadidaṃ tebhūmakakusalākusalacetanāsu appavattamānāsu anusayānaṃ sahaajātakoṭiādīnā pavatti nāma natthi, vipākādīsu appahīnakoṭiyā pavattati karontassa abhāvatoṭi imamattamaṃ sandhāya vuttaṃ. **Avāritattāti** paṭipakkheti avāritabbattā. **Paccayova hoti** viññāṇassa ṭhitiyā.

Paṭhamadutiyaavārehi vaṭṭaṃ dassetvā tatiyavāre “**no ce**”tiādīnā vivaṭṭaṃ dassitanti “**paṭhamapade tebhūmakakusalākusalacetanā nivattā**”tiādi vuttaṃ. Tattha **nivattāti** akaraṇato appavattiyā apagatā. Taṇhādiṭṭhiyo nivattāti yojanā. **Vuttappakāresūti** “tebhūmakavipākesū”tiādīnā vuttappakāresu.



**Etthā**ti imasmim̐ sutte. Ettha cetanāpakappanānaṃ pavattanavasena dhammaparicchedo dassitoti “ceteti tebhūmakakusalākusalacetanā gahitā”tiādinaṃ idheva hoti dassito. **Catassoti** paṭighadvayamohamūlasamāgatā catasso akusalacetanā. **Catūsu akusalacetanāsūti** yathāvuttāsu eva catūsu akusalacetanāsu, itarā pana “na pakappeti”ti iminā paṭikkhepena nivattati. **Sutte āgataṃ vāretvāti** “no ca pakappeti”ti evaṃ paṭikkhepavasena sutte āgataṃ vajjetvā. “Na pakappeti”ti hi iminā aṭṭhasu lobhasahagatacittesu sahaṃjātakotiṃ pavattaanusayo nivattito tesam̐ cittānaṃ appavattanato, tasmā taṃ ṭhānaṃ ṭhapetvāti attho. **Purimasadisova** purimanayesu vuttanayena gahetabbo dhammaparicchedatā.

**Tadappatiṭṭhiteti** samāsabhāvato vibhattilopo, sandhivasena da-kārāgamo, tassa appatiṭṭhitaṃ tadappatiṭṭhitaṃ, tasmim̐ tadappatiṭṭhiteti evamettha samāsapadasiddhi daṭṭhabbā. **Etthā**ti etasmim̐ tatiyavāre arahattamaggassa kiccaṃ kathitaṃ sabbaso anusayanibbattibhedanato. **Khīṇāsavassa kiccakaraṇantipi vattum̐ vaṭṭati** sabbaso vedanādīnaṃ paṭikkhepabhāvato. **Nava lokuttaradhammātipi vattum̐ vaṭṭati** maggapaṭipāṭiyā anusayasamugghātanato maggānantarāni phalāni, tadubhayārammaṇaṃ nibbānanti. **Viññāṇassāti** kammaviññāṇassa. Punabbhavasīsena anantarabhavasāṅgahitaṃ nāmarūpaṃ paṭisandhiviññāṇameva vā gahitanti āha “**punabbhavassa ca antare eko sandhī**”ti. **Bhavajāṭinanti** ettha “dutiyaḥbhavassa tatiyaḥbhavave jāṭiyā”ti evaṃ paramparavasena gahetabbaṃ. Āyatim̐ punabbhavābhiniḥḥattigahaṇena pana nānantariyato kammabhavo gahito, jāṭihetuphalasiddhipettha vuttā evāti veditabbaṃ. Ettha ca “no ce, bhikkhave, ceteti no ca pakappeti, atha kho anuseti”ti evaṃ bhagavatā dutiyanaye pubbabhāge bhavanibbattakakusalākusalāyūhanaṃ, pakappanaṃ vināpi bhavesu diṭṭhādīnavassa yogino anusayapaccayā vipassanācetanāpi paṭisandhijanakā hoti dassanattaṃ kusalākusalassa appavatti cepi, tadā vijjamānatebhūmakavipākādiddhammesu appahīnakoṭiyā anusayitakilesappaccayā bhavavajjassa kammaviññāṇassa patiṭṭhitatā hoti dassanattaṃ vutto. “Na ceteti pakappeti anuseti”ti ayaṃ nayo na gahito cetanaṃ vinā pakappanassa abhāvato.

Cetanāsuttavaṇṇanā niṭṭhitā.

## 9. Dutiyacetanāsuttavaṇṇanā

**39. Viññāṇanāmarūpanaṃ antare eko sandhī**ti hetuphalasandhi viññāṇaggahaṇena kammaviññāṇassa gahitattā. Nāmarūpaṃ pana vipākanāmarūpamevāti pākāṭameva. Sesam̐ suviññeyyameva.

Dutiyacetanāsuttavaṇṇanā niṭṭhitā.

## 10. Tatiyacetanāsuttavaṇṇanā

**40. Rūpādīsu** chasu ārammaṇesu. Tena cettha bhavattayaṃ saṅgaṇhāti chaḷārammaṇapariyāpannattā. Tasseva bhavattayassa patthanā paṇidhānādivasena **nati** nāma. **Āgatimhi gatī**ti paccupaṭṭhānavasena abhimukhaṃ gati pavatti etasmāti āgati, kammādinimittaṃ. Tasmim̐ paṭisandhiviññāṇassa gati pavatti nibbatti hoti. Tenāha “**āgate**”tiādi. **Cutūpapātoti** cavanaṃ cuti, maraṇaṃ. Upapajjanaṃ nibbatti, upapāto. Cutito upapāto punaruppādo. Tenāha “**evaṃ viññāṇassā**”tiādi. **Itoti** nibbattabhavato. **Tatthāti** punabbhavasāṅkhāte āyatibhave. **Ekova sandhī**ti eko hetuphalasandhi eva kathito.

Tatiyacetanāsuttavaṇṇanā niṭṭhitā.

Kaḷārakhattiyavaggavaṇṇanā niṭṭhitā.

## 5. Gahapativaggo

## 1. Pañcaverabhayasuttavaṇṇanā

41. **Yatoti** yasmim kāle. Ayañhi **to-saddo dā-saddo** viya idha kālavisayo. Tenāha “**yadā**”ti. **Bhayeracetanāyoti** bhāyitabbaṭṭhena bhayaṃ, verapasavanaṭṭhena veranti ca laddhanāmā cetanāyo. Pāṇātipātādayo hi yassa pavattanti, yañca uddissa pavattiyanti, ubhaye sabhayabheravāti te eva bhāyitabbabhayaverajanakāvāti. Sotassa ariyamaggassa ādito paṭṭhāya paṭipattiadhigamo sotāpatti, tadatthāya tattha paṭiṭṭhitassa ca aṅgāni **sotāpattiyaṅgāni**, tadubhayaṃ sandhāyāha “**duvidhaṃ sotāpattiyā aṅga**”nti, sotāpattiatthaṃ aṅganti attho. **Yaṃ pubbabhāgeti** yaṃ sayam sotāpattimaggaphalapaṭilābhato pubbabhāge tadatthāya saṃvattati. Kiṃ pana tanti āha “sappurisasamsevo”tiādi. Sappurisanam buddhādīnam ariyañāsaññāñajātā payirupāsana, **saddhammassavanam** catusaccadhammassavanam, yoniso upāyena aniccādito manasi karaṇam **yoniso manasikāro**, usukkāpentena dhammassa nibbānassa anudhammapaṭipajjanam **dhammānudhammapaṭipattī** etāni sotāpattiyā aṅgāni. Aṭṭhakathāyaṃ pana sotāpattiaṅganti padaṃ apekkhitvā “**evaṃ āgata**”nti vuttam. **Ṭhitassa** puggalassa **aṅgam**. Sotāpanno aṅgīyati ñāyati etenāti **sotāpannassa aṅganti**pi vuccati. **Idam** pacchā vuttam aṅgam. Dosehi ārakāti **ariyoti** āha “**niddoso**”ti. Kathaṃ avijjā saṅkhārānam paccayotiādinā kenacipi anupārambhīyattā **nirupārambho**. Ñānam sandhāya “niddoso”ti vuttam, paṭiccasamuppādam sandhāya “nirupārambho”ti vadanti. Ubhayampi pana sandhāya ubhayaṃ vuttanti apare. **Paṭiccasamuppādo** ettha adhippeto. Tathā hi vuttam “**aparāparam uppānāya vipassanāpaññāyā**”ti. Na hi maggañānam vipassanāpaññāti. Sammā upāyattā tassa paṭiccasamuppanne yāthāvato ñāyatīti **ñāyo**, paṭiccasamuppādo. Ñānam pana ñāyati so etenāti **ñāyo**.

**Tatthāti** niraye. **Maggasotanti** maggassa sotaṃ. **Āpannoti** adhigato. Apāyesu uppajjanasaṅkhāto vinipātadhammo etassāti vinipātadhammo, na vinipātadhammo **avinipātadhammo**. Paraṃ ayananti ativiya savisaye ayitabbaṃ bujjhitabbaṃ. Yesañhi dhātūnam gatiattho, buddhipi tesam attho. Tenāha “**avassam abhisambujjanako**”ti.

**Pāṇātipātakammakāraṇāti** pāṇātipātasāṅkhātassa pāpakammassa karaṇahetu. **Veram** vuccati virodho, tadeva bhāyitabbato **bhayanti** āha “**bhayaṃ veranti atthato eka**”nti. **Idam bāhiram veram nāma** tassa verassa mūlabhūto verakārapuggalato bahibhāvattā. Teneva hi tassa verakārapuggalassa uppānam veram sandhāya “**idam ajjhattikaveram nāmā**”ti vuttam, tannissitassa verassa mūlabhūto verakārapuggalacetanā uppajjati paharituṃ asamatthassapīti adhippāyo. Na hi nerayikā nirayapālesu paṭipaharituṃ sakkonti. **Nirayapālassa cetanā uppajjati** etena “atthi niraye nirayapālā”ti dasseti. **Yaṃ panetaṃ bāhiraveranti** yamidaṃ diṭṭhadhammikaṃ samparāyikañca bāhiram veram. **Puggalaveranti vuttam** attakiccaṃ sādhetuṃ asakkonto kevalam parapuggale uppānamattaṃ veranti katvā. **Atthato ekameva** “cetasika”nti visesetvā vuttattā. **Sesapadesūti** “adinnādānapaccayā”tiādinā āgatesu sesakoṭṭhāsesu. **Attho bhaggoti** attho dhamṣito. **Adhigatenāti** maggena adhigatena. “Abhigatenā”tipi pāṭho, adhivuttenāti attho. Tenāha “**acalappasādenā**”ti.

Pañcaverabhayasuttavaṇṇanā niṭṭhitā.

## 2. Dutiyapañcaverabhayasuttavaṇṇanā

42. **Bhikkhūnam kathitabhāvamattameva visesoti** etena yā satthārā ekaccānam desitadesanā, puna tadaññesaṃ veneyyadamakusalena kālantare teneva desitā, sā dhammasaṃgāhakehi “mā no satthudesanā sampaṭiggahaṃ vinā nassatū”ti visuṃ saṅgahaṃ āropitāti dasseti.

Dutiyapañcaverabhayasuttavaṇṇanā niṭṭhitā.

## 3. Dukkhasuttavaṇṇanā

43. Samudayanam **samudayo**, samudeti etamhāti **samudayo**, evaṃ ubhinnaṃ samudayānamatthatopi bhedo veditabbo. Paccayāva **paccayasamudayo**. Āraddhvipassako “imañca imañca paccayasāmaggiṃ paṭicca ime dhammā khaṇe khaṇe uppajanti”ti passanto “**paccayasamudayaṃ passantopi bhikkhu khaṇikasamudayaṃ passati**”ti vutto paccayadassanamukhena nibbattikkhaṇassa dassanato. So pana khaṇe khaṇe saṅkhārānaṃ nibbattiṃ passituṃ āraddho “imehi nāma paccayehi nibbattati”ti passati. “So khaṇikasamudayaṃ passanto paccayaṃ passati”ti vadanti. Yasmā pana paccayato saṅkhārānaṃ udayaṃ passanto khaṇato tesam udayadassanaṃ hoti, khaṇato etesaṃ udayaṃ passato pageva paccayānaṃ suggahitattā paccayato dassanaṃ sukhena ijjhati, tasmā vuttaṃ “**paccayasamudayaṃ passantopi**”tiādi. Atthaṅgamadassanepi eseva nayo. **Accantatthaṅgamoti** appavatti nirodho nibbānanti. **Bhedatthaṅgamoti** khaṇikanirodho. Tadubhayaṃ pubbhāge uggahaparipucchādivasena passanto aññatarassa dassane itaradassanampi siddhameva hoti, pubbhāge ca ārammaṇavasena khayato vayasammasanādikāle bhedatthaṅgamam passanto atirekavasena anussavādito accantaṃ atthaṅgamam passati. Maggakkhaṇe panārammaṇato accantaatthaṅgamam passati, asammohato itarampi passati. Taṃ sandhāyāha “**accantatthaṅgamam passantopi**”tiādi. **Samudayatthaṅgamam nibbattibhedanti** samudayaṃ saṅkhātāṃ nibbattiṃ atthaṅgamasāṅkhātāṃ bhedañca. **Nissayavasenāti** cakkhussa sannissayavasena paccayaṃ katvā. **Ārammaṇavasenāti** rūpe ārammaṇam katvā. Yaṃ panettha vattabbaṃ, taṃ **madhupiṇḍikasuttaṭṭikāyaṃ** vuttanayena veditabbaṃ. **Tiṇṇam saṅgati phassoti** “cakkhu rūpāni viññāna”nti imesaṃ tiṇṇam saṅgati samāgame nibbatti phassoti vuttoti āha “**tiṇṇam saṅgatiyā phasso**”ti. Tiṇṇanti ca pākaṭapaccayavasena vuttaṃ, tadaññepi pana manasikārādayo phassapaccayā hontiyeva. **Evanti** taṇhādīnaṃ asesavirāganirodhakkamena. **Bhinnaṃ hotīti** anuppādanirodhena niruddhaṃ hoti. Tenāha “**appaṭisandhiya**”nti.

Dukkhasuttavaṇṇanā niṭṭhitā.

#### 4. Lokasuttavaṇṇanā

44. **Ayamettha visesoti** “ayaṃ lokassā”ti samudayatthaṅgamānaṃ visesadassanaṃ. **Ettha** catutthasutte tatiyasuttato **viseso**.

Lokasuttavaṇṇanā niṭṭhitā.

#### 5. Nātikasuttavaṇṇanā

45. Aññamaññaṃ dvinnaṃ ñātīnaṃ gāmo ñātikoti vuttoti āha “**dvinnaṃ ñātakānaṃ gāme**”ti. Giñjakā vuccanti iṭṭhakā, giñjakāhi eva kato āvasatho **giñjakāvasatho**. So kira āvāso yathā sudhāparikkammaṃ payoṇaṃ natthi, evaṃ iṭṭhakāhi eva cinitvā chādetvā kato. Tādisañhi chadanaṃ sandhāya bhagavatā iṭṭhakāchadanaṃ anuññātaṃ. Tena vuttaṃ “**iṭṭhakāhi kate mahāpāsāde**”ti. Tattha dvārabandhakavāṭaphalakādīni pana dārumayāniyeva. Pariyāyati attano phalaṃ pariggahetvā vattatīti pariyāyo, kāraṇanti āha “**dhammapariyāyanti dhammakāraṇa**”nti, pariyattidhammabhūtaṃ visesādhigamassa hetunti attho. Upecca suyyati etthāti upassutīti vuttaṃ “**upassutīti upassutiṭṭhāna**”nti. **Attano kammanti** yadatthaṃ tattha gato, taṃ pariveṇasamajjanakiriyaṃ. **Pahāyāti** akatvā. Evaṃ mahatthañhi vimuttāyatanaśīse ṭhatvā suṇantassa mahato atthāya saṃvattati. **Ekaṅgaṇam ahoṣīti** sabbaṃ vivaṭaṃ ahoṣi. Tīsu hi bhavesu saṅkhāragataṃ paccayuppannavasena manasikaroto bhagavato kiñci asesetvā sabbampi taṃ ñānamukhe āpāthaṃ upagacchi. Tena vuttaṃ “**yāvabhavaggā ekaṅgaṇam ahoṣī**”ti. Tantivasena tamatthaṃ vācāya nicchārento “**vacasā sajjhāyaṃ karonto**”ti vutto. Paccayapaccayuppannavasena ca atthaṃ āharitvā tesam nirodhena vivaṭassa āhatattā “**yathānusandhinā**”ti vuttaṃ. **Addasa** ñāṇacakkhunā.

Manasā sajjhāyaṃ karonto “**tuṇhībhūtova paṇaṇam karonto**”ti vutto. **Padānupadanti** padañca anupadañca. Purimañhi padaṃ nāma, tadanantaraṃ anupadaṃ. **Ghaṭetvā** sambandhaṃ katvā

avicchinditvā. **Pariyāpuṇātī**ti ajjayati. **Ādhārappattanti** ādhāraṃ cittasantānappattaṃ appamuṭṭhaṃ gatattā ādhārappattaṃ nāma. **Kāraṇanissitoti** lokuttaradhammassa kāraṇasannissito. **Ādibrahmacariyakoti** ādibrahmacariyaṃ, tadeva **ādibrahmacariyakam**. Dhammapariyāyāpekkhāya pulliṅganiddeso. **Tīsupi imesūti** tatiyacetutthapañcomesu tīsu suttesu.

Ñātikasuttavaṇṇanā niṭṭhitā.

## 6. Aññatarabrāhmaṇasuttavaṇṇanā

46. **Nāmasasenāti** gottanāmasasena ca kittivasena ca apākaṭo, tasmā “jātivasena brāhmaṇo”ti vuttaṃ.

Aññatarabrāhmaṇasuttavaṇṇanā niṭṭhitā.

## 7. Jāṇussoṇisuttavaṇṇanā

47. **Evaṃladdhanāmoti** “jāṇussoṇī”ti evaṃladdhanāmo rañño santikā adhigatanāmo.

Jāṇussoṇisuttavaṇṇanā niṭṭhitā.

## 8. Lokāyatikasuttavaṇṇanā

48. Āyatiṃ hitaṃ tena loko na yatati na īhatīti lokāyataṃ. Na hi taṃ laddhiṃ nissāya sattā puññakiriyaṃ cittaṃpi uppādentī, kuto payogo, taṃ etassa atthi, tattha vā niyuttoti **lokāyatiko**. Paṭhamasaddo ādiatthavācakattā jeṭṭhavevacanoti āha “**paṭhamam lokāyata**”nti. Sādhāraṇavacanopi lokasaddo viṣiṭṭhavisayo idhādhippetoti āha “**bālaputhujjanalokassā**”ti. Ittarabhāvena lakuṇḍakabhāvena tassa vipulādibhāvena bālānaṃ upaṭṭhānamattanti dassento “**āyataṃ mahanta**”ntiādimāha. **Parittanti** khuddakaṃ. **Ekasabhāvanti** ekaṃ sabhāvaṃ. Avipariṇāmadhammatāyāti āha “**niccasabhāvamevāti pucchati**”ti. **Purimasabhāvena nānāsabhāvanti** purimasabhāvato bhinnasabhāvaṃ. **Pacchā na hotīti** pacchā kiñci na hoti sabbaso samucchijjanato. Tenāha “**ucchedam sandhāya pucchati**”ti. **Ekattanti** sabbakālaṃ attasambhavaṃ. Tathā ceva gahaṇena **dvepi** vādā **sassatadiṭṭhiyo** honti. **Natthi** na hoti. **Puthuttaṃ** nānāsabhāvaṃ, ekarūpaṃ na hotīti vā gahaṇena **dvepi** vādā **ucchedadiṭṭhiyoti**.

Lokāyatikasuttavaṇṇanā niṭṭhitā.

## 9. Ariyasāvakasuttavaṇṇanā

49. **Saṃsayuppatti ākāradassananti** “kasmim sati kiṃ hotī”ti kāraṇassa phalassa ca paccāmasanena vinā kevalaṃ idappaccayatāya saṃsayassa uppajjanākāradassanaṃ. **Samudayati** samudetīti atthoti āha “**uppajjati**”ti.

Ariyasāvakasuttavaṇṇanā niṭṭhitā.

## 10. Dutiyaariyasāvakasuttavaṇṇanā

50. **Dvepi nayā ekato vuttāti** idaṃ “viññāṇe sati nāmarūpaṃ hotī”tiādinā navame vuttassa nayassa “avijjāya sati saṅkhārā hontī”tiādinā dasame vuttanaye antogadhattā. **Nānattanti** purimato navamato dasamassa nānattaṃ.

Dutiyaariyasāvakasuttavaṇṇanā niṭṭhitā.

Gahapativaggavaṇṇanā niṭṭhitā.

## 6. Dukkhavaggo

### 1. Parivīmaṃsanasuttavaṇṇanā

**51. Upaparikkhamānoti** pavattipavattihetuṃ, nivattinivattihetuñca paritulentō. Kuto panetanti? “Sammā dukkhakkhayā”ti vacanato. Na hi sabbadukkhaparivīmaṃsaṃ vinā sammā dukkhakkhayo sambhavati. **Kasmāti**ādīnā jarāmaṇasseva gahaṇe kāraṇaṃ pucchati. Jātiādīnampi pavatti dukkhabhāvinīti adhippāyo. Yasmā jarāmaṇe gahite sati jātipi gahitā hoti, tassā abhāve jarāmaṇasseva abhāvato. Esa nayo bhavādīsipi. Evaṃ yāva jātidhammo jarāmaṇe gahite gahitova hoti, jarāmaṇapadesena tabbikāravanto sabbe tebhūmakā saṅkhārā gahitāti evampi jarāmaṇaggahaṇena sabbampi vaṭṭadukkaṃ gahitameva hoti. Tenāha “**tasmiṃ gahite sabbadukkhassa gahitattā**”ti. **Anekavidhanti** bahuvīdhaṃ bahukoṭṭhāsaṃ. “Aneka”nti vā pāṭho. **Anekanti** bahulavacanāṃ. **Vidhanti** khaṇḍiccapāliccādivasena viparītakoṭṭhāsaṃ. **Nānappakārakanti** tato eva nānappakāraṃ. **Nhatvā ṭhitam purisaṃ viyāti** bālānaṃ attabhāvassa subhākārena upaṭṭhānaṃ sandhāyāha.

“**Sārubbhāvenā**”ti vuttaṃ, kiṃ sabbathā sārubbhāvenāti āha “**nikkilesatāya parisuddhatāyā**”ti. Na hi tassesā asaṅkhatatādibhāvena sadisā. **Paṭipannoti** paṭimukho abhisāṅkhāramukho hutvā panno adhigato. **Anugatanti** anucchavikabhāvena gataṃ, yathā ca nibbānassa adhigamo hoti, evaṃ tadanurūpabhāvena gataṃ. Ettha ca pāḷiyaṃ “pajānātī”ti pubbhāgavasena pajānanā vuttā, “tathā paṭipanno ca hotī”ti niyatavasena. “Aparabhāgavasenā”ti apare. Keci pana “yathā paṭipannassa jarāmaṇaṃ nirujjhati, tathā paṭipanno”ti vadanti. Padavīmaṃsanā pubbhāgavasena veditabbā, na maggakkhaṇavasena. **Saṅkhāranirodhāyāti** ettha nayidaṃ avijjāpaccayasāṅkhāraggahaṇaṃ, atha kho saṅkhatasaṅkhāraggahaṇanti āha “**saṅkhāradukkhassa nirodhatthāyā**”ti. Tenāha “**ettavatā yāva arahattā desanā kathitā**”ti.

“Paccattaṃyeva parinibbāyati”tiādīnā **arahattaphalapaccavekkhaṇaṃ**, “so sukhañca vedanaṃ vedayati”tiādīnā **satatavihārañca dassetvā desanā** sabbathāva vaṭṭadesanāto **nivattetabbā siyā**. **Avijjāgatoti** ettha **iti**-saddo ādiattho, tena evamādikam idaṃ vaṭṭavivaṭṭakathanaṃ puna gaṇhāti. Puggalasaddo itarāsaṃ dvinnaṃ pakatīnaṃ vācakoti tato vīsesetvā gahaṇe paṭhamapakatimeva dassento “purisapuggalo”ti avocāti āha “**purisoyeva puggalo**”ti. **Ubhayenāti** purisapuggalaggahaṇena. Sammutiyā avijjāmanāyā kathā desanā **sammutikathā**. Paramatthassa kathā desanā **paramatthakathā**. **Tatthāti** sammutiparamatthakathāsu, na sammutiparamatthesu. Tenāha “**evaṃ pavattā sammutikathā nāmā**”tiādi. Tatrīdaṃ sammutiparamatthānaṃ lakkhaṇaṃ – yasmīṃ bhinne buddhiyā vā avayavavinibbhoge kate na taṃsamaññā, sā ghaṭapaṭāḍippabhedā sammuti, tabbipariyāyato paramattho. Na hi kakkhaḷaphusaṇādisabhāve ayaṃ nayo labbhati. Tattha rūpādidhammaṃ samūhasantānavasena pavattamānaṃ upādāya “satto”tiādi vohāroti āha “**satto naro...pe... sammutikathā nāmā**”ti. Yasmā rūpādayo paramatthadhammā “khandhā dhātuyo”tiādīnā vuccanti, na vohāramattaṃ, tasmā “**khandhā...pe... paramatthakathā nāmā**”ti vuttaṃ. Nanu khandhakathāpi sammutikathāva, sammuti hi saṅketo khandhaṭṭho rāsaṭṭho vā koṭṭhāsaṭṭho vāti? Saccameṭaṃ, ayaṃ pana khandhasamaññā phassādīsū tajjāpaññatti viya paramatthasannissayā tassa āsannatarā puggalasamaññādayo viya na dūreti paramatthasaṅgahatā vuttā. Khandhasīsena vā tadupādānā sabhāvadhammā eva gahitā. Nanu ca sabbepi sabhāvadhammā sammutimukheneva desanaṃ ārohani, na sammukhenāti sabbāpi desanā sammutidesanāva siyāti? Nayidamevaṃ desettabbadhammavibhāgena desanāvibhāgassa adhippetattā, na ca saddo kenaci pavattinimittena vinā atthaṃ pakāsetīti. Tenāha “**paramatthaṃ kathentāpi sammutiṃ amuñcitvāva kathenti**”ti. **Saccameva** aviparītameva **kathenti**.

**Sammutīti** samañña. Paramo uttamo atthoti paramattho, dhammānaṃ yathābhūtasabhāvo. Taṃ **paramatthaṃ, sammuti** pana lokassa saṅketamattasiddhā. Yadi evaṃ kathaṃ sammutikathāya saccatāti āha “**lokasammutikāraṇa**”nti lokasamaññaṃ nissāya pavattanato. Lokasamaññaṃ hi abhinivesanaṃ vinā paññaṇaṃ ekaccassa sutassa sāvaṇā viya, na musā anattikkamitabbato tassā. Tenāha bhagavā “janapadaniruttiṃ nābhiniveseyya, samaññaṃ nātidhāveyyā”ti. **Dhammānaṃ** sabhāvadhammānaṃ. **Bhūtalakkhaṇaṃ** bhāvassa lakkhaṇaṃ dīpentīti katvā.

**Terasacetanābheda**nti atthakāmāvacarakusalacetanāpañcarūpāvacarakusalacetanābhedaṃ. Attano santānassa punanato puṃjabbhavaphalassa abhisāṅkharāṇato **puññābhisaṅkhāraṃ. Kamma**puññaṇānti kammabhūtena. **Vipākapuññaṇānti** vipākasaṅkhātena. Puññaphalampi hi uttarapadalopena “puñña”nti vuccati “evamidam puññaṃ pavaḍḍhati”tiādīsu viya. “Apuññūpagaṃ hoti viññaṇa”nti idam “puññūpagaṃ hoti viññaṇa”nti ettha vuttanayamevāti na uddhataṃ. Apuññaphalam uttarapadalopena “apuñña”nti vuccati. **Saṅkhāra**nti saṅkhārassa gahitattā “avijjāgatoya”nti iminā saṅkhārassa paccayo gahito, “puññūpagaṃ hoti viññaṇa”ntiādīnā paccayuppannaṃ viññaṇaṃ. Tasmīṇca gahite nāmarūpādi sabbam gahitameva hoti. Tenāha “**dvādasapadiko paccayākāro gahitova hoti**”ti.

**Vijjāti** arahattamaggaññaṃ ukkaṭṭhaniddesena. Tassā hi uppādā sabbaso avijjā pahīnā hoti. **Paṭhamamevāti** idam avijjāpahānavijjuppadānaṃ samānakālatādassanaṃ. Tenāha “**yathā pana**”tiādi. **Padīpujjalenāti** padīpujjalanahetunā saheva. **Vijjuppadāti** vijjuppadahetu, evaṃ satīpi samakālatteti adhippāyo. **Na gaṇhātīti** “etaṃ mamā”tiādīnā na gaṇhāti. **Na taṇhāyati na bhāyati** taṇhāvuttino abhāvā, tato eva bhayavattuno ca abhāvā.

**Gilitvā pariniṭṭhāpetvāti** gilitvā viya aññaṃ avisayaṃ viya karaṇena pariniṭṭhāpetvā. Sāmisasukhassa anekadukkhānubandhabhāvato, sukhābhinandassa dukkhahetubhāvato ca **sukhaṃ abhinandantoyeva dukkhaṃ abhinandati nāma** aggisantāpasukhaṃ icchanto dhūmadukkhānuññaṇto viya. **Dukkhaṃ patvā sukhaṃ patthanatoti** ettha dubbalagahaṇikādayo nidassanabhāvena veditabbā. Te hi yāva sāyanhasamayāpi abhuttvā sāyamāsādīni karonto jighacchādīṃ uppādetvā bhūñjanādīni karonti. Sukhassa vipariṇāmadukkhato sukhaṃ abhinandanto dukkhaṃ abhinandati nāmāti yojanā. Keci pana dukkhassa abhāvato vipariṇāmasukhato taṃ sukhaṃ abhinandanto dukkhaṃ abhinandatīti vadanti. Taṃ na, na hi tādisaṃ sukhanimittaṃ koci dukkhaṃ abhinandanto diṭṭho, dukkhahetuṃ pana sāmisam sukhaṃ abhinandanto diṭṭho. Dukkahetuṃ sāmisam sukhaṃ abhinandanto atthato dukkhaṃ abhinandati nāmāti vuttovāyamatto. Kāyoti pañcadvārakāyo, so pariyanto avasānaṃ etassāti **kāyapariyantikaṃ**. Tenāha “**yāva pañcadvārakāyo pavattati, tāva pavatta**”nti. **Jīvitapariyantikanti** etthāpi eseva nayo.

**Pacchā uppajjitvā paṭhamaṃ nirujjhatīti** ekasmiṃ attabhāve manodvārikavedanāto pacchā uppajjitvā tato paṭhamaṃ nirujjhati, tato eva siddhamatthaṃ sarūpeneva dassetuṃ “**manodvārikavedanā paṭhamaṃ uppajjitvā pacchā nirujjhati**”ti vuttaṃ. Idāni tameva saṅkhepena vuttaṃ vivarituṃ “**sā hi**”tiādīmāha. Yāva tettiṃsavassāpi **paṭhamavayo. Paññāsavassakāleti** paṭhamavayato yāva paññāsavassakālā, tāva **ṭhitā hotīti** vuḍḍhihāniyo anupagantvā sarūpeneva ṭhitā hoti. **Mandāti** mudukā atikhiṇā. **Tadāti** asītinavutivassakāle. Tathā ciraparivittakkepi. **Bhaggā** nittejā bhaggavibhaggā dubbalā. **Hadayakoṭṭimyevāti** cakkhādivatthūsu avattetvā tesam khīṇattā koṭṭibhūtaṃ hadayavattumuṃyeva. **Yāva esā** vedanā vattati.

**Vāpiyāti** mahātaḷākena. **Pañcaudakamaggasampannanti** pañcahi udakassa pavisananikkhamanamaggehi yuttaṃ. **Tato tato vissandamaṇaṃ** sabbaso puññattā.

**Paṭhamaṃ deve vassantetiādi** upamāsamsandanaṃ. **Imaṃ vedanaṃ sandhāyāti** imaṃ yathāvuttaṃ pariyosānappattaṃ manodvārikavedanaṃ sandhāya.

**Kāyassa bheda**nti attabhāvassa vināsato. “Uddham jīvitapariyādānā”ti pāḷi, atthakathāyaṃ pana

jīvitapariyādānā uddhanti paduddhāro kato. Paralokavasena **agantvā**. Vedanānaṃ sītībhāvo nāma saṅkhāradarathapariḷāhabhāvo, so panāyaṃ appavattivasenāti āha “**pavatti...pe... bhavissanti**”ti. **Dhātusarīrānī**ti aṭṭhikaṅkalasaṅkhātadhātusarīrāni. Sarīrekadesa hi sarīrasamaññā.

**Kumbhakārapākāti** kumbhakārapākato. Ettha paccatīti pāko, pacanaṭṭhānaṃ. Tadeva pācanavasena āvasanti etthāti āvāso, tasmā kumbhakārāvāsato. Avigatavūpasamaṃ saṅkharitaṃ kumbhaṃ uddharitvā ṭhapento chārikāya sati pidhānavasena ṭhapeti. Tathā ṭhapanam pana sandhāya vuttaṃ “**paṭissiseyyā**”ti. Kumbhassa padesabhūtatāya ābaddhā avayavā “**kumbhakapālānī**”ti adhippetāni, na chinnabhinnāni. Avayavamukhena hi samudāyo vutto. Tattha kapālasamudāyo hi ghaṭo. Tenāha “**mukhavatṭhiyā ekabaddhānī**”ti. **Avasisseyyunti** vaṇṇavisesauṇhabhāvāpagatā ghaṭakārāneva tiṭṭheyyunti. **Āditta...pe... tayo bhavā daṭṭhabbā** ekādasahi aggīhi ādittabhāvato. Yathā kumbhakāro kumbhakārāvāsaṃ ādittaṃ paccavekkhati, evaṃ āraddhavipassakopesa bhavattayaṃ rāgādīhi ādittanti āha “**kumbhakāro viya yogāvacarō**”ti. **Nīharaṇadaṇḍako viya arahattamaggañāṇaṃ** bhavattayaṃ pākato nīharaṇato. **Samo bhūmibhāgo viya nibbānataḷaṃ** sabbavisamā nivattanato.

“Ādānanikkhepanato, vayovuddhatthaṅgamato, āhāramayato, utumayato, cittasamuṭṭhānato, kammajato, dhammatārūpato”ti (visuddhi. 2.706) imehi sattahi ākārehi sammasanto **rūpasattakaṃ** vipassati nāma. “Kalāpato, yamakato, khaṇikato, paṭipāṭito, diṭṭhiuggghāṇato, mānasamuggghāṇato, nikanṭipariyādānato”ti (visuddhi. 2.717) imehi sattahi ākārehi sammasanto **arūpasattakaṃ** vipassati nāma, tasmā yathāvuttaṃ imaṃ **rūpasattakaṃ arūpasattakañca** nīharitvā **vipassantassa**. Yadi pi arahato attabhāvo sabbabhavēhipi uddhaṭo, yāva pana anupādisesaparinibbānaṃ na pāpuṇāti, tāva tasmimpī sugatibhave ṭhitoyevāti vattabbaṃ labbhatīti “**catūhi apāyehi attabhāvaṃ uddharitvā**”iceva vuttaṃ. Tenāha “**khīṇāsavo panā**”tiādi. Tathā ca vakkhati “anupādisesāya nibbānadhātuyā parinibbutassa vaṭṭavūpasamo veditabbo”ti. **Na parinibbāti** anupādisesāya nibbānadhātuyāti adhippāyo, saupādisesāya pana nibbānadhātuyā parinibbānaṃ arahattappattiyeva. Abhisāṅkhārahētuto hettha pariḷāhavūpasamassa upasamabhāvena adhippetatā uṇhakumbhanibbānanidassanampī na virujjhati. **Anupādinnaḷasarīrānī**ti utusamuṭṭhānikarūpakalāpe vadanti. **Bhikkhave**ti ettha **iti**-saddo ādiattho. **Idaṃ pana** vacanaṃ. **Anuyogāropanatthanti** kāyapariyantikaṃ vedanaṃ vedayamāno khīṇāsavo api nu puññābhisāṅkhārādikammaṃ kareyyāti pañhaṃ kātuṃ. Atha vā **anuyogāropanatthanti** “api nu kho khīṇāsavo bhikkhu puññābhisāṅkhāraṃ vā abhisāṅkhareyyā”tiādinā anuyogaṃ āropetuṃ vuttaṃ, na tāva yathārahadesanaṃ niṭṭhāpetunti attho.

Paṭisandhiviññāṇe siddhe tasmim bhavē uppajjanārahānaṃ viññāṇānaṃ siyā sambhavo, nāsati vuttaṃ “**viññāṇaṃ paññāyethāti paṭisandhiviññāṇaṃ paññāyethā**”ti. Sabbaso saṅkhāresu asantesu paṭisandhiviññāṇaṃ api nu kho paññāyeyya. Tasmimhi apaññāyamāne sabbam viññāṇaṃ na paññāyeyya. **Therānanti** “bhikkhave”ti ālapitattherānaṃ. Pañhabyākaraṇaṃ **sampahaṃsati** tassa sabbaññūtaññāṇena saṃsandanato. **Appaññānanti** appaññāyanaṃ. **Ādi**-saddena viññāṇe asati nāmarūpassa appaññānanti evamādiṃ saṅgaṇhāti. **Sanniṭṭhānasaṅkhātanti** saddahanākārena pavattasanniṭṭhānasaṅkhātaṃ. **Adhimokkhanti** nicchayākāravimokkhaṃ saddhāvimokkhañca. Tenāha pāḷiyaṃ “saddahatha metaṃ, bhikkhave”ti. Saddhāsahitañhi nicchayākāravimokkhaṃ sandhāyāha “**sanniṭṭhānasaṅkhātaṃ adhimokkha**”nti. **Antoti** pariyanto. Parito chijjati etthāti **paricchedo**.

Parivīmaṃsanasuttavaṇṇanā niṭṭhitā.

## 2. Upādānasuttavaṇṇanā

**52.** Ārammañādibhāvena saṃvattanato upādānānaṃ hitāni upādāniyāni, tesu **upādāniyesu**. Tenāha “**catunnaṃ upādānānaṃ paccayesū**”ti. **Assādaṃ anupassantassāti** asādetabbaṃ micchāñāṇena anupassato. **Tadāhāro**ti soḷasa vā vīsaṃ tiṃsaṃ cattālīsaṃ paññāsaṃ vā āhāro paccayo etassāti tadāhāro. **Aggikkhandho viya tayo bhavā** ekādasahi aggīhi ādittabhāvato etadeva bhavattayaṃ. **Aggi... pe... puthujjano** aggikkhandhasadisassa bhavattayassa paribandhanato.

**Kammaṭṭhānassāti** vipassanākammaṭṭhānassa. Tenāha “**tebhūmakadhammesū**”ti. **Dhammapāsādanti** lokuttaradhammapāsādaṃ. So hi accuggataṭṭhena “pāsādo”ti vuccati. **Satipaṭṭhānamahāvīthiyaṃ** phalakkhaṇe pavattāyāti.

Upādānasuttavaṇṇanā niṭṭhitā.

### 3-4. Saṃyojanasuttadvayaṇṇanā

**53-54.** Mahantavaṭṭappabandhaopammabhāvena telapadīpassa āhatattā “**mahantañca vaṭṭikapālaṃ gahetvā**”ti vuttaṃ. **Purimanayenevāti** purimasmiṃ upādānīyasutte vuttanayeneva. Tathā vinetabbānaṃ puggalānaṃ ajjhāsayaavasena hi imesaṃ suttānaṃ evaṃ vacanaṃ evaṃ desanā. Esa nayo ito paresupi.

Saṃyojanasuttadvayaṇṇanā niṭṭhitā.

### 5-6. Mahārukkhasuttadvayaṇṇanā

**55-56.** **Ojaṃ abhiharantīti** rasaharaṇīyo viya purisassa sarīre rukkhāmūlāni rukkhassa pathavīāporase upari āropenti. Tesam tathā āropanaṃ “**ojāyā**”tiādīnā vibhāveti. Hatthasatubbedhamassāti **hatthasatubbedho**, hatthasataṃ ubbidhassapi. **Etthāti** etissaṃ vaṭṭakathāyaṃ. **Kammārohananti** kammaṃpaccayo.

Puna **etthāti** etissaṃ vivaṭṭakathāyaṃ. Vaṭṭadukkhaṃ nāsetukāmassa daḷhaṃ uppannasamvegañānaṃ sandhāya “**kuddālo viyā**”ti āha. Tato nibbattitañānaṃ samādhīpacchīyā ṭhitaṃ nissāya pavattetabbavipassanārambhāñānaṃ. **Rukkhacchedanapharasu viyāti** evaṃbhūtassa vipassanā ekantato vaṭṭacchedāya hotiyevāti āha “**rukkhassa...pe... manasikarontassa paññā**”ti. Tattha **kammaṭṭhānanti** vipassanākammaṭṭhānaṃ. Taṃ catubbidhāvavattthānavasena vīsati pathavīkoṭṭhāsā, dvādasa āpokoṭṭhāsā, cattāro tejokoṭṭhāsā, cha vāyokoṭṭhāsāti **dvecattālīsāya koṭṭhāsesu. Viññāpassa cāti iti**-saddo ādiattho pakārattho ca. Tena bhūtarūpāni viññāṇasampayuttadhamme ca saṅgaṇhāti. Sattasu sappāyesu yassa alabhantassa kammaṭṭhānaṃ vibhūtaṃ hutvā na upaṭṭhāti, taṃ sandhāyāha “**aññataraṃ sappāya**”nti. Sesam suviññeyyameva.

Mahārukkhasuttadvayaṇṇanā niṭṭhitā.

### 7. Taruṇarukkhassuttavaṇṇanā

**57-59.** **Palimajjeyyāti** allakaraṇavasena parito pāliṃ bandheyya. Tathā karonto yasmā ca tattha tiṇagacchādīnaṃ mūlasantānaggahaṇena taṃ ṭhānaṃ sodheti nāma, tasmā vuttaṃ “**sodheyyā**”ti. **Paṃsunti** assa pavaḍḍhakāraṃ, āgantukaṃ paṃsunti attho. **Dadeyyāti** pakkhipeyya. Tenāha “**thaddha**”ntiādi. **Vuttanayenevāti** “rukkhāṃ nāsetukāmo puriso viyā”tiādīnā pañcamasutte vuttanayena. Aṭṭhamanavamāni uttānatthāneva vuttanayattā.

Taruṇarukkhassuttavaṇṇanā niṭṭhitā.

### 10. Nidānasuttavaṇṇanā

**60.** **Bahuvacanavasenāti** kurū nāma jānapadino rājakumārā, tesam nivāso ekopi janapado ruḷhīvasena “**kurū**”ti evaṃ **bahuvacanavasena**. Yattha bhagavato vasanokāsabhūto koci vihāro na hoti, tattha kevalaṃ gocaragāmakittanaṃ nidānakathāya pakati yathā “sakkesu viharati devadahaṃ nāma sakyānaṃ nigamo”ti. “Āyasmā”ti vā “devānaṃ piyo”ti vā bhavanti vā piyasamudāhāro esoti



āha “**āyasmāti piyavacanameta**”nti. Tayidaṃ piyavacanam gāravavasena vuccatīti āha “**garuvacanameta**”nti. Atidūram accāsanaṃ atisammukhā atipacchato uparivāto unnatappadesoti ime cha **nisajjadosā**. Nīlapītalohitodātamaññiṭṭhapabhassaravasena **chabbaññānaṃ**.

**Kulasaṅghatthāyāti** kulānuddayatāvasena kulānuggaṇhanatthāya. **Sahassabhaṇḍikaṃ nikkhipanto viya** bhikkhāpaṭiggaṇhanena tesam abhivādanādisampaṭicchanaena ca puññābhisandassa jananena. **Paṭisammajjitvāti** antevāsikehi sammatṭhatṭhānaṃ sakkaccakāritāya puna sammajjitvā. **Ubhayantato paṭṭhāya majjhanti** ādito paṭṭhāya vedanaṃ, jarāmarāṇato paṭṭhāya ca vedanaṃ pāpetvā sammasanamāha. **Tikkhattunti** “ādito paṭṭhāya anta”ntiadinā vuttacaturākārūpasamphite tayo vāre. Tena dvādasakkhattuṃ sammasanamāha. Amhākaṃ bhagavatā gambhīrabhāveneva kathitattā sesabuddhehipi evameva kathitoti dhammanvaye ṭhatvā vuttaṃ “**sabbabuddhehi...pe... kathito**”ti.

**Pamāṇātikkameti** aparimāṇatthe “yāvañcidaṃ tena bhagavatā”tiādīsu (dī. ni. 1.3) viya. Atirekabhāvajotano hi yaṃ yāva-saddo. Tenāha “**atigambhīroti attho**”ti. **Avabhāsati** khāyati upaṭṭhāti ñāṇassa. Tathā upaṭṭhānañhi sandhāya “**dissati**”ti vuttaṃ. Nanu esa paṭiccasamuppādo ekantagambhīrova, atha kasmā gambhīrāvabhāsātā jotitāti? Saccametaṃ, ekantagambhīratādassanattameva panassa gambhīrāvabhāsaggahaṇaṃ, tasmā aññattha labbhamānaṃ cātukoṭikaṃ byatirekamukhena nidassetvā tamevassa ekantagambhīrataṃ vibhāvetuṃ “**ekam hī**”tiādi vuttaṃ. **Etam natthīti** agambhīro agambhīrāvabhāso cāti etaṃ dvayaṃ natthi. Tena yathādassite cātukoṭike pacchimā ekakoṭi labbhatīti dasseti. Tenāha “**ayaṃ hī**”tiādi.

Yehi gambhīrabhāvehi paṭiccasamuppādo “gambhīro”ti vuccati, te catūhi upamāhi ulliṅgento “**bhavaggaggahaṇāyā**”tiādimāha. Yathā bhavaggaggahaṇattham hattham pasāretvā gahetuṃ na sakkā dūrabhāvato, evaṃ saṅkhārādīnaṃ avijjādipaccayasambhūtasamudāgatatto pakatiñāṇena gahetuṃ na sakkā. Yathā sineruṃ bhinditvā miñjaṃ pabbatarasaṃ pākaticapurisena nīharituṃ na sakkā, evaṃ paṭiccasamuppādagate dhammatthādike pakatiñāṇena bhinditvā vibhajja paṭivijjhanavasena jānituṃ na sakkā. Yathā mahāsamuddaṃ pakatipurisassa bāhudvayavasena pāraṃ tarituṃ na sakkā. Evam vepullaṭṭhena mahāsamuddasadiṣaṃ paṭiccasamuppādaṃ pakatiñāṇena desanāvasena pariharituṃ na sakkā. Yathā pathaviṃ parivattetvā pākaticapurisassa pathavojaṃ gahetuṃ na sakkā, evaṃ itthaṃ avijjādayo saṅkhārādīnaṃ paccayā hontīti tesam paṭiccasamuppādasabhāvo pākaticañāṇena nīharitvā gahetuṃ na sakkoti, evaṃ catubbidhagambhīratāvasena catasso upamā yojetabbā. Pākaticañāṇavasena cāyamattthayojanā katā diṭṭhasaccānaṃ tattha paṭivedhasabbhāvato, tathāpi yasmā sāvakānaṃ paccekabuddhānañca tattha sappadesameva ñāṇaṃ, buddhānaṃyeva nippadesaṃ. Tasmā vuttaṃ “**buddhavisayaṃ pañha**”nti.

**Māti** paṭisedhe nipāto. Svāyaṃ “uttānakuttānako viya khāyatī”ti vacanaṃ sandhāya vuttoti āha “**mā bhaṇṭi attho**”ti. **Ussādentoti** paññāvasena ukkaṃsantoti attho. **Apasādentoti** nibbhacchanto, niggaṇhantoti attho. **Tenāti** mahāpaññabhāvena.

**Tatthāti** therassa satipi uttānabhāve paṭiccasamuppādassa aññesaṃ gambhīrabhāve. **Subhojanarasapuṭṭhassāti** sundarena bhojanarasena positassa. **Katayogassāti** nibbuddhapayoge kataparicayassa. **Mallapāsāṇanti** mallehi mahābaleheva khipitabbapāsāṇaṃ. **Kuhiṃ imassa bhāriyaṭṭhānanti** kasmimṃ passe imassa pāsāṇassa garutarapadesoti tassa sallahukabhāvaṃ dīpento vadati.

**Timirapiṅgaleneva dīpenti** tassa mahāvippahārabhāvato. Tenāha “**tassa kirā**”tiādi. **Pakkuthatīti** pakkuthantaṃ viya parivattati parito vattati. Lakkhaṇavacanañhetam. Piṭṭhiyaṃ sakalikaatṭhikā piṭṭhipattaṃ. **Kāyūpapannassāti** mahatā kāyena upetassa, mahākāyassāti attho. **Piñcha vaṭṭīti** piñcha kalāpo. **Supaṇṇavātanti** nāgaggahaṇādīsu pakkhapapphoṭanavasena uppajjanakavātaṃ.

“Pubbūpanissayasampattiyā”tiādinā uddiṭṭhakāraṇāni vitthārato vivarituṃ “**ito kirā**”tiādi vuttaṃ.

Tattha **itoti** ito bhaddakappato. **Satasahassimeti** satasahassame. **Haṃsavatī nāma nagaraṃ ahosi** jātanagaraṃ. **Dhurapattānī**ti bāhirapattāni, yāni dīghatamāni.

**Kaniṭṭhabhātā**ti vemātikabhātā kaniṭṭho yathā amhākaṃ bhagavato nandatthero. Buddhānañhi sahodarā bhātaro nāma na honti. Tattha jeṭṭhā tāva nuppajjanti, kaniṭṭhānaṃ pana asambhavo eva. **Bhoganti** vibhavaṃ. **Upasantoti** corajanitasānkhobhavūpasamena upasanto janapado.

**Dve sātake nivāsetvāti** sātakadvayameva attano kāyaparihāriyaṃ katvā, itaraṃ sabbasambhāraṃ attanā mocetvā.

**Pattaggahaṇatthanti** antopakkhittaṇṇhabhojanatā pattassa aparāparaṃ hatthe parivattentassa sukkena pattaggahaṇatthaṃ. **Uttarisātaka**nti attano uttariyaṃ sātakaṃ. **Etāni pākāṭṭhānānī**ti etāni yathāvuttāni bhagavato desanāya pākāṭṭhāni buddhe buddhasāvake ca uddissa therassa puññakaraṇatṭhānāni, paccekabuddhaṃ pana bodhisattañca uddissa therassa puññakaraṇatṭhānāni bahūniyeva.

**Paṭisandhiṃ gahetvāti** amhākaṃ bodhisattassa paṭisandhiggahaṇadivaseyeva paṭisandhiṃ gahetvā.

**Uggahaṇaṃ** pāliyaṃ uggaṇhanaṃ, **savanaṃ** atthasavanaṃ, **paripucchanaṃ** gaṇṭhiṭṭhānesu atthaparipucchanaṃ, **dhāraṇaṃ** pāliyaṃ pāliatthassa ca citte ṭhapanam. Sabbañcetaṃ idha paṭiccasamuppādasena veditabbaṃ, sabbasapi buddhavacanassa vasenātipi vaṭṭati. **Sotāpannānañca...pe... upatṭhāti** tattha sammohavigamena “yaṃ kiñci samudayadhammaṃ, sabbaṃ taṃ nirodhadhammaṃ”nti attapaccakkhavasena upatṭhānato. **Nāmarūpaparicchedoti** saha paccayena nāmarūpassa paricchijja avabodho. **Catūhī**ti dhammagambhīrādīhi catūhi gambhīratāhi sabbāpi **gambhīratā**.

Sāvakehi desitā desanāpi pana satthu eva desanāti āha “**mayā dinnanaye ṭhatvā**”ti. “Sekkhena nāma nibbānaṃ sabbākārena paṭividdhaṃ na hoti”ti na tassa gambhīratāti tassa gambhīrassa upādānassa gambhīratā viya suṭṭhu diṭṭhā nāma hoti. Tasmā āha “**idaṃ nibbānameva gambhīraṃ, paccayākāro pana uttānako jāto**”ti. Nibbānañhi sabbepi asekkhā sabbaso paṭivijjhanti nippadesattā, paccayākāraṃ pana sammāsambuddhāyeva anavasesato paṭivijjhanti, na itare. Tasmā paccayavasena “idaṃ aparaddha”nti vuttaṃ theram apasādentena. Tameva hissa anavasesato paṭivedhābhāvaṃ vibhāvetuṃ “**atha kasmā**”tiādi vuttaṃ. Asatipi dhammato bhede saṃyojanatthaanusayatthavasena pana tesam labbhamānabhedam gahetvā “**ime cattāro kilese**”ti vuttaṃ. Añño hi tesam bandhanattho, añño thāmagamanatthoti. Esa nayo sesesupi. Iti imesaṃ kilesānaṃ appahīnattā tathārūpaṃ upanissayasampadaṃ abhāvayatova anuttānameva dhammaṃ uttānanti na vattabbamevāti adhippāyo. **Cattāri aṭṭha soḷasa vā asaṅkhyeyyānī**ti idaṃ mahābodhisattānaṃ santāne bodhiparipācakadhammānaṃ tikkhamajjhīmamudubhāvasiddhakālavisadassanaṃ, tañca kho mahābhinihārato paṭṭhāyāti vadanti. **Etehī**ti yathāvuttabuddhasāvakaaggasāvaka paccekabuddhasammāsambuddhānaṃ visesādhigamehi. **Paccanīkanti** paṭikkūlam viruddhaṃ. Sabbathā paccayākārapaṭivedho nāma sammāsambodhiyādhigamo evāti vuttaṃ “**paccayākāraṃ paṭivijjhitaṃ vāyamantassevā**”ti. **Navahi ākārehī**ti uppādādīhi navahi paccayākārehi. Vuttañhetam **paṭisambhidāyam** (paṭi. ma. 1.45) –

“Avijjāsānkhārānaṃ uppādatṭhiti ca pavattaṭṭhiti ca nimittaṭṭhiti ca āyūhanatṭhiti ca saṃyogaṭṭhiti ca palibodhatṭhiti ca samudayaṭṭhiti ca hetuṭṭhiti ca paccayaṭṭhiti ca, imehi navahākārehi avijjā paccayo, sānkhārā paccayasamuppāna”tiādi.

Tattha **navahākārehi**ti navahi paccayabhāvūpagamanehi ākārehi. Uppajjati etasmā phalanti **uppādo**, phaluppattiyā kāraṇabhāvo. Sati ca avijjāya sānkhārā uppajjanti, nāsati, tasmā avijjā

sāṅkhārānaṃ uppādo hoti. Tathā avijjāya sati sāṅkhārā pavattanti ca nimiyanti ca. Yathā ca bhavādīsu khipanti, evaṃ tesāṃ avijjā paccayo hoti, tathā āyūhanti phaluppattiyā ghaṭenti saṃyujjanti attano phalena. Yasmiṃ santāne sayāṃ uppannā, taṃ palibundhanti paccayantarasaṃvāyāye udayanti uppajjanti, hinoti ca sāṅkhārānaṃ kāraṇabhāvaṃ upagacchati. Paṭicca avijjāṃ sāṅkhārā ayanti pavattantīti evaṃ avijjāya sāṅkhārānaṃ kāraṇabhāvūpagamaṇavisesā uppādādayo veditabbāti. **Uppādaṭṭhitīti** ca tiṭṭhati etenāti ṭhiti, kāraṇaṃ. Uppādo eva ṭhiti uppādaṭṭhiti. Esa nayo sesesupi. Idañca paccayākāradassanaṃ yathā purimehi mahābodhimūle pavattitaṃ, tathā amhākaṃ bhagavatāpi pavattitanti acchariyavegābhīhatā dasasahasilokadhātu sāṅkampi sampakampīti dassento **“diṭṭhamatte”**tiādīmāha.

**Etassa dhammassāti** etassa paṭiccasamuppādasaññitassa dhammassa. So pana yasmā atthato hetuppabhavānaṃ hetu. Tenāha **“etassa paccayadhammassā”**ti. Jātiādīnaṃ jarāmaṇapaccayatāyāti attho. Nāmarūpaparicchedo tassa ca paccayapariggaho na paṭhamābhīnivesamattena hoti, atha kho tathā aparāparaṃ ñāṇuppattisaññitena anu anu bujjanena. Tadubhayabhāvaṃ pana dassento **“ñātapariññāvasena ananubujjanā”**ti āha. Niccasaññādīnaṃ pajāhanavasena pavattamānā vipassanādhamme paṭivijjhati eva nāma hoti paṭipakkhāvikkhambhanena tikkhavisadabhāvāpattito, tadadhiṭṭhānabhūtā ca tīraṇapariññā ariyamaggo ca pariññāpahānābhīsamayavasena pavattiyā tīraṇappahānapariññāsaṅgaho cāti tadubhayapaṭivedhābhāvaṃ dassento **“tīraṇappahānapariññāvasena appaṭivijjanā”**ti āha. Tantaṃ vuccati paṭavīnanatthaṃ tantavāyeti tantaṃ āvañchitvā pasāritasuttavaṭṭitaṃ nīyatīti katvā, taṃ pana tantākulatāya nidassanabhāvena ākulameva gahitanti āha **“tantaṃ viya ākulajātā”**ti. Saṅkhepato vuttamatthaṃ vitthārato dassento **“yathā nāmā”**tiādi vuttaṃ. **Samānetunti** pubbenāparaṃ samaṃ katvā ānetuṃ, avisamaṃ ujum kātunti attho. Tantameva vā ākulaṃ tantākulaṃ, tantākulaṃ viya jātā bhūtā **tantākulakajātā**. Majjhimaṃ paṭipadaṃ anupagantvā antadvayapakkhandaṃ paccayākāre khalitvā ākulabyākulā honti, teneva antadvayapakkhandaṃ taṃtaṃdiṭṭhiggāhavasena paribbhamantā ujukaṃ dhammaṭṭhititantaṃ paṭivijjhituṃ na jānanti. Tenāha **“na sakkonti paccayākāraṃ ujum kātu”**nti. **Dve bodhisatteti** paccakabodhisattamahābodhisatte. **Attano dhammatāyāti** attano sabhāvena, paropadesena vināti attho. **Tattha tattha guḷakajātanti** tasmim tasmim ṭhāne jātaguḷakaṃ piṇḍisuttaṃ. Tato eva **gaṇṭhibaddhanti** vuttaṃ. **Paccayesu pakkhalitvāti** aniccadukkhanattādisabhāvesu paccayadhammesu niccādibhāvavasena pakkhalitvā. **Paccaye ujum katum asakkontoti** tasseva niccādigāhassa avissajjanato paccayadhammanimittaṃ attano dassanaṃ ujum katum asakkonto idaṃsaccābhīnivesakāyaganthavasena gaṇṭhikajātā hontīti āha **“dvāsaṭṭhi...pe... gaṇṭhibaddhā”**ti.

**Ye hi keci** samaṇā vā brāhmaṇā vā sassatadiṭṭhiādi **diṭṭhiyo nissitā** allīnā, vinanato kulāti itthilingavasena laddhanāmassa tantavāyassa gaṇṭhikaṃ nāma ākulabhāvena aggato vā mūlato vā duviññeyyāvayavaṃ khalitabandhasuttanti āha **“kulāgaṇṭhikaṃ vuccati pesakārakañjīyasutta”**nti. **Sakuṇikāti** vaṭṭacāṭakasakuṇikā. Sā hi rukkhasākhāsu olambanakulāvakaṃ hoti. Tañhi sā kulāvakaṃ tato tato tīṇahīradīke ānetvā tathā tathā vinandhati, yathā tesāṃ pesakārakañjīyasuttaṃ viya aggena vā aggaṃ, mūlena vā mūlaṃ samānetuṃ vivecetum vā na sakkā. Tenāha **“yathā”**tiādi. **Tadubhayampīti** kulāgaṇṭhikanti vuttaṃ kañjīyasuttaṃ kulāvakañca. **Purimanayenevāti** “evameva sattā”tiādīnā pubbe vuttanayeneva.

Kāmaṃ muñjapabbajatiṇāni yathājātānīpi dīghabhāvena patitvā araññaṭṭhāne aññamaññaṃ vinandhitvā ākulāni hutvā tiṭṭhanti, tāni pana tathā dubbiveciyāni yathā rajjubhūtānīti dassetuṃ **“yathā hī”**tiādi vuttaṃ. Sesamettha heṭṭhā vuttanayameva.

**Apāyoti** ayena sukkena, sukhahetunā vā virahito. **Dukkhasa gatibhāvatoti** apāyikassa dukkhasa pavattiṭṭhānabhāvato. **Sukhasamussayatoti** “abbhodayato vinipatitattā”ti virūpaṃ nipatitattā yathā tenattabhāvena sukhasamussayo na hoti, evaṃ nipatitattā. **Itaroti** saṃsāro nanu “apāya”ntiādīnā vuttopi saṃsāro evāti? Saccametaṃ, nirayādīnaṃ pana adhimattadukkhabhāvadassanattāṃ apāyādiggahaṇaṃ gobalibaddaṇāyena ayamatto veditabbo. **Khandhānañca paṭipāṭīti** pañcannaṃ khandhānaṃ

hetuphalabhāvena aparāparuppatti. **Abbhocchinnam vattamānāti** avicchedena pavattamānā.

**Tam sabbampīti** tam “apāya”ntiadinā vuttam sabbam apāyadukkhañceva vaṭṭadukkhañca. **Mahāsamudde vātakkhittā nāvā viyāti** idam paribbhamanaṭṭhānassa mahantabhāvadassanattāñceva paribbhamanassa anavattitadassanattāñca vedītabbam. Sesam vuttanayameva.

Nidānasuttavaṇṇanā niṭṭhitā.

Dukkhavaggaṇṇanā niṭṭhitā.

## 7. Mahāvaggo

### 1. Assutavāsuttavaṇṇanā

**61. “Assutavā”**ti sotadvārānusārena upadhāritam, upadhāraṇam vā sutam assa atthīti sutavā, tappaṭikkhepena na sutavāti assutavā. Vā-saddo cāyam pasamsāyam, atisayassa vā bodhanako, tasmā yassa pasamsitam, atisayena vā sutam atthi, so “sutavā”ti samkilesaviddhamsanasamattho pariyattidhammaparicayo “tam sutvā tathattāya paṭipatti ca sutavā”ti iminā padena pakāsīto. Atha vā sotabbayuttam sutvā kattabbanipphattim suṇīti sutavā. Tappaṭikkhepena na sutavāti assutavā. Tenāhu porāṇā “āgamādhigamābhāvā, ñeyyo assutavā itī”ti. Tathā cāha “khandhadhātu...pe...vinicchayahito”ti. Tattha vācuggatakaraṇam **uggaho**, tattha paripucchanam **paripucchā**, kusalehi saha codanāpariharaṇavasena vinicchayassa kāraṇam **vinicchayo**. **Puthūnanti** bahūnam. **Kilesādīnam** kilesābhisaṅkhārānam vitthāretabbam paṭisambhidāmagganiddesesu (mahāni. 51, 94) āgatanayena. **Andhaputhujjano gahito** “nālam nibbinditu”ntiādivacanato. Āsannapaccakkhavācī **idam**-saddoti āha “**imasminti paccuppannapaccakkhakāyam dasseti**”ti. Catūsu mahābhūtesu niyuttoti **cātumahābhūtikō**. Yathā pana mahāmattikāya nibbattam mattikāmayam, evamayam catūhi mahābhūtehi nibbato “**cātumahābhūtamayo**”ti vuttam. **Nibbindeyyāti** nibbindanampi āpajjeyya. Nibbindanā nāma ukkaṇṭhanā anabhiratibhāvatoti vuttam “**ukkaṇṭheyyā**”ti. **Virajjeyyāti** vītarāgo bhaveyya. Tenāha “**na rajjeyyā**”ti. **Vimucceyyāti** idha pana accantāya vimuccanam adhippetanti āha “**muccitukāmo bhaveyyā**”ti. Catūhi ca rūpajanakapaccayehi āgato cayoti, **ācayo**, vuddhi. Cayato apakkamoti **apacayo**, parihāni. **Ādānanti** gahaṇam, paṭisandhiyā nibbatti. **Bhedoti** khandhānam bhedo. So hi kaḷavarassa nikkhepoti vuttoti āha “**nikkhepananti bhedo**”ti.

**Paññāyantīti** pakārato ñāyanti. **Rūpam pariggahetum** pariggaṇhanavasenapi rūpam ālambitum. **Ayuttarūpam katvā** taṇhādīhi pariggahetum arūpam pariggaṇhitum yuttarūpam karoti tesam bhikkhūnam sappāyabhāvato. Tenāha “**kasmā**”tiādi. **Nikkadḍhantoti** tato gāhato nīharanto.

**Manāyatanasseva nāmam**, na samādhipaññattīnam “cittam paññañca bhāvayam (sam. ni. 1.23, 192; peṭako. 22; mi. pa. 1.9.9), citto gahapati”tiādīsu (dha. pa. aṭṭha. 74) viya. Cittikātabbhūtam vatthu etassāti cittavatthu, tassa bhāvo **cittavatthutā**, tena kāraṇena cittabhāvamāha. **Cittagocarātāyāti** cittavicittavisayatāya. **Sampayuttadhammacittatāyāti** rāgādisaddhādisampayuttadhammasavasena cittasabhāvattā. Tena cittatāya cittattamāha. **Vijānanaṭṭhenāti** bujjhanaṭṭhena. **Ajjhositanti** ajjhosābhūtāya taṇhāya gahitam. Tenāha “**taṇhāyā**”tiādi. **Parāmasitvāti** dhammasabhāvam aniccatādiṃ atikkamitvā parato niccādito āmasitvā. **Aṭṭhasatanti** aṭṭhādhiyam satam. **Nava mānāti** seyyassa “seyyohamasmi”tiādinā āgatā navavidhamānā. Brahmajāle āgatā sassatavādādayo **dvāsaṭṭhidiṭṭhiyo**. Evanti vuttākarena. Yasmā taṇhāmānadiṭṭhiggāhasena puthujanena daḷhaggāham gahitam, tasmā so tattha **nibbinditum** nibbidāññaṇam uppādetum **na samattho**.

**Bhikkhveti** ettha **iti**-saddo ādiattho, tena “vara”nti evamādikaṃ saṅgaṇhāti. Idam anusandhivacanam “**kasmā āhā**”ti kathetukāmatāya kāraṇam pucchati. Tenāha “**paṭhamam hī**”tiādi. Assutavatā puthujanena. **Tenāti** bhagavatā. **Ayuttarūpam katam** “nibbindeyyā”tiādinā ādīnavassa

vibhāvitattā. Arūpe pana tathā ādīnavassa avibhāvitattā vuttaṃ “**arūpaṃ** pariggahetuṃ **yuttarūpa**”nti, yuttarūpaṃ viya katanti adhippāyo. **Gāho** taṅhāmānadiṭṭhiggāho. “**Nikkhamitvā arūpaṃ gato**”ti idaṃ bhagavatā ādīnavam dassetvā rūpe gāho paṭikkhitto, na arūpe, tasmā “kātabbo nu kho so tathā”ti micchāgaṇhantānaṃ so tato rūpato nikkhamitvā arūpaṃ gato viya hotīti katvā vuttaṃ. **Ṭiṭṭhamānanti** ṭiṭṭhantaṃ. “Āpajjitvā viya hotī”ti sabhāvena pavattamānaṃ “**paṭhamavaye**”tiādinā rūpassa bhedaṃ vayādīhi vibhajitvā dasseti.

**Pādassa uddharaṇeti** yathā ṭhapitassa pādassa ukkhipane. **Atiharaṇanti** yathāuddhataṃ yathāṭṭhitaṭṭhānaṃ atikkamitvā haraṇaṃ. **Vītiaraṇanti** uddhato pādo yathāṭṭhitaṃ pādaṃ yathā na ghaṭṭeti, evaṃ thokaṃ passato pariṇāmetvā haraṇaṃ. **Vossajjananti** tathā parapādaṃ vītisāretvā bhūmiyaṃ nikkhipanattaṃ avossajjanaṃ. **Sannikkhepananti** vossajjetvā bhūmiyaṃ samaṃ nikkhipanaṃ ṭhapanam. **Sannirujjananti** nikkhittassa sabbaso nirujjanaṃ uppīlanaṃ. **Tattha tatthevā**ti tasmim tasmim paṭhamavayādike eva. Avadhāraṇena tesam koṭṭhāsantarasaṅkamanābhāvamāha. **Odhīti** bhāvo, **pabbanti** sandhi. Paṭhamavayādayo eva hettha odhi pabbanti ca adhippetā. **Paṭapaṭāyantā**ti “paṭapaṭā”iti karontā viya, tena nesam pavattikkhaṇassa ittarataṃ dasseti. **Etanti** etaṃ rūpadhammānaṃ yathāvuttaṃ tattha tattheva bhijjanaṃ evaṃ vuttapakārameva. **Vaṭṭippadesanti** vaṭṭiyā pulakaṃ barahaṃ. Tañhi vaṭṭiyā pulakaṃ anatikkamitvāva sā dīpajālā bhijjati. **Paveṇisambandhavasena**ti santativasena.

**Rattinti** rattiyaṃ. Bhummatthe hetam upayogavacanaṃ. **Evaṃ pana attho na gahetabbo** anuppannaṃ nirodhābhāvato. **Purimapaṇṇitoti** rūpe vuttapaṇṇito. **Anekāni cittaakoṭṭisatasahassāni uppajantīti** vuttamatthaṃ theravādena dīpetuṃ “**vuttampi ceta**”ntiādi vuttaṃ. **Aḍḍhacūḷanti** thokena ūnaṃ upaḍḍhaṃ, tassa pana upaḍḍhaṃ adhikāro vāhasatassāti viññāyati. “Aḍḍhacuddasa”nti keci, “aḍḍhacattuttha”nti apare. “Sādhikaṃ diyaḍḍhasataṃ vāhā”ti daḷhaṃ katvā vadantīti vīmamsitabbaṃ. Catunāḷiko tumbo. Mahāraññatāya pavaddhaṃ vanaṃ **pavananti** āha “**pavaneti mahāvane**”ti. **Tanti** paṭhamam gahitasākhāṃ. **Ayamatto**ti ayam bhūmiṃ anotarivā ṭhitasākhāya eva gahaṇasaṅkhāto attho. Etadatthameva hi bhagavā “araññe”ti vatvāpi “pavane”ti āha.

**Araññamahāvanaṃ viyā**ti araññatṭhāne brahāraññe viya. **Ārammaṇolambananti** ārammaṇassa avalambanaṃ. **Na vattabbaṃ** ārammaṇapaccayena vinā anuppajjanato. **Ekajātiyanti** rūpādīnīlādiekasabhāvaṃ. “Dissati, bhikkhave, imassa cātumahābhūtikassa kāyassa ācayopi apacayopi”ti vadantena **rūpato nīharitvā arūpe gāho paṭiṭṭhāpito** nāma, “varam, bhikkhave, assutavā puthujjano”tiādiṃ vadantena **arūpato nīharitvā rūpe** gāho paṭiṭṭhāpito nāma.

**Nanti** gāhaṃ. **Ubhayatoti** rūpato ca arūpato ca. **Harissāmīti** nīharissāmī. **Parivattetvā**ti mantam jappitvā. **Kaṇṇe dhumetvā**ti kaṇṇe dhametvā. **Assāti** visassa. **Nimmathetvā**ti nimmadditvā, nīharitvāti adhippāyo.

**Maggoti** lokuttaramaggo. “Nibbinda”nti iminā balavavipassanā kathitā.

Assutavāsuttavaṇṇanā niṭṭhitā.

## 2. Dutiyaassutavāsuttavaṇṇanā

**62.** Paccayabhāvena sukhavedanāya hitanti **sukhavedaniyaṃ**. Tenāha “**sukhavedanāya paccaya**”nti. Paccayabhāvo ca upanissayakoṭṭiyā, na sahaṅgakoṭṭiyā. Tenāha “nanu cā”tiādi. **Javanavedanāyā**ti javanacittasahagatāya vedanāya. **Tam sandhāyā**ti tam upanissayapaccayatam sandhāya. **Etanti** etaṃ “sukhavedanāya paccaya”nti vacanaṃ vuttaṃ. **Eseva nayoti** iminā “nanu ca sotasamphasso sukhavedanāya paccayo na hotī”ti evamādiṃ atidisati. So samphasso jāti uppattiṭṭhānaṃ etassāti **tajjātikam**, vedayitam. Tam pana yasmā tassa phassassa anucchavikameva hoti, tasmā **tassārūpam tassa phassassa anurūpanti ca attho** vutto. **Vuttanayenā**ti “sukhavedanāya

paccayo’’tiādinā vuttavidhianusārena. Adharāraṇiyaṃ uttarāraṇiyā mantanavasena ghaṭṭanaṃ iva saṅghaṭṭanaṃ phassena yugaggāho, tassa pana ghaṭṭanassa nirantarappavattiyā piṇḍitabhāvo idha samodhānaṃ, na kesañci dvinnaṃ tiṇṇaṃ vā sahāvattḥānanti vuttaṃ “**saṅghaṭṭanasampiṇḍanenāti attho**’’ti. **Aggicuṇṇoti** vipphuliṅgaṃ. **Vatthūti** cakkhādivatthu visayasāṅghaṭṭanato. Labbhamānova dhammo saṅghaṭṭanaṃ viya gayhatīti vuttaṃ “**saṅghaṭṭanaṃ viya phasso**’’ti. **Usmādhātu viya vedanā** dukkhasabhāvattā.

Dutiyaassutavāsuttavaṇṇanā niṭṭhitā.

### 3. Puttamamsūpamasuttavaṇṇanā

**63. Vuttanayamevāti** heṭṭhā āhāravaggassa paṭhamasutte vuttanayameva. **Lābhasakkārenāti** lābhasakkārasaṅkhātāya aṭṭhuppattiyāti keci. Lābhasakkāre vā aṭṭhuppattiyāti apare. Yo hi lābhasakkāranimittaṃ paccayesu gedhena bhikkhūnaṃ apaccavekkhitaparibhogo jāto, taṃ aṭṭhuppattim katvā bhagavā imaṃ desanaṃ nikkhipi. **Yamakamahāmeghoti** heṭṭhā olambanaupariuggamanavasena satapaṭalasahassapaṭalo yugaḷamahāmegho.

**Tiṭṭhanti ceva** bhagavati katthaci nibaddhavāsaṃ vasante, cārikampi gacchante anubandhanti ca. Bhikkhūnampi yebhuyyena kappasatasahassaṃ tato bhiiyopi pūritadānapāramisañcayattā tadā mahālābhasakkāro uppajjatīti vuttaṃ “**evaṃ bhikkhusaṅghassapī**’’ti. **Sakkatoti** sakkārappatto. **Garukatoti** garukārappatto. **Mānitoti** bahumato manasā piyāyito ca. **Pūjitoti** mālādipūjāya ceva catupaccayābhipūjāya ca pūjito. **Apacitoti** apacāyanappatto. Yassa hi cattāro paccaye sakkatvā suabhisāṅkhate paṇītapāṇīte upanenti, so sakkato. Yasmim garubhāvaṃ paccupaṭṭhapetvā denti, so garukato. Yaṃ manasā piyāyanti bahumaññanti, so bahumato. Yassa sabbametam pūjāvasena karonti, so pūjito. Yassa abhivādanapaccuṭṭhānañjalikammādivasena paramanipaccakāraṃ karonti, so apacito. Bhagavati bhikkhusaṅghe ca loko evaṃ paṭipanno. Tena vuttaṃ “tena kho pana samayena...pe... parikkhārāna’’nti (udā. 14; saṃ. ni. 2.70). **Lābhaggayasaggappattanti** lābhassa ca yasassa ca aggaṃ ukkaṃsaṃ pattam.

### Paṭhamāhāravaṇṇanā

**Assāti** bhagavato. Dhammasabhāvacināvasena pavattaṃ sahottappañāṇaṃ **dhammasaṃvego**. Dhuvapaṭisevanatṭhānañhetam sattānaṃ, yadidaṃ āhāraparibhogo, tasmā na tatha apaccavekkhaṇamattena pārājikaṃ paññapetuṃ sakkāti adhippāyo. **Āhārāti** “paccayā’’tiādinā pubbe āhāresu vuttavidhiṃ sandhāya āha “**āhārā**’’tiādi. Idāni tatha kattabbaṃ atthavaṇṇanaṃ sandhāya “**heṭṭhā vuttatthamevā**’’ti vuttaṃ.

**Ādinavanti** dosaṃ. **Jāyāti** bhariyā. **Patīti** bhattā. Apekkhāsaddā cete pitāputtasaddā viya, pāliyaṃ pana ā-kārassa rassattaṃ sānunāsikañca katvā vuttaṃ “**jāyampatikā**’’ti. Sammā phalaṃ vahatīti sambalaṃ, sukhāvahanti attho. Tathā hi taṃ “pathe hitanti pātheyya’’nti vuccati. Maggassa kantārapariyāpannattā vuttaṃ “**kantārabhūtaṃ magga**’’nti. Dullabhatāya taṃ udakaṃ tatha tāretīti kantāraṃ, nirudakaṃ mahāvanaṃ. Ruḷhīvasena itarampi mahāvanaṃ tathā vuccatīti āha “**corakantāra**’’ntiādi. Pararājūnaṃ veriādīnañca vasena sappaṭibhayampi araññaṃ ettheva saṅgahaṃ gacchatīti vuttaṃ “**pañcavidha**’’nti.

**Ghanaghanaṭṭhānatoti** maṃsassa bahalabahalaṃ thūlathūlaṃ hutvā ṭhitaṭṭhānato. “Tādisañhi maṃsaṃ gahetvā sukkhāpitaṃ **vallūraṃ**. Sūle āvunitvā pakkamaṃsaṃ **sūlamaṃsaṃ**. **Viraḷacchāyāyaṃ nisīdiṃsu** gantuṃ asamattho hutvā. **Govatakukkuravatadevatāyācanādīhīti** govatakukkuravatādivatacaraṇehi ceva devatāyācanādīhi paṇidhikammehi ca mahantaṃ dukkhaṃ anubhūtaṃ.

Yasmā pana sāsane sammāpaṭipajjantassa bhikkhuno āhāraparibhogassa opammabhāvena tesam jāyampatikānaṃ puttamaṃsaparibhogo idha bhagavatā ānīto, tasmāssa nānākārehi opammattam vibhāvetuṃ “**tesaṃ so puttamaṃsāhāro**”tiādi āradhamaṃ. Tatha **sajātimaṃsatāyāti** samānajātikamaṃsabhāvena, manussamaṃsabhāvenāti attho. Masussamaṃsañhi kulappasutamanussānaṃ amanuññaṃ hoti aparicitabhāvato gārayhabhāvato ca, tato eva ñātiādimaṃsatāyātiādi vuttam. Taruṇamaṃsatāyātiādi pana sabhāvato anabhisaṅkhārato ca amanuññāti katvā vuttam. **Adhūpitātāyāti** adhūpitabhāvato. **Majjhatabhāveveva ʘhitā**. Tato eva **nicchandarāgaparibhoge ʘhitāti** vuttam kantārato nittharaṇajjhāsayaṭāya. Idāni ye ca te anapanītāhāro, na yāvadatthaparibhogo vīgatamaccheramalatā sammohābhāvo āyatim tatha patthanābhāvo sannidhikārābhāvo apariccajanamadatthābhāvo ahīḷanā avivādaparibhogo cāti upamāyaṃ labbhamānā pakāravisesā, te tathā nīharitvā upameyye yojetvā dassetuṃ “**na aṭṭhinhārucammaṇissitaṭṭhānāni**”tiādi vuttam. **Taṃ kāraṇanti** taṃ tesaṃ jāyampatiṇaṃ yāvadeva kantāranittharaṇatthāya puttamaṃsaparibhogasaṅkhātamaṃ kāraṇamaṃ.

**Nissandapāṭikulyatamaṃ paccavekkhantopi** kabaḷikārāhāraṃ parivīmaṃsati. **Yathā te jāyampatikāti**tiādiopi opammaṃsandanaṃ. “Paribhuñjitabbo āhāro”ti padaṃ ānetvā sambandhitabbaṃ. Esa nayo ito paresupi. **Apaṭikkhipitvāti** anapanetvā. **Vaṭṭakena viya kukkuṭena viya cāti** visadisūdāharaṇamaṃ. **Odhim adassetvāti** mahantaggahaṇavasena odhim akatvā. **Sīhena viyāti** sadisūdāharaṇamaṃ. So kira sapaḍānameva khādāti.

Agadhitaamucchitādibhāvena paribhuñjitabbato “**amaccharāyitvā**”tiādi vuttam. Abbhantare attā nāma atthīti diṭṭhi **attūpaladdhi**, taṃsahagatena sammohena attā āhāraṃ paribhuñjatīti. **Satisampajaññavasenaṇapīti** “asite pīte khāyite sāyite sampajānakārī hoti”ti ettha vuttasatisampajaññavasenaṇapi.

“Aho vata mayaṃ...pe... labheyya”nti patthanaṃ vā, “hiyyo viya...pe... na laddha”nti anusocanaṃ vā akatvāti yojanā.

“Sannidhim na akaṃsu, bhūmiyaṃ vā nikhaṇiṃsu, agginā vā jhāpayiṃsū”ti na-kāraṃ ānetvā yojanā. Evaṃ sabbattha.

Piṇḍapātaṃ vā ahīḷentena dāyakaṃ vā ahīḷentena paribhuñjitabboti yojanā. **Sa pattapāṇīti** so pattahattho. **Nāvajāniyāti** na avajāniyā. **Atimaññatīti** atikkamitvā maññāti, avajānātīti attho.

“Tīhi pariññāhi pariññāte”ti vatvā tāhi kabaḷikārāhārassa pariḷānanavidhim dassento “**katha**”ntiādimāha. Tatha **savattukavaseṇāti** sasambhāravaseṇa, sabhāvato pana rūpāharaṇamaṃ ojamattaṃ hoti. Idañhi kabaḷikārāhārassa lakkhaṇamaṃ. Kāmaṃ rasārammaṇamaṃ jivhāpasāde paṭihaññāti, tena pana avinābhāvato sampattavisayaḡāhitāya ca jivhāpasādassa “**ojaṭṭhamakarūpaṃ katha paṭihaññatī**”ti vuttam. **Tassāti** jivhāpasādassa. **Ime dhammāti** ime yathāvuttabhūtopādāyadhammā. **Tanti rūpakhandamaṃ. Pariggaṇhatoti** pariggaṇhantassa. **Uppannā phassapañcamakā dhammāti** sabbepi ye yathānidhāritā, tehi sahappavattāva sabbepi ime. **Sarasalakkhaṇatoti** attano kiccato lakkhaṇato ca. **Tesaṃ** nāmarūpabhāvena vavattapitānaṃ pañcanaṃ khandhānaṃ paccayo viññāṇamaṃ. “Tassa saṅkhārā tesaṃ avijjā”ti evamaṃ uddhamaṃ ārohanavasena **paccayaṃ**. Adhoorohanavasena pana saḷāyatanādiḡe **pariyesanto anulomapaṭilomaṃ paṭiccasamuppādaṃ passati**. Saḷāyatanādayopi hi rūpārūpadhammānaṃ yathārahaṃ paccayaḡbhāvena vavattapetabbāti. **Yāthāvato diṭṭhattāti** “idaṃ rūpaṃ, ettakaṃ rūpaṃ, na ito bhiyyo, idaṃ nāmaṃ, ettakaṃ nāmaṃ, na ito bhiyyo”ti ca yathābhūtaṃ diṭṭhattā. Aniccānupassanā, dukkhānupassanā, anattānupassanā, nibbidānupassanā, virāḡānupassanā, nirodhānupassanā, paṭinissagḡānupassanāti imāsaṃ **sattannaṃ anupassanānaṃ vaseṇa**. Soti kabaḷikārāhāro. **Tilakkhaṇa...pe... saṅkhātāyāti** aniccatādīnaṃ tiṇṇamaṃ lakkhaṇānaṃ paṭivijjhanavasena lakkhaṇavantasammaṇavasena ca pavattaññāsaṅkhātāya. **Pariññāto hoti** anavasesato nāmarūpassa ñātattā tappariyāpannattā ca āhārassa. Tenāha “**tasmiṃ yevā**”tiādi.

**Chandarāgāvakaḍḍhanenā**ti chandarāgassa pajahanena.

Pañca kāmagaṇā kāraṇabhūtā etassa atthīti **pañcakāmagaṇiko**. Tenāha “**pañcakāmagaṇasambhavo**”ti. Ekissā taṇhāya pariññā **ekapariññā**. Sabbassa pañcakāmagaṇikassa rāgassa pariññā, **sabbapariññā**. Tadubhayassapi mūlabhūtassa āhārassa pariññā **mūlapariññā**. Idāni imā tissopi pariññāyo vibhāgena dassetuṃ “**yo bhikkhū**”tiādi āraddhaṃ. **Jivhādvāre ekarasataṇhaṃ pariḷānātī**ti jivhāya rasaṃ sāyitvā iti paṭisañcikkhati “yo yamettha raso, so vatthukāmasasena ojaṭṭhamakarūpaṃ hoti jivhāyatanam pasādo. So kiṃ nissito? Catumahābhūtanissito. Taṃsahajāto vaṇṇo gandho raso oja jīvitindriyanti ime dhammā rūpakkhando nāma. Yo tasmim rase assādo, ayam rasataṇhā. Taṃsahagatā phassādayo dhammā cattāro arūpakkhanda”tiādivasena. Sabbam aṭṭhakathāyaṃ āgatavasena veditabbam. Tenāha “**tena pañcakāmagaṇiko rāgo pariññātova hotī**”ti. Tattha **tenā**ti yo bhikkhu jivhādvāre rasataṇhaṃ pariḷānāti, tena. Kathaṃ pana ekasmim dvāre taṇhaṃ pariḷānato pañcasu dvāresu rāgo pariññāto hotīti āha “**kasmā**”tiādi. **Tassāyevā**ti taṇhāya eva taṇhāsāmaññāto ekattanayavasena vuttaṃ. **Tatthāti** pañcasu dvāresu. **Uppajjanatoti** rūparāgādibhāvena uppajjanato. Lobho eva hi taṇhāyaṇaṭṭhena “taṇhā”tipi, rajjanaṭṭhena “rāgo”tipi vuccati. Tenāha “**sāyeva hi**”tiādi. Idāni vuttamevattham “**yathā**”tiādinā upamāya sampiṇḍeti. **Pañcamagge hanatoti** pañcasu maggesu sañcarittam karontena maggagāmino hananto “magge hanato”ti vutto.

Sabyañjane piṇḍapātasaññite bhattasamūhe manuññe rūpe rūpasaddādayo labbhanti, tattha pañcakāmagaṇarāgassa sambhavam dassetuṃ “**katha**”ntiādi vuttaṃ. **Satisampajaññena pariggahetvā**ti sabbabhāgiyena kammaṭṭhānapariḷākena pariggahetvā. **Nicchandarāgaparibhogenā**ti maggādhigamasiddhena nicchandarāgaparibhogenā paribhutte. **Soti** kāmagaṇiko rāgo.

**Tasmim satī**ti kabaḷikārāhāre satī. **Tassāti** pañcakāmagaṇikarāgassa. **Uppattitoti** uppajjanato. Na hi āhārālābhena jighacchādubbalyaparetassa kāmāparibhogicchā sambhavati. **Upanijjhānacittanti** rāgavasena aññamaññaṃ olokanacittam.

**Natthi tam saṃyojananti** pañcavidhampi uddhambhāgiyasamyojanam sandhāya vuttaṃ. Tenāha “**tena rāgena...pe... natthī**”ti. **Tenāti** kāmarāgena. **Ettakenāti** yathāvuttāya desanāya. **Kathetuṃ vaṭṭatī**ti imam paṭhamāhārakatham kathentena dhammakathikena.

Paṭhamāhāraṇṇanā niṭṭhitā.

### Dutiyāhāraṇṇanā

**Dutiyeti** dutiye āhāre. **Uddālitacammāti** uppāṭitacammā, sabbaso apanītacammāti attho. **Na sakkoti** dubbalabhāvato, tathā hi itthī “abalā”ti vuccati. **Silākuṭṭādīnanti ādi**-saddena iṭṭhakakuṭṭamattikākuṭṭādīnam saṅgaho. **Uṇṇanābhī**ti makkaṭakam. **Sarabū**ti gharagoḷikā. **Uccāliṅgapāṇakā** nāma lomasā pāṇakā. **Ākāsanissitāti** ākāsaṇarīno. **Luñcitvāti** uppāṭetvā.

**Tisso pariññāti** heṭṭhā vuttā nītapariññādayo tisso pariññā. **Tammūlakattāti** phassamūlakattā. **Desanā yāva arahattā kathitā** sabbaso vedanāsu pariññātāsu kilesānam lesassapi abhāvato.

Dutiyāhāraṇṇanā niṭṭhitā.

### Tatīyāhāraṇṇanā

**Āṅārakāsunti** āṅārārāsīm. **Phuṇantī**ti attano upari sayameva ākirantīti attho. Tenāha “narā rudantā paridaḍḍhagattā”ti. **Narāti** purisāti attho, na manussā. **Bhayañhi maṃ vindatī**ti bhayassa vasena karonto bhayam labhati nāma. **Santaramānovāti** suṭṭhu taramāno eva hutvā. Porisam vuccati



purisappamāṇaṃ, tasmā **atirekaporisā** purisappamāṇato adhikā. Tenāha “**pañcaratanappamāṇā**”ti. Assāti kāsuyā. **Tadabhāveti** tesam jālādhūmānaṃ abhāve. **Ārakāvassāti** ārakā eva assa.

**Āṅgārakāsu viya** tebhūmakavaṭṭaṃ ekādasannaṃ aggīnaṃ vasena mahāpariḷāhato. **Jivi...pe... puthujjano** tehi aggīhi dahitabbato. **Dve bala...pe... kammaṃ** anicchantasseva tassa vaṭṭadukkhe pātanato. Āyūhanūpakaḍḍhanānaṃ kālabhedo na cintetabbo ekantabhāvino phalassa nipphāditattāti āha “**kammaṃ hī**”tiādi.

**Phasse vuttanayenevāti** tattha “phasso saṅkhārakkhandho”ti vuttaṃ, idha “manosañcetanā saṅkhārakkhandho”ti vattabbaṃ. Sesam **vuttanayamevāti**. “Taṇhāpaccayā upādānaṃ, upādānapaccayā bhavo”ti vacanato manosañcetanāya taṇhā mūlakāraṇanti āha “**taṇhāmūlakattā manosañcetanāyā**”ti. Tenāha “**na hī**”tiādi. Keci pana yasmā manosañcetanāya phalabhūtaṃ vedanaṃ paṭicca taṇhā uppajjati, tasmā evaṃ vuttanti vadanti.

Tatīyāhāraṇaṇā niṭṭhitā.

### Catutthāhāraṇaṇā

Aniṭṭhapāpanavasena taṃsamaṅgīpuggalaṃ āgacchatīti āgu, pāpaṃ, taṃ carati sīlenāti **āgucārī**. Tenāha “**pāpacārī**”nti.

**Rājā viya kammaṃ** paramissarabhāvato. **Āgucārī puriso viya...pe... puthujjano** dukkhavattubhāvato. Ādinnappahāraṇaṇāni **tīṇi sattisatāni viya** puthujjanassa āturaṃānamahādukkhapatiṭṭhaṃ paṭisandhiviññānaṃ. Tenāha **satti...pe... dukkhanti**.

**Tammūlakattāti** paṭisandhiviññānamūlakattā ito paraṃ pavattanāmarūpassa.

Catutthāhāraṇaṇā niṭṭhitā.

Puttamaṃsūpamasuttavaṇṇaṇā niṭṭhitā.

### 4. Atthirāgasuttavaṇṇaṇā

**64.** Catutthe **soti** lobho. **Raṅjanavasena**ti raṅgajātaṃ viya tassa cittassa anuraṅjanavasena. **Nandanavasena**ti sappītikatāya ārammaṇassa abhinandanavasena. **Taṇhāyanavasena**ti visayakattukāmatāya vasena. Eko eva hi lobho pavattīākārasena tathā vutto. **Patiṭṭhitanti** laddhasabhāvaṃ. **Tatthāti** vaṭṭe. Āhāreti keci. **Viññānanti** abhisāṅkhāraviññānaṃ. **Viruḷhanti** phalanibbattiyā viruḷhippattaṃ. Tenāha “**kammaṃ javāpetvā**”tiādi. Tattha **javāpetvāti** phalaṃ gāhāpetvā. Abhisāṅkhāraviññānaṃhi attanā sahaḷātānaṃ sahaḷātādīpaccayehi ceva āhārapaccayena ca paccayo hutvā tassa attano phaluppādane sāmattiyattā viruḷhippattaṃ. Tenāha “**kammaṃ santāne** laddhabhāvaṃ viruḷhippattañcassa hotī”ti. Vaṭṭakathā esāti katvā “**yatthāti tebhūmakavaṭṭe bhumma**”nti vuttaṃ. **Sabbatthāti** sabbesu. **Purimapade etaṃ bhumanti** “yattha tatthā”ti āgataṃ etaṃ bhummavacanaṃ purimasmim purimasmim pade visayabhūte. Tañhi ārabba etaṃ “yattha tatthā”ti bhummavacanaṃ vuttaṃ. **Imasmim vipākavaṭṭeti** paccuppanne vipākavaṭṭe. Āyatim vaṭṭahetuke saṅkhāre sandhāya vuttaṃ “yattha atthi āyatim punabbhavābhiniḷbattī”ti vacanato. **Punabbhavābhiniḷbattīti** ca paṭisandhi adhippetāti vuttaṃ “yattha atthi āyatim punabbhavābhiniḷbatti, atthi tattha āyatim jātijarāmarāṇa”nti. **Jātīti** cettha mātukucchito nikkhamaṇaṃ adhippetam. **Yasmim ṭhāneti** yasmim kāraṇe sati.

Kāraṇaṅcettha saṅkhārā veditabbā. Te hi āyatim punabbhavābhiniḅbattiyā hetū, taṅhāvijjāyo, kālagatiādayo ca kammaṣṣa sambhārā. Keci pana kilesavaṭṭakammagatikālā cāti adhippāyena “kālagatiādayo ca kammaṣṣa sambhārā”ti vadanti. Taṃtaṃbhavapatthanāya tathā tathā gato tividho bhavova **tebhūmakavaṭṭaṃ**. Tenāha “yatthāti tebhūmakavaṭṭe”ti. Tathā cāha “**sasambhāarakammaṃ bhavesu rūpaṃ samuṭṭhāpeti**”ti. **Rūpanti** attabhāvaṃ.

**Saṅkhipitvāti** tīsu akatvā viññāṇena ekasaṅkhepaṃ katvāti attho. **Eko sandhīti** eko hetuphalasandhi. **Vipākavidhīti** saḷāyatanādikaṃ vedanāvasānaṃ vipākavidhiṃ. “Nāmarūpena saddhi”nti padaṃ ānetvā sambandho. **Nāmarūpenāti** vā sahayoge karaṇavacanaṃ. Idha **eko sandhīti** eko hetuphalasandhi. **Āyatibhavassāti** āyatim upapattibhavassa. Tena cettha eko sandhi hetuphalasandhi veditabbo.

**Khīṇāsavassa** aggamaḡgādhigamaṇatova pavattakammaṣṣa maggena saḷāyavekallassa katattā avijjamaṇaṃ. **Sūriyarasmisamanti** tato eva vuttanayeneva appatiṭṭhitasūriyarasmisamaṃ. **Sāti** rasmi. **Kāyādayoti** kāyadvārādayo. **Katakammanti** paccayehi katabhāvaṃ upādāya vuttaṃ, na kammalakkhaṇapattato. Tenāha “**kusalākusalaṃ nāma na hoti**”ti. **Kiriyaṃatteti** avipākadhammattā kāyikādiḷpayogamatte ṭhatvā. **Avipākaṃ hoti** tesam avipākadhammattā.

Atthirāgasuttavaṇṇanā niṭṭhitā.

## 5. Nagarasuttavaṇṇanā

65. Pañcamaṣṣutte “pubbeva me, bhikkhave, sambodhā”tiādi heṭṭhā saṃvaṇṇitamevāti avuttameva saṃvaṇṇetum “**nāmarūpe kho satī**”ti āradḡdho. Tattha dvādasapadike paṭiccasamuppāde imasmiṃ sutte yāni dve padāni aggahitāni, nesam aggahaṇe kāraṇaṃ pucchitvā vissajjetukāmo tesam gahetabbakāraṇaṃ tāva dassento “**etthā**”tiādimāha. Paccakkhabhūtaṃ paccuppannaṃ bhavaṃ paṭhamaṃ gahetvā tadanantaraṃ anāgatassa “dutiya”nti gahaṇe atīto tatiyo hotīti āha “**avijjāsaṅkhārā hi tatiyo bhavo**”ti. Nanu cettha anāgatassa bhavassa gahaṇaṃ na sambhavati paccuppannabhavavasena abhinivesassa jotitattāti? Saccametaṃ, kāraṇe pana gahite phalaṃ gahitameva hotīti tathā vuttanti daṭṭhabbaṃ. Apicettha anāgato addhā atthato saṅgahito eva yato “nāmarūpapaccayā saḷāyatana”ntiādinā anāgataddhasaṃgāhitā desanā pavattā, catuvokāravasena viññāṇapaccayā nāmaṇti vireso atthi. Tasmā “**pañcavokāravasenā**”ti vuttaṃ. **Tehīti** avijjāsaṅkhārehi ārammaṇabhūtehi. **Ayaṃ vipassanāti** addhāpaccuppannavasena udayabbayaṃ passantassa pavattavipassanā. **Na ghaṭiyatīti** na samijjhati. **Mahā...pe... abhiniviṭṭhoti** na ghaṭane kāraṇamaḡha, heṭṭhā gahitattā paṭiyekkaṃ sammasanīyaṃ na hotīti adhippāyo.

**Adiṭṭhesūti** anavabuddhesu. Catusaccassa anubodhena na bhavitabbanti āha “**na sakkā buddhena bhavitu**”nti. **Imināti** mahāsattena. **Teti** avijjāsaṅkhārā. **Bhavaupādānataṅhāvasenāti** bhavaupādānataṅhādassanavasena. **Diṭṭhāva** “taṃsahagatā”ti samānayaogakkhamattā. **Na parabhāgaṃ khaṇeyya** attanā icchitassa gahitattā parabhāge aññassa abhāvato ca. Tenāha “**kassaci natthitāyā**”ti. **Paṭinivattesīti** paṭisaṃhari. Paṭinivattane pana kāraṇaṃ dassetum “**tadeta**”ntiādi vuttaṃ. **Abhinnaṭṭhānanti** akhaṇitaṭṭhānaṃ.

**Paccayatoti** hetuto, saṅkhāratoti attho. “Kimhi nu kho satī jarāmaṇaṃ hoti”tiādinā hetuparamparavasena phalaparamparāya kittamānāya, kimhi nu kho satī viññāṇaṃ hotīti ca vicāraṇāya saṅkhāre kho satī viññāṇassa vireso kāraṇabhūto saṅkhāro aggahito, tato viññāṇaṃ paṭinivattati nāma, na sabbapaccayato. Tenevāha “nāmarūpe kho satī viññāṇaṃ hoti”ti. Kimhi nāma hettha saḷāyādivaseneva paccayabhūtaṃ adhippetam, na kammūpanissayavasena paccuppannavasena abhinivesassa jotitattā. **Ārammaṇatoti** avijjāsaṅkhārasaṅkhātāārammaṇato, atītabhavasāṅkhātāārammaṇato. Atītaddhāpariyāpannā hi avijjāsaṅkhārā. Tato paṭinivattamaṇaṃ viññāṇaṃ atītabhavopi paṭinivattati nāma. **Ubhayaṃpīti** paṭisandhiviññāṇaṃ vipassanāviññāṇampi.

**Nāmarūpaṃ na atikkamatīti** paccayabhūtaṃ ārammaṇabhūtañca nāmarūpaṃ na atikkamati tena vinā avattanato. Tenāha “**nāmarūpato paraṃ na gacchati**”ti. **Viññāṇe nāmarūpassa paccaye honteti** paṭisandhiviññāṇe nāmarūpassa paccaye honte. **Nāmarūpe viññāṇassa paccaye honteti** nāmarūpe paṭisandhiviññāṇassa paccaye honte. Catuvokārapaṇcavokārabhavavasena yathārahaṃ yojanā veditabbā. **Dvīsupi aññamaññaṃ paccayesu hontesūti** pana pañcavokārabhavavasena. **Ettakenāti** evaṃ viññāṇanāmarūpānaṃ aññamaññaṃ upatthambhavasena pavattiyā. **Jāyetha vā upapajjetha vāti** “satto jāyati upapajjati”ti samaññā hoti viññāṇanāmarūpavinimuttassa sattapaññattiyā upādānabhūtassa dhammassa abhāvato. Tenāha “**ito hi**”tiādi. **Etadevāti** “viññāṇaṃ nāmarūpa”nti etaṃ dvayameva.

**Aparāparacutipāṭisandhīhīti** aparāparacutipāṭisandhidīpakehi “cavati, upapajjati”ti dvīhi padehi. **Pañca padānīti** “jāyetha vā”tiādīni pañca padāni. Nanu tattha paṭhamatatiyehi catutthapañcamāni atthato abhinnānīti? Saccam, viññāṇanāmarūpānaṃ aparāparuppattidassanattaṃ evaṃ vuttaṃ. Tenāha “**aparāparacutipāṭisandhīhī**”ti. **Ettāvatāti** vuttamevatthanti yo “ettāvata”ti padena pubbe vutto, tameva yathāvuttamatthaṃ “yadida”ntiādīnā niyyātentō puna vatvā. **Anulomapaccayākāravasenāti** paccayadhammadassanapubbakapaccayuppannadhammadassanavasena. Paccayadhammānañhi attano paccayuppannassa paccayabhāvo idappaccayatā paccayākāro, so ca “avijjāpaccayā saṅkhārā”tiādīnā vutto saṅkhāruppattiyā anulomanato anulomapaccayākāro, tassa vasena.

**Āpatoti** parikhāgataudakato. Dvārasampattiyā tattha vasantānaṃ pavesananiggamanaphāsutāya upabhogaparibhogavatthusampattiyā sarīracittasukhatāya nagarassa manuññatāti vuttaṃ “**samantā ... pe... ramaṇīya**”nti. Pubbe suññabhāvena araññasadisam hutvā ṭhitam janavāsam karonte nagarassa lakkhaṇapattam hotīti vuttaṃ “**taṃ aparena samayena iddhañceva assa phītañcā**”ti.

“Pubbeva kho panassa kāyakammaṃ vacīkammaṃ ājīvo ca suparisuddho”ti vacanato tīhi viratīhi saddhiṃ pubbabhāgamaggopi aṭṭhaṅgikavohāraṃ laddhuṃ arahatīti vuttaṃ “**aṭṭhaṅgikassa vipassanāmagassā**”ti. **Vipassanāya ciṇṇanteti** vipassanāya sañcaritatāya tattha tattha tāya vipassanāya tīrite pariyesite. **Lokuttaramaggadassananti** anumānādivasena lokuttaramaggassa dassanaṃ. Tathā hi nibbānanagarassa dassanaṃ daṭṭhabbam. **Diṭṭhakāloti** adhigamavasena diṭṭhakālo. Maggaphalavasena uppannā **paropannaṃsa** anavajjadhammā, paccavekkhaṇaññaṃ pana tesam vavatthāpakam. Yāpetvāti **carāpetvā**.

**Avattamānakatṭhenāti** buddhasuññe loka kassaci santāne appavattanato upādādivasena vattamānavasena. Tathā hi bhagavā “anuppannassa maggassa uppādetā, asaṅjātassa saṅjanetā”tiādikehi thomito. Pubbakehi mahesīhi paṭipanno hi ariyamaggo itarehi antarā kehici avaḷaṅjitoti vuttaṃ “**avaḷaṅjanatṭhena purāṇamaggo**”ti. **Jhānassādenāti** jhānasukhena jhānapītiyā. **Subhikkham** pañītadhammāmatatāya tittīāvahaṃ. **Pupphitam** upasobhitam. **Yāva dasasahassacakkavāleti** vuttaṃ “ekissā lokadhātuyā”ti paricchinnabuddhakhettatā. Tassa atthitāya hi paricchedo atthi. **Etasmiṃ antareti** etasmiṃ okāse.

Nagarasuttavaṇṇanā niṭṭhitā.

## 6. Sammasasuttavaṇṇanā

66. Chaṭṭhe **assāti** bhagavato. Saṅhasukhumadhammaparidīpanato **sukhumā**. Tīhi lakkhaṇehi ankiyattā **tilakkhaṇāhatā**, aniccādilakkhaṇaparidīpinīti attho. Ariyadhammādhigamassa upanissayabhūtena hetunā **sahetukā**. Tihetukapaṭisandhipaññāya pāṭihāriyapaññāya ca atthitāya **paññavanto** na kevalam ajjhattikaṅgasampattiyeva, bāhiraṅgasampattipi nesamatthīti dassetuṃ “**siniddhāni**”tiādi vuttaṃ. **Abbhantaranti** ajjhattam. **Paccayasammasananti** paccayuppannānaṃ paccayavīmaṃsam.

Ārambhānurūpā anusandhi yathānusandhi. Na gatāti na sampattā. **Asambhinnapadanti**

avomissakapadaṃ, aññattha evaṃ anāgataṃ vākyanti attho. Tenāha “**aññattha hi evaṃ vuttaṃ nāma natthi**”ti. **Evanti** “tenahānandā”ti ekavacanaṃ, “suñātha manasi karothā”ti bahuvacanaṃ katvā **vuttaṃ nāma natthi**ti attho. Keci pana “tenahānandā”ti idhāpi bahuvacanameva katvā paṭhanti “sādhu anuruddhā”tiādīsu viya. **Upadhīti adhippetam** upadhīyati ettha dukkhanti. **Uppajjati** uppādakkhaṇaṃ udayaṃ paṭilabhati “pākaṭabhāvo ṭhitiko, attalābho udayo”ti. **Nivisati** nivesaṃ okāsaṃ paṭilabhati. Ekavārameva hi uppannamattassa dhammassa dubbalattena okāse viya patiṭṭhahanaṃ natthi, punappunaṃ ārammaṇe pavattamānaṃ nivīṭṭhaṃ patiṭṭhitam nāma hoti. Tenāha “**nivisatīti punappunaṃ pavattivasena patiṭṭhahati**”ti.

**Piyasabhāvanti** piyāyitabbajātikaṃ. **Madhurasabhāvanti** iṭṭhajātikaṃ. **Abhiniviṭṭhāti** taṇhābhinivesena otiṇṇā. **Sampattiyanti** bhavasampattiyam. **Nimittaggahaṇānusārenāti** paṭibimbagahaṇānusārena. Kaṇṇassa chiddapadesaṃ **rajatanālikam viya**, kaṇṇabaddham pana pāmaṅgasuttaṃ viya. Tuṅgā uccā dīghā nāsikā **tuṅganāsā**. Evaṃ laddhavohāraṃ attano **ghānam**. “Laddhavohārā”ti vā pāṭho. Tasmim sati tuṅgā nāsā yesaṃ te tuṅganāsā. Evaṃ laddhavohārā sattā attano ghānanti yojanā vaṇṇasaṅṭhānato **rattakambalapaṭalaṃ viya**. Samphassato **modusiniddham** kiccato **siniddhamadhurarasadaṃ**. **Sālalaṭṭhinti** sālakkhandham.

**Addasaṃsūti** passim̐su. **Evaṃ vuttanti** “kaṃse”ti evaṃ vuttaṃ adhiṭṭhānavohārena.

**Sampattinti** vaṇṇādiguṇaṃ. **Ādīnavanti** maraṇaggatato.

**Sattupānīyenāti** sattaṃ pakkhipitvā ālolitapānīyena. **Cattāri pānāni viya cattāro maggā** taṇhāpipāsāvūpasamanato.

Sammasasuttavaṇṇanā niṭṭhitā.

## 7. Naḷakalāpīsuttavaṇṇanā

67. Sattame **kasmā pucchati**ti mahākoṭṭhikatthero sayam tattha nikkankho samāno kasmā pucchati adhippāyo. **Ajjhāsaya jānanatthanti** idampi tassa mahāsāvakaṃ paracittajānanena appāṭihīraṃ siyā, tena taṃ aparitussanto “**apicā**”tiādīmāha. Tattha **dve aggasāvakaṃti** sīlādiguṇehi uttamasāvakaṃti attho, na hi mahākoṭṭhikatthero aggasāvakalakkaṇappatto, atha kho mahāsāvakalakkaṇappatto. **Idāneva kho mayanti**adi heṭṭhā paccayuppannaṃ anāloḷentena dassetvā desanā āhaṭā, na aññamaññapaccayatāvasena, idha pana yenādhippāyena taṃ āloḷetvā nivattetvā kathitaṃ mahātherena, tamevassa adhippāyam teneva pakāsetukāmo mahākoṭṭhikatthero āha “idāneva kho maya”ntiadi. Tenāha “**idam therō**”tiadi.

**Ettake ṭhāneti** “kiṃ nu kho āvuso”tiādīnā paṭhamārambhato paṭṭhāya yāva “nirodho hoti”ti padaṃ, ettake ṭhāne. Avijjāsāṅkhāre aggahetvā “nāmarūpapaccayā viññāṇa”nti desanāya pavattattā “**paccayuppannapañcavokārabhavavasena desanā kathitā**”ti vuttaṃ. “Phale gahite kāraṇaṃ gahitamevā”ti viññāṇe gahite saṅkhārā, tesaṅca kāraṇabhūtā avijjā gahitā eva hoti vuttaṃ “**heṭṭhā vissajjitesu dvādasasu padesū**”ti. **Ekekasminti** ekekasmim̐ pade. **Tiṇṇam tiṇṇam vasenāti** “nirodhāya dhammaṃ desesi, nirodhāya paṭipanno hoti, nirodhā anupādāvinimutto hoti”ti evamāgatānaṃ tiṇṇam tiṇṇam vārānaṃ vasena. “Aṭṭhārasahi vatthūhī”tiādīsu (mahāva. 468) viya idha vatthusaddo kāraṇapariyāyoti āha “**chattimsāya kāraṇehi**”ti. **Paṭhamo** anumodanāvīdhi. **Dhammakathikaguṇoti** vipassanāvisayo abhedopacārena vutto. Sesadvayesupi eseva nayo. **Dutiyo** anumodanā, **tatiyam** anumodananti abhidheyyānurūpaṃ vattabbaṃ. **Desanāsampatti kathitā** “nibbidāya...pe... dhammaṃ deseti”ti vuttattā. **Sekkhabhūmi** kathitā “nibbidāya...pe... paṭipanno hoti”ti vuttattā. **Asekkhabhūmi** kathitā “nibbidā...pe... anupādāvimutto hoti”ti vuttattā.

Naḷakalāpīsuttavaṇṇanā niṭṭhitā.

## 8. Kosambisuttavaṇṇanā

68. Aṭṭhame **parassa saddahitvā**ti parassa vacanaṃ saddahitvā. Tenāha “**yaṃ esa bhaṇati, taṃ bhūtanti gaṇhāti**”ti. Parapattiyo hi eso paraneyyabuddhiko. **Yaṃ kāraṇanti** yaṃ attanā cintitavatthu. **Ruccatī**ti “evametam bhavissati, na aññathā”ti attano matiyā cintentassa ruccati. **Ruciyā gaṇhātī**ti parapattiyo ahutvā sayameva tathā rocento gaṇhāti. **Anussavoti** “anu anu suta”nti **evaṃ** cirakālagatāya anussutiyā labbhamānaṃ “kathamidaṃ siyā, kasmā bhūtameta”nti anussavena gaṇhāti. **Vitakkayatoti** “evametam siyā”ti parikappentassa. **Ekam kāraṇam upaṭṭhātī**ti yathāparikappitavatthu cittassa upaṭṭhāti. **Ākāraparivitakkenā**ti attanā kappitākārenā taṃ **gaṇhāti**. **Ekā diṭṭhi uppajjati** “yathāparikappitam kiñci atthaṃ evametam, nāññathā”ti abhinivasantassa eko abhiniveso uppajjati. **Yāyassāti** yāya diṭṭhiyā assa puggalassa. **Nijjhāyantassāti** paccakkham viya nirūpetvā cintentassa. **Khamatī**ti tathā gahaṇakkhamo hoti. Tenāha “**so...pe... gaṇhāti**”ti. **Etānī**ti saddhādīni. Tāni hi saddheyyānaṃ vatthūnaṃ gahaṇahetubhāvato “kāraṇāni”ti vuttāni. **Bhavanirodho nibbānanti** navavidhopi bhavo nirujjhati ettha etasmim adhigateti bhavanirodho, nibbānaṃ. Svāyaṃ bhavo pañcakkhandhasaṅgaho tabbinimutto natthīti āha “**pañcakkhandhanirodho nibbāna**”nti. **Bhavanirodho nibbānaṃ nāmāti** “nibbānaṃ nāma bhavanirodho”ti esa pañho sekkhehipi jānitabbo, na asekkheheva. **Imaṃ ṭhānanti** imaṃ yāthāvākāraṇaṃ.

**Suṭṭhu diṭṭhanti** “bhavanirodho nibbāna”nti mayā suṭṭhu yāthāvato diṭṭhaṃ, bhavassa pīlanasaṅkhatasantāpavipariṇāmatṭhānaṃ, bhavanirodhassa ca nissaraṇavivekāsaṅkhatāmataṭṭhānaṃ yathābhūtaṃ sammappaññāya diṭṭhattā. Anāgāmiphale ṭhito hi anāgāmimagge ṭhito eva nāma uparimaggassa anadhigatattāti vuttaṃ “**anāgāmimagge ṭhitattā**”ti. Nibbānaṃ ārabha pavattampi therassetam ñānaṃ “nibbānaṃ paccavekkhatī”ti vuttañānaṃ viya na hotīti vuttaṃ “**ekūnavīsatiyā... pe... paccavekkhaṇañāna**”nti. Etena etaṃ nibbānapaccavekkhaṇā viya na hoti sappadesabhāvato dasseti. Evañca katvā idha udapānanidassanampi samatthitanti daṭṭhabbaṃ. **Paccavekkhaṇañānenāti** avasesakilesānaṃ, nibbānasseva vā paccavekkhaṇañāna. **Upari arahattaphalasaṃmayoti** upari sijjhanato arahattapaṭilābho tathā **atthi**. “Yenāhaṃ taṃ pariyesato nibbānaṃ sacchikarissāmī”ti **jānāti**.

Kosambisuttavaṇṇanā niṭṭhitā.

## 9. Upayantisuttavaṇṇanā

69. Navame **udakavaḍḍhanasamayeti** sabbadivasesu mahāsamuddassa anto mahantacandakantamaṇipabbatānaṃ juṇhasamphassena pahatattā jalābhisandanavasena udakassa vaḍḍhanasamaye. **Upari gacchantoti** pakatiyā udakassa tiṭṭhaṭṭhānassa tato upari gacchantoti attho. **Upari yāpetīti** udakaṃ tattha uparūpari vaḍḍheti. Tathābhūto ca taṃ brūhento pūrentoti vuccatīti āha “**vaḍḍheti pūretīti attho**”ti. Yasmā paccayadhammā attano phalasaṃmayāpaccaye honte tassa upari ṭhito viya hoti tassa attano vase vattāpanato, tasmā vuttaṃ “**avijjā upari gacchantī**”ti. Paccayabhāvena hi sā tathā vuccati. Tenāha “**saṅkhārānaṃ paccayo bhavitum sakkuṇantī**”ti. **Apagacchanto** yāyanto. Tenāha “**osaranto**”ti, avaḍḍhanto parihīyamānoti attho.

Upayantisuttavaṇṇanā niṭṭhitā.

## 10. Susimasuttavaṇṇanā

70. Dasame **garukatoti** garubhāvaheṭūnaṃ uttamaguṇānaṃ matthakappattiyā anaññasādhāraṇena garukārena garukato. **Mānitoti** sammāpaṭipattiyā mānito. Tāya hi viññūnaṃ manāpatāti āha “**manena piyāyito**”ti. **Catupaccayapūjāya ca pūjitoti** idaṃ atthavacanaṃ. Yadatthaṃ saṃgītikārehi “tena kho pana samayena bhagavā sakkato hoti”tiādīnā imassa suttassa nidānaṃ nikkhattaṃ, tassa atthassa ulliṅgavasena vuttanti daṭṭhabbaṃ. Esa nayo sesapadesupi. **Aṃsakūṭatoti** uttarāsaṅgena ubho aṃsakūṭe paṭicchādetvā ṭhitā dakkhiṇaṃsakūṭato, ubhayato vā apanenti. Paricītaganthavasena

**paṇḍitaparibbājako**, yato pacchā visesabhāgī jāto. Vicittanayāya dhammakathāya kathanato “**kaviseṭṭho**”ti āhaṃsu.

**Tejussadoti** mahātejo. Purebhattakiccādīnaṃ niyatabhāvena **niyamamanuyutto**. **Vipassanālakkhaṇamhīti** ñāṇaṃ tattha kathitaṃ. **Dhammanti** tassaṃ tassaṃ parisāyaṃ therassa asammukhā desitaṃ dhammaṃ. **Āharitvā katheti** tathā varassa dinnattā.

Kiñcāpi susimo pūraṇādayo viya satthupaṭiñño na hoti, titthiyehi pana “ayaṃ brāhmaṇapabbajito paññavā vedāṅgakusalo”ti gaṇācariyaṭṭhāne ṭhapito, tathā cassa sambhāvito. Tena vuttaṃ “**ahaṃ satthāti paṭijānanto**”ti, na sassatadiṭṭhikattā. Tathā hesa bhagavato sammukhā upagantuṃ asakkhi.

**Aññāti arahattassa nāmaṃ** aññindriyassa ciṅṅante pavattattā. **Taṃ pavattinti** yaṃ aññabyākaraṇaṃ vuttaṃ, taṃ sutvā. **Assa** susimassa, **paramappamāṇanti** uttamakoṭi. **Ācariyamutṭhīti** ācariyassa mutṭhikatadhammo.

**Aṅgasantatāyāti** nīvaraṇādīnaṃ paccanīkadhammānaṃ vidūrabhāvena jhānaṅgānaṃ vūpasantatāya. Nibbutasabbadarathapariḷāhatāya hi tesam jhānānaṃ paṇītatarabhāvo. **Ārammaṇasantatāyāti** rūpapatibhāgavigamena saṅhasukhumādibhāvappattassa ārammaṇassa santabhāvena. Yadaggena hi tesam bhāvanātisayasambhāvitasaṅhasukhumappakārāni ārammaṇāni santāni, tadaggena jhānaṅgānaṃ santatā veditabbā. **Ārammaṇasantatāya** vā tadārammaṇadhammānaṃ santatā lokuttaradhammārammaṇāhi paccavekkhaṇāhi dīpetabbā. **Āruppavimokkhāti** arūpajjhānasaññāvimokkhā. **Paññāmatteneva vimuttā**, na ubhatobhāgavimuttā. Dhammānaṃ ṭhitatā taṃsabhāvatā dhammaṭṭhiti, aniccadukkhānattatā, tattha ñāṇaṃ **dhammaṭṭhitiñāṇanti** āha “**vipassanāñāṇa**”nti. **Evamāhāti** “pubbe kho, susima, dhammaṭṭhitiñāṇaṃ, pacchā nibbāne ñāṇa”nti evamādi.

**Vināpi samādhinti** samathalakkhaṇappattaṃ purimasiddhaṃ vināpi samādhinti vipassanāyānikaṃ sandhāya vuttaṃ. **Evanti** vuttākārena. Na **samādhinissando** anupubbavīhārā viya. Na **samādhīanisamso** lokiyābhiññā viya. Na **samādhissa nipphatti** sabbabhavaggaṃ viya. Vipassanāya nipphatti maggo vā phalaṃ vāti yojanā.

Rūpādīsu cetesu tiṅṅaṃ lakkhaṇaṃ parivattanavasena desanā **teparivaṭṭadesanā**. **Anuyogaṃ āropentoti** nanu vuttaṃ, susima, idāni arahattādhigamena sabbaso paccayākāraṃ paṭivijjhivā tattha vigatasammohoti anuyogaṃ karonto. **Pākaṭakaraṇatthanti** yathā tvaṃ, susima, nijjhānako sukkhavipassako ca hutvā āsavānaṃ khayasammasane suppatiṭṭhito, evametepi bhikkhū, tasmā “api pana tumhe āyasmanto”tiādīnā na te tayā anuyuñjitabbāti.

Susimasuttavaṇṇanā niṭṭhitā.

Mahāvaggavaṇṇanā niṭṭhitā.

## 8. Samaṇabrāhmaṇavaggo

### 1. Jarāmaṇasuttādivaṇṇanā

**71-72. Ekekaṃ** suttaṃ **katvā ekādasa suttāni vuttāni** avijjāya vasena desanāya anāgatattā, tathānāgamaṇācassā catusaccavasena ekekassa padassa uddhaṭattā. Kāmañca “āsavasamudayā avijjāsamudayo”ti attheva aññattha suttapadaṃ, idha pana veneyyajjhāsaya vasena tathā na vuttanti daṭṭhabbaṃ.

Jarāmarāṇasuttādivaṇṇanā niṭṭhitā.

Samaṇabrāhmaṇavaggavaṇṇanā niṭṭhitā.

## 9. Antaraṇḍeyyālavaggo

### 1. Satthusuttādivaṇṇanā

73. **Ayaṃ satthā nāmāti** ayaṃ ariyamaggassa atthāya sāsati vimuttidhammaṃ anusāsati sathā nāma. Adhisīlādivasena **tividhāpi sikkhā**. **Yogoti** bhāvanānuyogo. **Chandoti** niyyānetā **kattukamyatākusalacchando**. Sabbam bhāvanāya parissayaṃ sahati, sabbam vāssa upakāravahaṃ sahati vāhetīti **sabbasaḥam**. **Appaṭivānīti** na paṭinivattati appaṭivānī. Antarāya sahanam mohanāsanavīriyam ātappati kileseti **ātappam**. Vidhinā iretabbattā pavattetabbattā **vīriyam**. Satatam pavattiyamānabhāvanānuyogakammaṃ **sātaccanti** āha “**satatakiriya**”nti. **Tādisamevāti** yādisī sati vuttā, tādisameva ñāṇam, jarāmarāṇādivasena catusaccapariggāhakaṃ ñāṇanti attho.

Antaraṇḍeyyālavaggavaṇṇanā niṭṭhitā.

Sāratthappakāsiniyā saṃyuttanikāya-aṭṭhakathāya

Nidānasamṃyuttavaṇṇanāya līnatthappakāsanaṃ samattā.

## 2. Abhisamayasaṃyuttaṃ

### 1. Nakhasikhāsuttavaṇṇanā

74. **Sukhumāti** taruṇā parittā kesaggamattabhāvato. Yathā kesā dīghaso dvaṅgulamattāya sabbasmim kāle etappamāṇāva, na tacchindanam, evaṃ nakhaggāpi kesaggamattāva, na tesam chindanam avaḍḍhanato. **Paratoti** “sahassimam satasahassima”nti vuttaṭṭhāne. **Abhisametvāti** paṭivijjhivā, tasmā abhisametāvino paṭividdhasaccassati attho. Kāmaṃ purimapadam dukkhakkhandhassa atītabhāvaṃ upādāyapi vattum yuttaṃ. Puretaraṃyeva pana vuttabhāvaṃ upādāya vuttanti dassetuṃ “**purimam dukkhakkhandha**”ntiādi vuttaṃ. **Purimam** nāma pacchimaṃ apekkhitvā. Purimapacchimatā hi taṃ taṃ upādāya vuccati idhādhippetam purimam nīharitvā dassetuṃ “**katamam panā**”tiādi vuttaṃ. “Atītampi parikkhīṇa”nti idhādhippetam parikkhīṇameva vibhāvetum “**katamam pana parikkhīṇa**”ntiādi vuttaṃ. Sotāpannassa dukkhakkhayo idha coditoti taṃ dassetuṃ “**paṭhamamaggassa abhāvitattā uppajjeyyā**”ti vatvā idāni taṃ sarūpato dassetuṃ puna “**katama**”ntiādi vuttaṃ. **Sattasu attabhāvesu yaṃ apāye uppajjeyya aṭṭhamam paṭisandhim ādim katvā yattha katthaci** apāyesu cāti yaṃ dukkham uppajjeyya, taṃ sabbam parikkhīṇanti datṭhabbam. **Assāti** sotāpannassa, yaṃ parimāṇam, tato uddhañca upapātam atthīti adhippāyo. Mahā attho guṇo mahattho, so etassa atthīti **mahatthiyo** ka-kārassa ya-kāram katvā. Tenāha “**mahato atthassa nipphādako**”ti.

Nakhasikhāsuttavaṇṇanā niṭṭhitā.

### 2. Pokkharaṇīsuttavaṇṇanā

75. **Ubbedhenāti** avavedhena adhodisatāya. Tenāha “**gambhīratāyā**”ti.

Pokkharaṇīsuttavaṇṇanā niṭṭhitā.

### 3. Sambhejjaudakasuttādivaṇṇanā

76-77. **Sambhijjaṭṭhāneti** sambhijjasamodhānagataṭṭhāne. **Samenti** sametā honti. Tenāha “**samāgacchantī**”ti. Pāḷiyaṃ vibhattilopena niddesoti tamatthaṃ dassento “**tiṇi vā**”ti āha. Sambhijjati missībhāvaṃ gacchati etthāti sambhejjaṃ, missitaṭṭhānaṃ. Tattha udakaṃ **sambhejjaudakaṃ**. Tenāha “**sambhinnaṭṭhāne udaka**”nti.

Sambhejjaudakasuttādivaṇṇanā niṭṭhitā.

### 4. Pathavīsuttādivaṇṇanā

78-84. **Cakkavāḷabbhantarāyāti** cakkavāḷapabbatassa antogadhāya.

**Chaṭṭhādīsū vuttanayenevāti** idha chaṭṭhasuttādīsū paṭhamasuttādīsū vuttanayenevāti attho veditabbo visesābhāvato.

**Pariyosāneti** imassa abhisamayasaṃyuttassa osānaṭṭhāne.

**Aññatitthiyasamaṇabrāhmaṇaparibbājānanti** aññatitthiyānaṃ. **Guṇādhigamoti** jhānābhīṇṇāsahito guṇādhigamo. **Satabhāgampi...pe... na upagacchati** saccapaṭivedhassa mahānubhāvattā. Tenāha bhagavā paccakkhasabbadhammo “evaṃ mahādhigamo, bhikkhave, diṭṭhisampanno puggalo evaṃ mahābhīṇṇo”ti.

Pathavīsuttādivaṇṇanā niṭṭhitā.

Sārathappakāsiniyā saṃyuttanikāya-aṭṭhakathāya

Abhisamayasaṃyuttavaṇṇanāya līnatthappakāsanaṃ samattā.

## 3. Dhātusaṃyuttaṃ

### 1. Nānattavaggo

#### 1. Dhātunānattasuttavaṇṇanā

85. **Paṭhamanti** imasmim nīdānavagge saṃyuttānaṃ paṭhamaṃ saṃgītattā.

**Nissattaṭṭhasuññataṭṭhasaṅkhātenāti** dhammamattatāya nissattatāsaṅkhātena nīccasubhasukhaattasuññatattasāṅkhātena. **Sabhāvaṭṭhenāti** yathābhūtasabhāvaṭṭhena. Tato eva sabhāvassa dhāraṇaṭṭhena **dhātūti laddhanāmānaṃ**. **Nānāsabhāvo** aññamaññavisadisatā **dhātunānattaṃ**. Cakkhusaṅkhāto pasādo **cakkhupasādo**. So eva cakkhanaṭṭhena cakkhu, nissattasuññataṭṭhena dhātu cāti **cakkhudhātu**. Cakkhupasādavattuṃ adhiṭṭhānaṃ katvā pavattaṃ **cakkhupasādavattuṃ**. Sesapadesupi eseva nayo. Dve sampaṭicchanamanodhātuyo, ekā kiriyā manodhātūti **tisso manodhātuyo manodhātu** “mananamattā dhātū”ti katvā. **Vedanādayo...pe... nibbānaṅca dhammadhātu** visesasaññāparihārena sāmāññañāyā pavattanato. Tathā hete dhammā āyatanadesanāya “dhammāyatana”nteva desitā. Na hi nesam rūpāyatanādīnaṃ viya viññāṇehi aññaviññāṇena gahetabbatākāro atthi. **Sabbampīti** chasattavidhaṃ **manoviññānaṃ**. **Kāmāvacarā** kāmādhātupariyāpannattā. **Avasāne dveti** dhammadhātumanoviññāṇadhātuyo. Ayamettha saṅkhepo, vitthāro pana **visuddhimagge** taṃsaṃvaṇṇanāsu daṭṭhabbo.

Dhātunānattasuttavaṇṇanā niṭṭhitā.



## 2. Phassanānattasuttavaṇṇanā

**86.** Jātipasutiārammaṇāḍibhedena nānābhāvo **phasso**. Jātipaccayabhedena hi paccayuppanassa bhedo hotiyeva. Dhammaparicchedavasena dhātudesanāyaṃ tisso mananamattā dhātuyova manodhātuyo. Kiriyaṃmayassa cittupattivibhāgena paccayuppanassa vasena dhātudesanāyaṃ mananaṭṭhena dhātutāya sāmāññato manodvārāvajjanam “manodhātū”ti adhippetanti vuttam “**manosamphasso manodvāre paṭhamajavanasampayutto**”tiādi. **Tasmāti** yasmā kāmam sampaṭicchana manodhātuanantaram uppajjamāno santīraṇaviññāḍadhātuyā sampayutto phassopi manosamphasso eva nāma, dubbalattā pana so sabbabhavesu asambhavato ca gahito anavasesato gahaṇam na hotīti manodvāre javanasamphasso hoti, tasmā. **Ayamettha atthoti** ayam idha adhippāyānugato attho.

Phassanānattasuttavaṇṇanā niṭṭhitā.

## 3. Nophassanānattasuttavaṇṇanā

**87. Manosamphassaṃ paṭiccāti** manodvāre paṭhamajavanasampayutto phasso manosamphasso, tam manosamphassaṃ paṭicca. **Manodhātūti** āvajjanakiriyamanodhātu. Manoviññāḍadhātu manodhātūti veneyyajjhāsayasasena vuttam. Tenāha “**manodvāre...pe... evamattho daṭṭhabbo**”ti. Tathā hi vakkhati “sabbāni cetāni”tiādi.

Nophassanānattasuttavaṇṇanā niṭṭhitā.

## 4. Vedanānānattasuttavaṇṇanā

**88. Sabbāpi tasmim dvāre vedanā vatteyyum** cakkhusamphassavedanā upanissayapaccayabhāvitā. **Nibbattiphāsukatthanti** nibbattiyā upanissayabhāvena pavattiyā dassanasukhattham. **Sampaṭicchana vedanameva gahetum vaṭṭati**, tāya gahitāya itarāsam gahaṇam ñāyāgatamevāti. **Vuttam** porāṇaṭṭhakathāyaṃ. **Āvajjanasamphassanti** āvajjanamanosamphassaṃ. Anantarūpanissayabhūtam paṭicca paṭhamajavanasasena uppajjati yojanā. **Ayam adhippāyo** upanissayassa adhippetattā.

Vedanānānattasuttavaṇṇanā niṭṭhitā.

## 5. Dutiyavedanānānattasuttavaṇṇanā

**89. Tatiyacatutthesu vuttanayāvāti** “no cakkhusamphassaṃ paṭicca uppajjati cakkhudhātū”ti evam vuttanayo, catutthe “cakkhudhātum, bhikkhave, paṭicca uppajjati cakkhusamphasso”tiādinā vuttanayo ca. **Ekato katvāti** ekajjam katvā desitā. Kasmā pana tesu suttesu evam desanā pavattāti āha “**sabbāni cetāni**”tiādi. Paṭisedho pana tesam vedanānānattādīnam phassanānattādīkassa paccayabhāvato tathāuppattiyā asambhavato. **Ito paresūti** “no pariyesanānānattam paṭicca uppajjati pariāhanānatta”ntiādisu.

Dutiyavedanānānattasuttavaṇṇanā niṭṭhitā.

## 6. Bāhiradhātunānattasuttavaṇṇanā

**90. Pañca dhātuyo kāmāvacarā** rūpasabhāvattā.

Bāhiradhātunānattasuttavaṇṇanā niṭṭhitā.

## 7. Saññānānattasuttavaṇṇanā

91. **Āpāthe patitanti** cakkhussa āpāthagataṃ sātakaveṭhanādisaññitaṃ bhūtasāṅghātaṃ sammā nissitaṃ. Cakkhudvāre sampatiṅchanādisampayuttasaññānaṃ saṅkappagatikattā, cakkhuviññānasampayuttasaññāgahaṇeneva vā gahetabbato “**rūpasaññāti cakkhuviññānasampayuttā saññā**”ti vuttaṃ tattha saññāya eva labbhanato. Eteneva hi taṃsampayutto saṅkappoti idampi saṃvaṇṇitanti daṭṭhabbaṃ. Tenāha “**saññāsaṅkappachandā ekajavanavārepi nānājavanavārepi labbhanti**”ti. Javanasampayuttassa vitakkassa chandagatikattā vuttaṃ “**tīhi cittehi sampayutto saṅkappo**”ti. **Chandikataṭṭhenāti** chandakaraṇaṭṭhena, icchitaṭṭhenāti attho. **Anuḍahanaṭṭhenāti** pariḍahanaṭṭhena. Sannissayaḍāharasā hi rāgaggiḍādayo “rūpe”ti pana tassa ārammaṇadassanametaṃ. **Parilāhoti** parilāhasīsena apekkhaṃ vadati. Tenāha “**parilāhe uppanne**”tiādi. “Parilāho”ti daḷhājhosānā balavākārappattā vuttāti āha “**parilāhapariyesanā pana nānājavanavāreyeva labbhanti**”ti. Tāsaṃ laddhūpanissayabhāvatoti dasseti. **Iminā nāyena**ti “uppajjati saññānānatta”nti ettha vuttanāyena attho veditabbo. “Rūpasaññādinānāsabhāvaṃ saññāṃ paṭicca kāmasaṅkappādinānāsabhāvo saṅkappo uppajjati”tiādinā nāyena veditabbo.

Saññānānattasuttavaṇṇanā niṭṭhitā.

## 8. Nopariyesanānānattasuttavaṇṇanā

92. **Paṭisedhamattameva nānaṃ**, sesaṃ heṭṭhā vuttanāyamevāti adhippāyo.

Nopariyesanānānattasuttavaṇṇanā niṭṭhitā.

## 9. Bāhiraphassanānattasuttādivaṇṇanā

93. **Vuttappakāre ārammaṇeti** “āpāthe patita”ntiādinā heṭṭhā vuttappakāre rūpārammaṇe. **Saññāti** rūpasaññāva. Arūpadhammopi samāno yasmim ārammaṇe pavattati, taṃ phusanto viya hotīti vuttaṃ “**ārammaṇaṃ phusamāno**”ti. Taṇhāya vatthubhūtaṃyeva rūpārammaṇaṃ labbhatīti katvā “rūpalābho”ti adhippetanti āha “**saha taṇhāya ārammaṇaṃ rūpalābho**”ti. **Sabbasaṅgāhikanayoti** ekasmimyeva ārammaṇe sabbesaṃ saññādīnaṃ dhammānaṃ uppattiyā sabbasaṅgaṇhanavasena dassitanāyo. Tenāha “**ekasmimyevā**”tiādi. **Sabbasaṅgāhikanayoti** vā dhuvaparibhogavasena nibaddhārammaṇanti vā āgantukārammaṇanti vā vibhāgaṃ akatvā sabbasaṅgāhikanāyo. **Aparo** nāyo. **Missakoti** āgantukārammaṇe nibaddhārammaṇe ca visayato nibaddhārammaṇena missako. **Nibaddhārammaṇe** sattānaṃ kilesa mando hoti. Tathā hi saññāsaṅkappaphassavedanāva dassitā. **Yaṃ kiñci viyāti** yaṃ kiñci aññamaññaṃ viya. **Khobhetvāti** kutūhaluppādanavasena cittaṃ khobhetvā.

**Upāsikāti** tassa amaccaputtassa bhariyaṃ sandhāyāha. **Tasminti** āgantukārammaṇe. **Lābho** nāma “labbhatī”ti katvā.

**Uruvalliavāsīti** uruvalliyaleṇavāsī, uruvalliyavihāravāsīti vadanti. **Pāliyāti** “dhātunānattaṃ, bhikkhave, paṭicca uppajjati”tiādināyapavattāya imissā suttapāliyā. **Parivaṭṭetvāti** majjhe gahitaphassavedanāpariyosāne ṭhapanavasena pāliṃ parivaṭṭetvā. **Vuttappakāreti**tiādi parivaṭṭetabbākāradassanaṃ. Tattha **vuttappakāreti** āpāthagatarūpārammaṇe. **Avibhūtavāranti** avibhūtarāmmaṇavāraṃ. Ayameva vā pāṭho. **Gaṇhanti** kathenti. **Ekajavanavārepi labbhanti** cirataranivesābhāvā. **Nānājavanavāreyeva** daḷhataranivesatāya.

94. **Dasamaṃ uttānameva** navame vuttanāyattā. Paṭisedhamattameva hettha nānattanti.

Bāhiraphassanānattasuttādivaṇṇanā niṭṭhitā.

Nānattavaggaṇṇanā niṭṭhitā.

## 2. Dutiyavaggo

### 1. Sattadhātusuttavaṇṇanā

95. Ābhātīti ābhā, ālokabhāvena nipphajjati, upaṭṭhātīti vā attho. So eva nijjīvaṭṭhena dhātūti **ābhādhātu**. **Ālokassāti** ālokakasiṇassa. Suṭṭhu, sobhanaṃ vā bhātīti **subhaṃ**. Kasiṇasahacaraṇato jhānaṃ **subhaṃ**. Sesamaṃ vuttanayameva. Suparisuddhavaṇṇamaṃ **kasiṇamaṃ**. Ākāsānañcādayopi subhārammaṇamaṃ evāti keci. **Desanaṃ niṭṭhāpesīti** desanaṃ uddesamatte eva ṭhapesi. Pāḷiyaṃ “andhakāraṃ paṭicca paññāyati”ti etthāpi ārammaṇameva gahitaṃ, tathā “ayaṃ dhātu asubhaṃ paṭicca paññāyati”ti etthāpi. Yathā hi idha suvaṇṇamaṃ kasiṇamaṃ subhanti adhippetamaṃ, evamaṃ dubbaṇṇamaṃ asubhanti.

**Andhakāraṃ paṭiccāti** andhakāraṃ paṭicchādakapaccayaṃ paṭicca. **Paññāyati**ti pākaṭo hoti. Tenāha “**andhakāro hi**”tiādi. Ālokopi, andhakārena paricchinnō hotīti yojanā. Andhakāro tāva ālokena paricchinnō hotu “yathā āloko natthi, tathā andhakāro”ti āloko kathaṃ andhakārena paricchinnō hotīti āha “**andhakārena hi so pākaṭo hoti**”ti. Paricchedalekhāya viya cittarūpaṃ andhakārena hi parito paricchinnō hutvā paññāyati, yathā taṃ chāyāya ātapo. **Eseva nayoti** asubhasubhānaṃ aññamaññaparicchinnataṃ atidisitvā tattha adhippetameva dassento “**asubhe sati subhaṃ paññāyati**”ti āha. **Evamāhāti** “asubhaṃ paṭicca subhaṃ paññāyati”ti avoca. “Rūpī rūpāni passati”tiādīsu viya uttarapadalopenāyaṃ niddesoti āha “**rūpaṃ paṭiccāti rūpāvacarasamāpattiṃ paṭiccā**”ti. Tāya hi sati adhigatāya. **Rūpasamatikkamā vā hotīti** sabhāvārammaṇānaṃ rūpajjhānānaṃ samatikkamā ākāsānañcāyatanaśamāpatti nāma hotīti attho. **Eseva nayoti** iminā “ākāsānañcāyatanaśamatikkamā viññāṇañcāyatanaśamāpatti nāma hoti”tiādinā dvepi pakāre atidisati. **Paṭisañkhāti** paṭisañkhāññena. **Appavattinti** yathāparicchinnakālaṃ appavattanaṃ. Etena khaṇanirodhādīṃ paṭikkhipati.

**Kathaṃ samāpatti pattaḃbāti** imāsu sattaśu dhātūsu kā pakārā saññāśamāpatti nānā hutvā samāpajjitabbā. Tenāha “**kīdisā samāpattiyo**”tiādi. **Saññāya atthibhāvenāti** paṭukiccāya saññāya atthibhāvena. **Sukhumasañkhārānaṃ** tattha samāpattiyaṃ avasissatāya. **Nirodhovāti** sañkhārānaṃ nirodho eva.

Sattadhātusuttavaṇṇanā niṭṭhitā.

### 2. Sanidānasuttavaṇṇanā

96. **Bhāvanapuṃsakametaṃ** “visamaṃ candimasūriyā parivattanti”tiādīsu (a. ni. 4.70) viya. **Sanidānanti** attano phalaṃ nidadātīti nidānaṃ, kāraṇanti āha “**sanidāno sappaccayo**”ti. **Kāmapaṭisaṃyuttoti** kāmarāgasañkhātena kāmena paṭisaṃyutto vā kāmapaṭibaddho vā. Takketīti **takko**. Abhūtakāraṃ samāropetvā kappetīti **sañkappo**. Ārammaṇe cittaṃ appetīti **appanā**. Visesena appetīti **byappanā**. Ārammaṇe cittaṃ abhiniropentaṃ viya pavattatīti **cetaso abhiniropanā**. Micchā viparīto pāpako sañkappoti **micchāsañkappo**. Aññesu ca kāmapaṭisaṃyuttetu vijjamānesu vitakko eva kāmādhātusaddena nirulho daṭṭhabbo vitakkassa kāmāpasāṅgappattisātisayattā. Esa nayo byāpādadhātuādīsipi. **Sabbepi akusalā dhammā kāmādhātu** hīnājñāsāyehi kāmetabbadhātubhāvato.

Kilesakāmassa ārammaṇabhāvattā sabbākusalasaṃgāhikāya kāmādhātuyā itarā dve saṅgahetvā kathanāṃ **sabbasaṅgāhikā**. Tissannaṃ dhātūnaṃ aññamaññaṃ asaṅkarato kathā **asambhinnā**. **Imaṃ** kāmāvacarasaññitaṃ kāmavitakkasaññitaṃ **kāmādhātuṃ**. **Paṭiccāti** paccayaḃhūtaṃ labhitvā. **Tīhi kāraṇehīti** tīhi sārābhūtehi kāraṇehi.

Byāpādavitakko byāpādo uttarapadalopena, so eva nijjīvaṭṭhena sabhāvadhāraṇaṭṭhena dhātūti **byāpādadhātu**. Byāpajjati cittaṃ etenāti **byāpādo**, doso. Byāpādopi dhātūti yojanā. **Sahajātapaccayādivasenāti** sahajātaaññamaññanissayasampayuttaatthiavigatapaccayavasena. Visesena hi parassa attano ca dukkhāpanaṃ vihiṃsā, sā eva dhātu, atthato rosanā parūpaghāto, tathā pavatto vā dosasahagatacittuppādo.

**Tiṇagahane araṇṇeti** tiṇehi gahanabhūte araṇṇe. **Anayabyasananti** apāyabyasanaṃ, parihaṇāpāyarahitaṃ vipattinti vā attho. **Avaḍḍhiṃ vināsanti** avaḍḍhiṃceva vināsaṅcāti vadanti sabbaso vaḍḍhirahitaṃ. **Sukkhatiṇadāyo viya ārammaṇaṃ** kilesaggisaṃvaddhanaṭṭhena. **Tiṇukkā viya akusalasaṅgā** anudhanaṭṭhena. **Tiṇakaṭṭha...pe... sattā** anayabyasanaṇṇapattito. “Ime sattā”ti hi ayoniso paṭipajjamānā adhippetā. Tenāha “**yathā sukkhatiṇadāye**”tiādi.

Samatābhāvato samatāvirodhato visamatāhetuto ca visamā rāgādayoti āha “**rāgavisamādīni anugata**”nti. **Ichhitabbā** avassaṃbhāvinibhāvena.

Samkilesato nikkhamanaṭṭhena nekkhammo, so eva nijjīvaṭṭhena dhātūti **nekkhammadhātu**. Svāyaṃ nekkhammasaddo pabbajjādīsu kusalavitakke ca niruḷhoti āha “**nekkhammavitakkopi nekkhammadhātu**”ti. **Itarāpi dve dhātuyoti** abyāpādaavihiṃsādhātuyō vadati. **Visuṃ dīpetabbā** sarūpena āgatattā. **Vitakkādayoti** nekkhammasaṅkappacchandapariḷāhapariyesanā. **Yathānurūpaṃ** attano attano paccayānurūpaṃ. Kathaṃ panettha kusaladhammesu pariḷāho vuttoti? Saṅkhārapariḷāhamattaṃ sandhāyetaṃ vuttaṃ, soḷasasu ākāresu dukkhasacce santāpaṭṭho viya vutto, yassa viḡamena arahato sītibhāvappatti vuccati.

Sayaṃ na byāpajjati, tena vā taṃsamaṅgīpuggalo na kiñci byāpādetīti **abyāpādo**, vihiṃsāya vuttavipariyāyehi sā veditabbā. Hitesibhāvena mijjati siniyhaṭṭi **mitto**, mittassa esāti **metti**, abyāpādo. **Mettāyanāti** mettākāraṇaṃ, mettāya vā ayanā pavattanā. **Mettāyitattanti** mettāyitassa mettāya pavattassa bhāvo. **Mettācetovimuttīti** mettāyanavasena pavatto cittasamādhi. Sesam vuttanayameva.

Sanidānasuttavaṇṇanā niṭṭhitā.

### 3. Giṇjakāvasathasuttavaṇṇanā

**97. Ito paṭṭhāyāti** “dhātuṃ, bhikkhave”ti imasmā tatiyasuttato paṭṭhāya. Yāva kammavaggo, tāva netvā upagantvā seti etthāti āsayo, hīnādibhāvena adhīno āsayo ajjhāsayo, taṃ **ajjhāsayaṃ**, adhimuttanti attho. **Saññā uppajjati**tiādīsu hīnādibhedam ajjhāsayaṃ paṭicca hīnādibhedā saññā, tannissayadiṭṭhivikappanā, vitakko ca uppajjati sahajātaakoṭiyā upanissayakoṭiyā ca. **Satthāresūti** tesam satthupaṭiṇṇatāya vuttaṃ, na satthulakkhaṇasabbhāvato. **Asammāsambuddhesūti** ādhāre visaye ca bhumbaṃ ekato katvā vuttanti paṭhamam tāva dassento “mayam sammāsambuddhā”tiādim vā itaram dassento “tesu sammāsambuddhā ete”tiādimāha. Tesam “mayam sammāsambuddhā”ti uppannadiṭṭhi idha mūlabhāvena pucchitā, itarā anusankitāti **pucchatiyevāti** sāsankam vadati.

“**Mahati**”ti ettha mahāsaddo “mahājano”tiādīsu viya bahuatthavācakoti daṭṭhabbo. Avijjāpi hīnahīnatarahīnatamādibhedena bahupakārā. **Tassāti** diṭṭhiyā. Kasmā panettha “yadidaṃ avijjā dhātū”ti avijjam uddharitvā “hīnam dhātuṃ paṭicca”ti ajjhāsayaḍḍhātu niddiṭṭhāti? Na kho panetaṃ evam daṭṭhabbam, “aññaṃ uddharitvā aññaṃ niddiṭṭhā”ti, yato avijjāsīsenā ajjhāsayaḍḍhātu eva gahitā. Avijjāgahito hi purisapuggalo diṭṭhajjhāsayo hīnādibhedam avijjādhātuṃ nissāya tato saññādiṭṭhiādike saṅkappeti. **Paṇidhi** patthanā, sā pana tathā tathā cittassa ṭhapanavasena hotīti āha “**cittaṭṭhapana**”nti. Tenāha “**sā panesā**”tiādi. **Eteti** hīnapaccayā saññādiṭṭhivitakkacetanā patthanā paṇidhisankhātā hīnā dhammā. **Hīno** nāma hīnadhammasamāyogato. **Sabbapadānīti** “paññapetī”tiādīni padāni yojetabbāni hīnasaddena majjhimuttamaṭṭhānantarassa asambhavato. Upapajjanaṃ “upapatti”ti āha “**dve upapattiyo paṭilābho ca nibbatti cā**”ti. Tattha **hīnakulādīti ādi**-saddena hīnarūpabhogaparīsādīnaṃ

saṅgaho. **Hīnattikavasenā**ti hīnattike vuttattikapadavasenāti adhippāyo. **Cittuppādakkhaṇeti** idaṃ hīnattikapariyāpannānaṃ cittuppādānaṃ vasena tattha tattha laddhattā vuttaṃ. **Pañcasu nīcakulesūti** caṇḍālavenanesādarathakārapukkusakulesu. Dvādasākusalaṅcittuppādānaṃ pana yo koci paṭilābho hīnoti yojanā. Sesadvayepi eseva nayo. **Imasmiṃ ṭhāneti** “yāyaṃ, bhante, diṭṭhī” tiādinā āgate imasmiṃ ṭhāne. “Dhātuṃ, bhikkhave, paṭicca uppajjati” tiādinā āgatattā **nibbattiyeva adhippetā**, na paṭilābho.

Giṅjakāvasathasuttavaṇṇanā niṭṭhitā.

#### 4. Hīnādhimuttikasuttavaṇṇanā

**98. Ekato hontīti** samānacchandatāya ajjhāsayaṭo ekato honti. **Nirantarā hontīti** tāya eva samānacchandatāya cittena nibbisesā honti. Idha adhimutti nāma ajjhāsayaḍhātūti āha “**hīnādhimuttikāti hīnajjhāsaya**” ti.

Hīnādhimuttikasuttavaṇṇanā niṭṭhitā.

#### 5. Caṅkamasuttavaṇṇanā

**99. Mahāpaññesūti** vipulapaññesu. Nanti sārīputtattheraṃ. **Khandhantaranti** khandhavibhāgaṃ, khandhānaṃ vā antaraṃ vireso atthīti **khandhantaro**. Esa nayo sesesupi. **Parikammanti** iddhividhādhigamassa pubbhāgaparikammañceva uttaraparikammañca. **Ānisaṃsanti** iddhānisaṃsañceva ānisaṃsañca. **Adhiṭṭhānaṃ vikubbananti** adhiṭṭhānavidhānañceva vikubbanavidhānañca. **Vuttanayenevāti** “pathaviṃ pattharanto viyā” tiādinā.

**Dhutaṅgaparihāranti** dhutaṅgānaṃ pariharaṇavidhiṃ. Pariharaṇaggahaṇeneva samādānaṃ siddhaṃ hotīti taṃ na gahitaṃ. **Ānisaṃsanti** taṃtaṃdhutaṅgapariharaṇe daṭṭhabbaṃ ānisaṃsameva. **Samodhānanti** “ettakā piṇḍapātaṭisaṃyuttā, ettakā senāsanapaṭisaṃyuttā” ti paccayavasena aññamaññañca antogadhattā. **Adhiṭṭhānanti** adhiṭṭhānavidhiṃ. **Bhedanti** ukkaṭṭhādibhedañceva bhinnākārañca.

**Parikammanti** “dibbacakkhu evaṃ uppādetabbaṃ, evaṃ visodhetabba” ntiādinā parikammavidhānaṃ. **Ānisaṃsanti** paresaṃ ajjhāsayaṇurūpāyatanādiānisaṃsapabhedaṃ. **Upakkilesanti** sādharmaṇaṃ asādharmaṇaṃ duvidhaṃ upakkilesaṃ. Vipassanābhāvanupakkilesā hi dibbacakkhussa upakkilesāti veditabbā.

**Saṅkhepavithhāragambhīruttānavicitrakathādisūti** saṅkhepo vitthāro gambhīratā uttānatā vicitrabhāvo neyyatthatā nītatthatāti evamādīsū dhammassa kathetabbappakāresu taṃ taṃ kathetabbākāraṃ.

**Iti-saddo ādiattho**, pakārattho vā. Tena –

“Ādimhi sīlaṃ deseyya, (dī. ni. aṭṭha. 1.190; ma. ni. aṭṭha. 1.291)  
Majjhe cittaṃ viniddise;  
Ante paññā kathetabbā,  
Eso dhammakathāvidho” ti. –

Evaṃ kathetabbākāraṃ saṅgaṇhāti.

“Sithilaṃ dhanitañca dīgharassaṃ, garukaṃ lahukañca niggahītaṃ;

Sambandham vavatthitam vimuttam, dasadhā byañjanabuddhiyā pabhedo’’ti. (dī. ni. 1.190; ma. ni. aṭṭha. 1.291; pari. 485) –

Evam vuttam dasavidham byañjanabuddhim. Aṭṭhuppattinti tassa tassa suttassa jātakassa ca aṭṭhuppattim. Anusandhinti pacchānusandhiā dīanusandhim. Pubbāparanti sambandham. Idam padam evam vattabham, idam pubbāparam evam gahetabbanti.

**Kulasaṅgaṇhanaparihāranti** lābhuppādanattham kulānam saṅgaṇhanavidhino pariharaṇam tanniyamitam ekantikam kulasaṅgahaṇavidhim.

Caṅkamasuttavaṇṇanā niṭṭhitā.

### 6. Sagāthāsuttavaṇṇanā

**100.** ‘‘Dhātuso saṃsandantī’’ti idam ajjhāsayato sarikkhatādassanaṃ, na kāyena missibhāvadassananti āha ‘‘**samuddantare**’’tiādi. **Nirantaroti** nibbiseso. **Saṃsaggāti** pañcavidhasaṃsaggahetu. Saṃsaggagahaṇena cettha saṃsaggavatthukā taṇhā gahitā. Tenāha ‘‘**dassana...pe... snehenā**’’ti.

Vanati bhajati sajjati tenāti vanaṃ, vanathoti ca kilesa vuccatīti āha ‘‘**vanatho jātoti kilesavanaṃ jāta**’’nti. Itare saṃsaggamūlakāti tameva paṭikkhipanto āha ‘‘**adassanenā**’’ti. **Sādhujīvīti** sādhu suṭṭhu jīvī, taṃjīvanasīlo. Tenāha ‘‘**parisuddhajīvitam jīvamāno**’’ti.

Sagāthāsuttavaṇṇanā niṭṭhitā.

### 7. Assaddhasaṃsandanasuttavaṇṇanā

**101. Nirojāti** saddhāsnehābhāvena nisnehā. Tato eva arasabhāvena **nirasā. Ekasadisāti** samasamā nibbisesā. Tenāha ‘‘**nirantarā**’’ti. Alajjitāya ekasīmakatā **bhinnamariyādā**. Saddhā tesam atthīti **saddhā. Tantipālakāti** saddhammatantiyā pālakā. **Vaṃsānurakkhakāti** ariyavaṃsassa anurakkhakā. **Āraddhavīriyāti** paggahitavīriyā. Yasmā tādisānaṃ vīriyaṃ paripuṇṇaṃ nāma hoti kiccāsiddhiyā, tasmā vuttam ‘‘**paripuṇṇaparakkamā**’’ti. **Sabbakiccapariggāhikāyāti** catunnaṃ satipaṭṭhānānaṃ bhāvanākiccapariggāhikāya.

Assaddhasaṃsandanasuttavaṇṇanā niṭṭhitā.

### 8-12. Assaddhamūlakasuttādivaṇṇanā

**102-106. Aṭṭhamādīnīti** aṭṭhamaṃ navamaṃ dasamaṃ ekādasamaṃ dvādasamanti imāni pañca suttānīti eke. Apare pana nava suttānīti icchanti. Svāyamattho aṭṭhakathāyaṃ vuttoyeva. Pāliyaṅca kesuci potthakesu likhīyati.

Assaddhamūlakasuttādivaṇṇanā niṭṭhitā.

Dutiyavaggavaṇṇanā niṭṭhitā.

### 3. Kammaṭṭhavaṇṇo

#### 1-2. Asamāhitasuttādivaṇṇanā

**107-108. Ito paresūti** ito dutiyavaggato paresu suttesu. **Paṭhamanti** paṭhamavagge paṭhamam. Kasmā panettha evaṃ desanā pavattāti āha “**evaṃ vuccamāne**”tiādi.

Asamāhitasuttādivaṇṇanā niṭṭhitā.

### 3-5. Pañcasikkhāpadasuttādivaṇṇanā

**109-111. Surāmerayasāṅkhātanti** piṭṭhasurādisurāsāṅkhātam pupphāsavādimerayasāṅkhātāñca. Majjanatṭhena **majjam**. **Surāmerayamajjappamādoti vuccati** “majjati tenā”ti katvā. **Tasmiṃ tiṭṭhantīti** tasmiṃ pamāde pamajjanavasena tiṭṭhantīti attho. Sesam tatiyacatutthesu suviññeyyamevāti.

Pañcame tāni padāni samvaṇṇetum “**pañcame**”tiādi āraddham. Tattha pāṇo nāma vohārato satto, paramatthato jīvitindriyam, tam **pāṇam atipātentī** aticca antareyeva, atikkamma vā sathādīhi abhibhavivā pātentī saṅikaṃ patitum adatvā sīgham pātentīti attho. Kāyena vācāya vā **adinnam** parasantakam. **Ādiyantīti** gaṇhanti. **Micchāti** na sammā, gārayhasena. **Musāti** atatham vatthu. **Vadantīti** viṣamvādanavasena vadanti. Piyasuññakaraṇato **pisuṇā**, pisati vā pare satte, himsatīti attho. **Mammachedikāti** etena parassa mammachedavasena ekantapharusasañcetanā **pharusavācā** nāmāti dasseti. **Abhijjhāsaddo** lubbhane niruḥhoti āha “**parabhaṇḍe lubbhanasīlāti attho**”ti. **Byāpananti** dosavasena vipannaṃ. Pakativijahanena **pūtibhūtam**. Sādhūhi garahitabbatam pattā “natthi dinna”ntiādinayappavattā natthikāhetukaakiriyadiṭṭhi **kammaphariyāpannā** nāma. Micchattaphariyāpannā sabbāpi lokuttaramaggapaṭipakkhā viparītadiṭṭhi.

**Tesanti** kammaphānaṃ. **Vohāratoti** indriyabaddham upādāya paññattimattato. **Tiracchānagatādisūti ādi-**saddena petānaṃ saṅgho. Payogavattumahantatādīhi **mahāsāvajjatā** tehi paccayehi uppajjamānāya cetanāya balavabhāvato. Yathāvuttapaccayavipariyāyepi tamtampaccayehi cetanāya balavabhāvavasena **appasāvajjamahāsāvajjatā** vā veditabbā. **Iddhimayoti** kammavipākiddhimayo dāṭhakoṭanādīnaṃ viya.

**Methunasamācāresūti** sadāraparadāragamanavasena duvidhesu methunasamācāresu. Tepi hīnādhimuttikehi kattabbato kāmā nāma. **Micchācāroti** gārayhācāro. Gārayhatā cassa ekantanihīnatāyāti āha “**ekantanindito lāmakācāro**”ti **asaddhammādhippāyenāti** asaddhammasevanādhippāyena. **Gottarakkhitāti** sagottehi rakkhitā. **Dhammarakkhitāti** sahadhammehi rakkhitā. Sassāmikā nāma **sārakkhā**. Yassā gamane daṇḍo ṭhapito, sā **saparidaṇḍā**. Bhariyabhāvāya dhanena kītā **dhanakkītā**. Chandena vasatīti **chandavāsini**. Bhogattham vasatīti **bhogavāsini**. Paṭattham vasatīti **paṭavāsini**. Udakapattam āmasivā gahitā **odapattakinī**. Cumbaṃ apanetvā gahitā **obhaṭacumbaṭā**. Karamarānītā **dhajāhaṭā**. Tānkhaṇikaṃ gahitā **muhuttikā**. Abhibhavivā vītikkamo micchācāro **mahāsāvajjo**, na tathā dvinnaṃ samānacchandatāya. Abhibhavivā vītikkamane satipi maggenamaggapaṭipattidhivāsane purimuppannasevanābhisandhipayogābhāvato micchācāro na hoti abhibhuyyamānassāti vadanti. Sevanācitte sati payogābhāvo appamāṇam yebhuyyena itthiyā sevanāpayogassa abhāvato. Tathā sati puretaram sevanācittassa upaṭṭhānepi tassā micchācāro na siyā, tathā purisassapi sevanāpayogābhāve. Tasmā attano ruciyā pavattitassa vasena tayo, balakkārena pavattitassa vasena tayoti sabbepi aggahitaggahaṇena “**cattāro sambhārā**”ti vuttaṃ.

**Āsevanamandatāyāti** yāya akusalacetanāya sampham palapati, tassā ittarakālatāya pavattiyā anāsevanāti paridubbalā hoti cetanā.

Upasaggavasena atthavisesavācino dhātusaddāti **abhijjhāyatīti** padassa **parabhaṇḍābhimukhīti**ādiattho vutto. **Tanninnatāyāti** tasmiṃ parabhaṇḍe lubbhanavasena ninnatāya. Abhipubbo jhe-saddo lubbhane niruḥhoti daṭṭhabbo. Yassa bhaṇḍam abhijjhāyati, tassa appaṇṇatāya **appasāvajjā**, mahāṇṇatāya **mahāsāvajjā**tiādinā nayena tatha appasāvajjamahāsāvajjavibhāgo veditabbo. Tenāha “**adinnādānaṃ viyā**”tiādi. **Attano pariṇāmanam** cittenevāti daṭṭhabbam.

**Hitasukhaṃ byāpādayatīti** yo naṃ uppādeti, yassa uppādeti, tassa sati samavāye hitasukhaṃ vināseti. **Aho vatāti** iminā yathā abhijjhāne vatthuno ekantato attano pariṇāmanaṃ dassitaṃ, evamidhāpi vatthuno “aho vatā”ti iminā parassa vināsacintāya ekantato niyamitabhāvaṃ dasseti. Evañhi nesaṃ dāruṇappavattiyā kammaopathappavatti.

**Yathābhuccagahaṇābhāvenāti** yathātacchagahaṇassa abhāvena aniccādisabhāvassa niccādito gahaṇena. **Micchā passatīti** vitathaṃ passati. **Samphappalāpo viyāti** iminā āsevanassa appamahantatāhi micchādīṭṭhiyā appasāvajjamahāsāvajjatā. **Vatthunoti** gahitavatthuno. **Gahitākāraviparītātīti** micchādīṭṭhiyā gahitākārassa viparītātā. **Tathābhāvenāti** attano gahitākāreva tassā dīṭṭhiyā, gahitassa vā vatthuno **upaṭṭhānaṃ** “evametaṃ, na ito aññathā”ti.

**Dhammatoti** sabhāvato. **Koṭṭhāsototi** cittaṅgakoṭṭhāsato, yaṃkoṭṭhāsā honti, tatoti attho. **Cetanādharmāvāti** cetanāsabhāvā eva. **Paṭipāṭiyā sattāti** ettha nanu cetanā abhidhamme kammaopathesu na vuttāti paṭipāṭiyā sattannaṃ kammaopathabhāvo na yuttoti? Na, avacanassa aññahetukattā. Na hi tattha cetanāya akammaopathattā kammaopatharāsīmhi avacanaṃ, kadāci pana kammaopatho hoti, na sabbadāti kammaopathabhāvassa aniyatattā avacanaṃ. Yadā, panassa kammaopathabhāvo hoti, tadā kammaopatharāsisaṅgaho na nivārito. Etthāha – yadī cetanāya sabbadā kammaopathabhāvābhāvato aniyato kammaopathabhāvoti kammaopatharāsīmhi avacanaṃ, nanu abhijjhādīnaṃpi kammaopathabhāvaṃ appattānaṃ atthitāya aniyato kammaopathabhāvoti tesampi kammaopatharāsīmhi avacanaṃ āpajjati? Nāpajjati, kammaopathatāmaṃsabhāgatāhi tesam tattha vuttattā. Yadi evaṃ cetanāpi tattha vattabbā siyā? Saccametaṃ. Sā pana pāṇātipātādīkāti pākaṭo tassā kammaopathabhāvoti na vuttā siyā. Cetanāya hi “cetanāhaṃ, bhikkhave, kammaṃ vadāmi (a. ni. 6.63; kathā. 539) tivīdhā, bhikkhave, kāyasañcetanā akusalaṃ kāyakamma”ntiādivacanaṭo (kathā. 539) kammaabhāvo pākaṭo. Kammaṃyeva ca sugatiduggatīnaṃ tatthuppajjanakasukhadukkhānañca pathabhāvena pavattaṃ kammaopathoti vuccatīti pākaṭo, tassā kammaopathabhāvo. Abhijjhādīnaṃ pana cetanāsamīhanabhāvena sucaritaduccaritabhāvo, cetanājanitapiṭṭhivaṭṭakabhāvena sugatiduggatitaduppajjanakasukhadukkhānaṃ pathabhāvo cāti, na tathā pākaṭo kammaopathabhāvoti, te eva tena sabhāvena dassetaṃ abhidhamme kammaopatharāsībhāvena vuttā. Atathājātiyakattā vā cetanā tehi saddhiṃ na vuttāti daṭṭhabbaṃ. **Mūlaṃ patvāti** mūladesanaṃ patvā, mūlasabhāvesu dhammesu desiyamānesūti attho.

**Adinnādānaṃ sattārammaṇanti** idaṃ “pañca sikkhāpadā parittārammaṇā evā”ti imāya pāṭiyā virujjhati. Yañhi pāṇātipātādīdussīlyassa ārammaṇaṃ, tadeva taṃ veramaṇiyā ārammaṇaṃ. Vītikkamitabbavatthuto eva hi viratīti. “Sattārammaṇa”nti vā sattasaṅkhātāṃ saṅkhārārammaṇameva upādāya vuttattā na koci virodho. Tathā hi vuttaṃ **sammohavinodaniyaṃ** (vibha. aṭṭha. 714) “yāni sikkhāpadāni ettha ‘sattārammaṇāni’ti vuttāni, tāni yasmā ‘sattoti’ti saṅkhaṃ gate saṅkhāreyeva ārammaṇaṃ karontī”ti. Ito paresupi eseva nayo. Visabhāgavatthuno “itthipurisā”ti gahetabbato **sattārammaṇotipi eke**. “Eko dīṭṭho, dve sutā”tiādinā samphappalapane **dīṭṭhasutamutaviññātavasena**. **Tathā abhijjhāti** ettha **tathā**-saddo “dīṭṭhasutamutaviññātavasena”ti idampi upasaṃharati, na sattasaṅkhārārammaṇataṃ eva dassanādivasena abhijjhāyanaṭo. “Natthi sattā opapātikā”ti pavattamānāpi micchādīṭṭhi tebhūmakadhammārammaṇā evāti adhippāyena tassā saṅkhārārammaṇatā vuttā. Kathaṃ pana micchādīṭṭhiyā mahaggatappattā dhammā ārammaṇaṃ hontīti? Sādhāraṇato. Natthi sukaṭadukkaṭānaṃ kammānaṃ phalaṃ vipākoti hi pavattamānāya atthato rūpārūpāvacaradhammāpi gahitāva hontīti.

Sukhabahulatāya rājāno hasamānāpi “coraṃ ghāthethā”ti vadanti, hāso pana tesam aññavisayoti āha “**sanniṭṭhāpakacetanā pana nesaṃ dukkhasampayuttāva hotī**”ti. **Majjhattavedano na hoti**, sukhavedanova. Tattha “kāmaṇaṃ samudayā”tiādinā vedanābhedo veditabbo. Lobhasamuṭṭhāno musāvādo sukhavedano vā siyā majjhattavedano vā, dosasamuṭṭhāno dukkhavedano vāti **musāvādo tivedano** siyā. Iminā nayena sesesupi yathārahaṃ vedanānaṃ “lobho nidānaṃ kammānaṃ samudayāyā”tiādinā bhedo veditabbo.



**Pāṇātipāto dosamohavasena dvimūlakoti** sampayuttamūlameva sandhāya vuttaṃ. Tassa hi mūlatṭhena upakārabhāvo dosaviseso, nidānamūle pana gayhamāne lobhamohavasenapi vaṭṭati. Sammūlho āmisakiñjakkhakāmopi hi pāṇaṃ hanāti. Tenevāha “lobho nidānaṃ kammānaṃ samudayāyā”tiādi (a. ni. 3.34). Sesesupi eseva nayo.

Asamādinnaṣiṭassa sampattato yathāupaṭṭhitavītikkamitabbavatthuto virati **sampattavirati**. Samādānena uppannā virati **samādānavirati**. Kilesānaṃ samucchindanavasena pavattā maggasampayuttā virati **samucchedavirati**. Kāmañcetha pāliyaṃ viratiyova āgatā, sikkhāpadavibhaṅge pana cetanāpi āharitvā dassitāti tadubhayampi gaṇhanto “**cetanāpi vaṭṭanti viratiyopi**”ti āha.

Adussīlyārammaṇā jīvitindriyādiārammaṇā kathaṃ dussīlyāni pajahantīti dassetuṃ “**yathā panā**”tiādi vuttaṃ. Pāṇātipātādīhi viramaṇavasena pavattanato tadārammaṇabhāveneva tāni pajahanti. Na hi tadeva ārabba taṃ pajahituṃ sakkā tato anissaṭabhāvato.

**Anabhijjhā...pe... viramantassāti** abhijjhaṃ pajahantassāti attho. Na hi manoduccaritato virati atthi anabhijjhādīheva tappahānasiddhito.

Pañcasikkhāpadasuttādivaṇṇanā niṭṭhitā.

## 7. Dasāṅgasuttavaṇṇanā

**113. Micchattasammattavasenāti** ettha micchābhāvo **micchattaṃ**, tathā sammābhāvo **sammattaṃ**. Tathā tathā pavattā akusalakkhandhāva micchāsati, evaṃ micchāñāṇampi daṭṭhabbaṃ. Na hi ñāṇassa micchābhāvo nāma atthi. Tasmā **micchāñāṇinoti** micchāsaññāṇāti attho, ayoniso pavattacittuppādāti adhippāyo. **Micchāpaccavekkhaṇenāti** micchādiṭṭhiādīnaṃ micchā ayoniso paccavekkhaṇena. **Kusalavimuttīti** pakatipurisasantarajānaṃ, guṇaviyuttassa attano sakattani avatṭhānanti evamādiṃ akusalapavattiṃ “kusalavimuttī”ti gahetvā ṭhitā micchāvimuttikā. **Sammāpaccavekkhaṇāti** jhānavimokkhādīsu sammā aviparītaṃ pavattā paccavekkhaṇā.

Dasāṅgasuttavaṇṇanā niṭṭhitā.

Tatīyavaggavaṇṇanā niṭṭhitā.

## 4. Catutthavaggo

### 1. Catudhātusuttavaṇṇanā

**114. Patiṭṭhādhātūti** sahaṇātānaṃ dhammānaṃ patiṭṭhābhūtā dhātu. **Ābandhanadhātūti** nahāniyacūṇṇassa udakaṃ viya sahaṇātadhammānaṃ ābandhanabhūtā dhātu. **Paripācanadhātūti** sūriyo phalādīnaṃ viya sahaṇātadhammānaṃ paripācanabhūtā dhātu. **Vitthambhanadhātūti** dutiyo viya sahaṇātadhammānaṃ vitthambhanabhūtā dhātu. Kesādayo **vīsati koṭṭhāsā**. **Ādi-saddena** pittādayo santappanādayo uddhaṅgamā vātādayo gahitā. **Etāti** dhātuyo.

Catudhātusuttavaṇṇanā niṭṭhitā.

### 2. Pubbesambodhasuttavaṇṇanā

**115.** Ayaṃ pathavīdhātuṃ nissāya taṃ ārabba pavatto **assādo**. **Evaṃ pavattānanti** evaṃ kāye pabhāvassa pavedanavaseneva pavattānaṃ. **Hutvā abhāvākārenāti** pubbe avijjamānā paccayasāmaggiyā hutvā uppajjitvā puna bhaṅgupagamanato uddhaṃ abhāvākārena. Na niccāti **aniccā**

addhuvattā, dhuvam niccam. **Paṭipīlanākārenā**ti udayabbayavasena abhiñham pīlanākārena dukkhatṭhena. **Sabhāvavigamākārenā**ti attano sabhāvassa vigacchanākārena. Sabhāvadhammā hi appamattam khaṇam patvā nirujjhanti. Tasmā te “jarāya maraṇena cā”ti dvedhā vipariṇamanti. Tenāha “**vipariṇāmadhammā**”ti. Ādīnam vāti pavattetīti **ādīnavo**, paramakāpaññatā. **Vinīyatī**ti vūpasamīyati. Accantappahānavasena nissarati etenāti **nissaraṇam**.

**Sāyam nipannā** sabbarattim khepetvā **pāto uṭṭhahāma**, māsapuṇṇaghaṭo viya no sarīram nissandābhāvato.

**Phusitamattesupī**ti udakassa phusitamattesupi.

**Atināmenti** kalam. **Evam** vuttanayena **pavattā** puggalā **etā** pathavīdhātuādayo **assādentī nāma** abhirativasena tattha ākaṅkhuppādanato.

**Abhivisiṭṭhena nāṇenā**ti aggamaggañāṇena. Rukkho **bodhi** “bujjhati etthā”ti katvā. Maggo **bodhi** “bujjhati etenā”ti katvā. Sabbaññutaññāṇam **bodhi** sammā sāmañca sabbadhammānam bujghanato. Nibbānam **bodhi** bujhitabbato. **Tesanti** niddhāraṇe sāmivacanam. **Sāvakaṇāpāramīṇāṇanti** sāvakaṇāpāramīṇāṇam yāthāvato dassanavatthu.

**Akuppati** paṭipakkhehi akopetabbo. **Kāraṇatoti** ariyamaggato. Tato hissa akuppatā. Tenāha “**sā hi**”tiādī. **Arammaṇatoti** nibbānārammaṇato nibbānārammaṇānam lokiyasamāpatīnam abhāvato.

**Vitthāravasenā**ti ekekadhātuvasenāti vadanti, ekekissā pana dhātuyā lakkhaṇavibhattidassanavasena. **Yanti** hetuatthe nipāto, yaṃ nimittanti attho. Assādeti etenāti **assādo**, taṇhā. **Ayam pathavīdhātuyā assādoti** ettha ayam-saddo “pahānapaṭivedho”ti etthāpi ānetvā sambandhitabbo “ayam pahānapaṭivedho paṭivijjhitaṭṭhena samudayasacca”nti. Esa nayo sesasacesupi. **Yāti** yathāvuttesu assādo ādīnavo nissaraṇanti imesu tīsu ṭhānesu pavattā yā diṭṭhi...pe...yo samādhi, ayam bhāvanāpaṭivedho maggasaccanti vuttanayeneva yojetabbam.

Pubbesambodhasuttavaṇṇanā niṭṭhitā.

### 3. Acariṃsuttavaṇṇanā

116. Yathā yāvatā nissaraṇapariyesanaṭṭhāne ādīnavapariyesanā, evaṃ yāvatā ādīnavapariyesanaṭṭhāne assādapariyesanā sammāpaṭipannassāti vuttam “**acarinti nāṇacārena acariṃ, anubhavanacārenā**”ti.

Acariṃsuttavaṇṇanā niṭṭhitā.

### 4. Nocedaṃsuttavaṇṇanā

117. **Nissaṭṭiādīni** padāni, **ādito vuttapaṭisedhenā**ti “nevā”ti ettha vuttana nakārena. Tenāha “**na nissaṭṭi**”tiādī. **Vimariyādikatenā**tiādī ca ettha viharāṇapekkhaṇe karaṇavacanam. **Dutīyanayeti** “yato ca kho, bhikkhave”tiādīnā vuttanaye. Kilesavaṭṭamariyādāya sabbaso abhāvato **nimmariyādikatenā** cittena. Tenāha “**tatthā**”tiādī. **Tīsūti** dutiyādīsu tīsu.

Nocedaṃsuttavaṇṇanā niṭṭhitā.

### 5. Ekantadukkhasuttavaṇṇanā

**118. Ekanteneva dukkhāti** avīcimahānirayo viya ekantato dukkhā eva sukkena avomissā. **Dukkheṇa anupattitāti** dukkheneva sabbaso upagatā. **Dukkheṇa okkantāti** bahiddhā viya antopi dukkhena avakkantā anupaviṭṭhā. Sukhavedanāpaccayatāya imāsaṃ dhātūnaṃ sukhatā viya dukkhavedanāpaccayatāpi veditabbā, saṅkhāradukkhatā pana sabbattha caritā eva. **Sabbatthāti** sabbāsu dhātūsu, sabbatṭhānesu vā. Paṭhamaṃ sukhaṃ dassetvāpi pacchā dukkhassa kathitattā “**dukkhalakkhaṇaṃ kathita**”nti vuttaṃ.

Ekantadukkhasuttavaṇṇanā niṭṭhitā.

### 6-10. Abhinandasuttādivaṇṇanā

**119-123.** Chaṭṭhasattamesu vaṭṭavivaṭṭaṃ kathitaṃ. Aṭṭhakathāyaṃ pana “**vivaṭṭaṃ kathita**”nti vuttaṃ. **Tīsu** suttesu. **Catusaccamevāti** cattāri saccāni samāhaṭāni catusaccanti tesam ekajjhaṃ gahaṇaṃ, niyamo pana tabbinimuttassa paramatthassa abhāvato.

Abhinandasuttādivaṇṇanā niṭṭhitā.

Catutthavaggavaṇṇanā niṭṭhitā.

Sāratthappakāsiniyā saṃyuttanikāya-aṭṭhakathāya

Dhātusaṃyuttavaṇṇanāya līnatthappakāsanaṃ samattā.

## 4. Anamataggasaṃyuttaṃ

### 1. Paṭhamavaggo

#### 1. Tiṇakaṭṭhasuttavaṇṇanā

**124.** Upasaggo samāsavisaye sasādhanam kiriyam dassetīti vuttaṃ “**ñāṇena anugantvāpi**”ti. **Vassasataṃ vassasahassanti** nidassanamattametam, tato bhīyyopi anugantvā anamataggo eva saṃsāro. **Agga-saddo** idha mariyādavacano, anuddesikañcetaṃ vacananti āha “**aparicchinnapubbāparakoṭiko**”ti. Aññathā antimabhavikaparicchinnakatavimuttiparipācanīyadhammādīnaṃ vasena aparicchinnapubbāparakoṭi na sakkā vuttaṃ. Saṃsaraṇaṃ **saṃsāro**. **Pacchimāpi na paññāyati** andhabālānaṃ vasenāti adhippāyo. Tenāha bhagavā “**dīgho bālāna saṃsāro**”ti (dha. pa. 60). **Vemajjheyeva pana sattā saṃsaranti** pubbāparakoṭīnaṃ alabbhanīyattā. **Attho paritto hoti** yathābhūtāvabodhābhāvato. **Buddhasamayeti** sāsaneti attho. **Attho mahā** yathābhūtāvabodhisambhavato, atthassa vipulatāya taṃsadisā upamā natthīti parittaṃyeva upamaṃ āharantīti adhippāyo. Idāni vuttamevatthaṃ “**pāliyaṃ hī**”tiadinā samattheti. **Mātu mātaro**ti mātu mātāmaḥiyo. **Tassevāti** dukkhasseva. **Tibbanti** dukkhapariyāyoti.

Tiṇakaṭṭhasuttavaṇṇanā niṭṭhitā.

#### 2. Pathavīsuttavaṇṇanā

**125. Mahāpathavinti** avisesena anavasesapariyādāyiniṭi āha “**cakkavālapariyanta**”nti. Parikappavacanañcetaṃ.

Pathavīsuttavaṇṇanā niṭṭhitā.

### 3. Assusuttavaṇṇanā

126. Kandanam sasaddam, rodanam pana kevalamevāti āha “**kandantānanti sasaddam rudamānāna**”nti. **Pavattanti** sandanavasena pavattam. “Sinerurasmīhi paricchinesū”ti saṅkhepena vuttamattham vivaranto “**sinerussā**”tiādīmāha. **Maṇimayanti** indanīlamaṇimayaṃ. Sinerussa pubbadakkhiṇakoṇasamapadesā “pubbadakkhiṇapassā”ti adhippetā. Tehi nikkhantarajatarasmiyo indanīlarasmiyo ca **ekato hutvā. Tāsam rasmīnam antaresūti** tāsam catūhi koṇehi nikkhantarasmīnam catūsu antaresu. **Cattāroti** dakkhiṇādibhedā cattāro mahāsamuddā honti. **Viasananti** visesena khepanam. Kiṃ pana tanti āha “**vināsoti attho**”ti.

Assusuttavaṇṇanā niṭṭhitā.

### 4. Khīrasuttavaṇṇanā

127. **Mātuthaṅṅanti** pītam mātuyā thanato nibbattakhīram bahutaranti veditabbam.

Khīrasuttavaṇṇanā niṭṭhitā.

### 5. Pabbatasuttavaṇṇanā

128. “Anamataggassa saṃsārassa dīghatamattā na sukaram nasukara”nti aṭṭhakathāpāṭho. **Katham nacchindatīti** katham na pariyoṣāpeti, kāyacipi gahaṇatāyāti adhippāyo. **Tayo kappāsamsūti** tayo ekakappāsamsū. Yehi nam phuṭṭham, tatopi sukhumataram **sāsapamattam** khīyeyya pabbatam sabbabhāgehi aticiravelam parimajjante.

Pabbatasuttavaṇṇanā niṭṭhitā.

### 6. Sāsapasuttavaṇṇanā

129. **Nagaranti** nagarasāṅkhepena pākārena parikkhittatam sandhāya vuttam. Anto pana sabbaso vicittasāsepehi eva puṇnam, evam cuṇṇikābaddham. Tenāha “**na pana...pe... daṭṭhabba**”nti.

Sāsapasuttavaṇṇanā niṭṭhitā.

### 7. Sāvakasuttavaṇṇanā

130. **Tassa ṭhitaṭṭhānatoti** bhikkhuno anussarivā ṭhitaṭṭhānato, tena anussaritassa satahassakappassa anantarakappato paṭṭhāyāti attho. **Evanti** vuttapakārena. **Cattāropi** bhikkhū abhiññālābhino. **Cattāri kappasatasahassāni** divase divase **anussareyyunti** parikappanavasena vadanti.

Sāvakasuttavaṇṇanā niṭṭhitā.

### 8. Gaṅgāsuttavaṇṇanā

131. **Etasmim antareti** etasmim pabhavasamuddapadesaparicchinne āyāmato pañcayojanasatike atirekayojanasatike vā ṭhāne.

Gaṅgāsuttavaṇṇanā niṭṭhitā.

## 9. Daṇḍasuttavaṇṇanā

**132.** Navame **khittoti** punappunaṃ khitto. Ekavārañhi khitto mūlādīsu ekeneva nipateyya. Tathā sati adhippeto pātassa aniyamo na nidassito siyā. Tattha ca dhammaṃ suṇantā bhikkhū manussaloke, te sandhāya “**asmā lokā**”ti āha, tadaññaṃ sandhāya “**paraloka**”nti. Tassa tassa vā puggalassa yathādhippeto ayaṃ loko, tadañño paraloko.

Daṇḍasuttavaṇṇanā niṭṭhitā.

## 10. Puggalasuttavaṇṇanā

**133. Samaṭṭhikāloti** samena ākārena laddhabbaaṭṭhikālo. **Giriparikkhepeti** pañcahi girīhi parikkhittatā “giriparikkhepo”ti laddhanāme rājagahe.

Puggalasuttavaṇṇanā niṭṭhitā.

Paṭhamavaggavaṇṇanā niṭṭhitā.

## 2. Dutiyavaggo

### 1. Duggatasuttavaṇṇanā

**134. Duggatanti** kicchajīvikattā sabbathā dukkhaṃ gataṃ upagataṃ. Tathābhūto pana daliddo varāko nāma hotīti vuttaṃ “**daliddaṃ kapaṇa**”nti. **Hatthapādehīti** nidassanamattaṃ, aññehipi sarīrāvayavehi dussaṇṭhānehi upeto durupeto evāti.

Duggatasuttavaṇṇanā niṭṭhitā.

### 2. Sukhitasuttavaṇṇanā

**135. Sukhitanti** sañjātasukhaṃ. Tenāha “**sukhasamappita**”ntiādi. **Susajjitanti** sukhumupakaraṇehi sabbathā sajjitaṃ.

Sukhitasuttavaṇṇanā niṭṭhitā.

### 3. Tiṃsamattasuttavaṇṇanā

**136. Dhutaṅgasamādānavasena**, na araññavāsādimattena. **Sasaṃyojanā** sabbaso saṃyojanānaṃ appahīnattā, na puthujjanabhāvato. **Ekekavaṇṇakālova gahetabboti** etena mahiṃsādīnaṃ rassadīghapiṅgalādīsu ekekāneva gahetvā dasseti.

Tiṃsamattasuttavaṇṇanā niṭṭhitā.

## 4-9. Mātusuttādivaṇṇanā

**137-142. Liṅganiyamena ceva cakkavāḷaniyamena cāti** “purisānañhi mātugāmakālo, mātugāmānañca purisakālo”ti yathā sattasantāne liṅganiyamo natthi, evaṃ kadāci imasmiṃ cakkavāḷe nibbattanti, kadāci aññatarasminti cakkavāḷaniyamopi natthi. Evameva ṭhite

Cakkavāḷe mātugāmakāle namātābhūtapubbo natthītiādīnā liṅganiyamena cakkavāḷaniyamo ca

veditabbo. Tenāha “**tesū**”tiādi.

Mātusuttādivaṇṇanā niṭṭhitā.

## 10. Vepullapabbatasuttavaṇṇanā

**143. Ekaṃ apadānaṃ āharitvā dasseti** “evaṃ saṃvegaṃ janetvā bhikkhū visesaṃ pāpessāmī”ti. **Catūhena ārohani** catuyojanubbedhattā. **Dvinnaṃ buddhānanti** kakusandhassa koṇāgamanassa cāti imesaṃ dvinnaṃ buddhānaṃ. “Tivarā rohitassā suppiyā”ti manussānaṃ tasmiṃ tasmiṃ kāle samaññā tatha desanāmasena jātāti veditabbā, yathā etarahi māgadhāti.

**Puna vassasatanti** paṭhamavassasatato uparivassasataṃ jīvanako nāma manusso natthi. **Parihīnasadisam kataṃ** desanāya. **Vaḍḍhitvāti** dasavassāyukabhāvato paṭṭhāya yāva asaṅkhyeyyāyukabhāvā vaḍḍhitvā. “Parihīna”nti vatvā taṃ parihīnabhāvaṃ dassento “**katha**”ntiādimāha. **Yaṃ āyuppamāṇesūti** yattakaṃ āyuppamāṇesūti.

Vepullapabbatasuttavaṇṇanā niṭṭhitā.

Dutiyavaggavaṇṇanā niṭṭhitā.

Sāratthappakāsiniyā saṃyuttanikāya-aṭṭhakathāya

Anamataggasaṃyuttavaṇṇanāya līnatthappakāsanaṃ samattā.

## 5. Kassapasamṃyuttam

### 1. Santuṭṭhasuttavaṇṇanā

**144. Santuṭṭhoti** sakena uccāvacena paccayena samameva ca tussanako. Tenāha “**itarītarenā**”tiādi. Tattha duvidhaṃ itarītaraṃ – pākatikaṃ, ñāṇasañjanitañcāti. Tattha pākatikaṃ paṭikkhipitvā ñāṇasañjanitameva dassento “**thūlasukhumā**”tiādimāha. Itaraṃ vuccati hīnaṃ paṇītato aññattā. Tathā paṇītampi itaraṃ hīnato aññattā. Apekkhāsaddā hi itarītarāti. Iti yena kenaci hīnena vā paṇītena vā cīvarādīpaccayena santussito tathāpavatto alobho itarītarapaccayasantoso, taṃsamaṅgitāya santuṭṭho. Yathālābhaṃ attano lābhānurūpaṃ santoso **yathālābhasantoso**. Sesapadadvayepi eseva nayo. Labbhātīti vā lābho, yo yo lābho yathālābho, tena santoso **yathālābhasantoso**. **Balanti** kāyabalaṃ. **Sārūppanti** bhikkhuno anucchavikatā.

Yathāladdhato aññassa apatthanā nāma siyā appicchatāya pavattiākāroti tato vinivattitameva santosassa sarūpaṃ dassento “**labhantopi na gaṇhātī**”ti āha. **Taṃ parivattetvāti** pakatidubbalādīnaṃ garucīvaraṃ na phāsubhāvāvahaṃ sarīrabādhāvahañca hotīti payojanavasena, nātricchatādivasena parivattetvā. Lahukacīvaraparibhoge santosavirodhi na hotīti āha “**lahukena yāpentopi santuṭṭhova hotī**”ti. Mahagghacīvaraṃ bahūni vā cīvarāni labhitvā tāni vissajjetvā aññassa gahaṇaṃ yathāsārūpanaye ṭhitattā na santosavirodhīti āha “**tesam...pe... dhārentopi santuṭṭhova hotī**”ti. Evaṃ sesapaccayesu yathābalayathāsārūppaniddesesu **api**-saddaggaṇe adhippāyo veditabbo.

**Pakatīti** vācāpakatiādīkā. Avasesaniddāya abhibhūtattā paṭibujjhato sahasā pāpakā vitakkā pātubhavanti.

**Muttaharītakanti** gomuttaparibhāvitam, pūtibhāvena vā chaḍḍitattā muttaharītakaṃ. **Buddhādīhi vaṇṇitanti** “pūtimuttahesajjaṃ nissāya yā pabbajjā”tiādinā sammāsambuddhādīhi pasatthaṃ.

**Eko ekacco santuṭṭho hoti, santosassa vaṇṇaṃ na katheti** seyyathāpi āyasmā bākulatthero. **Na santuṭṭho hoti, santosassa vaṇṇaṃ katheti** seyyathāpi thero upanando sakyaputto. **Neva santuṭṭho hoti, na santosassa vaṇṇaṃ katheti** seyyathāpi thero lāḷudāyī. **Ayanti** āyasmā mahākassapo. **Anesananti** ayoniso micchājīvavasena paccayapariyesanaṃ. **Uttasati** “kathaṃ nu kho labheyya”nti jātuttāsena uttasati. Tathā **paritassati**. **Ayanti** mahākassapatthero. **Evam** yathāvuttaekaccabhikkhu viya **na paritassati**, alābhaparittāsena vighātappattiyā na parittāsaṃ āpajjati. Lobhoyeva ārammaṇena saddhim ganthanaṭṭhena bajjhanaṭṭhena gedho **lobhagedho**. **Mucchanti** gedhaṃ momūhattabhāvaṃ. **Ādīnavanti** dosaṃ. **Nissaraṇamevāti** cīvare idamatthitādassanapubbakaṃ alaggabhāvasaṅkhātaniyyānameva pajānanto. **Yathāladdhādīnanti** yathāladdhapiṇḍapātādīnaṃ. Niddhāraṇe cetam sāmivacanaṃ.

**Yathā mahākassapattheroti** attanā vattabbaniyāmena vadati, bhagavatā pana vattabbaniyāmena “yathā kassapo bhikkhū”ti bhavitabbaṃ. **Kassapena** nidassanabhūtena. **Kathanam nāma bhāro** “mutto moceyya”nti paṭiññānurūpattā. **Paṭipattiṃ paripūraṃ katvā pūraṇaṃ bhāro** satthu āṇāya sirasā sampaṭicchitabbato.

Santuṭṭhasuttavaṇṇanā niṭṭhitā.

## 2. Anottappīsuttavaṇṇanā

**145. Tena rahitoti** tena sammāvāyāmena rahito. **Nibbhayoti** bhayarahito. Kusalānuppādanampi hi sāvajjameva aññāñālasiyahetukattā. **Sambujjhanatthāyāti** ariyamaggehi sambujjhanāya. **Yogehi khemaṃ** tehi anupaddutattā.

**Manuññavatthunti** manoramaṃ lobhuppattikāraṇaṃ. **Yathā vā tathā vāti** subhasukhādivasena. **Teti** lobhādayo. **Anuppannāti veditabbā** tathārūpe vatthārammaṇe tathā anuppannapubbattā. **Aññathāti** vuttanayeneva vatthārammaṇehi ayojetvā gayhamāne. **Vatthumhīti** upatthākādicīvarādivatthumhi. **Ārammaṇeti** manāpiyādivhede ārammaṇe. **Tādisena paccayenāti** ayonisomanasikārasativossaggādipaccayena. **Imeti** vuttanayena paccayalābhena pacchā uppajjamānā pāliyaṃ tathā vuttāti daṭṭhabbaṃ. **Evam** uppajjamānatāya **nappahiyaṃti nāma**. Anuppādo hi paramatthato pahānaṃ kathitaṃ, tasmā tattha kathitanayeneva gahetabbanti adhippāyo.

**Appaṭiladdhāti** anuppattiyā. **Teti** yathāvuttasīlādianavajjadhammā. **Paṭiladdhāti** adhigatā. “Sīlādidhammā”ti ettha yadi maggaphalānīpi gahitāni, atha kasmā “parihānivasenā”ti vuttanti āha “**ettha cā**”tiādi. **Imassa pana sammappadhānassāti** catutthassa sammappadhānassa vasena. **Ayam desanāti** “uppannā me kusalā dhammā nirujjhamānā anantthāya saṃvatteyyu”nti ayam desanā katā. **Dutiyamaggo vā...pe... saṃvatteyyāti** idaṃ āyatim sattasu attabhāvesu uppajjamānadukkhasaṅkhātanatthuppattiṃ sandhāya vuttaṃ. “Ātāpī ottappī bhabbo sambodhāyā”tiādivacanato “**ime cattāro sammappadhānā pubbhāgavipassanāvasena kathitā**”ti vuttaṃ.

Anottappīsuttavaṇṇanā niṭṭhitā.

## 3. Candūpamasuttavaṇṇanā

**146.** Piyamanāpaniccanavakādiguṇehi cando upamā etesanti **candūpamā**. **Santhavādīni** padāni aññamaññavevacanāni. **Pariyutthānaṃ** puna citte kilesādhigamo. Sabbehipi padehi katthaci satte anurodharodhābhāvamāha. Attano pana sommabhāvena **mahājanassa piyo manāpo**. Yadatthamettha candūpamā āhaṭā, taṃ dassento “**eva**”ntiādimāha. Na kevalam candūpamatāya ettako eva guṇo, atha kho aññepi santīti te dassetuṃ “**apicā**”tiādi vuttaṃ. **Evamādīhīti ādi**-saddena yathā. Cando lokānuggahena ajavīthiādikā nānāvīthiyo paṭipajjati, evaṃ bhikkhu taṃ taṃ disaṃ upagacchati kulānuddayāya. Yathā cando kaṇhapakkhato sukkapakkhaṃ upagacchanto kalāhi vaḍḍhamāno hutvā

niccanavo hoti, evaṃ bhikkhu kaṇhapakkhaṃ pahāya sukkapakkhaṃ upagantvā guṇehi vaḍḍhamāno lokassa vā pāmojjapāsamsattho niccanavatāya candasamacitto adhunupasampanno viya ca niccanavo hutvā carati.

**Apakassivāti** kilesakānavatthukāmehi vivecetvā. Taṃ nekkhammābhimukhaṃ kāyacittānaṃ ākaḍḍhanaṃ kāyato apanayanañca hotīti āha “**ākaḍḍhitvā apanetvāti attho**”ti. Catukkañcettha sambhavaṭīti taṃ dassetuṃ “**yo hi bhikkhū**”tiādi vuttaṃ.

**Niccanavayāti** “niccanavakā”icceva vuttaṃ hoti. Ka-saddena hi padaṃ vaḍḍhitam, ka-kārassa ca ya-kārādeso. **Evaṃ vicariṃsūti** kiñjakkhavasena pariggahābhāvena yathā ime, evaṃ vicariṃsu aññeti anukampamānā.

**Dvebhātikavatthūti** dvebhātikatherapaṭibaddhaṃ vatthum. **Appatirūpakaraṇanti** bhikkhūnaṃ asārūpakaraṇaṃ. **Ādhāyivāti** āropanaṃ ṭhapetvā. **Tathāti** yathā saṅghamajjhe gaṇamajjhe ca, tathā vuḍḍhatare puggale appatirūpakaraṇaṃ. **Evaṃādīti ādi-**saddena antaragharappavesane aññattha ca yathāvuttato aññaṃ asārūpakiriyaṃ saṅgaṇhāti. **Tatthevāti** saṅghamajjhe gaṇamajjhe **puggalassa ca** vuḍḍhassa **santike**.

Yathāvuttesu aññesu ca **tesu ṭhānesu**. **Pāpicchatāpi manopāgabbhiyanti** eteneva kodhūpanāhādīnaṃ samudācāro manopāgabbhiyanti dassitaṃ hoti.

**Ekato bhāriyanti** piṭṭhipassato onataṃ. **Vāyupatthambhanti** cittasamuṭṭhānavāyunā upatthambhanaṃ. Anubbejetvā cittanti ānetvā sambandho. Cittassa hi tato anubbejanaṃ tadanunayanaṃ. Tenāha “**sampiyāyamāno oloketi**”ti. **Vāyupatthambhakaṃ gāhāpetvāti** kāyaṃ tathā upatthambhakaṃ katvā.

**Opammasaṃsandanaṃ** suviññeyyameva. Kāmagiddhatāya **hīnādhimuttiko**, avisuddhasīlācāratāya **micchāpaṭipanno**.

Aṅgulīhi nikkhantapabhā ākāsañcalanena diguṇā hutvā ākāse vicariṃsūti āha “**yamakavijjutaṃ cārayamāno viyā**”ti. “**Ākāse pāṇiṃ cālesī**”ti padassa aññattha anāgatattā “**asambhinnapada**”nti vuttaṃ. **Attamanoti** pītisomanassehi gahitamano. Yañhi cittaṃ anavajjaṃ pītisomanassasahitaṃ, taṃ sasantaṃ hitasukhāvahattā. Tenāha “**sakamano**”tiādi. **Na domanassena...pe... gahitamano** sakacittassa tabbiruddhattā. **Purimanayenevāti** “idāni yo hīnādhimuttiko”tiādinā pubbe vuttanayeneva.

**Pasannākāraṇanti** pasannehi kātabbakiriyaṃ. Taṃ sarūpato dasseti “**cīvarādayo paccaye dadeyyu**”nti. **Tathabhāvāyāti** yadatthaṃ bhagavatā dhammo desito, yadatthañca sāsane pabbajjā, tadatthāya. **Rakkhaṇabhāvanti** apāyabhayato ca rakkhaṇajjhāsayaṃ. **Candopamādivasenāti ādi-**saddena ākāse calitapāṇi viya katthaci alaggaṭāya parisuddhajjhāsayatā sattesu kāruññanti evamādīnaṃ saṅgaho.

Candūpamasuttavaṇṇanā niṭṭhitā.

#### 4. Kulūpakasuttavaṇṇanā

147. Kulāni upagacchatīti **kulūpako**. **Sandīyatīti** sabbaso dīyati, avakhaṇḍīyatīti attho. Sā pana avakhaṇḍīyanā dukkhāpanā aṭṭīyanā hotīti vuttaṃ “**aṭṭīyati**”ti. Tenāha bhagavā “so tatonidānaṃ dukkhaṃ domanassaṃ paṭisaṃvedayatī”ti. **Vuttanayānusārena** heṭṭhā vuttanayassa anusaraṇena.

Kulūpakasuttavaṇṇanā niṭṭhitā.



## 5. Jiṇṇasuttavaṇṇanā

**148. Chinnabhinnaṭṭhāne** chiddassa aputhulattā aggaḷaṃ adatvāva suttana saṃsibbanamattena aggaḷadānena ca chidde puthule. **Nibbasanānīti** ciranisevitavasanakiccāni, paribhogajiṇṇānīti attho. Tenāha “**pubbe...pe... laddhanāmānī**”ti, saññāpubbako vidhi aniccoti “**gahapatānī**”ti vuttaṃ yathā “vīriya”nti.

**Senāpatinti** senāpatibhāvinaṃ, senāpaccārahanti attho. **Attano kammenāti** attanā kātabbakamma. **Soti** satthā. **Tasminti** mahākassapatthere karotīti sambandho. **Na karotīti** vuttamatthaṃ vivaranto “**kasmā**”tiādīmāha. Yadi satthā dhutaṅgāni na vissajjāpetukāmo, atha kasmā “jiṇṇosi dāni tva”ntiādīmavocāti āha “**yathā panā**”tiādi.

**Diṭṭhadhammasukhavihāranti** imasmiṃyeva attabhāve phāsuvihāraṃ. **Amānusikā savanaratīti** atikkantamānusikāya araññasadduppattiyā araññehaṃ vasāmīti vivekavāsūpanissayādhīnasaddasavanapaccayā dhammarati uppajjati. **Aparoti** añño, dutiyoti attho. **Tatthevāti** tasmīṃyeva ekassa viharāṇaṭṭhāne viharāṇasamaye ca phāsu bhavati cittavivekasambhavato. Tenāha “**ekassa ramato vane**”ti.

**Tathāti** yathā āraññikassa rati, tathā piṇḍapātikassa labbhati diṭṭhadhammasukhavihāro. Esa nayo sesesu. Apiṇḍapātikādhīno itarassa visesajotakoti tamevassa visesaṃ dassetaṃ “**akālacārī**”tiādi vuttaṃ.

Amhākaṃ salākaṃ gahetvā bhattatthāya gehaṃ anāgacchantassa sattāhaṃ na pātetabbanti sāmikehi dinnattā **sattāhaṃ salākaṃ na labhati**, na katikavasena. Piṇḍacārikavatte avattanato “**yassa cesā**”tiādi vuttaṃ.

Paṭhamataraṃ kātabbaṃ yaṃ, taṃ **vattaṃ**, itaraṃ **paṭivattaṃ**. Mahantaṃ vā **vattaṃ**, khuddakaṃ **paṭivattaṃ**. Keci “vattapaṭipatti”nti paṭhanti, vattassa karaṇanti attho. Uddharaṇa-atiharaṇa-vīti haraṇavossajjana-sannikkhepana-sannirumbhanānaṃ vasena **cha koṭṭhāse**. **Garubhāvenāti** thirabhāvena.

“Amukasmīṃ senāsane vasantā bahuṃ vassavāsikaṃ labhanti”ti tathā **na vassavāsikaṃ pariyesanto carati** vassavāsikasessa aggahaṇato. Tasmā senāsanaphāsukaṃyeva cinteti. **Tena** bahuparikkhārabhāvena **phāsuvihāro natthi** parikkhārānaṃ rakkhaṇapaṭijaggaṇādīdukkhabahulatāya. **Appicchādīnanti** appicchasantuṭṭhādīnaṃyeva labbhati diṭṭhadhammasukhavihāro.

Jiṇṇasuttavaṇṇanā niṭṭhitā.

## 6. Ovādasuttavaṇṇanā

**149. Attano ṭhāneti** sabrahmacārīnaṃ ovādakaviññāpakabhāvena attano mahāsāvakaṭṭhāne ṭhapanatthaṃ. Atha vā yasmā “ahaṃ dāni na ciraṃ ṭhassāmi, tathā sārīputtamoggallānā, ayaṃ pana vīsaṃvassatāyuko, ovadanto anusāsanto mamaccayena bhikkhūnaṃ mayā kātabbakiccaṃ karissatī”ti adhippāyena bhagavā imaṃ desanaṃ ārabhi. Tasmā **attano ṭhāneti** satthārā kātabbaovādāyakaṭṭhāne. Tenāha “**evaṃ panassā**”tiādi. Yathāha bhagavā “ovada, kassapa...pe... tvaṃ vā”ti. **Dukkheṇa vattabbā** appadakkhiṇaggāhibhāvato. **Dubbacabhāvakaraṇehīti** kodhūpanāhādīhi. Anusāsaniyā padakkhiṇaggahaṇaṃ nāma anudhammacaraṇaṃ, chinnapaṭipatti katā vāmaggaḥo nāmāti āha “**anusāsani**”ntiādi. **Atikkamma vadanteti** aññamaññaṃ atikkamitvā atimaññitvā vadante. **Bahuṃ bhāsissatīti** dhammaṃ kathento ko vipulaṃ katvā kathessati. **Asahitanti** pubbenāparaṃ nasahitaṃ hetupamāviraḥitaṃ. **Amadhuranti** na madhuraṃ na kaṇṇasukhaṃ na pemaṇīyaṃ. **Lahuññeva uṭṭhāti**

appavattanena kūlaṭṭhānaṃ viya tassa kathanāṃ.

Ovādasuttavaṇṇanā niṭṭhitā.

### 7. Dutiyaovādasuttavaṇṇanā

**150. Okappanasaddhāti** saddheyyavatthum ogāhitvā “evameta”nti kappanasaddhā. **Kusaladhammajānanapaññāti** anavajjadhammānaṃ sabbaso jānanapaññā. **Parihānanti** sabbāhi sampattīhi parihānaṃ. Na hi kalyāṇamittarahitassa kāci sampatti nāma atthīti.

Dutiyaovādasuttavaṇṇanā niṭṭhitā.

### 8. Tatiyaovādasuttavaṇṇanā

**151. Pubbeti** paṭhamabodhiyaṃ. **Etarahīti** tato pacchime kāle. **Kāraṇapaṭṭhapaneti** kāraṇārambhe. **Tesu** vuttaguṇayuttesu **theresu**. **Tasminti** tasmim yathāvuttaguṇayutte puggale. **Evam sakkāre kayiramāneti** “bhaddako vatāyaṃ bhikkhū”ti ādarajātehi bhikkhūhi sakkāre kayiramāne. **Ime** sabrahmacārī. “Ehi bhikkhū”ti taṃ bhikkhuṃ attano mukhābhimukhaṃ karontā vadanti. **Yañhi tanti** ettha **tanti** nipātamattaṃ **upaddavoti** vuccati anattahajananato. Patthayati bhajati bajjhatīti **patthanā**, abhisāṅgoti āha “**abhipatthanāti adhimattapatthanā**”ti.

Tatiyaovādasuttavaṇṇanā niṭṭhitā.

### 9. Jhānābhiññasuttavaṇṇanā

**152. Yāvadevāti** iminā samānatthaṃ “yāvade”ti idaṃ padanti āha “**yāvade ākaṅkhāmīti yāvadeva icchāmī**”ti. Yadicchakaṃ jhānasamāpattīsu vasībhāvadassanattaṃ tadetaṃ āraddhaṃ. **Vitthāritameva**, tasmā tattha vitthāritameva gahetabbanti adhippāyo. **Āsavānaṃ khayāti** āsavānaṃ khayahetu ariyamaggena sabbaso āsavānaṃ khepitattā. **Apaccayabhūtanti** ārammaṇapaccayabhāvena apaccayabhūtaṃ.

Jhānābhiññasuttavaṇṇanā niṭṭhitā.

### 10. Upassayasuttavaṇṇanā

**153.** Lābhasakkārahetupi ekacce bhikkhū bhikkhunupassayaṃ gantvā bhikkhuniyo ovadanti, evamevaṃ ayaṃ pana thero na lābhasakkārahetu bhikkhunupassayaḡamaṇaṃ yācati, atha kasmāti āha “**kammaṭṭhānatthikā**”tiādi. Eso hi ānandatthero ussukkāpetvā paṭipattiḡuṇaṃ dassento yasmā tā bhikkhuniyo catusaccakammaṭṭhānikā, tasmā pañcannaṃ upādānakkhandhānaṃ udayabbayādīpakāsaniyā dhammakathāya vipassanāpaṭipattisampadaṃ dassesi. Aniccādīlakkaṇāni ceva udayabbayādīke ca sammā dassesi. Hatthena gahetvā viya paccakkhato dassesi. **Samādapesīti** tattha lakkhaṇārammaṇīkavipassanaṃ samādapesi. Yathā vīthipaṭipanno hutvā pavattati, evaṃ **gaṇhāpesi**. **Samuttejesīti** vipassanāya āraddhāya saṅkhārānaṃ udayabbayādīsu upaṭṭhahantesu yathākālaṃ paggahasamupekkhaṇehi bojjaṅgānaṃ anupavattanena bhāvanāmajjhīmaṃ vīthim pāpetvā yathā vipassanāñānaṃ suppasannaṃ hutvā vahati, evaṃ indriyānaṃ visadabhāvakaraṇena vipassanācittaṃ sammā uttejesi, nibbānavasena vā samādapesi. **Sampahamsesīti** tathā pavattiyamānāya vipassanāya samappavattabhāvanāvasena upari laddhabbābhāvanāvasena cittaṃ sampahamsesi, laddhassādavasena suṭṭhu tosesi. Evamettha attho vedītabbo.

Manute pariññādivasena saccāni bujhatīti **muni**. **Teti** taṃ. Upayogatthe hi idaṃ sāmīvacanaṃ.

**Uttarīti** upari, tava yathābhūtasabhāvato paratoti attho. Pakkhatipato agatigamanam **atirekaokāso**. **Upaparikkhīti** anuvicca nivārako na bahumato. **Buddhapaṭibhāgo** thero. “Bālā bhikkhunī dubbhāsitaṃ āhā”ti avatvā “khamatha, bhante”ti vadantena pakkhapātena viya vuttam hotīti āha “**ekā bhikkhunī na vāritā**”tiādi.

**Cutā** salingato naṭṭhā, desantarapakkamena adassanam na gatā. **Kaṇṭakasākhā viyāti** kuraṇṭakaapāmaggaṇṭakalasikāhi sākḥā viya.

Upassayasuttavaṇṇanā niṭṭhitā.

## 11. Cīvarasuttavaṇṇanā

**154.** Rājagahassa dakkhiṇabhāge giri dakkhiṇāgiri ṇa-kāre a-kārassa dīgham katvā, tassa dakkhiṇabhāge janapadopi “**dakkhiṇāgiri**”ti vuccati, “giritto dakkhiṇabhāgo”ti katvā. **Ekadivasenāti** ekena divasena uppabbājesum tesam saddhāpabbajitābhāvato.

Yattha cattāro vā uttari vā bhikkhū akappiyanimantanam sādīyitvā pañcannam bhojanānam aññataram bhojanam ekato paṭiggaṇhitvā bhuñjanti, etaṃ gaṇabhojanam nāma, tam tiṇṇam bhikkhūnam bhuñjitum vaṭṭatīti “**tikabhojanam paññatta**”nti vacanena gaṇabhojanam paṭikkhittanti vuttam hoti. Tayo atthavase paṭicca anuññātattāpi “**tikabhojana**”nti vadanti.

“Dummaṅkūnam niggaho eva pesalānam phāsuvihāro”ti idaṃ ekaṃ aṅgam. Tenevāha “**dummaṅkūnam niggahenevā**”tiādi. “Yathā devadatto...pe... saṅgham bhindeyyu”nti **iminā kāraṇena** tikabhojanam paññattam.

**Atha kiñcarahīti** atha kasmā tvaṃ asampannaganam bandhitvā carasīti adhippāyo. Asampannāya parisāya cārikācaraanam kulānuddayāya na hoti, kulānam ghātittatīti adhippāyena thero “**sassaghātam maññe carasī**”tiādimavoca.

**Sodhento** tassā ativiya parisuddhabhāvadassanena. **Uddisitum na jānāmi** tathā cittasseva anuppannapubbattā. **Kiñcanam** kilesavatthu. Saṅghetabbakhattavatthu **palibodho**, ālayo apekkhā. **Okāsābhāvato**ti bahukiccakaraṇīyatāya kusalakiriyāya okāsābhāvato. **Sannipātaṭṭhānatoti** saṅketam katvā viya kilesarajānam tattha sannijjhāpavattanato.

**Sikkhattayabrahmacariyanti** adhisīlasikkhādisikkhattayasāṅgham brahman seṭṭham cariyam. Khaṇḍādibhāvāpādanena **akhaṇḍam katvā**. Lakkhaṇavacanañhetam. Kiñci sikkhekadesam asētvā ekanteneva paripūretabbatāya **ekantaparipuṇṇam**. Cittuppādamattampi saṅkilesamalam anuppādetvā accantameva visuddham katvā pariharitabbatāya **ekantaparissuddham**. Tato eva saṅkham viya likhittanti **saṅkhalikhitam**. Tenāha “**likhitasāṅkhasadisa**”nti. Dāṭhikāpi taggahaṇeneva gahetvā “massu”tveva vuttam, na ettha kevalam massuyevāti attho. Kasāyena rattāni **kāsāyāni**.

**Vaṅgasāṭakoti** vaṅgadese uppannasāṭako. **Esāti** mahākassapatthero. **Abhinīhārato paṭṭhāya** pañidhānato pabhuti, ayam idāni vuccamānā. Aggasāvakaḍvayam upādāya tatiyattā “**tatiyasāvaka**”nti vuttam. **Aṭṭhasaṭṭhibhikkhusatasahassanti** bhikkhūnam satasahassañceva saṭṭhisahassāni ca aṭṭha ca saḥassāni.

**Ayañca ayañca guṇoti** sīlato paṭṭhāya yāva aggaphalā guṇoti kittento mahāsamuddam pūrayamāno viya kathesi.

**Kolāhalanti** devatāhi nibbattito kolāhalo.

Khuddakādivasena **pañcavaṇṇā. Taraṇaṃ vā hotu maraṇaṃ vā**ti mahoghaṃ ogāhanto puriso viya maccherasamuddaṃ uttaranto **pacchāpi...pe... pādamūle ṭhapesi** bhagavato dhammadesanāya maccherapāhānassa kathitattā.

Satthu guṇā kathitā nāma hontīti vuttaṃ “**satthu guṇe kathentassā**”ti. **Tato paṭṭhāyāti** tadā satthu sammukhā dhammassavanato paṭṭhāya.

**Tathāgatamañcassāti** tathāgatassa paribhogamañcassa. **Dānaṃ datvā** brāhmaṇassa **purohitaṭṭhāne ṭhapesi. Tādisasseva seṭṭhino dhītā hutvā.**

**Adinnavipākassāti** pubbe katūpacitassa sabbaso na dinnavipākassa. **Tassa kammassāti** tassa paccakabuddhassa patte piṇḍapātaṃ chinditvā kalalapūraṇakamma. Tasmimyeva attabhāve **sattasu ṭhānesu** duggandhasarīratāya **paṭinivattitā. Iṭṭhakapantīti** suvaṇṇiṭṭhakapanti. **Ghaṭaniṭṭhakāyāti** tassa pantiyam paṭhamam ṭhapitaiṭṭhakāya saddhim ghaṭetabbaiṭṭhakāya unā hoti. **Bhaddake kāleti** īdisiyā iṭṭhakāya icchitakāleyeva āgatāsi. **Tena bandhanenāti** tena silesasambandhena.

**Olambakāti** muttāmaṇimayā olambakā. **Puññanti** natthi no puññaṃ taṃ, yaṃ nimittaṃ yaṃ kārāṇā ito sukhumatarassa paṭilābho siyāti attho. **Puññaniyāmenāti** puññānubhāvasiddhena niyāmena. So ca **assa** bārāṇasirajjam dātum katokāso.

**Phussarathanti** maṅgalaratham. Uṇhīsam vālabījanī khaggo maṇipādukā setacchattanti **pañcavidham rājakakudhabhaṇḍam.** Setacchattam visum gahitam. Dibbavattham sādiyitum puññānubhāvacoḍito “nanu tātā thūla”ntiādimāha.

**Pañca caṅkamanasatānīti** ettha **iti**-saddena ādiatthena aggisālādīni pabbajitasārappaṭṭhānāni saṅgaṇhāti.

**Sādhukīḷanti** ariyānaṃ parinibbutaṭṭhāne kātabbasakkāraṃ vadati.

**Nappamajji nirogā ayyāti** pucchitākāradassanaṃ. **Parinibbutā devāti** devī paṭivacanaṃ adāsi. **Paṭiyādetvāti** niyyātetvā. **Samaṇakapabbajanti** samitapāpehi ariyehi anuṭṭhātabbapabbajjam. So hi rājā paccakabuddhānaṃ vesassa diṭṭhattā “idameva bhaddaka”nti tādisaṃyeva liṅgaṃ gaṇhi.

**Tatthevāti** brahmalokeyeva. Vīsatiṃ vasse sampatteti āharitvā sambandho. Brahmalokeya āgantvā nibbattattā brahmacariyādhikārassa cirakālam saṅgahitattā “**evārūpaṃ katham mā kathethā**”tiādimāha.

Vīsati dharaṇāni “nikkha”nti vadanti. Alabhanto na vasāmīti saññāpessāmīti sambandho.

**Itthākaroti** itthiratanassa uppattiṭṭhānaṃ. **Ayyadhītāti** amhākaṃ ayyassa dhītā, bhaddakāpilānīti attho. Pasādarūpena nibbisiṭṭhatāya “mahāgīva”nti paṭimāya sadisabhāvamāha. Tenāha “**ayyadhītāyā**”tiādi.

**Samānapaṇṇanti** sadisapaṇṇaṃ, kumārassa kumāriyā ca vuttantapaṇṇaṃ. **Ito ca etto cāti** te purisā samāgamaṭṭhānato magadharaṭṭhe mahātiṭṭhagāmaṃ maddaraṭṭhe sāgalanagarañca uddissa pakkamantā aññamaññaṃ vissajjentā nāma hontīti “ito ca etto ca pesesu”nti vuttā.

**Pupphadāmanti** hatthihatthappamānaṃ pupphadāmaṃ. **Tāni** pupphadāmāni. **Teti** ubho bhaddā ceva pippalikumāro ca. **Lokāmisenāti** gehassitapemena, kāmassādenāti attho. **Asaṃsaṭṭhāti** na saṃsaṭṭhā. Vicārayiṃsu ghaṭe jalantena viya paḍīpena ajjhāsayaena samujjalantena vimokkhabījena

samussāhitacittā. **Yantabaddhānī** sassasampādanattham tattha tattha itthakadvāravakavāyojanavasena yantabaddhaudakanikkhamanatumbāni. **Kammantoti** kasikammakaraṇaṭṭhānaṃ. **Dāsagāmā**ti dāsānaṃ vasanaḡāmā.

**Osāpetvā**ti pakkhipitvā. **Ākappakuttavasenā**ti ākāravasena kiriyāvasena ca. **Ananucchavikanti** pabbajitavesassa ananurūpaṃ. **Tassa matthaketi** dvedhāpathassa dvidhābhūtatṭhāne.

Etesaṃ saṅgahaṃ kātuṃ vaṭṭatīti nisīdīti sambandho. Sā pana satthu tattha nisajjā edisīti dassetuṃ “**nisīdanto panā**”tiādi vuttaṃ. Tattha yā buddhānaṃ aparimitakālasaṅgahitā acinteyyāparimeyyapuññasambhārūpacayanibbattā nirūpitasabhāvabuddhaguṇavijjotitā lakkhaṇānubyañjanasamujjalā byāmapabbhāketumālālaṅkatā sabhāvasiddhatāya akittimā rūpakāyasirī, taṃyeva mahākassapassa adiṭṭhapubbaṃ pasādasamvaḍḍhanattham aniggahetvā nisinno bhagavā “buddhavesaṃ gahetvā...pe... nisīdī”ti vutto. Asītihattham padesaṃ byāpetvā pavattiyā “asītihatthā”ti vuttā. **Satasākhoti** bahuśākho anekasākho. **Suvaṇṇavaṇṇo ahosi** nirantaraṃ buddharasmīhi samantato samokiṇṇatā. **Evam** vuttappakārena **veditabbā**.

**Rājagahaṃ nālandanti** ca sāmīatthe upayogavacanaṃ antarāsaddayogatoti āha “**rājagahassa nālandāya cā**”ti. **Na hi me ito aññena satthārā bhavituṃ sakkā** diṭṭhadhammikasamparāyikaparamatthehi sattānaṃ yathārahaṃ anusāsanasamatthassa aññassa sadevake abhāvato. **Na hi me ito aññena sugatena bhavituṃ sakkā** sobhanagamanaguṇagaṇayuttassa aññassa abhāvato. **Na hi me ito aññena sammāsambuddhena bhavituṃ sakkā** sammā sabbadhammaṃ sayambhuñāṇena abhisambuddhassa abhāvato. **Iminā**ti “satthā me, bhante”ti iminā vacanena.

**Ajānamānova** sabbaññeyyanti adhippāyo. **Sabbacetāsā**ti sabbaajjhattikaṅgaparipuṇṇacetāsā. **Samannāgatanti** sampannaṃ sammadeva anu anu āgataṃ upagataṃ. **Phaleyyā**ti vidāleyya. **Vilayanti** vināsaṃ.

**Evam sikkhitabbanti** idāni vuccamānakārena. Hirottappassa bahalatā nāma vipulatāti āha “**mahanta**”nti. **Paṭhamataramevā**ti pageva upasaṅkamanato. Tathā atimānapahīno assa, hiriottappaṃ yathā saṅṭhāti. **Kusalasannissitanti** anavajjadhammanissitaṃ. **Aṭṭhikanti** tena dhammena aṭṭhikaṃ. Ādito paṭṭhāya yāva pariyośānā savanacittaṃ “sabbaceto”ti adhippetanti āha “**cittassa thokampi bahi gantuṃ adento**”ti. Tena samodhānaṃ dasseti. **Sabbena...pe... samannāharitvā** ārambhato pabhuti yāva desanā nipphannā, tāva antarantarā pavattena sabbena samannāhāracittena dhammaṃyeva samannāharitvā. **Ṭhapitasototi** dhamme nihitasoto. **Odahitvā**ti apihitaṃ katvā. **Paṭhamajjhānavasenā**ti idaṃ asubhesu tasseva ijjhato, itaratthaṅca sukhasampayuttatā vuttā.

Saṃsārasāgare paribbhamantassa iṇaṭṭhāne tiṭṭhanti kilesā āsavasabhāvāpādanatoti āha “**saraṇoti sakileso**”ti. **Cattāro hi paribhogā**tiādīsu yaṃ vattabbaṃ, taṃ visuddhimaggattaṃ saṃvaṇṇanāsu vuttanayeneva veditabbaṃ. Ettha ca bhagavā paṭhamaṃ ovādaṃ therassa brāhmaṇajātikattā jātimānapahānatthamabhāsi, dutiyaṃ bāhusaccaṃ nissāya uppajjanakaahaṃkārapahānattham, tatiyaṃ upadhisampattiṃ nissāya uppajjanakaattasinehapahānattham. **Aṭṭhame divaseti** bhagavatā samāgatadivasato aṭṭhame divase.

**Maggato okkamaṇaṃ paṭhamataraṃ** bhagavatā samāgatadivaseyeva ahosi. Yadi arahattādhigamo pacchā, atha kasmā pāliyaṃ pageva siddhaṃ viya vuttanti āha “**desanāvārassa**”tiādi. “Sattāhameva khvāhaṃ, āvuso saraṇo, raṭṭhapiṇḍaṃ bhuñji”nti vatvā avasarappattaṃ arahattaṃ pavedento “aṭṭhamiyā aññā udapādī”ti āha. Ayamettha desanāvārassa āgamo. Tato paraṃ bhagavatā attano kataṃ anuggahaṃ cīvaraparivattanaṃ dassento “atha kho, āvuso”tiādimāha.

**Antantenā**ti catugguṇaṃ katvā paññattāya saṅghāṭiyā antantena. **Jātipaṃsukūlikena...pe... bhavituṃ vaṭṭatī**ti etena pubbe jātiāraññakaggahaṇena ca terasa dhutaṅgā gahitā evāti daṭṭhabbaṃ.

**Anucchavikaṃ kātunti** anurūpaṃ paṭipattiṃ paṭipajjitum. Thero pārūpīti sambandho.

Bhagavato ovādaṃ bhagavato vā dhammakāyaṃ nissāya urassa vasena jātoti **oraso**. Bhagavato vā dhammasarīrassa mukhato sattatiṃsabodhipakkhiyato jāto. Teneva dhammajātadhammanimmitabhāvopi saṃvaṇṇitoti daṭṭhabbo. Ovādadhammo eva satthārā dātabbato therena ādātabbato **ovādadhammadāyādo**, ovādadhammadāyajjoti attho, taṃ arahatīti. Esa nayo sesapadesupi.

“Pabbajjā ca parisodhitā”ti vatvā tassā sammadeva sodhitabhāvaṃ byatirekamukhena dassetum, **“āvuso, yassa”**tiādi vuttaṃ. Tattha **evanti** yathā ahaṃ labhiṃ, evaṃ so satthu santikā labhatīti yojanā. **Sīhanādaṃ naditunti** etthāpi sīhanādanadanā nāma desanāva, thero satthārā attano katānuggahameva anantarasutte vuttanayena ulliṅgeti, na aññathā. Na hi mahāthero kevalaṃ attano guṇānubhāvaṃ vibhāveti. **Sesanti** yaṃ idha asaṃvaṇṇitaṃ. **Purimanayenevāti** anantarasutte vuttanayeneva.

Cīvarasuttavaṇṇanā niṭṭhitā.

## 12. Paraṃmaraṇasuttavaṇṇanā

**155.** Yathā atītakappe atītāsu jātīsu kammakilesavasena āgato, tathā etarahipi āgatoti **tathāgato**, yathā yathā vā pana kammaṃ katūpacitaṃ, tathā taṃ taṃ atabhāvaṃ āgato upagato upapannoti **tathāgato**, sattoti āha **“tathāgatoti satto”**ti. **Etanti** “evaṃ hoti bhavati tiṭṭhati sassatisama”nti evaṃ pavattaṃ diṭṭhigataṃ. **Atthasannissitaṃ na hotīti** diṭṭhadhammikasamparāyikaparamatthato sukhanti pasatthasannissitaṃ na hoti. **Ādibrahmacariyakanti** ettha maggabrahmacariyaṃ adhippettaṃ tassa padhānabhāvato. Tassa pana etaṃ diṭṭhigataṃ ādipaṭipadāmatṭaṃ na hoti anupakārakattā vilomanato ca. Tato eva itarabrahmacariyassapi anissayova. Sesāṃ vuttanayena veditaṃ.

Paraṃmaraṇasuttavaṇṇanā niṭṭhitā.

## 13. Saddhammappatirūpakasuttavaṇṇanā

**156.** Ājānāti heṭṭhimamaggehi ñātamariyādaṃ anatikkamitvāva jānāti paṭivijjhatīti **aññā**, aggamaggapaññā. Aññassa ayanti **aññā**, arahattaphalaṃ. Tenāha **“arahatte”**ti.

**Obhāseti** obhāsanimittaṃ. “Cittaṃ vikampatī”ti padadvayaṃ ānetvā sambandho. **Obhāseti** visayabhūte. Upakkilesehi cittaṃ vikampatīti yojanā. Tenāha **“yehi cittaṃ pavedhatī”**ti. Sesesupi eseva nayo.

**Upaṭṭhāneti** satiyaṃ. **Upekkhāya cāti** vipassanupekkhāya ca. Ettha ca vipassanācittasamuṭṭhānasantānavinimuttaṃ pabhāsaṃ rūpāyatanaṃ **obhāso**. **Ñāṇā**dayo vipassanācittasampayuttāva. Sakasakacicce saviseso hutvā pavatto **adhimokkho** saddhādhimokkho. **Upaṭṭhānaṃ** sati. **Upekkhāti** āvajjanupekkhā. Sā hi āvajjanacittasampayuttā cetanā. Āvajjanaajjupekkhanavasena pavattiyā idha “āvajjanupekkhā”ti vuccati. Puna **upekkhāyāti** vipassanupekkhāva anena samajjhataṭṭāya evaṃ vuttā. **Nikanti** nāma vipassanāya nikāmanā apekkhā. Sukhumatarakilesa vā siyā duviññeyyo.

**Imāni dasa ṭhānānīti** imāni obhāsādīni upakkilesuppattiyā ṭhānāni upakkilesavatthūni. **Paññā yassa paricitāti** yassa paññā paricitavatī yāthāvato jānāti. “Imāni nissāya addhā maggappatto phalappatto aha”nti pavattaadhimāno **dhammuddhaccaṃ** dhammūpanissayo vikkhepo. Tattha kusalo hi taṃ yāthāvato jānanto **na ca** tattha **sammohaṃ gacchati**.

**Adhigamasaddhammappatirūpakaṃ nāma** anadhigate adhigatamānibhāvāvahattā. Yadaggena

vipassanāñāṇassa upakkilesa, tadaggena paṭipattisaddhammappatirūpakotiṭṭi sakkā viññātum. **Dhātukathā**ti mahādātukathāṃ vadati. **Vedallapaṭikanti** vetullapaṭikāṃ. Taṃ nāgabhavanato ānīṭanti vadanti. Vādabhāsīṭanti apare. **Abuddhavacanāṃ** buddhavacanena virujjhanato. Na hi sambuddho pubbāparaviruddhāṃ vadati. Tattha sallāṃ upaṭṭhapenti kilesavinayaṃ na sandissati, aññadatthu kilesuppattiyā paccayo hotīti.

**Avikkayamānanti** vikkayaṃ agacchantāṃ. **Tanti** suvaṇṇabhaṇḍāṃ.

**Na sakkhiṃsu** ñāṇassa avisadabhāvato. Esa nayo ito paresupī.

Idāni “bhikkhū paṭisambhidāpattā ahesu”ntiādinā vuttameva atthaṃ kāraṇato vibhāvetum puna “**paṭhamabodhiyaṃ hī**”tiādi vuttāṃ. Tattha **paṭipattiṃ pūrayiṃsūti** atīte kadā te paṭisambhidāvahaṃ paṭipattiṃ pūrayiṃsu? Paṭhamabodhikālikā bhikkhū. Na hi attasammāpaṇidhiyā pubbekatapuññatāya ca vinā tādisaṃ bhavati. Esa nayo ito paresupī. **Tadā paṭipattisaddhammo antarahito nāma bhavissatīti** etena ariyamaggena āsannā eva pubbabhāgapaṭipadā paṭipattisaddhammoti dasseti.

**Dvīsūti** suttābhiddhammapaṭikesu antarahitesupī. **Anantarahitameva** adhisīlasikkhāyaṃ ṭhitassa itarasikkhādvayasamuṭṭhāpitato. **Kim kāraṇāti** kena kāraṇena, aññasmiṃ dhamme antarahite aññatarassa dhammassa anantaradhānaṃ vuccatīti adhippāyo. **Paṭipattiyā paccayo hoti** anavasesato paṭipattikkamassa paridīpanato. **Paṭipatti adhigamassa** paccayo visesalakkaṇapaṭivedhabhāvato. **Pariyattiyeva pamāṇaṃ** sāsanaṃ ṭhitiyāti adhippāyo.

Nanu ca sāsanaṃ osakkitaṃ pariyattiyā vattamānāyāti adhippāyo. **Anārādhakabhikkhūti** sīlamattassapī na ārādhako dussīlo. **Imasminti** imasmimṃ pātimokkhe. **Vattantāti** “sīlaṃ akopetvā ṭhitā atthī”ti pucchi.

**Etesūti** evaṃ mahantesu sakalaṃ lokaṃ ajjhottharituṃ samatthesu catūsu mahābhūtesu. **Tasmāti** yasmā aññena kenaci atimahantenapī saddhammo na antarahāyati, samayantarena pana vattabbameva natthi, tasmā. **Evamāhāti** idāni vuccamānākāraṃ vadati.

Ādānaṃ ādi, ādi eva **ādikanti** āha “**ādikenāti ādānenā**”ti. **Heṭṭhāgamanīyāti** adhobhāgagamanīyā, apāyadukkhassa saṃsāradukkhassa ca nibbattakāti attho. **Gāravarahitāti** garukārahitā. Patissayanaṃ nīcabhāvena patibaddhavuttitā, patisso patissayoti atthato ekaṃ, so etesaṃ natthīti āha “**appatissāti appatissayā anīcavuttikā**”ti. Sesāṃ suviññeyyameva.

Saddhammappatirūpakasuttavaṇṇanā niṭṭhitā.

Sāratthappakāsiniyā saṃyuttanikāya-aṭṭhakathāya

Kassapasāyuttavaṇṇanāya līnatthappakāsanaṃ samattā.

## 6. Lābhasakkārasāyuttaṃ

### 1. Paṭhamavaggo

#### 1. Dāruṇasuttavaṇṇanā

**157. Thaddhoti** kakkhaḷo aniṭṭhassa padānato. **Catupaccayalābhoti** catunnaṃ paccayānaṃ paṭilābho. **Sakkāroti** tehiyeva paccayehi susāṅkhatehi pūjanā, so pana atthato sampattiyevāti āha “**tesaṃyeva...pe...lābho**”ti. **Vaṇṇaghosoti** guṇakittanā. Antarāyassa anativattanato **antarāyiko**

anattāhāvaḥattā.

Dāruṇasuttavaṇṇanā niṭṭhitā.

## 2. Baḷisasuttavaṇṇanā

**158.** Baḷisena carati, tena vā jīvati **bāḷisiko**. Tenāha “**baḷisaṃ gahetvā caramāno**”ti. **Āmisagatanti** āmisūpagataṃ āmisapatitaṃ. Tenāha “**āmisamakkhita**”nti. Bhinnādhikaraṇānampi bāhiratthasamāso hotevāti āha “**āmise cakkhudassana**”nti. Ayo vuccati sukhaṃ, tabbidhuratāya **anayo**, dukkhanti āha “**dukkhaṃ patto**”ti. **Assāti** etena. Kattuatthe hi etaṃ sāmivacanaṃ. Yathā kilesā vattanti, evaṃ pavattamāno puggalo kilesavippayogo na hotīti vuttaṃ “**yathā kilesamārassa kāmo, evaṃ kattabbo**”ti.

Baḷisasuttavaṇṇanā niṭṭhitā.

## 3-4. Kummasuttādivaṇṇanā

**159-160.** Aṭṭhikacchapā vuccanti yesaṃ kapālamatthake tikhiṇā aṭṭhikoṭi hoti, tesam samūho **aṭṭhikacchapakulaṃ**. Macchakacchapādīnaṃ sarīre lambantī papatatī **papatā**, vuccamānākāro ayakaṇṭako. **Ayakosaketi** ayomayakosake. **Kaṇṇikasallasanaṅṭhānoti** attanikāpanasallasanaṅṭhāno. **Ayakaṇṭakoti** ayomayavaṅkakaṇṭako. **Nikkhamati** ettha athāvarato. Pavesitamatto hi so. **Idāni tvam** “amhāka”nti na vattabbo. **Ito anantarasutteti** catutthasuttamāha.

Kummasuttādivaṇṇanā niṭṭhitā.

## 5. Mīḷhakasuttavaṇṇanā

**161.** **Mīḷhakāti** evaṃ itthilingavasena vuccamānā. **Gūthapāṇakāti** gūthabhakkhapāṇakā. **Antoti** kucchiyaṃ.

Mīḷhakasuttavaṇṇanā niṭṭhitā.

## 6. Asanisuttavaṇṇanā

**162.** “Ime lābhasakkāraṃ anāharantā jighacchādidukkhāṃ pāpuṇantū”ti evaṃ na sattānaṃ dukkhakāmatāya evamāhāti ānetvā sambandho. **Anantadukkhāṃ anubhoti** aparāparaṃ uppajjanakaakusalacittānaṃ bahubhāvato.

Asanisuttavaṇṇanā niṭṭhitā.

## 7. Diddhasuttavaṇṇanā

**163.** Acchavisayuttāti vā diddhe gatena **gatadiddhena**. Tenāha “**visamakkhitenā**”ti.

Diddhasuttavaṇṇanā niṭṭhitā.

## 8. Siṅgālasuttavaṇṇanā

**164.** **Jarasiṅgālotveva** vuccati sarīrasobhāya abhāvato. Sarīrassa uggatakaṇṭakattā **ukkaṇṭakena nāma**. **Phuṭatīti** phalati bhijjati.



Singālasuttavaṇṇanā niṭṭhitā.

## 9. Verambhasuttavaṇṇanā

**165. Kāyaṃ na rakkhati nāma** chabbīsatiyā sārubbānaṃ pariccajanato. **Vācaṃ na rakkhati nāma** rāgasāmantā ca kodhasāmantā ca yāva nicchāraṇato.

Verambhasuttavaṇṇanā niṭṭhitā.

## 10. Sagāthakasuttavaṇṇanā

**166. “Yassa sakkariyamānassā”**ti ettha **asakkārena cūbhayanti** asakkārena ca ubhayañca, kadāci sakkārena, kadāci asakkārena kadāci ubhayanāti attho. Tenāha **“asakkārenā”**tiādi. Satatavihārānaṃ sampattiyā **sātatikoti** āha **“arahatta...pe... sukhumadiṭṭhī”**tiādi. Tathā hi sā **“vajirūpamañña”**nti vuccati. **Āgatattā**ti phalasamāpattiṃ samāpajjituṃ tassā pubbaparikkammaṃ upagattā.

Sagāthakasuttavaṇṇanā niṭṭhitā.

Paṭhamavaggavaṇṇanā niṭṭhitā.

## 2. Dutiyavaggo

### 1-2. Suvāṇṇapātisuttādivaṇṇanā

**167-168. Cāletuṃ na sakkoti** sīlapabbatasannissitattā. **Aññaṃ vā kiccaṃ karoti** pageva sīlassa chaḍḍitattā. Tatiyādīsu apubbaṃ natthi.

Suvāṇṇapātisuttādivaṇṇanā niṭṭhitā.

Dutiyavaggavaṇṇanā niṭṭhitā.

## 3. Tatiyavaggo

### 1. Mātugāmasuttavaṇṇanā

**170.** Yaṃ visabhāgavatthu purisassa cittaṃ pariyādāya ṭhātuṃ sakkotīti vuccati, tato viśesato lābhasakkārova sattānaṃ cittaṃ pariyādāya ṭhātuṃ sakkotīti dassento bhagavā **“na tassa, bhikkhave”**tiādimavocāti dassento **“na tassā”**tiādimāha.

Mātugāmasuttavaṇṇanā niṭṭhitā.

### 2. Kalyāṇīsuttavaṇṇanā

**171. Dutiyaṃ uttānameva,** tasseva atthassa kevalaṃ janapadakalyāṇīvasena vuttaṃ.

Kalyāṇīsuttavaṇṇanā niṭṭhitā.

### 3-6. Ekaputtakasuttādivaṇṇanā

172-175. **Saddhāti** ariyamaggena āgatasaddhā adhippetāti āha “**sotāpannā**”ti.

Ekaputtakasuttādivaṇṇanā niṭṭhitā.

### 7. Tatiyasamaṇabrāhmaṇasuttavaṇṇanā

176. **Evamādīti ādi**-saddena bāhusaccasaṃvarasīlādīnaṃ saṅgaho daṭṭhabbo. **Lābhasakkārassa samudayaṃ** uppattikāraṇaṃ samudayasaccavasena dukkhasaccassa uppattihetutāvasena.

Tatiyasamaṇabrāhmaṇasuttavaṇṇanā niṭṭhitā.

### 8. Chavisuttavaṇṇanā

177. **Lābhasakkārasiloko narakādīsu nibbattentoti** idaṃ tannissayaṃ kilesagaṇaṃ sandhāyāha. **Nibbattentoti** nibbattāpento. **Imaṃ** manussaattabhāvaṃ **nāseti** manussattaṃ puna nibbattitum appadānavasena. **Tasmāti** duggatinibbattāpanato idha maraṇadukkhāvahanato ca.

Chavisuttavaṇṇanā niṭṭhitā.

### 9. Rajjusuttavaṇṇanā

178. **Kharā pharusā** chaviādīni chindane samatthā.

Rajjusuttavaṇṇanā niṭṭhitā.

### 10. Bhikkhusuttavaṇṇanā

179. **Taṃ sandhāyāti** diṭṭhadhammasukhavihārassa okāsābhāvaṃ sandhāya.

Bhikkhusuttavaṇṇanā niṭṭhitā.

Tatiyavaggavaṇṇanā niṭṭhitā.

### 4. Catutthavaggo

#### 1-4. Bhindisuttādivaṇṇanā

180-183. **Devadatto sagge vā nibbatteyyāti**ādi parikappavacanāṃ. Na hi paccekabodhiyaṃ niyatagatiko antarā maggaphalāni adhigantaṃ bhabboti. **Soti** anavajjadhammo. **Assāti** devadattassa. **Samucchedamagamā** katūpacitassa mahato pāpadhammassa balena tasmaṃ attabhāve samucchedabhāvato, na accantāya. Akusalaṃ nāmetaṃ abalaṃ, kusalaṃ viya na mahābalaṃ, tasmā tasmaṃyeva attabhāve tādisānaṃ puggalānaṃ atekicchatā, aññathā sammattaniyāmo viya micchattaniyāmo accantiko siyā. Yadi evaṃ vaṭṭakhāṇukajotanā kathanti? Āsevanāvasena, tasmā yathā “sakiṃ nimuggo nimuggo eva bālo”ti vuttaṃ, evaṃ vaṭṭakhāṇukajotanā. Yādise hi paccaye paṭicca puggalo taṃ dassanaṃ gaṇhi, tathā ca paṭipanno, puna acintappativatte paccaye patitato sīsukkhīpanamassa na hotīti na vattabbaṃ.

Bhindisuttādivaṇṇanā niṭṭhitā.

### 5. Acirapakkantasuttavaṇṇanā

**184. Kāle sampatteti** gabbhassa paripākagatattā vijāyanakāle sampatte. **Potanti** assatariyā puttam. **Etanti** “gabbho assatarim yathā”ti etaṃ vacanam.

Acirapakkantasuttavaṇṇanā niṭṭhitā.

## 6. Pañcarathasatasuttavaṇṇanā

**185.** Abhihariyatīti abhihāro, bhattaṃyeva abhihāro **bhattābhihāro**ti āha “**abhiharitabbam bhatta**”nti. **Macchapittanti** vālamacchapittam. **Pakkhipeyyunti** uragādinā osiñceyyum.

Pañcarathasatasuttavaṇṇanā niṭṭhitā.

## 7-13. Mātusuttādivaṇṇanā

**186-187. Mātupi hetūti** attano mātuyā uppannaanathāvahassa pahānahetupi. **Ito paresūti** “pitupi hetū”ti evamādīsu.

Mātusuttādivaṇṇanā niṭṭhitā.

Sāratthappakāsiniyā saṃyuttanikāya-aṭṭhakathāya

Lābhasakkārasaṃyuttavaṇṇanāya līnatthappakāsanaṃ samattā.

## 7. Rāhulasamṃyuttam

### 1. Paṭhamavaggo

#### 1-8. Cakkhusuttādivaṇṇanā

**188-195. Ekavihārīti** catūsupi iriyāpathesu ekākī hutvā viharanto. **Vivekaṭṭhoti** vivittaṭṭho, tenāha “**nissaddo**”ti. **Satiyā avippavasantoti** satiyā avippavāsena ṭhito, sabbadā avijahanavasena pavatto. **Ātāpīti vīriyasampannoti** sabbaso kilesānaṃ ātāpanaparitāpanavasena pavattavīriyasamaṅgībhūto. **Pahitattoti** tasmim visesādhigame pesitacitto, tattha ninno tappabbhāroti attho. **Hutvā abhāvākārenāti** uppattito pubbe avijjamāno paccayasamavāyena hutvā uppajjitvā bhaṅguparamasaṅkhātena abhāvākārena. **Aniccanti** niccadhuvatābhāvato. **Uppādavayavantatāyāti** khaṇe khaṇe uppajjitvā nirujjhanato. **Tāvakālikatāyāti** taṅkhaṇikatāya. **Vipariṇāmakotiṇiyāti** vipariṇāmavantatāya. Cakkhuñhi upādāya vikārāpajjanena vipariṇāmantam vināsam paṭipīlam pāpuṇāti. **Niccapaṭikkhepatoti** niccatāya paṭikkhipitabbato lesamattassapi anupalabbhanato. **Dukkhamanaṭṭhenāti** nirantaradukkhatāya dukkhena khamitabbato. **Dukkhavatthukaṭṭhenāti** nānappakāradukkhadhiṭṭhānato. **Satatasampīlanaṭṭhenāti** abhiṇhatāpasabhāvato. **Sukhapaṭikkhepenāti** sukhabhāvassa paṭikkhipitabbato. **Taṇhāgāho** mamaṅkārabhāvato. **Mānagāho** ahaṅkārabhāvato. **Diṭṭhigāho** “attā me”ti vipallāsabhāvato. **Virāgavasenāti** virāgaggahaṇena. Tathā **vimuttivasenāti** vimuttiggahaṇena.

**Pasādāva gahitā** dvārabhāvappattassa adhippetattā. **Sammasanacāraccittam** dvārabhūtamanoṭi adhippāyo.

**Chaṭṭhe** ārammaṇe **tebhūmakadhammā** sammasanacārassa adhippetattā. Yathā paṭhamasutte pañca pasādā gahitā, na sasambhāracakkhuḍādayo, evaṃ tatiyasutte na pasādavatthukacittameva gahitam. Na taṃsampayuttā dhammā. Evañhi avadhāraṇam sāthakam hoti aññathā tena apanetabbassa abhāvato. **Sabbatthāti** sabbesu catutthasuttādīsu. **Javanappattāti** javanacittasaṃyuttā.

Cakkhusuttādivaṇṇanā niṭṭhitā.

### 9. Dhātusuttavaṇṇanā

196. Ākāsadhātu rūpaparicchedatāya rūpapariyāpannanti adhippāyena “**sesāhi rūpa**”nti vuttaṃ. **Nāmarūpanti** tebhūmakam nāmaṃ rūpaṅca kathitaṃ.

Dhātusuttavaṇṇanā niṭṭhitā.

### 10. Khandhasuttavaṇṇanā

197. **Sabbasaṅgāhikaparicchedenā**ti dhammasaṅgaṇhanapariyāyena. **Idhā**ti imasmim sutte. **Tebhūmakāti gahetabbā** sammasanacārassa adhippetattā.

Khandhasuttavaṇṇanā niṭṭhitā.

Paṭhamavaggavaṇṇanā niṭṭhitā.

## 2. Dutiyavaggo

### 11. Anusayasuttavaṇṇanā

200. Dutiyavagge **attanoti** āyasmā rāhulo attano saviññāṇakam kāyaṃ dasseti. **Parassā**ti parassa aviññāṇakakāyaṃ dasseti. Parasantāne vā arūpe dhamme aggahetvā rūpakāyameva gaṇhanto vadati. Apare “asaññasattānaṃ attabhāvaṃ sandhāya tathā vutta”nti vadanti. **Purimenā**ti “imasmim saviññāṇake kāye”ti iminā padena. **Pacchimenā**ti “bahiddhā”ti iminā padena. **Ete kilesā**ti ete diṭṭhitaṅghāmānasaññitā kilesā. **Etesu vatthūsūti** ajjhatabhiddhāvattthūsu. **Samma...pe... passatī** pubbhāge vipassanāñāṇena sammasanavasena, maggakkhaṇe abhisamayavasena suṭṭhu attapaccakkhena ñāṇena passati.

Anusayasuttavaṇṇanā niṭṭhitā.

### 12. Apagatasuttavaṇṇanā

201. “Ahameta”nti ahaṃkārādīnaṃ anavasesappahānena accantameva **apagataṃ**.

Apagatasuttavaṇṇanā niṭṭhitā.

Dutiyavaggavaṇṇanā niṭṭhitā.

**Dvīsūti** paṭhamavaggādīsu. Desanāya asekkhabhūmiyā desitattā **asekkhabhūmi kathitā**. **Paṭhamoti** paṭhamavaggo “sādhu me, bhante, bhagavā”tiādīnā **āyācantassa, dutiyo anāyācantassa** therassa ajjhāsayavasena kathito. **Vimuttiparipācanīyadhammā** nāma vivaṭṭasannissitā saddhindriyādayo. Tena pana vipassanāya kathitattā kathitā evāti. Taṃtaṃdesanānusārena hi thero te dhamme paripākaṃ pāpesi. Tathā hi bhagavā dutiyavaggaṃ anāyācitopi desesi.

Sāratthappakāsiniyā saṃyuttanikāya-aṭṭhakathāya

Rāhulasamṃyuttavaṇṇanāya līnatthappakāsanaṃ samattā.

## 8. Lakkhaṇasaṃyuttaṃ

### 1. Paṭhamavaggo

#### 1. Aṭṭhisuttavaṇṇanā

**202. Āyasmā ca lakkhaṇoti**ādīsu “ko nāmāyasmā lakkhaṇo, kasmā ca ‘lakkhaṇo’ ti nāmaṃ ahosi, ko cāyasmā moggallāno, kasmā ca sitaṃ pātvākāsī” ti taṃ sabbaṃ pakāsetuṃ “**yvāya**” ntiādi āradhamaṃ. **Lakkhaṇasaṃpannenā**ti purisalakkhaṇasaṃpannena.

Īsaṃ hasitaṃ “sita” nti vuccatīti āha “**mandahasita**” nti. **Aṭṭhisāṅkhalikanti** nayidaṃ aviññāṇakaṃ aṭṭhisāṅkhalikamattaṃ, atha kho eko petoti āha “**petaloke nibbatta**” nti. **Ete attabhāvā**ti petattabhāvā. **Na āpāthaṃ āgacchantī**ti devattabhāvā viya na āpāthaṃ āgacchanti pakatiyā. Tesam pana ruciyā āpāthaṃ āgaccheyyumaṃ manussānaṃ. Dukkhabhābhūtānaṃ anāthabhāvadassanapadaṭṭhānā karuṇāti āha “**kāruṇṇe kattabbe**” ti. Attano ca sampattiṃ buddhañāṇassa ca sampattinti paccekaṃ sampattisaddo yojetabbo. Tadubhayaṃ vibhāvetuṃ “**taṃ hi**” tiādi vuttaṃ. Tattha attano sampattiṃ anussaritvā sitaṃ pātvākāsīti padaṃ ānetvā sambandhitabbaṃ. **Dhammadhātū**ti sabbaññutaññāṇaṃ sandhāya vadati. **Dhammadhātū**ti vā dhammānaṃ sabhāvo.

**Itaroti** lakkhaṇatthero. **Upapattī**ti jāti. Upapattisīsenā hi tathārūpaṃ attabhāvaṃ vadati. **Lohatuṇḍakehī**ti lohamayeheva tuṇḍakehi. **Carantī**ti ākāsenā gacchanti. **Acchariyaṃ vatāti** garahacchariyaṃ nāmetam. **Cakkhubhūtā**ti sampattadibbacakkhukā, lokassa cakkhubhūtāti evaṃ vā ettha attho daṭṭhabbo.

**Yatrāti** hetuatthe nipātoti āha “**yatrāti kāraṇavacana**” nti. Aññatra hi “yatra hi nāmā” ti attho vuccati. **Appamāṇe sattanikāye** te ca kho vibhāgena kāmaḥavādibhede bhava, nirayādibhedā gatiyo, nānattakāyanānattasaññādiviññāṇaṭṭhitiyo, tathārūpe sattāvāse ca sabbaññutaññāṇaṃ me upanetuṃ **paccakkhaṃ karontena**.

**Goghātakoti** gunnaṃ abhiṇhaṃ hananako. Tenāha “**vadhivā vadhivā**” ti. **Tassāti** gunnaṃ vadhakakammaṃ. **Aparāpariyakammassāti** aparāpariyavedanīyakammaṃ. Balavatā goghātakakammaṃ vipāke dīyamāne aladdhokāsaṃ aparāpariyavedanīyaṃ tasmim vipakkavipāke idāni laddhokāsaṃ “**avasesakamma**” nti vuttaṃ. **Paṭisandhī**ti pāpakammajānitā paṭisandhi. **Kammasabhāgatāyāti** kammasadisabhāvena. **Ārammaṇasabhāgatāyāti** ārammaṇassa sabhāgabhāvena sadisabhāvena. Yādise hi ārammaṇe pubbe taṃ kammaṃ tassa ca vipāko pavatto, tādiseyeva ārammaṇe idaṃ kammaṃ imassa vipāko ca pavattoti katvā vuttaṃ “**tasseva kammaṃ vipākāvasesenā**” ti. Bhavati hi taṃsadisepi tabbohāro yathā “so eva tittiro, tāniyeva osadhānī” ti. **Nimittaṃ ahoṣī**ti pubbe katūpacitassa petūpapattinibbattanavasena katokāsassa tassa kammaṃ nimittabhūtaṃ idāni tathā upaṭṭhahantaṃ tassa vipākassa nimittaṃ ārammaṇaṃ ahosi. **Soti** goghātakoti. **Aṭṭhisāṅkhalikapeto jāto** kammasarikkhakavipākātāvāsena.

Aṭṭhisuttavaṇṇanā niṭṭhitā.

#### 2. Pesisuttavaṇṇanā

**203. Gomamsapesiyo katvāti** gāviṃ vadhivā vadhivā gomamsaṃ phāletvā pesiyo katvā. **Sukkhāpetvāti** kālantaraṃ ṭhapanatthaṃ sukkhāpetvā. Sukkhāpiyamānānaṃ maṃsapesīnañhi vallūrasamaññā.

Pesisuttavaṇṇanā niṭṭhitā.

### 3. Piṇḍasuttavaṇṇanā

204. Nippakkhacammeti vigatapakkhacamme.

### 4. Nicchavisuttavaṇṇanā

205. Urabbhe hanatīti **orabbhiko**. Eḷaketi aje.

### 5. Asilomasuttavaṇṇanā

206. Nivāpapaṭṭheti attanā dinnanivāpena posite. **Asinā vadhitvā vadhitvā** vikkiṇanto.

### 6. Sattisuttavaṇṇanā

207. **Ekaṃ miganti** ekaṃ dīpakamigaṃ.

### 7. Usulomasuttavaṇṇanā

208. **Kāraṇāhīti** yātanāhi. **Ñatvāti** kammaṭṭhānaṃ ñatvā.

### 8. Sūcilomasuttavaṇṇanā

209. Suṇoti pūretīti **sūto**, assadamakādiko.

### 9. Dutiyasūcilomasuttavaṇṇanā

210. Pesuññūpasamhāravasena ito sutam amutra, amutra vā sutam idha sūcetīti **sūcako**. Anayabyasanaṃ pāpesi manusseti sambandho.

### 10. Kumbhaṇḍasuttavaṇṇanā

211. **Vinicchayāmaccoti** raññā aḍḍakaraṇe ṭhapito vinicchayamahāmatto. So hi gāmajanakāyaṃ kūṭeti vañcetīti **gāmakūṭakoti** vuccati. Keci “tādiso eva gāmajetṭhako gāmakūṭako”ti vadanti. **Samena bhavitabbaṃ**, “dhammaṭṭho”ti vattabbato. Rahassaṅge nisīdanavasena **visamā nisajjāva ahoṣi**.

Kumbhaṇḍasuttavaṇṇanā niṭṭhitā.

Paṭhamavaggavaṇṇanā niṭṭhitā.

## 2. Dutiyavaggo

### 1. Sasīsakasuttavaṇṇanā

212. **Phusantoti** theyyāya phusanto.

### 3. Nicchavitthisuttavaṇṇanā

214. **Mātugāmo** sassāmiko **attano phasse anissaro**. **Vaṭṭitvāti** bhassitvā aparaṃ gantvā.

#### 4. Maṅgulitthisuttavaṇṇanā

215. Maṅganavasena ulatīti **maṅguli**, virūpabībhacchabhāvena pavattaṭīti attho. Tenāha “**virūpaṃ duddasikaṃ bībhaccha**”nti.

#### 5. Okilinīsuttavaṇṇanā

216. Uddhaṃ uddhaṃ agginā pakkasarīratāya **uppakkaṃ**. Heṭṭhato paggharaṇavasena kilinnasarīratāya **okilinī**. Ito cito ca aṅgārasamparikiṇṇatāya **okirinī**. Tenāha “**sā kirā**”tiādi. **Aṅgāracitaketi** aṅgārasañcaye. **Sarīrato paggharanti** asuciduggandhajegucchāni sedagatāni. **Tassa kira rañṇoti** tassa kāliṅgassa rañṇo. **Nāṭakinīti** nacce adhikatā itthī. **Sedanti** sedanaṃ, tāpananti attho.

Okilinīsuttavaṇṇanā niṭṭhitā.

#### 6. Asīsakasuttavaṇṇanā

217. **Asīsakaṃ kabandhaṃ hutvā nibbatti** kammāyūhanakāle tathā nimittaggaṇaparicayato.

#### 7-11. Pāpabhikkhusuttādivaṇṇanā

218-222. **Lāmakabhikkhūti** hīnācāratāya lāmako, bhikkhuvesatāya, bhikkhāhārena jīvanato ca bhikkhu. **Cittakeḷinti** cittaruciyaṃ taṃ taṃ kīlanto. **Ayamevāti** bhikkhuvatthusmiṃ vuttanayo eva.

Pāpabhikkhusuttādivaṇṇanā niṭṭhitā.

Sāratthappakāsiniyā saṃyuttanikāya-aṭṭhakathāya

Lakkhaṇasaṃyuttavaṇṇanāya līnatthappakāsanaṃ samattā.

### 9. Opammaṣaṃyuttaṃ

#### 1. Kūṭasuttavaṇṇanā

223. **Kūṭaṃ gacchantīti** kūṭacchiddassa anupavisanaṃavasena kūṭaṃ gacchanti. Yā ca gopānasiyo gopānasantaragatā, tāpi kūṭaṃ āhacca ṭhānena **kūṭaṅgamā**. Duvidhāpi kūṭe samosaraṇā. **Kūṭassa samugghātena** vināsena bhijjanena. **Avijjāya samugghātenāti** avijjāya accantameva appavattiyā. Tena ca mokkhadhammādhigamena tadanurūpadhammādhigamo dassito. **Appamattāti** pana iminā tassa upāyo dassito.

Kūṭasuttavaṇṇanā niṭṭhitā.

#### 2. Nakhasikhasuttavaṇṇanā

224. **Evam appakā** yathā nakhasikhāya āropitapaṃsu, sugatisaṃvattaniyassa kammaṃ appakattā **evam deveṣupīti** hīnūdhāraṇavasena vuttaṃ. Appatārā hi sattā ye devesu jāyanti, tañca kho kāmadevesu. Itaresu pana vattabbameva natthi.

Nakhasikhasuttavaṇṇanā niṭṭhitā.

### 3. Kulasuttavaṇṇanā

225. **Vidhaṃsayanti** viheṭṭhayanti. **Vaḍḍhitāti** bhāvanāpāripūrivasena paribrūhitā. **Punappunaṃ katāti** bhāvanāya bahulīkaraṇena aparāparaṃ pavattitā **yuttayānaṃ viya katāti** yathā yuttaṃ ājaññarathaṃ chekena sārathinā adhiṭṭhitaṃ yathārucci pavattati, evaṃ yathārucci pavattiyā gamitā. **Paṭiṭṭhānaṭṭhenāti** adhiṭṭhānaṭṭhena. **Vatthu viya katā** sabbaso upakkilesavisodhanena suvisodhitamariyādaṃ viya katā. **Adhiṭṭhitāti** paṭipakkhadūrībhāvato subhāvitabhāvena avikampaneyyatāya ṭhapitā. **Samantato citāti** sabbabhāgena bhāvanūpacayaṃ gamitā. Tenāha “**suvaḍḍhitā**”ti. **Suṭṭhu samāraddhāti** mettābhāvanāya matthakappattiyā sammadeva sampādītā.

Kulasuttavaṇṇanā niṭṭhitā.

### 4. Okkhāsuttavaṇṇanā

226. **Mahāmukhaukkhalīnanti** mahāmukhānaṃ mahantakoḷumbānaṃ sataṃ. **Paṇītabhojanabharitānanti** sappimadhusakkarādīhi upanītapaṇītabhojanehi paripuṇṇānaṃ. **Tassāti** pāṭhassa. **Goduhanamattanti** godohanavelāmattaṃ. Taṃ pana kittakaṃ adhippetanti āha “**gāviyā**”tiādi. **Sabbasattesu hitapharaṇanti** anodhisomettābhāvanamāha – mettacittaṃ appanāpattaṃ bhāvetuṃ sakkotīti adhippāyo. Tampi tato yathāvuttadānato **mahapphalataranti**.

Okkhāsuttavaṇṇanā niṭṭhitā.

### 5. Sattisuttavaṇṇanā

227. **Agge paharivāti** tiṅhaphalasattiyā agge hatthena vā muṭṭhinā vā pahāraṃ datvā. **Kappāsavaṭṭiṃ viyāti** pahatakappāsapiṇḍaṃ viya. **Niyyāsavaṭṭiṃ viyāti** phalasaṅghānaṃ niyyāsapiṇḍaṃ viya. **Ekato katvāti** kalikādibhāvena vīsatimsapiṇḍāni ekajjhaṃ katvā. **Alliyāpento** piṇḍaṃ karonto. **Paṭīleṇetīti** paṭilīnayati nāmeti. **Alliyāpento** te dvepi dhārā ekato samphusāpento. **Paṭīkoṭṭetīti** paṭīpharati. Tattha khaṇḍaṃ viya niyyāso. **Kappāsavaṭṭanakaṇāyanti** vihatassa kappāsassa paṭīsamharaṇavasena bandhanaḍaṇḍaṃ. **Pavattentoti** kappāsassa saṃvellanavasena pavattento.

Sattisuttavaṇṇanā niṭṭhitā.

### 6. Dhanuggahasuttavaṇṇanā

228. **Daḷhadhanunoti** thirataradhanuno. Idāni tassa thiratarabhāvaṃ paricchato dassetuṃ “**daḷhadhanū**”tiādi vuttaṃ. Tattha **dvisahassathāmanti** palānaṃ dvisahassathāmaṃ. Vuttamevattham pākaṭataraṃ katvā dassetuṃ “**yassā**”tiādimāha. Tattha **yassāti** dhanuno. **Āropitassāti** jiyāṃ āropitassa. **Jiyābaddhoti** jiyāya baddho. Pathavito muccati, etaṃ “**dvisahassathāma**”nti veditabbaṃ. **Lohasīsādīnanti** kālālohatambalohasīsādīnaṃ. **Bhāroti** purisabhāro, so pana majjhimapurisassa vasena edisaṃ tassa balaṃ daṭṭhabbaṃ. **Uggahitasippā** dhanuvedasikkhāvasena. **Ciṇṇavasībhāvā** lakkhesu avirajjhanasarakkhepavasena. Kataṃ rājakulādīsu upagantvā asanaṃ sarakkhepo etehīti **katūpasanāti** āha “**rājakulādīsu dassitasippā**”ti.

“**Bodhisatto cattāri kaṇḍāni āharī**”ti vatvā tameva atthaṃ vitthārato dassento “**tadā kirā**”tiādimāha. Tattha **javissāmāti** dhāvissāma. **Aggi uṭṭhahīti** sīghapatanasantāpena ca sūriyarasantisantāpassa āsannabhāvena ca usumā uṭṭhahi. **Pakkhapañjarenāti** pakkhajālantarena.

**Nivattitvāti** “**nippayojanamidaṃ javana**”nti nivattitvā. **Pattakaṭāhena otthaṭapatto viyāti**



pihitapatto viya ahosi, vegasā patanena nagarassa upari ākāsassa nirikkhaṇaṃ ahosi. Sañcāritattā **anekahaṃsasahasasadiṣo paññāyi** seyyathāpi bodhisattassa dhanuggahakāle sarakūṭādidassane.

**Dukkaranti** tassa adassanaṃ sandhāyāha, na attano patanaṃ. Sūriyamaṇḍalañhi atisighena javena gacchantampi paññāsajjanāyāmaṃvittatamaṃ attano vipulatāya pabhassaratāya ca sattānaṃ cakkhussa gocarabhāvaṃ gacchati, javanaṃso pana tādisena sūriyena saddhiṃ javena gacchanta na paññāyeyya. Tasmā vuttaṃ “**na sakkā tayā passitu**”nti. **Cattāro** akkhaṇavedhino. Gantvā gahite sotuṃ ghaṇḍaṃ piḷandhāpetvā sayamaṃ puratthābhimukho nisinno. Puratthimadisābhimukhaṃ gatakaṇḍaṃ sandhāyāha “**paṭhamakaṇḍeneva saddhiṃ uppativā**”ti. Te cattāri kaṇḍāni ekakkhaṇeyeva khipiṃsu.

Āyamaṃ saṅkharoti etenāti **āyusaṅkhāro**. Yathā hi kammajarūpānaṃ pavatti jīvitindriyapaṭibaddhā, evamaṃ attabhāvassa pavatti tappaṭibaddhāti. Bahuvacananiddeso pana pāḷiyamaṃ ekasmiṃ khaṇe anekasatasāṅkhassa jīvitindriyassa upalabbhanato. **Tamaṃ** jīvitindriyamaṃ. **Tato** yathāvuttadevatānaṃ javato **sīghataramaṃ khīyati** ittarakhaṇattā. Vuttañhetamaṃ –

“Jīvitaṃ attabhāvo ca, sukhadukkhaṃ ca kevalā;  
Ekacittasamāyuttā, lahuso vattate khaṇo”ti. (mahāni. 10);

**Bhedoti** bhaṅgo. **Na sakkā paññāpetuṃ** tatopi ativiya ittarakhaṇattā.

Dhanuggahasuttavaṇṇanā niṭṭhitā.

## 7. Āṇisuttavaṇṇanā

**229.** Aññe rājāno ca bhāgaṃ gaṇhantā ime viya dasabhāgaṃ gaṇhantūti tesamayaṃ anugati paññāyati. Mahājanassa ānayanato **ānakoti** āha “**evamaḷaddhanāmo**”ti. Idāni tamaṃ ādito paṭṭhāya āgamanānukkamaṃ dassetuṃ “**himavante kirā**”tiādīmāha. **Kareṇunti** kareṇukaṃ, hatthininti attho. **Sakkarimaṃsūti** anathapariharāvasena pasatthūpahārasena ca pūjesuṃ. **Otarīti** kuḷīradahaṃ pāvīsi. **Paṭikkamivā** ṭhapanavasena apakkamivā **pati**.

**Suvaṇṇarajatādimayanti** kismiñci chidde suvaṇṇamayaṃ, kismiñci rajatamayaṃ, kismiñci phalikamayaṃ **āṇiṃ ghaṭayimaṃsu** bandhiṃsu. Pubbe pharivā tiṭṭhantassa dvādasa yojanāni pamāṇo etassāti **dvādasayojanappamāṇo**, saddo. Athassa anekasatakāle gacchante **antosālāyampi dukkhena suyyittha** āṇisaṅghātamattattā.

**Gambhīrāti** agādhā dukkhogāḷhā. Sallasuttañhi “animittamanaññāta”ntiādīnā pāḷivasena gambhīraṃ, na atthagambhīraṃ. Tathā hi tattha tā tā gāthā duviññeyyarūpā tiṭṭhanti, duviññeyyamaṃ ñāṇena dukkhogāhanti katvā “gambhīra”nti vuccati. Pubbāparampettha kāsāñci gāthānaṃ duviññeyyatāya dukkhogāhameva, tasmā tamaṃ pāḷivasena “gambhīra”nti vuttaṃ “**pāḷivasena gambhīra sallasuttasadisā**”ti. Iminā nayena “atthavasena gambhīra”ti ettha attho vedītabbo. Mahāvedallasuttassa atthavasena gambhīratā pākaṭāyeva. Lokamaṃ uttaratīti lokuttaro, navavidhaappamāṇadhammo, so atthabhūto etesamaṃ atthīti **lokuttarā**. Tenāha “**lokuttaraatthadīpakā**”ti. **Sattasuññatadhammamevāti** sattena attanā suññatamaṃ kevalamaṃ dhammameva. **Uggahetabbaṃ pariyaṇuṇitabbanti** ca liṅgavacanavipallāsena vuttanti āha “**uggahetabbe ca pariyaṇuṇitabbe cā**”ti. **Kavitāti** kavino kammaṃ kavikatā. Yassa pana yamaṃ kammaṃ, tamaṃ tena katanti vuccatīti āha “**kavitāti kavīhi katā**”ti. **Itaramaṃ** “kāvēyyā”ti padaṃ, kabbanti vuttaṃ hoti. “Kabba”nti ca kavīnā vuttanti attho. Tenāha “**tasseva vevacana**”nti. **Cittakkharāti** vicitrākāraakkharā. **Sāsanato bahibhūtāti** na sāsanāvacaṇā. **Tesamaṃ sāvakehīti** “buddhānaṃ sāvakā”ti apaññātānaṃ yesamaṃ kesañci sāvakehi. **Anuggayhamānāti** na uggayhamānā savanadhāraṇaparicayaatthūparikkhādivasena anuggayhamānā. **Antaradhāyanti** adassanaṃ gacchanti.

Āṇisuttavaṇṇanā niṭṭhitā.

### 8. Kaliṅgarasuttavaṇṇanā

230. Kaliṅgaram vuccati khuddakadārukhaṇḍam, taṃ upadhānaṃ etesanti **kaliṅgarūpadhānā**. Licchavī pana khadiradaṇḍam upadhānaṃ katvā tadā viharimṣu. Tasmā vuttaṃ “**khadiraghaṭikāsū**”tiādi. Pakativijjusaññito natthi etesaṃ khaṇo vijjhaneti **akkhaṇavedhino** tato siḡhataram vijjhanato. “Akkhaṇa”nti vijju vuccati ittarakhaṇattā. Akkhaṇobhāsenā lakkhaṇavedhakā **akkhaṇavedhino**. Anekadhā bhinnassa vālassa vijjhanena **vāavedhino**. Vālekadeso hi idha “vālo”ti gahito.

Bahudeva divasabhāgaṃ padhānānuyogato uppannadarathaparissamavinodanattamaṃ **nhāyivā**. **Te sandhāyāti** te tathārūpe padhānakammikabhikkhū sandhāya. **Idaṃ** idāni vuccamānaṃ atthajātaṃ **vuttaṃ** porāṇatthakathāyaṃ. **Ayampi dīpoti** tambapaṇṇidīpamāha. Padhānānuyuñjanavelāya nivedanavasena tattha tattha ekajjhaṃ pahataghaṇḍinigghoseneva **ekaghaṇḍinigghoso**, tattha tattha paṇṇasālādīsū vasantānaṃ bhikkhūnaṃ vasena ekapadhānabhūto. Nānāmukhoti anurādhapurassa pacchimadisāyaṃ eko vihāro, **pilicchikoḷinagarassa** puratthimadisāyaṃ. Ubhayattha pavattaghaṇḍisaddā antarāpavattaghaṇḍisaddehi missetvā osaranti. **Kalyāṇiyaṃ** pavattaghaṇḍisaddo tathā nāgadīpe.

Kaliṅgarasuttavaṇṇanā niṭṭhitā.

### 9. Nāgasuttavaṇṇanā

231. **Atikkantavelanti** bhattānumodanaupanisinnakathāvelato atikkantavelaṃ. **Asambhinnenāti** sarasampattito asambhinnena, sarassa uccāraṇasampattiṃ aparihāpetvāti attho. Aparisuddhāsayaṭāya **neva guṇavaṇṇāya na ṇāṇabalāya hoti**. Tanti taṃ tathā paccayānaṃ paribhuñjanaṃ, taṃ tathā micchāpaṭipajjanaṃ.

Nāgasuttavaṇṇanā niṭṭhitā.

### 10. Biḷārasuttavaṇṇanā

232. **Gharānaṃ sandhīti** gharena gharassa sambandhaṭṭhānaṃ. Saha malena vattatīti **samalaṃ**. Gehato gāmato ca nikkhamanacandanikaṭṭhānaṃ. **Sanākāraṭṭhānanti** sanākārukūṭaṃ. Keci “sandhisanākārukūṭaṭṭhāna”nti vadanti. **Vuṭṭhānanti** āpannaāpattito, na kilesato vuṭṭhānaṃ, suddhante adhiṭṭhānaṃ. Taṃ pana yathāāpannāya āpattiyā “desanā”tveva vuccatīti āha “**desanā paññāyati**”ti.

Biḷārasuttavaṇṇanā niṭṭhitā.

### 11. Siṅgālasuttavaṇṇanā

233. **Ettakampīti** iminā jarasiṅgālena laddhabbaṃ cittassādamattampi na labhissati sakalameva kappamaṃ sabbaso avīcijālāhi nirantaram jhāyamaṇatāya niccadukkhāturabhāvato.

Siṅgālasuttavaṇṇanā niṭṭhitā.

### 12. Dutiyasiṅgālasuttavaṇṇanā

234. **Katajānananti** katūpakārajānaṃ. **Kataveditāti** tasseva paresaṃ pākāṭakaraṇavasena jānaneva. **Ācāramevāti** katāparādhameva.

Dutiyasiṅgālasuttavaṇṇanā niṭṭhitā.

Sāratthappakāsiniyā saṃyuttanikāya-aṭṭhakathāya

Opammasaṃyuttavaṇṇanāya līnatthappakāsanā samattā.

## 10. Bhikkhusaṃyuttaṃ

### 1. Kolitasuttavaṇṇanā

**235. Sāvakānaṃ ālāpoti** sāvakānaṃ sabrahmacāriṃ uddissa ālāpo. **Buddhehi sadisā mā homāti** buddhāciṇṇaṃ samudācāraṃ akathentehi sāvakehi, “āvuso bhikkhave”ti ālapitā bhikkhū, “āvuso”ti paṭivacanaṃ denti, na, “bhante”ti. **Dutiyajjhāne vitakkavicārā nirujjhanti** tesam nirodheneva tassa jhānassa uppādetabbato. **Yesam nirodhāti** yesam vacīsaṅgārānaṃ vitakkavicārānaṃ nirujjhanena suvikkhambhitabhāvena saddāyatanam appavattiṃ gacchati kāraṇassa dūrato passambhitattā. **Ariyoti** niddoso. Parisuddho **tuṇhībhāvo**, na titthiyānaṃ mūgabbataggahaṇaṃ viya aparisuddhoti adhippāyo. **Paṭhamajjhānādīnī ādi**-saddena tatiyajjhānādīni saṅgaṇhāti.

Ārammaṇabhūtena vitakkena saha gatā pavattāti **vitakkasahagatāti** āha “**vitakkārammaṇā**”ti. Vitakkārammaṇatā ca saññāmanasikārānaṃ sukhumaārammaṇaggahaṇavasena daṭṭhabbā. Tenāha “**na santato upaṭṭhahimsū**”ti. **Na paguṇaṃ** sammadeva vasībhāvassa anāpāditattā. **Saññāmanasikārāpīti** tatiyajjhānādihigamāya pavattiyamānā saññāmanasikārāpi hānabhāgiyāva ahesuṃ, na visesabhāgiyā. **Sammā ṭhāpehīti** bahiddhā vikkhepaṃ pahāya sammā ajjhattameva cittaṃ ṭhāpehi. **Ekaggaṃ karohīti** teneva vikkhepapaṭibāhanena avihatamānasatāya cittasamādhānavasena ekaggaṃ karohi. **Āropehīti** īsakampi bahumpi apatitaṃ katvā kammaṭṭhānārammaṇe āropehi. Dutiyāaggasāvakabhūmiyā pāripūriyā āyasmā mahābhīṇṇo, na yathā tathāti āha “**mahābhīṇṇatanti chaḷabhiṇṇata**”nti. **Iminā upāyenāti** iminā “atha kho maṃ, āvuso”tiādīnā vuttana upāyena. **Vaḍḍhetvāti** uttari uttari visesabhāgiyabhāvāpādanena samādhim paññañca brūhetvā brūhetvā.

Kolitasuttavaṇṇanā niṭṭhitā.

### 2. Upatissasuttavaṇṇanā

**236. Atiulārampi sattaṃ vā saṅkhāraṃ vā sandhāya vuttaṃ** sabbatthameva sabbaso chandarāgassa suppahīnattā. **Jānanatthaṃ pucchati** satthuguṇānaṃ ativiya ulāratamabhāvato.

Upatissasuttavaṇṇanā niṭṭhitā.

### 3. Ghaṭasuttavaṇṇanā

**237. Parivenaggenāti** parivenabhāgena. Keci “**ekavihāreti** ekacchanne ekasmiṃ āvāse”ti vadanti. **Teti** te dvepi therā. **Pāṭiyekkesu ṭhānesūti** visuṃ visuṃ ṭhānesu. **Nisīdantīti** divāvihāraṃ nisīdanti. **Oḷāriko nāma jāto** parittadhammārammaṇattā tassa. **Teti** thero bhagavā ca.

**Paripuṇṇavīriyoti** catukiccasādhānavasena sampuṇṇavīriyo. **Paggahitavīriyoti** īsakampi saṅkocaṃ anāpajjitvā pavattitavīriyo. **Upanikkhepanamattassevāti** samīpe ṭhapanamattasseva.

Catubhūmakadhammesu labbhamānattā paññāya “**catubhūmakadhamme anupavisitvā ṭhitatṭhenā**”ti vuttaṃ. Lakkhitabbaṭṭhena samādhī eva **samādhilakkhaṇaṃ**. Evaṃ **vipassanālakkhaṇaṃ** veditabbaṃ. **Aññaṃaññassāti** aññassa aññassa nānālakkhaṇāti veditabbaṃ.

**Aññassā**ti itarassa. **Dhuranti** vahitabbabhāraṃ. **Dvīsūpi etesūti** samādhilakkhaṇavipassanālakkhaṇesu sammāsambuddho nipphattiṃ gato.

Ghaṭasuttavaṇṇanā niṭṭhitā.

#### 4. Navasuttavaṇṇanā

**238.** Abhicetasi nissitā **ābhicetasikā**. Paṭipakkhavidhamanena abhivisiṭṭhaṃ cittaṃ **abhicittaṃ**. Yasmā jhānānaṃ taṃsampayuttaṃ cittaṃ nissāya paccayo hotiyeva, tasmā “**nissitāna**”nti vuttaṃ. **Nikāmalābhīti** yathicchitalābhī. **Yathāparicchedenāti** yathākatena kālaparicchedena. **Vipulalābhīti** appamāṇalābhī. “Kasira”nti hi parittaṃ vuccati, tappaṭipakkhena **akasiraṃ** appamāṇaṃ. Tenāha “**paṇaṇajjhānoti attho**”ti. **Sithilamārabbhāti** sithilaṃ vīriyārambhaṃ katvāti atthoti āha “**sithilaṃ vīriyaṃ pavattetvā**”ti.

Navasuttavaṇṇanā niṭṭhitā.

#### 5. Sujātasuttavaṇṇanā

**239.** **Aññāni rūpānīti** paresaṃ rūpāni. **Atikkantarūpoti** attano rūpasampattiyā rūpasobhāya atikkamivā ṭhitarūpo, sucirampi velaṃ oloketassa tuṭṭhiāvaho. Dassanassa cakkhussa hitoti **dassanīyo**. Pasādaṃ āvahaṭṭi **pāsādiko**. **Chavivaṇṇasundaratāyāti** chavivaṇṇassa ceva sarīrasaṅṭhānassa ca sobhanabhāvena.

Sujātasuttavaṇṇanā niṭṭhitā.

#### 6. Lakuṇḍakabhaddiyasuttavaṇṇanā

**240.** **Virūpasarīravaṇṇanti** asundarachavivaṇṇaṇiceva asundarasāṅṭhānaṇca. **Pamāṇavasenāti** sarīrappamāṇavasena. **Ichchitichitanti** attanā icchitichitaṃ. **Mahāsārajanti** mahanto maṅkubhāvo.

**Guṇe āvajjetvāti** attanā jānanakaniyāmena satthuno kāyaguṇe ca cārittaguṇe ca āvajjetvā manasi katvā.

**Yojanāvattanti** yojanaparikkhepaṃ.

“Kāyasmī”ti gāthāsukhatthaṃ niranunāsikaṃ katvā niddesoti vuttaṃ “**kāyasmī**”nti. **Akāraṇaṃ kāyappamāṇanti** sarīrappamāṇaṃ nāma appamāṇaṃ, sīlādiguṇāva pamāṇanti adhippāyo.

Lakuṇḍakabhaddiyasuttavaṇṇanā niṭṭhitā.

#### 7. Visākhasuttavaṇṇanā

**241.** Purassa esāti **porī**, cāturiyayuttatā. Tenāha “**puravāsīna**”ntiādi. Sā pana dutavilambitakhalitavasena appasannalūkhatādidosarahitā hotīti āha “**pura...pe... vācāyā**”ti. **Asandiddhāyāti** muttavācāya. Tenāha “**apalibuddhāyā**”tiādi. Na elaṃ dosaṃ galetīti **anelagalā**, avirujjhanavācā. Tenāha “**niddosāyā**”ti. Catusaccassa pakāsakā, na kadāci saccavimuttāti āha “**catusaccapariyāpannāyā**”ti. Tā hi cattāri saccāni paricchijja āpādentī paṭipādentī pavattenti. Tenāha “**cattāri saccāni amuñcitvā pavattāyā**”ti. **Dhajo nāma** sabbadhammehi samussitattṭhena.

Visākhasuttavaṇṇanā niṭṭhitā.

## 8. Nandasuttavaṇṇanā

242. **Ārañṇikoti**ādīsu arañṇakathāsīsena senāsanapaṭisaṃyuttānaṃ dhutaṅgānaṃ, piṇḍapātakathāsīsena piṇḍapātapapaṭisaṃyuttānaṃ, paṃsukūlikasīsena cīvarapaṭisaṃyuttānaṃ, taggahaṇeneva vīriyanissitadhutaṅgassa ca samādāya vattanaṃ dīpitaṃ veditabbaṃ. **Āgatenā** bhagavatā **aparabhāge kathitaṃ**.

Nandasuttavaṇṇanā niṭṭhitā.

## 9. Tissasuttavaṇṇanā

243. **Bhaṇḍakanti** pattaṭīvaram. **Nisīdiyeva** vattassa asikkhitattā. Tujjanatthena vācā eva sattiyoṭi āha “**vācāsattihī**”ti.

**Vācāya sannitodakenā**ti vacanasāṅkhātena samantato niccaṃ katvā upatudanato sannitodakena. Vibhāttialopena so niddeso. Tenāha “**vacanapatodenā**”ti.

Uccakule jāti etassāti **jātimā**, brahmajātiko isi. **Mātaṅgoti** caṇḍālo. **Tatthāti** kumbhakārasālāyaṃ. **Okāsaṃ yāci** kumbhakāraṃ. Mahantaṃ disvā āha – “**paṭhamataram paviṭṭho pabbajito**”ti. **Tatthevāti** tassāyeva sālāya dvāraṃ nissāya dvārasamīpe. **Meti** mayā. **Khama mayhanti** mayhaṃ aparādhaṃ khamassu. **Teti** tayā. Puna **teti** tava. **Gaṇhi** uggantuṃ appadānavasena. Tenāha “**nāssa uggantuṃ adāsī**”ti. **Pabujjhimsūti** niddāya pabujjhimsu pakatiyā pabujjhanavelāya upagatattā.

**Chavoti** nihīno. **Anantamāyoti** vividhamāyo māyāvī.

**Soti** mattikāpiṇḍo. “Sattadhā bhijji”ti etthāyamadhippāyo – yaṃ tena tāpasena pāramitāparibhāvanasamiddhāhi nānāvihārasamāpattiparipūritāhi sīladiṭṭhisampadādīhi susaṅkhatasantāne mahākaraṇādhi vāse mahāsatte bodhisatte ariyūpavādakammaṃ abhisapasaṅkhātaṃ pharusavacanaṃ pavattitaṃ, taṃ mahāsattassa khattavisesabhāvato tassa ca ajjhāsaya pharusatāya diṭṭhadhammavedanīyaṃ hutvā sace so mahāsattaṃ na khamāpeti, taṃ kakkhaḷaṃ hutvā vipaccanasabhāvaṃ jātaṃ, khamāpīte pana mahāsatte payogasampatti paṭibāhitattā avipākadhammataṃ āpajjati aho sikammabhāvato. Ayañhi ariyūpavādapāpassa diṭṭhadhammavedanīyassa ca dhammatā. Yaṃ taṃ bodhisattena sūriyuggamananivāraṇaṃ kataṃ, ayaṃ bodhisattena diṭṭho upāyo. Tena hi ubbāḷhā manussā bodhisattassa santike tāpasam ānetvā khamāpesuṃ. Sopi ca mahāsattassa guṇe jānitvā tasmiṃ cittaṃ pasādesi. Yaṃ panassa matthake mattikāpiṇḍassa ṭhapanam tassa sattadhā phālanam kataṃ, taṃ manussānam cittaṇurakkhaṇattham. Aññathā hi ime pabbajitā samānā cittaṃ vasaṃ vattanti, na pana cittaṃ mātano vasaṃ vattāpentīti mahāsattampi tena sadisaṃ katvā gaṇheyuṃ, tadassa nesaṃ dīgharattaṃ ahitāya dukkhāyāti. **Patirūpanti** yuttaṃ.

Tissasuttavaṇṇanā niṭṭhitā.

## 10. Theranāmakasuttavaṇṇanā

244. **Atīte khandhapañcaketī** atīte attabhāve. **Chandarāgappahānenāti** chandarāgassa accantameva jahanena. **Pahīnaṃ nāma hoti** anapekkhapariccāgato. **Paṭinissatṭhaṃ nāma hoti** sabbaso chaḍḍitattā. **Tayo bhaveti** iminā upādiṇṇakadhammānaṃyeva gahaṇaṃ. **Sabbā khandhāyatanadhātuyo cāti** iminā upādiṇṇānampi anupādiṇṇānampi dvidhā pavattalokiyadhammānaṃ gahaṇaṃ avisesetvā vuttattā. **Viditaṃ pākaṭaṃ katvā ṭhitaṃ** pariññābhisaṃmayavasena. **Tesvevāti** tebhūmakadhammesu eva. **Anupalittaṃ** amathitaṃ asaṃkiliṭṭhaṃ taṇhādiṭṭhisamkilesābhāvato. **Tadeva sabbanti** heṭṭhā tīsupi padesu idha sabbaggahaṇena gahitaṃ tebhūmakavaṭṭaṃ. **Jahitvāti**

pahānābhisamayavasena. Taṇhā khīyati etthāti **taṇhakkhayasankhāte nibbāne vimuttaṃ**. **Tamahanti** taṃ uttamapuggalaṃ ekavīhāriṃ brūmi taṇhādutiyaṃ abhāvato. Ettha ca pariññāpahānābhisamayakathanena itarampi abhisamayaṃ atthato kathitamevāti daṭṭhabbaṃ.

Theranāmakasuttavaṇṇanā niṭṭhitā.

### 11. Mahākappinasuttavaṇṇanā

**245. Mahākappinoti** pūjāvacaṇametaṃ yathā “mahāmogallāno”ti. **Tathārūpanti** “buddho dhammo”tiādikaṃ guṇavisesavantaṃ paṭibaddhaṃ. **Sāsananti** desantarato āgatavacaṇaṃ. **Jaṅghavāṇijāti** jaṅghacārino vāṇijā. **Kiñci sāsananti** apubbapavattidīpaṃ kiñci vacananti pucchi. **Pīti uppajji** yathā taṃ suciraṃ katābhinihāratāya paripakkañāssa. **Aparimāṇaṃ** guṇassa aparimāṇato sabbaññūguṇaparidīpanato, sesaratanadvaye niyyānikabhāvadīpanato diṭṭhisīlasāmaññaṃ saṃhatabhāvadīpanatoti vattabbaṃ. Yathānusiṭṭhaṃ paṭipajjamāne apāyadukkhatō saṃsāradukkhatō ca apatante dhāretīti **dhammo**. Suparisuddhadiṭṭhisīlasāmaññaṃ saṃhatoti **saṅgho**ti. Ratanattho pana tiṇṇampi sadiso evāti.

**Navasatasahassāni adāsi** devī. **Tumheti** rājiniṃ gāravena bahuvacaṇena vadati. **Rāgoti** anugacchantarāgo.

**Janiteti** kammakilesehi nibbattite. Kammakilesehi pajātattā pajāti pajāsaddo janitasaddena samānatthoti āha – “**janite, pajāyāti attho**”ti. **Aṭṭhahi vijjāhīti ambaṭṭhasutte** (dī. ni. 1.278) āgatanayena. Tattha hi vipassanāñāṇamanomayiddhīhi saha cha abhiññā “aṭṭha vijjā”ti āgatā. **Tapati** paṭipakkhavidhamanena vijjotati, taṃ sūriyassa virocanti āha – “**tapatīti virocātī**”ti. Jhānaṃ samāpajjivā samāhitena cittaṃ vipassanaṃ vaḍḍhetvā phalasaṃpattim samāpajjivā nisinnoti āha – “**duvidhena jhānena jhāyamāno**”ti. **Sabbamaṅgalagāthā**ti sabbamaṅgalāvirodhī gāthāti vadanti. Tathā hi vadanti –

“Maṅgalaṃ bhagavā buddho, dhammo saṅgho ca maṅgalaṃ;  
Sabbesampi ca sattānaṃ, sa puññavitamaṅgala”nti.

**Pūjaṃ kāretvā** ekaṃ agārikadhammakathikaṃ upāsakaṃ āha. Ettha ca “jhāyī tapatī”ti iminā ārammaṇūpanijhānānaṃ gahitattā dhammaratanaṃ gahitameva. “Brāhmaṇo”ti iminā saṅgharatanaṃ gahitameva. Buddharatanaṃ pana sarūpeneva gahitanti.

Mahākappinasuttavaṇṇanā niṭṭhitā.

### 12. Sahāyakasuttavaṇṇanā

**246. Sammā saṃsandanasavasena** eti pavattatīti sameti, sammādiṭṭhiādi. Sammā cirarattaṃ cirakālaṃ sameti etesaṃ atthīti **cirarattaṃsametikā**. Tenāha “**dīgharatta**”ntiādi. **Idāni imesanti** etarāhi etesaṃ. **Ayaṃ sāsanadhammo** ajjhāsayaṭo payogato ca sammā **saṃsandati sameti**, tasmā majjhe bhinnaṃ viya samameva na visadisāṃ. Kiñca tato eva **buddhena** bhagavatā paveditadhammavinaye **etesam** paṭipattisāsanadhammo **sobhati** virocātīti attho. **Ariyappavediteti** ariyena sammāsambuddhena sammadeva pakāsīti ariyadhamme. Sammadeva samucchadapaṭippassaddhivinayānaṃ vasena **suṭṭhu vinītā** sabbakilesadarathapariḷāhānaṃ vūpasameva.

Sahāyakasuttavaṇṇanā niṭṭhitā.

Sāratthappakāsiniyā saṃyuttanikāya-aṭṭhakathāya

Bhikkhusaṃyuttavaṇṇanāya līnatthappakāsanā samattā.

Niṭṭhitā ca sārathappakāsiniyā

Samyuttanikāya-aṭṭhakathāya nidānavaggavaṇṇanā.